


საქართველოს სპირიტუალური მემკვიდრეობა



1

საქართველოს სპირიტუალური მემკვიდრეობა
თბილისი-1995




ჯვარი ვაზისა - შემკული მოციქულთა სწორის, წმიდა ნინოს თმით. IVს.

ძლიერებაო ჯვარო ვაზისაო,
დაგვიცევ და დაგვიფარე ჩვენ.

ქრისტი

ანსის



დაიბეჭდა უწმიდესისა და უნეტარესის, სრულიად საქართველოს კათოლიკოს-პატრიარქის,
ილია II ლოცვა-კურთხევით





፳ግ፳፻፳ግ

ቦግብግግ፳፻፳፻

ግ፳ ተግግግ፳፻፳፻

፱ግግግግ፳፻፳፻፳፻



ძლევა ჯვართა ბარბაროზთა ზედა ღვთიერ-დაცულსა ერსა ჩვენსა მონიჭე და
საფარველსა ქვეშე მისსა დაიცევ. უფალო

“–შენ გეაჩები, შენს ვედრებას, გულით ნათმენი,
სად წამოსული მონა შენი, მონა ყარები:
არ დაუკეტო საქართველოს პონტის კარები,
არ მომიკვეთო შენს ჯვარს მიწა, შენით ნათელი.
რად მეჩვენება ჟამი ჭირთა მოახლოების,
რისხვა განგების, შემოწყრომა მაღალ სამართლის;
რატომ ჩანს შავად უსაზღვრობა აღმოსავლეთის,
რად მესმის გლოვა შორი ქართლის სამრეკლოების.
რად მესიზმრება ხმალი, ტარში გადამსხვრეული,
ტანჯვა, გოდება, ბედშავობა, ცრემლი მალული,
რად დამდევს ლანდად ბედწამხდარი ჩემი მამული.
მამული, შენს ჯვარს მოწყვეტილი და დამწყვდეული
აკმარე ჭირი, მტრის მონობა, სპარსი, არაბი,
აშორე ცრემლი, უსჯულობა, წარღვნა, ქარაფი;
შენ გვედრები, შენს დიდ გზაზედ ლოცვით მარები:
არ დაუკეტო საქართველოს პონტის კარები”.



ԱՎՓՇԵՆ Ա ՃԵՆ՝
ԴԿՆԷ ԻԴԴԻՆՆԷ
ՃԱԴԷ

ჟურნალის ეს ნომერი მთლიანად აფხაზეთს ეძღვნება. ჩვენი მიზანი ერთია... მკითხველს ვუთხრათ, რომ აფხაზეთი საქართველოა... საქართველოს ძირძველი კუთხეა. ბოლო ხანს (ადრე კი, ამის უფლება არ არსებობდა) ამაზე ძალიან ბევრს წერენ.

გვიან შუა საუკუნეებში, როცა ჩრდილო კავკასიონის მთებიდან ამ მიწაზე უცხო ტომის შვილები შემოვიდნენ, (ისინი, ალბათ, არც ისე ბევრნი იყვნენ. ყოველი შემთხვევისათვის, დღეს არაის არ ძალუძს მათი რაოდენობის დადგენა), საქართველომ ისინი მიიღო და შეიკვდლა. და საბოლოოდ, ყველას ერთად, დამხვდურთაც და მოსულთაც ეწოდათ აფხაზები... მთელი კუთხის, ადრე კი, მთელი დასავლეთ საქართველოს, ანაც, საერთოდ, სრულიად საქართველოს მკვიდრთა სახელი. თვით ეს ტომები საკუთარ თავს არ უწოდებენ აფხაზს... ამ სახელს მათ ისევ და ისევ ჩვენ ვეძახით (ამაშიც მათ მიმართ ჩვენი კეთილი ნება იხატება). ახლა კი, როცა საჭიროდ სცნეს მათი ერთმანეთისაგან გამოცალკეება, ეს იოლი აღარ აღმოჩნდა, ამიტომაც, ძალზე ხშირად, უფრო მეტად გაუცნობიერებლად, დღევანდელ ადიღებს, აბაზებს, ასევე აფსუებს ხალხიც და მთელ რიგ სტატიათა ავტორებიც აფხაზებად მოიხსენიებენ. ცხადია, ეს ასე არ უნდა იყო.

ჩვენს ჟურნალშიც ასეა. დამკვიდრებულ ჩვეულებას ზოგჯერ ვერც ჩვენ ვუკლით გვერდს.

დღევანდელ აფხაზ-აბსუას, იმ აბსუას (ან თუნდაც ადიღს, აბაზს), რომელმაც არძინბა წარმოშვა, არაფერი აქვს საერთო ამ კუთხის მცხოვრებ ძირძველ მოსახლეობასთან.

და ზაინც, ქართველი კაცი, ყოველივე იმის შემდეგაც კი, რაც აფხაზეთში მოხდა, ამ კუთხეში მცხოვრებ არც ერთ მოსახლეს (რა ტომისაც არ უნდა იყოს იგი) არ აჭერის თავისი კარ-მიდამოდან, არ ააწიოკებს ქალებს, ბავშვებს, მოხუცებს... ამის უფლებას კაცთმოყვარეობისა და ადამიანობის მრავალსაუკუნოვანი ტრადიცია არ მისცემს მას.

ქართველ ხალხს თავისი ისტორიის მანძილზე არასოდეს სხვისი არაფერი მიუსაკუთრებია. მისი ომი ყოველთვის თავდაცვითი იყო, სამართლიანი და მაინცდამაინც, აფხაზეთი დაიპყრო საქართველომ? მართლა ასეა ეს? და თუ ასეა, ან ასე არაა, ვინ არიან ეს აფხაზები?... რამდენი ეართ ჩვენ, ბოლოსდაბოლოს?

ჩვენ თავი მოვეყარეთ სხვადასხვა ნააზრევს. ზოგს (უკვე უმეტესობას), დღევანდელი აფხაზები, (მათი ერთი ნაწილი) მოსულ ხალხად მიაჩნია, რომელთაც ჩვენვე ვუწოდებთ ეს სახელი... ზოგი მათ აბორიგენებად მიიჩნევს.

მაგრამ ვინც არ უნდა იყვნენ, ამ ბოლო ორ საუკუნეებში, ჩვენ მათ საკუთარ მომხმებელ ვთვლიდით. ძლიერი იყო ჩვენში ნათესაური ტრადიცია. მაგრამ შემდეგ, ოდეს გარეშე ძალას ზღვისპირეთის "სიყვარული" მოეძალა, ყოველივე აიშალა და აიწეწა. ცრუმეცნიერული გამოკვლევებითა და ყალბი ქადაგებებით მოწამლეს ახალგაზრდობა. ყოველივე მან, მწარე ნაყოფი გამოიღო. უფალი არ გასწირავს ამ პატარა საქრისტიანო მიწას.

"განამტკიცნის უფალმან ყოველნი დაცემადნი

და აღჰმართინს ყოველნი დაცემულნი"

ფერილები, ეპისტოლენი

მის ყოვლადუწმიდესობას **ბართოლომეოს I**,
კონსტანტინოპოლის - ახალი რომის მთავარეპისკოპოს-
სა და მსოფლიო პატრიარქს

თქვენო ყოვლადუწმიდესობავ!

საქართველოს მართლმადიდებელი ეკლესიისა და მორწმუნე მრევლის სახელით, ძმური სიყვარულით მოგმართავთ თხოვნით, ხმა აღიმალლოთ იმ დაუფარავი აგრესიის წინააღმდეგ, რომელსაც საქართველოს ტერიტორიაზე ანხორციელებენ რუსეთის ფედერაციიდან შემოჭრილი ტერორისტული ბანდები აფხაზ სეპარატისტებთან ერთად.

მათ სურთ, დაარღვიონ საქართველოს სუვერენული სახელმწიფოს მთლიანობა და ამ მიზნის მისაღწევად არაფერს ერიდებიან; ხოცავენ მშვიდობიან მოსახლეობას, ძარცვავენ ოჯახებს, წვავენ სახლებს, შეურაცხყოფენ ქალებს... ყოველივე ამას კი მხარს უჭერენ და საბრძოლო ტექნიკით ამარაგებენ რუსეთის რეაქციული ძალები.

იქმნება რეალური საფრთხე მსოფლიო მნიშვნელობის გლობალური კონფლიქტისა, რომელმაც შეიძლება მოიცვას მრავალი ქვეყანა.

გთხოვთ, ამ მძიმე სიტუაციის შესახებ აცნობოთ ყველა მართლმადიდებელი ეკლესიის მეთაურებს და ადავლინოთ ლოცვა საქართველოს მშვიდობისა და კეთილდღეობისათვის.

ქრისტეანული ძმური სიყვარულით **ილია II**
სრულიად საქართველოს კათოლიკოს-პატრიარქი



სრულიად საქართველოს კათოლიკოს-პატრიარქი
უწმიდესი და უნეტარესი ილია II

მის უწმიდესობას და უნეტარესობას, მოსკოვი-
სა და სრულიად რუსეთის პატრიარქს
ალექსის

თქვენო უფმიდესობავ!

მოგმართავთ საქართველოს მართლმადიდებელი ეკლესიის წმიდა სინოდის, სამღვდლოთა და მორწმუნე მრევლის სახელით... მოგმართავთ უდიდესი ტკივილის განცდით და გაუწყებთ, რომ რუსეთის ფედერაციიდან საქართველოში, კერძოდ, აფხაზეთში, ჩვენი ქვეყნის ამ ძირძველ მიწაზე შემოიჭრნენ შეიარაღებული ტერორისტული ჯგუფები, რომელნიც აფხაზ სეპარატისტებთან ერთად შემზარავ დანაშაულობებს სჩადიან. ძარცვავენ და წამებით ხოცავენ მშვიდობიან მოსახლეობას, აუპატიურებენ ქალებს, ჰკლავენ ბავშვებს, წვავენ საცხოვრებელ სახლებს. ყოველივე ამას მხარს უჭერენ და საბრძოლო იარაღით ამარაგებენ რუსეთის რეაქციული ძალები... რითაც დიდ საფრთხეს უქმნიან არა მხოლოდ საქართველოს, არამედ თვით დემოკრატიული რუსეთის არსებობასაც.

ჩვენ ყველამ უნდა შევძლოთ ამ საშიშროების დანახვა. იგი დროზე უნდა შევაჩეროთ.

გამოვიტხოვთ თქვენს სულიერ თანადგომასა და ღოცვებს საქართველოს ტანჯული ხალხისათვის.

ჩვენმა წმიდა ეკლესიებმა ყველაფერი უნდა გააკეთონ, რათა არ დაირღვეს ძმური კავშირი რუსეთსა და საქართველოს შორის.

ქრისტესმიერი ძმური სიყვარულით **ილია II**
სრულიად საქართველოს კათოლიკოს-პატრიარქი

მის უწმიდესობას, რომის პაპს - **იოანე-პავლე II-ს**

თქვენო უფმიდესობავ, ქრისტესმიერი სავვაპილო კპაო

საქართველოსათვის მეტად მძიმე განსაცდელის ჟამს, მოგმართავთ თხოვნით, გამოიყენოთ თქვენი დიდი ავტორიტეტი და ხმა აღიმადლოთ იმ დაუფარავი აგრესიის წინააღმდეგ, რომელსაც საქართველოს ტერიტორიაზე აფხაზ სეპარატისტებთან ერთად ანხორციელებენ სხვადასხვა ქვეყნებიდან შემოჭრილი ტერორისტული ბანდები.

მათ სურთ დაარღვიონ საქართველოს სუვერენული სახელმწიფო მთლიანობა და ამ მიზნის მისაღწევად არაფერს ერიდებიან; ხოცავენ მშვიდობიან მოსახლეობას, ძარცვავენ ოჯახებს, წვავენ სახლებს, შეურაცხყოფენ ქალებს... ყოველივე ამას კი მხარს უჭერენ და საბრძოლო ტექნიკით ამარაგებენ რუსეთის რეაქციული ძალები.

იქმნება რეალური საფრთხე მსოფლიო მნიშვნელობის გლობალური კონფლიქტისა, რომელმაც შეიძლება მოიცვას მრავალი ქვეყანა.

გამოვთქვამთ იმედს, რომ თქვენი ჩარევა ხელს შეუწყობს საქართველოს დამოუკიდებელი რესპუბლიკის ხელშეუხებლობის დაცვას და ჩვენს მიწაზე აგრესორთა თარეშის აღკვეთას.

ღრმა პატივისცემით **ილია II**
სრულიად საქართველოს კათოლიკოს-პატრიარქი

მსგავსი წერილები გაეგზავნა ყველა მართლმადიდებელ და არამართლმადიდებელ ეკლესიათა მეთაურებს, ასევე, წმიდა ათონის მთის მამებს.

მის აღმატებულებას, ბატონ **ეპილიო კასტროს**,
ეკლესიათა მსოფლიო საბჭოს გენერალურ მდივანს

თქვენო აღმატებულება, ბატონო ბენედიკტო მდივანო!

საქართველოს მართლმადიდებელი ეკლესია, როგორც წვერი ეკლესიათა მსოფლიო საბჭოსი, მოგმართავთ თხოვნით, ხმა აღიმადლოთ იმ დაუფარავი აგრესიის წინააღმდეგ, რომელსაც საქართველოს ტერიტორიაზე ანზორციელებენ რუსეთის ფედერაციიდან შემოჭრილი ტერორისტული ბანდები აფხაზ სეპარატისტებთან ერთად.

მათ სურთ, დაარდიონ საქართველოს სუვერენული სახელმწიფოს მთლიანობა და ამ მიზნის მისაღწევად არაფერს ერიდებიან; ხოცავენ მშვიდობიან მოსახლეობას, ძარცვავენ ოჯახებს, წვავენ სახლებს, შეურაცხყოფენ ქალებს... ყოველივე ამას კი მხარს უჭერენ და საბრძოლო ტექნიკით ამარაგებენ რუსეთის რეაქციული ძალები.

იქმნება რეალური საფრთხე მსოფლიო მნიშვნელობის გლობალური კონფლიქტისა, რომელმაც შეიძლება მოიცვას მრავალი ქვეყანა.

გამოვთქვამთ იმედს, რომ საერთაშორისო დემოკრატიული ძალებისა და თქვენი წვერი ეკლესიების უშუალო ჩარევა დროულად შეუწყობს ხელს ამ საშიშროების აღკვეთას.

ილია II

სრულიად საქართველოს კათოლიკოს-პატრიარქი

მის აღმატებულებას, ბატონ **ჟან ფიშერს**,
ევროპის ეკლესიათა კონფერენციის გენერალურ მდივანს

თქვენო აღმატებულება, ბატონო ბენედიკტო მდივანო!

კიდევ ერთხელ გულითადად გილოცავთ ქრისტეს შობის დღესასწაულს და ახალ წელს. ჩვენ დიდი სიყვარულით მივიღეთ ერთობლივი დელეგაცია ემს და ეეკ-ისა. ჩვენ ვეცადეთ, რომ მათ ზუსტი ინფორმაცია მიეღოთ საქართველოში დღეს არსებული მდგომარეობის შესახებ. ეს მეტად მნიშვნელოვანია, რადგან ევროპაში ხშირად, მხოლოდ რუსეთის მიერ მიწოდებული ინფორმაცია ვრცელდება, რაც სინამდვილეს არ შეესაბამება.

მინდა გითხრათ, რომ ე.წ. სამხრეთ ოსეთსა და აფხაზეთში შექმნილი კონფლიქტი არის გარეშე ძალების მიერ ზელოვნურად თავს მოხვეული, რათა ხელი შეუშალოს საქართველოს დამოუკიდებლობის განვითარებაში.

სურვილი გვაქვს მუდმივად მოგაწოდოთ ობიექტური ინფორმაცია აქ არსებული რეალური მდგომარეობის შესახებ, რათა გავრცელდეს მთელს მსოფლიოში.

ეს იქნება ჩვენთვის დიდი დახმარება.

გამოვთქვამთ იმედს, რომ თქვენი მორალური მხარდაჭერა და თანადგომა კარგ შედეგს გამოიღებს.

საქართველოს ეკლესია დიდად ცდილობს გამოიყენოს თავისი ავტორიტეტი მდგომარეობის გამოსასწორებლად და ხალხთა შორის მშვიდობის დასამყარებლად.

დიდ მადლობას გიძღვნით დელეგაციის გამოგზავნისა და დიდი ყურადღებისათვის.

ღრმა პატივისცემით **ილია II**

სრულიად საქართველოს კათოლიკოს-პატრიარქი



**მის აღმატებულებას, ბატონ ბუტროს ბუტროს ბაღის
გაერთიანებული ერების ორგანიზაციის გენერალურ მდივანს**

თქვენო აღმატებულება, ბატონო გენერალური მდივანო

გულითადად მოგესალმებით საქართველოს მართლმადიდებელი, მორწმუნე ერის სახელით.

ჩვენ დიდად ვაფასებთ იმ წვლილს, რაც შეაქვს მსოფლიო მშვიდობის დაცვაში გაერთიანებული ერების ორგანიზაციას.

მეტად დიდად პირადად თქვენი დეაწლი სხვადასხვა კონფლიქტთა მშვიდობიანი გზით მოგვარებაში. კარგად გვესმის, თუ რა რთულ პირობებში გიხდებთ ამ საპასუხისმგებლო, მეტად მძიმე, მაგრამ დიდად საპატიო მისიის შესრულება. იმ ქვეყნებს შორის, რომელთაც გაეროს დახმარების დიდი იმედი აქვს, საქართველოცაა.

ამჟამად ჩვენი ქვეყანა, მოგესხენებათ, ერთ-ერთ რთულ რეგიონს წარმოადგენს. თავისი განსაკუთრებული გეოპოლიტიკური მდებარეობის გამო მისდამი გამორჩეულ ინტერესს ყოველთვის იჩენდნენ სხვადასხვა ქვეყნები. აფხაზეთისა და ე.წ. სამხრეთ ოსეთის კონფლიქტებიც ხელოვნურად იყო შექმნილი გარეშე ძალების მიერ საქართველოს მთლიანობის დარღვევის მიზნით და ამას დღეს უკვე მთელი მსოფლიო ხედავს.

უკვე ერთი წელია აფხაზეთის მოსახლეობის უდიდესი ნაწილი ლტოლვილია. ლტოლვილთა შორის არიან არა მარტო ქართველები, რუსები, ბერძნები... არამედ აფხაზებიც. მათ ბედს იზიარებს ამ ეპარქიის სამღვდელოების უმრავლესობა.

სასულიერო პირნი იძულებულნი იყვნენ დაეტოვებიათ აფხაზეთი, რადგან მრევლის უდიდესი ნაწილი წამოვიდა უმძიმესი, მაგრამ ერთადერთი გზით – სვანეთის მაღალმთიანი და თოვლიანი უღელტეხილების გადმოვლით. ხალხს ჭირდებოდა თანადგომა და გამხმნეება ამ ურთულესი მანძილის გადალახვაში. აფხაზმა მკვლელებმა არ დაინდეს იქ დარჩენილი მოძღვრები: სრულიად უდანაშაულო, ღვთისა და ხალხის ჭეშმარიტი მსახური მამა ანდრია ავტომატის ჯერით დაცხრილეს; დღემდე უგზო-უკვლოდ არის დაკარგული მეორე მოძღვარი, დეკანოზი ლავრენტი კრავცოვი – ეროვნებით რუსი... ასევე, ეკლესიის სხვა მსახურნი.

დღეს, როდესაც გაჩნდა იმედი ამ ხალხის მამა-პაპისეულ მიწაზე დაბრუნებისა, მიგვაჩნია, რომ ლტოლვილთა პირველ ნაკადშივე აუცილებელია სასულიერო პირთა შეყვანა, რათა მათ ჯადაგებებით და ქრისტიანული სიყვარულით განმუხტონ იქ დაძაბულობა და კონფლიქტური სიტუაციები.

ვფიქრობთ, იგივე უნდა გაკეთდეს შიდა ქართლშიც – ე.წ. სამხრეთ ოსეთში.

გთხოვთ, გაგვიწიოთ დახმარება სასულიერო პირთა დაბრუნებაში მათი მსახურების ადგილებზე.

იმედი გვაქვს, თქვენი უშუალო ჩარევით საქართველოში და მთელს კავკასიის რეგიონში დამყარდება მშვიდობა.

კიდევ ერთხელ გისურვებთ დიდ წარმატებებს და ღვთის ღოცვა-კურთხევას.

ღმრთა პატივისცემით **ილია II**
სრულიად საქართველოს კათოლიკოს-პატრიარქი



მწყემსი კეთილი

ქართულ წყაროთა თანახმად, ქრისტეშობამდე რამოდენიმე ათასწლეულით ადრე, არა მხოლოდ თანამედროვე აფხაზეთი, არამედ მის ჩრდილოეთ მოქცეული ზღვისპირა ტერიტორია მდინარე ყუბანამდე დასახლებული ყოფილა ქართველი ხალხის - მეგრელთა ეთნიური ჯგუფით. ამას მიუთითებს "ქართლის ცხოვრება". ცნობილია, რომ პინგოროფა "ქართლის ცხოვრების" ზოგიერთ ნაკვეთს ანტიკურ ეპოქაში (ქრისტეანობამდე) შექმნილ ძეგლად მიიჩნევა. მართლაც, ამ დიდი წიგნის ერთი ნაწილი, რომელიც რედაქტირებულ-დაწერილია ლეონტი მროველის მიერ, არ იცნობს სიტყვებს "აფხაზეთი", "აფხაზი". ეს ფაქტი, ჩვენი აზრით, წყაროს სიძველის მაუწყებელია. ვფიქრობთ, შეუძლებელია XI და მის წინა საუკუნეებში აფხაზეთის ქართული სამეფოს განსაკუთრებული სიძლიერის დროს, აღნიშნული სიტყვა მოუხსენიებელი დარჩენილიყო.

"ქართლის ცხოვრების" თანახმად, ქართველი ერის ეთნარქებს - ქართლოსს, ეგროსს და პეროსს მიეცათ საუფლებო ქვეყნები - "ხოლო ეგროსს მიეცა ქვეყანა ზღვის ყურისა და უჩინა საზღვარი. აღმოსავლეთით მთა მცირე, რომელსა

აფხაზეთის ეპარქია

ანანია (ჯაფარიძე)

მთავარეპისკოპოსი მანგლისის ეპარქიისა

აწ ჰქვიან ლიხი, დასავლეთ ზღვა, ჩრდილოთ მდინარე მცირისა ხაზარეთისა, სადაც წარწედების წვერი კაკასიისა, ხოლო ამან ეგროს ალაშენა ქალაქი და უწოდა სახელი თვისი ეგროსი, აწ მას ადგილსა ჰქვიან ბეღია" (ქ.ც. I, 1955, გვ. 5). აქედან ჩანს, რომ, ამ წყაროს მიხედვით, ქართველი ხალხის მეგრელთა ეთნოჯგუფით დასახლებული იყო არა მხოლოდ მთელი ამჟამინდელი აფხაზეთი, არამედ, მის ჩრდილოეთით, ზღვისკიდეთში მდებარე ტერიტორიაც, ვიდრე მდინარე "მცირე ხაზარეთამდე" (ნ.ბერძენიშვილის თანახმად ესაა მდინარე ყუბანი). იმ დროისათვის მთელ აღნიშნულ ტერიტორიას მდ. ყუბანამდე "ეგროსი" ეწოდებოდა. ვახუშტის თანახმად, ტერმინი "აბასა", "აფხაზეთი" გაჩნდა მოგვიანებით. მართლაც, ყველა უცხოური წყარო, რომელიც I საუკუნემდე აღნიშნული მხარის ეთნიკურ სახეს აღწერს, ძირითადად ლაზებით დასახლებულად მიიჩნევს.

აბაზების ტომებს უცხოური წყაროები მხოლოდ I საუკუნის შემდეგ მოიხსენიებენ. ვახუშტიც, აღნიშნული ეპოქის აღწერისას წერს: "ხოლო ანაკოფიის დასავლეთით არს აფხაზეთი. პირველად წოდებული აგრეთვე ეგროსი, რამეთუ ვინაითგან წილი ეგროსისა არს ზღვადმდე. ამის გამო ეწოდა "ეგროსი", არამედ შემდგომად განდგომისა, დაიპყრეს რა ბერძენთა, მათ უწოდეს აბასა, ხოლო ქართველთა - აფხაზეთი" (ქ.ც. IV 1973. გვ. 784).

უძველეს დროს ისტორიული ეგროსი გაიყო ორ ნაწილად, შემდგომ ერთ ნაწილს ეწოდა ოდიში (სამეგრელო), ხოლო მეორე ნაწილს - აფხაზეთი. საზღვარი ოდიშსა და აფხაზეთს შორის გადიოდა ანაკოფიასთან, ანუ თანამედროვე ახალ ათონთან. ვახუშტი წერს - ქალაქი ანაკოფია ბაგრატიონ მეფეებს აუშენებიათ "არამედ აწ ოხერ არს და საზღვარი ოდიშისა და აფხაზეთისა. ამ ანაკოფიის აღმოსავლეთ ზღვიდამ მთამდე შეავლო ზღუდე დიდი ლევან დადიანმან - აფხაზეთა გამოუსვლელიობისათვის, გარნა აწ უქმად არს" (ქ.ც. IV გვ. 782).

XVII ს-ში ლევან II დადიანმა და აფხაზეთის ქართველმა ეპისკოპოსებმა, რომლებიც ლტოლვილნი იმყოფებოდნენ ოდიშის მთავრის კარზე, ააგეს უდიდესი თავდაცვითი ნაგებობა-გალავანი, თავისი კომპეტით, ე.წ. აფხაზეთის დიდი კედელი, რომლის შემწეობითაც ცდილობდნენ ოდიში მაინც გადაერჩინათ ჩრდილოკაკასიიდან.

შემოსული მებრძოლი მთიელი ტომების შემოჭრისაგან. ეს მთიელი ტომები, უკვე XVI საუკუნიდან, განსაკუთრებით კი XVII ს-ში, საქართველოს ისტორიულ-ეთნოგრაფიულ კუთხე-აფხაზეთში დაპყრობების გამო აფხაზეთად იწოდნენ. თუმცა კი თავიდანვე ცნობილი იყო მათი ეთნიკური განსხვავება ძველი აფხაზეთისაგან. როგორც პ. ინგოროვამ გაარკვია, ძველი აფხაზეთი ქართველები იყვნენ, ხოლო ახალი აფხაზეთი ადიღე-ჩერქეზული წარმომავლობის ტომია. ნ. ბერძენიშვილი წერს: "აფხაზი ისეთივე ქართველი იყო, როგორც ეგრისი და მეგრული, როგორც ჰერეთი და ჰერი, როგორც ქართლი და ქართლელი". თანახმად ნ. ბერძენიშვილისა, იმის შემდგომაც კი, რაც დასავლეთ საქართველო მოიცავდა აფხაზთა სამეფომ (VIII ს.) და შეიქმნა ახალი სახელმწიფო, იქ ახალი ეთნიკური ერთობა "აფხაზი ხალხი" არ ჩამოყალიბებულა. აფხაზთა სამეფო ქართველთა სახელმწიფო იყო, ხოლო "აფხაზნი" ქართველები. - "არავითარი აფხაზი ფეოდალური ეროვნების კონსოლიდაცია არ მომხდარა, არავითარი მეგრული ფეოდალური ეროვნება არ ჩამოყალიბებულა. მან თავისი ადგილი ფეოდალურ ქართულ ეროვნებაში იპოვა. კიდევ უფრო მეტი საფუძველით, იგივე ითქმის აფხაზეთზე. აფხაზთა დინასტია სათავეში ჩაუდგა ქართული ფეოდალური სახელმწიფოს შენებას. ქართული კულტურის სამსახურს" (ნ. ბერძენიშვილი, საქ. ისტორიის საკითხები, 1990 წ. გვ. 592).

აფხაზეთის სამეფოში, რომლის მოსახლეობის უდიდეს უმრავლესობას ქართველები შეადგენდნენ, სახელმწიფო და საეკლესიო ენა მხოლოდ ქართული იყო. არავითარი კვალი არ არსებობს აფხაზური ენის რაიმე სფეროში გამოყენებისა. საერთოდ, ისიც კი დაუდგენელია, არსებობდა თუ არა ენა, რომელსაც ჩვენ დღეს "აფხაზურს" ეწოდებთ, ამ ქვეყნის ტერიტორიაზე. ნ. ბერძენიშვილის აზრით, ძველი აფხაზური სამეფო დინასტია არაქართული რომ ყოფილიყო, "ბერძენულის ადგილას აფხაზური დამწერლობა უნდა შექმნილიყო. ე.ი. უნდა შეეძინათ ყველა ის ნიშანი, რომელიც ფეოდალურ სახელმწიფოს ახასიათებს. VIII-IX საუკუნეები არის ეპოქა არა აფხაზი ეროვნების კონსოლიდირებისა ეგრის წყლის დასავლეთით, არამედ, აფხაზეთის საბოლოოდ შედგომა ქართულ ფეოდალურ ეროვნებაში საკონსოლიდაციოდ" (იქვე გვ. 591). აფხაზთა სამეფოს სომხურ წყაროებში "ეგრისის სამეფო" ეწოდებოდა, ხოლო აფხაზეთის მცხოვრებლებს "მეგრელები". ამ წყაროებში ეგრისელი და აფხაზი სინონიმებია. სწორედ, ამიტომ უწოდებდა აფხაზეთს გიორგი მთაწმიდელი ჩვენს ქვეყანას -

"ერთი წმიდათა თორმეტთა მოციქულთაგანი სიმონ ვიტყვი კანანელსა, ქვეყანასა ჩვენსა დამარხულ არს - აფხაზეთს, რომელსა ნიკოფსი ეწოდების. ამთ წმიდათა მოციქულთა განათლებულ ვართ". ანდრია პირველწოდებული დასავლეთ საქართველოში ჩავიდა მესხეთისა და ქართლის გავლის შემდგომ. "დიდ სებასტოპოლში - ცხუმში რომ ჩავიდნენ, იქადაგეს ღვთის სიტყვა. ანდრიამ დატოვა იქ სიმონი მოწაფეებითურთ და თვით წავიდა ჯიქეთში".

ეპიფანე კონსტანტინოპოლელის (VIII ს.) ბერძნულ ტექსტში ნათქვამია: "არს ჯიქეთს ნიკოფსიაში საფლავი, რომელსა აქვს წარწერა სიმონ კანანელისა".

მოციქულთა გარდა, დასავლეთ საქართველოში ქრისტიანობას ავრცელებდნენ რომის იმპერიიდან ქრისტიანთა ღვინის დროს ლტოლვილი ქრისტიანები I - III საუკუნეებში. ამ პერიოდში დასავლეთ საქართველოში მძლავრი ქრისტიანული კერები შექმნილა, იმდენად მძლავრი, რომ IV საუკუნის დასაწყისში, 325 წელს ორი ეპისკოპოსი ჩვენი ქვეყნისა - ბიჭვინთელი და ტრაპეზუნტელი მონაწილეობდა I მსოფლიო საეკლესიო კრებაში (ნიკეაში). მიუხედავად ამისა, ჩვენში ქრისტიანობა სახელმწიფო სარწმუნოებად წმ. ნინოს ქადაგებათა შედეგად იქცა. უცხოელი ავტორები მას დასავლეთ საქართველოს განმანათლებლადაც მიიჩნევენ. გელასი კვიზიკელი (V ს.) წერს, რომ წმ. ნინოს, ანუ "ტყვე დედაკაცის" მიერ ქრისტიანობა მიიღეს პონტოს გასწვრივ მიწა-წყალზე მცხოვრებმა იბერებმა და ლაზებმა. პინგოროვას თანახმად, ჭანეთ-ლაზეთში თვით XVII ს-მდე არსებულა გადმოცემა, რომ ამ მხარეში ქრისტიანობა წმ. ნინომ გაავრცელა. ჩვენი წყაროები წმ. ნინოს "ყოველი იბერიის" განმანათლებელს უწოდებენ. ისინი, როგორც წესი, "ყოველი იბერიის" სახით გულისხმობენ დასავლეთ საქართველოს მიწა-წყალს, აღმოსავლეთთან ერთად. აქედან გამომდინარე, წმიდა ნინოს მიერ ორგანიზებულ ქართული ეკლესიის ორისდიქციაში შედიოდა, როგორც აღმოსავლეთი, ისე დასავლეთი საქართველო. ქართული ეკლესია IV-V საუკუნეებში ქართული წყაროების თანახმად, უთუოდ მოიცავდა დასავლეთ საქართველოსაც, რაც გვაფიქრებინებს, რომ ქართული ენა წირვა-ლოცვისა და ღვთისმსახურებისათვის IV-V საუკუნეებში დასავლეთ საქართველოშიც გამოიყენებოდა. (არსებობს აზრიც, რომ აქ IX-X საუკუნეებამდე წირვა-ლოცვა ბერძნულ ენაზე მიმდინარეობდა). დასავლეთ საქართველოში ქართული ეკლესია თავის გავლენას ავრცელებდა VII საუკუნის 20-30-იან წლებამდე. VII ს. დასაწყისში დასავლეთ საქართველოში შემოიჭრა

ბიზანტიის იმპერატორი ჰერაკლე, რომელიც ებრძოდა სპარსელებს, აიღო თბილისი, საქართველოს სახელმწიფოს ჩამოაჭრა მიწა-წყლის ერთი ნაწილი - "ზღვისპირი" და მიუერთა ბიზანტიის იმპერიას. პოლიტიკურ ცვლილებას გამოუწვევია საეკლესიო იურისდიქციის ცვლილებაც. ბიზანტია-სპარსეთის შორის გაუღენის სფეროთა საზღვარი გადიოდა ე. წ. სკანდა-შორაპნის ხაზზე. სკანდა-შორაპნის ხაზის იქით მდებარე დასავლეთი საქართველოს მიწა-წყალი ბიზანტიამ მიიტაცა, გააუქმა ქართული ეკლესიის იურისდიქცია და ქართული ენის ნაცვლად დანერგა ბერძნული. სკანდა-შორაპნის ხაზის აღმოსავლეთით მდებარე მიწა-წყალზე ქართულმა ეკლესიამ ძველებურადვე გააგრძელა თავისი იურისდიქცია (იხ. "საქართველოს სამოციქულო ეკლესიის ისტორია", ეპ. ანანია ჯაფარიძე). მიტაცებულ მიწა-წყალზე დასავლეთ საქართველოში ბიზანტიამ შექმნა ლაზიკის მიტროპოლიის საეპისკოპოსოები: ფაზისისა, როდოპოლისისა (ვარციხისა), პეტრასის (ციხისძირი, ბათუმთან), ცაიშისა, ძიღანებისა (გუდაფეა, ილორთან).

ამის შემდეგ ე. ი. VII ს-დან ვიდრე IX-X საუკუნეებამდე, აღნიშნულ მიწა-წყალზე ღვთისმსახურების ფაშს გამოიყენებოდა ბერძნული საეკლესიო ენა, რომელიც აფხაზთა სამეფოს შექმნის შემდეგ შეცვალა ქართულმა. ეს უდიდესი მნიშვნელობის ფაქტი იყო. "აფხაზთა სამეფო" ქართული ეკლესიის უპირველეს და უდიდეს მფარველად და მუპატრონედ იქცა. ქართული ენა, ქართულენოვანი ღვთისმსახურება, ქართული უმდიდრესი სასულიერო კულტურა, მწერლობა, მხატვრობა, არქიტექტურა, გალობა აყვავდა და გამდიდრდა იმის შემდგომ, რაც გადამთიელ ბიზანტიელთა ძლიერება შეიმუხრა.

ისევე და ისევე დასავლეთი საქართველო IV-VI საუკუნეებში ქართული ეკლესიის იურისდიქციაში იმყოფებოდა. VII ს-დან ჰერაკლე იმპერატორის ლაშქრობათა შემდგომ ამ ქვეყნის უმეტესი ნაწილი შეიყვანეს კონსტანტინოპოლის საპატრიარქოს იურისდიქციაში. ხოლო VIII ს-ის შემდგომ, როცა მთელი დასავლეთი საქართველო აფხაზთა სამეფომ მოიცვა, თანდათანობით, ეკლესიებიდან გაძევებული იქნა ბერძნული ენა, ხოლო ქართული აღდგა ძველ უფლებებში. ჰერაკლე კეისრის ლაშქრობამდე დასავლეთ საქართველოს ქართული ეკლესიის იურისდიქციაში ყოფნის შესახებ მიუთითებენ სომხური წყაროები. იოანე სომეხთა კათალიკოსის ჩვენებით, მცხეთის (ქართლის) ეკლესიის მეთაური VI ს-ში იყო მამათავარი "იბერიელთა, გუგარელთა და ეგრისელთა". ქართული ეკლესიის მეთაური ეგრისის მთავარეპისკოპოსად ითვლებოდა "წინანდელ



შთასვლა ჯოჯობეთსა შინა

წესთა თანახმად" ე. ი. მიიჩნეოდა, რომ V საუკუნეშიც ("წინანდელ დროს") იგრისი ქართულ ეკლესიაში შედიოდა. ვახუშტის თანახმად კათალიკოსობის დაწესებამდე (ე. ი. V ს-მდე), მაშინ, როცა ქართულ ეკლესიას მთავარეპისკოპოსი მართავდა, დასავლეთ საქართველოში პროვინცია "ვაკე" (ცხენისწყალსა და რიონს შორის ტერიტორია) მის (ე. ი. მცხეთის) სამწყვსოს წარმოადგენდა (იხ. "ქართლის ცხოვრება" IX. გვ. 750). V საუკუნეში კათალიკოსობის დაწესების შემდეგაც პროკოფი კესარიელის მიხედვით, დასავლეთ საქართველოს ქრისტიანები კათოლიკოსს ექვემდებარებოდნენ. ცხადია, იგულისხმება მცხეთელი კათალიკოსი, რადგანაც მთელ საქართველოში V-VII საუკუნეებში მხოლოდ ერთი კათალიკოსი იჯდა.

ივ. ჯავახიშვილის თანახმად, ქართულ სამწერლო და კულტურის (ანუ სალიტერატურო) ენის შემუშავებაში თავის დროზე თავიანთი წვლილი შეუტანიათ მეგრულ და სვანურ ტომებს (ივ. ჯავახიშვილი, ტ. I გვ. 15). (საგულისხმოა, რომ სვანებს იბერიულ ტომად სტრაბონის დროსვე მიიჩნევდნენ).

ზოგი მეცნიერის აზრით, ქართული საეკლესიო ენა დასავლეთ საქართველოში გავრცელდა IX-X საუკუნეთა შემდგომ. ამ დროისათვის კი ქართული სამწერლო სალიტერატურო ენა სრულიად ჩამოყალიბებული იყო და ცხადია, მას შემუშავებ ალარ ესაჭიროებოდა. ქართული ენა სამწერლო ენად იქცა წმიდა ნინოს შემდგომ, ანუ IV-V საუკუნეებში. იგი ამ ეპოქებში უნდა შემუშავებინათ, რათა ეთარგმნათ ახალი და

ძველი აღთქმის წიგნები, შექმნათ საეკლესიო მწერლობა. ამიტომაც, თუკი მის შექმნა-შემუშავებაში მეგრულ-სვანებმა მონაწილეობა მიიღეს, ეს უნდა მომხდარიყო სწორედ IV-V საუკუნეებში, როცა მიმდინარეობდა ეს პროცესი. მართლაც, პალესტინის მონასტერში, სადაც აღმოჩენილია ერთ-ერთი პირველი ქართული წარწერები V საუკუნისა, პეტრე იბერთან ერთად, იოანე ლაზიკ მოღვაწეობდა.

საგულისხმოა, რომ სწორედ ამის გამო, აფხაზეთის სამეფოს ჩამოყალიბების შემდგომ, იქ ერთადერთ სახელმწიფო, სალიტერატურო და საეკლესიო ენად ქართული ცხადდება. VII ს-ის დასაწყისშიც კი, ჰერაკლეს ლაშრობამდე, ქართული ეკლესიის გაგუნას დასავლეთ საქართველოში მიუთითებს ქართული საეკლესიო არქიტექტურის არსებობა, მაგალითად, ეგრისში (მარტვილში) არის ჯვრის (მცხეთის ჯვრის) ტიპის არქიტექტურული ნაგებობა. არაბთა გამოჩენის შედეგად ბიზანტიის იმპერია დასუსტდა. ამით ისარგებლა აფხაზეთის ერისთავმა ლეონ I-მა და VIII-ს. 20-იან წლებში თავისი სამთავრო (კლისურას იქით მდებარე მიწა-წყალი) შეიფარა ქართლის სახელმწიფოს შემადგენლობაში. ამ დროისათვის სახელმწიფო საზღვარი ქართულ სამეფოსა და ბიზანტიის იმპერიას შორის გადიოდა მდინარე კლისურაზე. იმპერატორს მიუწერია კიდევ ერისთავ ლეონისათვის, მაშინ, როცა აფხაზეთის ეს მთავარი მის მორჩილებაში იმყოფებოდა: "ყოვლადვე საზღვართა ქართლისათა ჩვენგან ქმნილ არს გნება... ამიერიდან ნუღარმცა ხელგწვიფების გნებად მათდა და საზღვართა მათთა ეგრისათა" ("ქართლის ცხოვრება" I. გვ. 240), იგულისხმება ეგრის-აფხაზეთის გამყოფი საზღვრის დაცვა მდ. კლისურაზე. ჩვენი წყაროს თანახმად, ქართლის მეფე მირმა და აფხაზეთის ერისთავმა ლეონ I-მა დადეს შეთანხმება, რომლის ძალითაც ლეონ I იქცა ქართლის ერისთავად; შერთეს მირ მეფის ქალიშვილი, რის შემდგომაც მისი სამთავრო შევიდა ქართლის სამეფოს შემადგენლობაში; სანაცვლოდ მიიღო სამეფო რეგალია (ვითარცა ტახტის ერთ-ერთი მემკვიდრე ქალიშვილის ქმარმა (მირ მეფეს ვაჟი არ ჰყავდა) - სამეფო გვირგვინი, რაც მას გარკვეულ სამეფო უფლებებს ანიჭებდა. არჩილ მეფის (მირ მეფის ძმის) კახეთში გადასვლისა და წამების შემდგომ ლეონ I-ის ხელში გადავიდა ქართლის მეფეთა "საუხუცესო" ტერიტორია - მთელი დასავლეთი საქართველო - ეგრისი, არგვეთი, თაკვერი და გურია. დასავლეთ საქართველოში ამის შედეგად ჩამოყალიბდა ახალი პოლიტიკური ერთეული - "აფხაზთა სამეფო", რასაც ხელი შეუწყო ქართლის სამეფო დინასტი-

ის ამოწვევამ არაბთა მიერ. დასავლეთ საქართველოს ერთ პოლიტიკურ-ადმინისტრაციულ ერთეულად გაერთიანებას მოჰყვა იქ არსებული ეკლესიების გაერთიანებაც.

მდინარე კლისურას მარჯვენა სანაპიროზე, ანუ საკუთრივ აფხაზეთში, ძველთაგანვე არსებობდა აბაზგიის სამთავარებისკოპოსო. სკანდაშორაპნის ხაზამდე, როგორც აღინიშნა, ბერძნებმა დააარსეს ლაზიკის მიტროპოლიის საეპისკოპოსოები. ამ ხაზის აღმოსავლეთით, არგვეთში თავის იურისდიქციას ქართული ეკლესია ანხორციელებდა.

ამრიგად, დასავლეთ საქართველოში ფაქტურად სამი საეკლესიო ერთეული არსებობდა. "აფხაზთა სამეფოს" შექმნის შემდგომ, ყველა ეს ეკლესია თანდათანობით გაერთიანდა და ჩამოყალიბდა ერთიანი ეკლესია - "აფხაზეთის საკათალიკოსოს" სახელწოდებით. აფხაზეთის საკათალიკოსო წარმოადგენდა ქართული ეკლესიის ორგანულ ნაწილს, რასაც მიუთითებს მის ეკლესია-მონასტრებში ქართული საეკლესიო ენის გამოყენება, ბერძნულენოვანი საეპისკოპოსოების ნაცვლად, ქართულენოვანთა დაარსება.

აფხაზეთის, ანუ როგორც უცხოელები უწოდებდნენ, "ქვემო ივერიის" საკათალიკოსოს დაარსებას ვარაუდობენ 720-იანი წლებისათვის. იერუსალიმელი პატრიარქი დოსითეოსი წერდა XVII საუკუნეში: - "იბერიაში ორი ავტოკეფალური მთავარეპისკოპოსია, რომელთაც ქართველები უწოდებენ კათალიკოსებს. ქვემო იბერიას, რომელსაც ძველად კოლხეთს და ლაზიკას უწოდებდნენ, აქვს ეპარქიები იმერეთში, გურიაში, სამეგრელოში, სვანეთში და მესხეთის ნაწილში. ეს ეპარქიები ექვემდებარებოდნენ კონსტანტინოპოლის კათედრას ფასიდის მიტროპოლიტის საშუალებით. ასე რომ, ჰერაკლე კეისრის შემდეგ იმპერატორ ლევ ისაეროსამდე ქვემო იბერია უკვე იყო ავტოკეფალური სამთავარეპისკოპოსო, მაგრამ ჩვენ არ ვიცით, რომელი იმპერატორის დროს და რომელ კრებაზე მიანიჭეს მას ავტოკეფალია" (სარდელი მიტროპოლიტის მაქსიმეს წიგნიდან: "ქართული ეკლესია და მისი ავტოკეფალია", "თეოლოგია", ათენი, 1966, გვ.47-48).

მეორე იერუსალიმელი პატრიარქი - ხრისანდიც მსგავსადვე წერს: - "საქართველოში, რომელსაც ადრე იბერია ერქვა, იყო ორი ავტოკეფალური მთავარეპისკოპოსი, რომელთაც უწოდებდნენ კათალიკოსებს. ამათგან ერთს მთავარეპისკოპოსი "ქვემო იბერიისა" - ეწოდა - იმერეთის, ოსეთის, გურიის და სრულიად ქვემო იბერიის უნეტარეს კათალიკოსს. 26 ივნისის სენაქსარში ვპოულობთ, რომ იოანე გოთეთის ეპ-

ისკოპოსი ხელდასხმულ იქნა იბერიის კათალიკოსის მიერ (გულისხმობს "ქვემო იბერიის", ანუ აფხაზეთის კათალიკოსს - ეპ. ა.ჯ.), რადგან რომაულ ქვეყნებში ბატონობდა ხატომებრძოლთა ერესი. ასე, რომ, როგორც ჩანს, ჰერაკლეს შემდეგ ისავროსამდე, ქვემო იბერია სამთავარეპისკოპოსო გახდა" (იქვე გვ. 48). უცხოელთათვის "ქვემო იბერიის", ხოლო ჩვენთვის აფხაზეთის საკათალიკოსოს მიერ ავტოკეფალიის მოპოვებაში იგულისხმება ამ ეკლესიის მიერ დამოუკიდებლობის მიღება ბერძნული ეკლესიისგან, რაც სწორედ VIII ს-ში, კონსტანტინოპოლში აღორძინებული ხატომებრძოლური ერესის დროს მოხდა. მართლაც, ჩვენამდე მოღწეულია ბერძნულ წყაროთა ჩვენება, რომ VIII ს. შუა წლებში ანტიოქიაში ჩასულან იბერიის ეკლესიის წარმომადგენელი და ანტიოქიის საპატრიარქოს უცენია მათი დამოუკიდებლობა. ეს ცნობა დაუცავს ანტიოქიელ "ქრონოგრაფს", იქედან კი უთარგმნია ეფრემ მცირეს (იხ. "უწყება მიზნისა ქართველთა მოქცევისასა", 1959). მიჩნეული იყო, რომ ეს ცნობა ეხება ქართლის საკათალიკოსოს ავტოკეფალიის აღიარებას ანტიოქიის მიერ: "იბერიის" ცნებაში ყოველთვის ქართული იგულისხმებოდა, მაგრამ უცხოელები დასავლეთ საქართველოსაც "იბერიას" უწოდებდნენ. აღნიშნული ცნობა, როგორც ეს ვ. გოილაძემ გაარკვია, დასავლეთ საქართველოს ეკლესიას შეეხება. "ქვემო იბერიის" (აფხაზეთის) აქამდე კონსტანტინოპოლზე დაქვემდებარებულ ეპისკოპოსებს უფლება მიეცათ თვითვე აერჩიათ თავიანთი კათალიკოსი. ყოფილმა ეგრის-აფხაზეთის ეკლესიამ ბერძნებისაგან მიიღო ავტოკეფალია კონსტანტინოპოლში ხატომებრძოლთა მწვალებლობის გავრცელების ეპოქაში, მაგრამ მისი ავტოკეფალია სრული არ ყოფილა, მას მირონი უნდა მიეღო ანტიოქიისაგან, მირონის შესასყიდად ქართველებს, ანუ ქვემო იბერიელებს, ანტიოქიისათვის უნდა ეძლიათ 1000 კვამლის (კომლის) გადასახადი. მალე ანტიოქიამ ამ გადასახადის ნაცვლად ყოველწლიურად მოითხოვა ათასი დრაკანი. შემდეგ კი, ბერძენთა მეფის შუამავლობით ქვემო იბერთა 1000 დრაკანი გადაეცა იერუსალიმის საპატრიარქოს. ახლა მირონის შესასყიდი თანხა ქართველებს (ე.ი. ქვემო იბერიელებს) იერუსალიმისათვის უნდა ეძლიათ (იხ. ეფრემ მცირის დასახ. ნაშრომი გვ.10) ეს ის ეპოქაა, როცა არაბთა შემოსევების გამო მცხეთის საკათალიკოსო სასიტყადაა განადგურებული. მალე გრიგოლ ხანძთელისა და სხვა დიდ მამათა ღვაწლით, "ზემო იბერიის" ეკლესია გაძლიერდა, განსაკუთრებით ტაო-კლარჯეთში. 830 წელს ტაო-კლარჯეთის სამეფომ აფხაზეთის საკათალიკოსოსადმი თავისი ყურადღება იმით გამოამჟღავნა, რომ მას იურისდიქციაში გადასცა ტერიტორია სკანდა-შორაპნის ხაზიდან ლიხის მთამდე. ხოლო გრიგოლ ხანძთელის მოწაფემ, დიდმა არსენმა მოაგვარა აფხაზეთის საკათალიკოსოსა და იერუსალიმის შორის არსებული მირონის საკითხი. თუ აქამდე ქვემო იბერიის ეკლესიას მირონი იერუსალიმიდან მოჰქონდა, ახლა თვით იერუსალიმის პატრიარქის თანხმობით, მირონი ქვემო იბერიის (აფხაზეთის) საკათალიკოსოს მცხეთიდან უნდა მიეღო. ამით ქართული ეკლესიის ერთიანობას განსაკუთრებული მნიშვნელობა ეძლეოდა.

ზემო იბერიის ეკლესიაში მირონი მუდამ ადგილზევე ეკურთხებოდა. ეს სომხურ-ალბანური წყაროების ანალიზიდანაც ჩანს (იხ. "საქართველოს სამოციქულო ეკლესიის ისტორია" ტ.11 ა.ჯ.). ამიტომაც, ბერძნულ წყაროებში არსებული ცნობები ქართველთა მიერ ანტიოქია-იერუსალიმში მირონის შესყიდვის შესახებ შეეხება ქვემო იბერიის ეკლესიას. IX საუკუნეში, როგორც ითქვა, იერუსალიმის საპატრიარქოს მიუღია გადაწყვეტილება, რათა აფხაზეთის საკათალიკოსოს მირონი მიეღო არა იერუსალიმიდან, არამედ მცხეთიდან. დასავლეთ საქართველოდან ბერძნულენოვანი წირვა-ლოცვის ნაცვლად ქართულის დანერგვამ ქვეყანა (ზემო და ქვემო იბერია, ანუ ქართლი) ერთიან საეკლესიო ერთეულად აქცია. გიორგი მერჩულეს იქვე მოჰყავს ისტორიული ცნობა, რომელშიც ერთი ქარაგმა, კერძოდ - "ასა" არასწორად გაიხსნა გადამწერის მიერ. ნაცვლად იმისა, რომ "ასა" გახსნილიყო, როგორც "აფხაზეთისა", გადამწერმა დაწერა - "აღმოსავლეთისა". მაგრამ თუ "აღმოსავლეთის" ნაცვლად დაწერტ "აფხაზეთის" მივიღებთ სწორ ისტორიულ ცნობას - "რამეთუ პირველად აფხაზეთისა კათალიკოსთა მიჰრონი იერუსალიმით მოჰყვანდა, ხოლო ეფრემ ქრისტესმიერთა ბრძანებითა მიჰრონის კურთხევა ქართლს განაწესა იერუსალიმის პატრიარქისა განწესებითა და წამებითა სიხარულით. არამედ, ქართლად ფრიადი ქუეყანა აღირაცხების, რომელსაცა შინა ქართულითა ენითა ვამი შეიწირვის და ლოცვა ყოველი აღმსრულების". მართლაც, "აღმოსავლეთის კათალიკოსებს" მირონი იერუსალიმიდან არ მიჰქონდათ; იერუსალიმის საეპისკოპოსო I ს. 70-იანი წლების შემდგომ, რაც რომაელებმა იერუსალიმი დაანგრიეს, ძალზე დამცრობილი იყო, იმდენად, რომ თვით IX საუკუნეშიც კი იერუსალიმის ეპისკოპოსი ხან ანტიოქიის, ხან კი კესარია-პალესტინის ეპისკოპოსს ექვემდებარებოდა. მხოლოდ V ს-ში, ქალკედონის კრების შემდეგ გამოვიდა იერუსალიმელი ეპისკოპოსი სხვათა დაქვემდებარები-

დან და იქცა ავტოკეფალურ პატრიარქად. გიორგი მერჩულეს ცნობის აზლებური წაკითხვით, უნდა გამოვიტანოთ დასკვნა, რომ ქვემო იბერიის (აფხაზეთის) საკათალიკოსო დაარსების შემდეგ, ე.ი. 720-იანი წლებიდან, მბრუნს იღებდა ანტიოქია-იერუსალიმის საპატრიარქოდან, ხოლო IX ს-ში, 840-იანი წლებიდან მისთვის განკუთვნილი მბრუნს ეკურთხებოდა ზემო იბერიაში, ანუ მცხეთაში. მართლაც, ამავე დროისათვის ტოკლარჯეთის სამეფო განსაკუთრებულ მზრუნველობას იჩენს "ქვემო იბერიის" ეკლესიისადმი. მემკვიდრე წერს: "ხოლო ამან (მეფემან ბაგრატ) განაჩინა და განაწესა კათალიკოსი აფხაზეთის ქრისტეს აქეთ 830 წელს" ("ქართლის ცხოვრება", I, გვ. 255). ეს ცნობა ისე უნდა გაეგოთ, რომ 720-იანი წლებიდან არსებული ეგრის-აფხაზეთის ეკლესია ბაგრატ მეფის დროისათვის უკვე საკათალიკოსო ეკლესიად იქცა, რაც ცნო ქართველთა მეფემ. მბრუნსთან დაკავშირებით კი უნდა ითქვას, რომ IX ს-ში იერუსალიმისა და ქართულ ეკლესიას შორის ძალზე თბილი, მეგობრული ურთიერთობა დამყარდა. როგორც ზემოთ აღვნიშნეთ, IX საუკუნეშივე, იერუსალიმის საპატრიარქოს ნებართვით, იოანე გუთელი ეპისკოპოსი ქართლში აკურთხეს. ხოლო, კონსტანტინოპოლში ხატთმებრძოლური მწვალებლების გავრცელების გამო, კონსტანტინოპოლის იურისდიქციაში მყოფი ეკლესიები (ლაზიკა, გუთეთი) ქართული ეკლესიის იურისდიქციას გადასცა მსოფლიო მართლმადიდებლურმა ერთობამ. ამის შემდგომ გაუქმდა ცხუმის ბერძნული სამთავარეპისკოპოსო, რის სანაცვლოდაც ბიჭვინთაში დაარსდა ქართული საკათალიკოსო ცენტრი. სწორედ ამ დროს ააგეს (და არა VI საუკუნეში, იუსტინიანეს დროს) ბიჭვინთის საკათალიკოსო ტაძარი - ქართული ხუროთმოძღვრების ძეგლი. აფხაზეთის მეფე გიორგი I-ის (922-957) დროს გაუქმდა ფაზისის კათედრა. იგი ამოქმედდა ჭყონდიდში. ვარდციხის ნაცვლად ქუთაისისა და ძიღანების (გუდაუვის) ნაცვლად ბედიის საეპისკოპოსოები ამოქმედდნენ. აფხაზეთი (ანუ ქვემო იბერია) კვლავ დაიფარა ქართული ეკლესიებით, შეიქმნა ქართული აგიოგრაფიული, ჰიმნოგრაფიული თხზულებები, ქართულ ენაზე დაიწერა აფხაზ მეფეთა ისტორია, აფხაზეთის სამეფო დიდად იღვწოდა საქართველოს გაერთიანებისათვის. ბაგრატი გახდა ერთიანი საქართველოს ხელმწიფე. უცხოურ წყაროთა თანახმად, X საუკუნიდან "აფხაზეთი" უკვე მთელ საქართველოს ეწოდებოდა, აფხაზი კი ამ ვრცლად გადაშლილი საქართველოს სახელმწიფოს მცხოვრებს, ე.ი. ქართველს. საქართველოს სახელმწიფოს გაერთიანების შემდგომ გაერთიანდა ქართული ეკ-

ლესიაც. XI საუკუნის დასაწყისში ჩამოყალიბდა საქართველოს საპატრიარქო, რომელშიც არსებობდა ორი "საეკლესიო სამთავრო" - ქართლისა და აფხაზეთის საკათალიკოსოები. ქართლის კათალიკოსს მიენიჭა საქართველოს პატრიარქის ტიტული. აფხაზეთის საკათალიკოსო საქართველოს საპატრიარქოში არსებობდა ბერძნულ საპატრიარქოებში არსებული მიტროპოლიების მსგავსად. აფხაზეთის კათალიკოსს უშუალოდ ექვემდებარებოდნენ დასავლეთ საქართველოს ეპისკოპოსები. თავის მხრივ ის ექვემდებარებოდა საქართველოს პატრიარქს. ერთს "უხუცესი", ხოლო მეორეს "უმრწემესი" მამამთავარი ეწოდებოდა. ასე იყო ერთიანი საქართველოს სახელმწიფოს დაშლამდე. XV საუკუნეში ქართულ საეკლესიო ცენტრალიზებულ ერთობას ბზარი შეეპარა, რამაც ასახვა ჰპოვა დოკუმენტებში - "მცნება სასჯულო". XV საუკუნის 70-იან წლებში იერუსალიმელ-ანტიოქიელი პატრიარქის მიერ აფხაზეთის საკათალიკოსოს მიენიჭა "ავტოკეფალია". ამ შემთხვევაში, "ავტოკეფალია" გულისხმობს ადმინისტრაციულ დამოუკიდებლობას ქართლის (მცხეთის) საპატრიარქოდან. ე.ი. თუ აქამდე აფხაზეთის კათალიკოსი ეკურთხებოდა მცხეთელი პატრიარქის ნებით, ახლა უკვე დასავლეთ საქართველოს ეპისკოპოსებს შეეძლოთ თვითვე, დამოუკიდებლად ეკურთხებინათ თავიანთი კათალიკოსი. ეს არ ნიშნავს იმას, რომ დასავლეთ საქართველოს ეკლესიამ დაკარგა ქართული სახე. ყველა კათალიკოსი აფხაზეთისა ქართველი იყო. მოღწეულია ზოგიერთის გვარები: - მალაქია აბაშიძე (1529-1532), ევდემონ ჩხეტიძე (1557-1578), ექვთიმე I საყვარელიძე (1578-1605), მალაქია გურიელი (1616-1639), მაქსიმე მაჭუტაძე (1639-1657), ზაქარია ქვარიაძე (1657-1660), სემონ ჩხეტიძე (1661-1666), ევდემონ II საყვარელიძე (1666-1669), ექვთიმე II საყვარელიძე (1669-1673), დავით ნემსაძე (1673-1696), გრიგოლ ლორთქიფანიძე (1696-1742), გერმანე წულუკიძე, ბესარიონ ერისთავი (1755-1769), იოსებ ბაგრატიონი, მაქსიმე აბაშიძე (1776-1795) - და სხვ. არა თუ საზოგადოდ აფხაზეთის საკათალიკოსოში, რომელიც მთელ დასავლეთ საქართველოს მოიცავდა, არამედ თვით აფხაზეთშიც საეკლესიო ენა მარადეამს მხოლოდ და მხოლოდ ქართული იყო. იქ იყო ცენტრი დასავლურ ქართული ეკლესიისა - ბიჭვინთაში, სადაც იჯდა კათალიკოსი. ლიხნის ტაძრის, მოქვის სახარების, ბედიის ბარძიმის ქართულენოვანი წარწერები და სხვა მასალები ნათლად ადასტურებენ ამას. მაგალითად, მოქვის სახარებაზე სხვა წარწერებთან ერთად იკითხება "მოქვისა ღვთისმშობლო,

შეიწყალე სული მოქველ მთავარეპისკოპოს აბრა-
ამისა", ანდა "დიდება ღმერთსა სრულ მყოფელსა
ყოელისა კეთილისასა. დაიწერა წმიდა ესე ოთხ-
თავი დასაბამითგან 1300 წელსა. ჩვენი სახარება-
ნი პირველითგან წმიდად თარგმნილია და კე-
თილად - ხანშეტნიცა და საბაწმიდურიცა" (თ.
ჟორდანი, ქრონიკები II გვ.173). აქედან ჩანს,
რომ აფხაზეთში, მოქველი ღვთისმსახურნი "ჩვენ
სახარებას" უწოდებენ ძველქართულ ხანშეტ და
სხვა რედაქციების სახარებებს, ე.ი. VI- VIII სს.
ქართულენოვან ძეგლებს. მნიშვნელოვანი ფაქტია:
აფხაზეთის კათოლიკოსმა ექვთიმემ 1600 წლისა-
თვის ბიჭვინთის ტაძარს სხვა წიგნებთან ერთად
შესწირა "ქართლის ცხოვრება" (ქართული სამარ-
თლის ძეგლები. III გვ. 387). შეწირულ საეკლე-
სიო წიგნთა შორის "ქართლის ცხოვრების" და-
სახელება ნიშანდობლივია. ბიჭვინთელ კათო-

ლიკოსებს თავიანთი მრევლი, ე.ი. მთელი და-
სავლეთ საქართველოს მოსახლეობა ეროვნებით
ქართველად მიაჩნიათ. მაგალითად, კათოლიკოსი
გრიგოლ ლორთქიფანიძე წერდა, რომ ქართველ-
თა შემწე დედა ღვთისამ ანდრია პირველწო-
დებული ქართველი მრევლის საჭიროებისათვის
გამოგზავნა აფხაზეთშიო. - "ვითარცა იგი პეტრე
მოციქულსა მიეცა ჰურიათა მოქცევა, ეგრეთვე
პირველწოდებულსა ანდრეას მოეცა ჩრდილოეთი-
სა ქუეყანა მოქცევად ჩვენებითა წმიდისა ღვთის-
მშობლისათა, რამეთუ ჩვენ ქართველნი მისნი
წილხდომილნი ვართ, ამაღ კათალიკოზთა
ბიჭვინთისა ღვთისმშობლისათა მსახურება საყდ-
რისა დიდად ეღვაწათ" (იქვე გვ. 727) ე.ი. ჩვენ,
ბიჭვინთელი კათოლიკოსები ბიჭვინთის ეკლესიას
ეწირავთ დიდ შესაწირს, იმიტომ, რომ ეს
ტაძარი ღვთისმშობლისაა (ღვთისმშობლის



სოხუმის ხარების სახელობის საკათედრო ტაძარი



სახელობისა) და ღვთისმშობელი კი ჩვენი, ქართველების მეპატრონეა, ჩვენ ქართველნი მისი წილზედვარნი ვართო.

მოღწეულია უამრავი საეკლესიო დოკუმენტი, იმ შენაწირთა ჩამონათვალნი, რომელთაც ღვთისმსახურნი, - ქართული მრევლი სწირავდა ბიჭვინთის საკათალიკოსო ტაძარს თითქმის ათასი წლის მანძილზე, VIII საუკუნიდან, ვიდრე XVIII საუკუნემდე. მაგალითად, ბიჭვინთის ტაძარს დაახლოებით 1600 წელს ევდემონ კათალიკოსმა შესწირა "ერთი ოქროს ხატი, ერთი ოქროს ჯვარი მოთვალმარგალიტული, ერთი ბარძიმი ოქროისა მოთვალული, ერთი ოთხთავი ოქროთი მოჭედილი".

აფხაზეთის კათალიკოსმა ექვთიმე საყვარელიძემ ბიჭვინთის ტაძარს ასევე შესწირა "გვირგვინი ოქროისა, მოთვალმარგალიტული, ომოფორი მძიმედ მოთვალმარგალიტული, ბისონი სტავრისა, - ოქროს ღილებიანი, ქამარი ოქროისა, ენქერი სირმისა, - მძიმედ მოთვალმარგალიტული, ოქროს ხატი, ერთი ფეშუმი ოქროისა, ერთი გერცხლისა, ერთი ქამარი ოქროისა მოთვალული, ერთი ოქროს კონდაკი, ერთი ოქროს დოსტაქანი" (ქართული სამართლის ძეგლები ტ. III გვ. 286), ჩამონათვალნი ძვირფასი შეწირულობისა ძალზე დიდა. მათი აქ მოტანა შეუძლებელია. მაგ. XVII საუკუნის 20-იან წლებში მალაქია გურიელმა ბიჭვინთის ეკლესიას შესწირა "ერთი მურასა ყელსაკიდი ხატი, ერთი ნალბაქი ოქროისა 400-ის ფლურისა, ერთი კარგი გერცხლის ჯვარ-სანთელი. ერთი მომარგალიტებული მახარა, ენქერი მძიმედ მოთვალმარგალიტებული, ერთი ოქროს ომოფორი ერთის დიდი ლალითა, 46 ყირმიზი იაგუნდი და სხვა მრავალი თვალთა და მარგალიტითა". (იქვე გვ. 498) და ასე შემდგომ საუკუნეთა მანძილზე. აფხაზეთის ეკლესიები, ისევე როგორც სვანეთისა, განთქმული იყო სიმდიდრით, ოქრო-გერცხლის საეკლესიო ნივთებით, ფასდაუდებელი ხატებით, სამღვდლო შესამოსელით, რომელიც შემკული იყო ძვირფასი თვალ-მარგალიტით. ამ სიმდიდრეს აფხაზეთის ქართველი სამღვდლოება 1000 წლის მანძილზე პატრონობდა.

ბიჭვინთის ტაძრისა და სავროდ, აფხაზეთის ეკლესია-მონასტრების სიმდიდრეთა შესახებ ცნობები ვრცელდებოდა მთელ ჩრდილო კავკასიაში და ჩრდილო კავკასიელი, უკვე გამაჰმადიანებული მთიელი ტომები ნატრობდნენ, მის ხელში ჩაგდებას. საქართველოს ერთიანი სახელმწიფოს დაშლა-დანაწევრების შემდგომ აფხაზეთის საეპისკოპოსო ცენტრები და ბიჭვინთაც კი, დაუცველი დარჩა. წარმართი მთიელებისათვის აფხაზეთის საეპისკოპოსო ტაძრები, რომელსაც ქარ-

თული სახელმწიფო კვლავ იცავდა, ნამდვილ უპატრონო საგანძურს წარმოადგენდა.

მართლაც, ერთიანი ქართული სახელმწიფოს დაშლის შემდეგ, XV-XVI საუკუნეებში შემოტევა იწყეს ჩრდილო კავკასიურმა ტომებმა. ამ ეპოქაში ჩრდილო კავკასიაში აფხაზეთის ახლოს ცხოვრობდნენ ადიღე-ჩერქეზული ტომები. ამ ადიღე-ჩერქეზულ ოჯახს განეკუთნებოდნენ აბაზები და ტომი, რომელსაც ქართველები - აფხარებს, ხოლო თვით ისინი თავიანთ თავს აფსუებს უწოდებდნენ. ადიღეურ ტომებს, აფხაზეთში შემოჭრის შემდგომ, 1533 წლის იანვარში შეებრძოდნენ ქართველთა ჯარები მამია გურიელის, მამია დადიანისა და ეპისკოპოსების მეთაურობით. სამწუხაროდ, 31 იანვარს გაგრასთან ომში ქართველები დამარცხდნენ. გაგრის მარცხის შემდეგ მტერს გზა გაეხსნა ბიჭვინთისაკენ. ამ შემოსევის გამო საკათალიკოსო ტახტი გულათში იქნა გადატანილი, ხოლო საეკლესიო განძი, ნაგროები 1000 წლის მანძილზე, იქ შემოსულ მთიელ წარმართებს დარჩათ. ადიღე-აფხარებმა მთლიანად გაძარცვეს ბიჭვინთისა და სხვა საეპისკოპოსო ცენტრები აფხაზეთისა. მათ ბიჭვინთის ტაძარში მხოლოდ მათთვის უსარგებლო ქართული წიგნები დატოვეს. როგორც ამის შესახებ XIX საუკუნეში მოგზაური ფრანსუა გამბა წერდა. მას უნახავს ბიჭვინთის გაპარტახებული და მიტოვებული ტაძარი, მასში დატოვებული უპატრონო წიგნებით. გამბა ამ გაპარტახებას მიაწერს ჩერქეზთა თავდასხმებს (გამბა. მოგზაურობა ამიერკავკასიაში, 1987. გვ. 79-80).

ჩრდილო კავკასიელთა შემოტევები განსაკუთრებით გაძლიერდა XVII საუკუნეში. ამ დროისათვის აფხაზეთის სამთავრო, სადაც ჩანს, თავმოყრილი იყო ჩრდილო კავკასიიდან ჩამოსახლებული ადიღე-ჩერქეზ-აბაზა-აფხარების (აფსუების) დიდი რაოდენობა, უკვე გამოყოფილი იყო ოდიშის სამთავროდან. ამ ტომებს აფხაზეთის მკვიდრნი, ეთნიკურად ქართველი (აფხაზი) თავდა-აზნაურობა (შარვაშიძეები, ანჩაბაძეები და სხვები) იყენებდნენ თავიანთი საჭიროებისათვის სამეგრელოს სამთავროსთან ომში. მათზე დაყრდნობით, XVII საუკუნის 40-იან წლებში, პატარა აფხაზეთის სამთავრომ შეუტია მასზე გაცილებით უფრო დიდ სამეგრელოს სამთავროს და სასტიკად დაამარცხა. 1640-იანი წლებიდან, სულ რაღაც 30 წლის განმავლობაში, სამეგრელოს მოსახლეობა განახევრდა. აფხაზთა სამთავრომ დამარცხებულ სამეგრელოს სამთავროს ჩამოაჭრა აყვავებული მიწა-წყალი და საზღვარი მათ შორის ახალი ათონიდან მდინარე ენგურამდე გადაიტანა. საშინელი გრიგალისებური

შემოტევა განხორციელდა ლევან II დადიანის მთავრობის დროს. სამეგრელოს მთავრებმა და ეპისკოპოსებმა გადაწყვიტეს სასწრაფოდ აეშენებინათ თავდაცვითი ზღვდე. კელასურთან აგებულ იქნა დიდი თავდაცვითი ნაგებობა, ე. წ. აფხაზეთის კედელი. არქანჯელო ლამბერტი გვაწვდის ცნობას, რომ სამეგრელოს მფლობელებმა "ძალზე დიდი დანახარჯებით ააგეს კედელი სამოცი ათასი ნაბიჯის სიგრძისა". მეორე იტალიელი მისიონერის, კასტელის რუკაზე ამ კედელს აქვს წარწერა: "კედელი სამოცი ათასი ნაბიჯია. განსაზღვრულია აფხაზთა შესაკავებლად".

XVIII ს-ში იმის დროს აფხაზთა ხელისუფლებმა მოიწვიეს მრავალი ჩრდილოკავკასიური ტომი... ჩერქეზთა გარდა ყირიმელები, ალანები და სხვები, აი, რას წერს ყოველივე ამის შესახებ პოეტი ბესიკი:

ყირიმელთ, ჭიქელთ, ალანელთ,
ვერმუგელთ ამცენს ცნობითა,
ყოფალთა შემოიწვევდნენ,
ინდობდნენ სჭულის ძმობითა,
აფხაზნი შეეფიცოდნენ
ქრთამით და აგრევე ძღვნობითა,
მეგრელთა სისხლი სწყუროდათ,
თუმცა შეესვათ გობითა".

XVII საუკუნის 40-50-იან წლებში აგებული ეს ე. წ. აფხაზეთის კედელი, სიგრძით იყო ასზე მეტი კილომეტრისა. გადაჭიმული იყო სოხუმიდან (კელასურიდან) მდ. ენგურამდე და იცავდა აფხაზთა და ჩრდილოკავკასიელთა თავდასხმებისაგან თანამედროვე სოხუმის, გულრიფშის, ოჩამჩირის, გალისა და ნაწილობრივ ზუგდიდის რაიონების ზღვისპირა უხემოსავლიან სამიწათმოქმედო მხარეებს, რომელსაც მაშინ ოდიში ეწოდებოდა.

ამ დროს გაუქმებული იქნენ მოქვის, ბედიისა და დრანდის საეპისკოპოსოები. ნ. ბერძენიშვილს გამოკვლეული აქვს, რომ მოქვის საეპისკოპოსო მდებარეობდა სამეგრელოში, რადგანაც ევროპელი მოგზაურის გრანჟიეს ცნობით, მოქვის რაიონში მისონერული მოღვაწეობისათვის საჭირო იყო მეგრული და ქართული ენების ცოდნა. ნ. ბერძენიშვილი წერდა: "ცხადია, რომ დრანდა, ისევე, როგორც ბედია, სამეგრელოშია. დრანდის რაიონი, ისევე როგორც ბედიისა, ქართველებით ყოფილა დასახლებული". (იხ. ნ. ბერძენიშვილის დას. ნაშრ. გვ. 618) დრანდის ბოლო ეპისკოპოსი გაბრიელი XVII ს-ში ჩრდილო კავკასიელთა შემოტევების გამო იძულებული გამხდარა მიეტოვებინა დრანდა და იერუსალიმში წასულია. იგივე ბედი ეწია ბიჭვინთის კათედრასაც. აფხაზეთის კათალიკოსი შემოსევების გამო იძულებუ-

ლი გახდა 1545-1569 წლებს შორის მიეტოვებინა ბიჭვინთა და კათედრა გადმოიტანა გელათში.

ადილე-ჩერქეზულ ტომებს-აბაზებსა და აფხაზებს აფხაზეთში დამკვიდრების შემდგომ, როგორც აღინიშნა, ეწოდათ "აფხაზები".

მიუხედავად იმისა, რომ XVI-XVII საუკუნეებში, ვიდრე XIX საუკუნის სამოციან წლებამდე, რუსეთის მფლობელობის დამყარებამდე, აფხაზეთში ზემოთ აღნიშნული "აფხაზები" თითქმის განუწყვეტლივ ლაშქრობდნენ მეზობელ სამეგრელოსა და გურიაში, როგორც სახმელეთო, ისე საზღვაო გზებით. ეკლესიას ამ დროსაც კი თავისი მრევლი ჰყავდა აფხაზეთში. ახალი აფხაზების ერთი ნაწილი აღიარებდა ქრისტიანობას. მათ შორის იყვნენ აფხაზთა მთავრები და თავადები. მათ ქართული ეკლესიისადმი ჰქონდათ გარკვეული მოწიწება (საქართველოს ეკლესიის კალენდარი, ქართული ეკლესია XVIII საუკუნეში. ეპ. ა.ჯ. 1994 წელი) აფხაზეთის ეპარქია მაშინაც ქართული ეკლესიის ერთ-ერთი ძირითადი ნაწილი იყო.

აფხაზეთის საკათალიკოსო შეინარჩუნა ძველი სიდიადე და ის ღირსეულად არსებობდა რუსეთის ცარიზმის მიერ დასავლეთ საქართველოს ანექსიამდე, იმის შემდეგაც კი, რაც ქართლ-კახეთის სამეფოს მომცველი ზემო ივერიის ეკლესიის ავტოკეფალია უკანონოდ გააუქმეს 1811 წელს. ქვემო ივერიის საკათალიკოსო არსებობას განაგრძობდა 1820 წლამდე, იმერეთის ცნობილ საეკლესიო აჯანყებამდე. მართალია, ამ დროისათვის აფხაზეთის საკათალიკოსო ტახტი თავისუფალი იყო, მაგრამ მის მოსაყდრეებს ფაქტიურად წარმოადგენდნენ ექვთიმე გენათელი და დოსითეოს ქუთათელი მიტროპოლიტები. მათ მიერ გაცემული ბოლო საეკლესიო საბუთები 1818 წლით თარიღდება. ორივე ეს მიტროპოლიტი რუსის ხელისუფლებმა დააპატიმრეს და ცემითა და სასტიკი ტანჯვით ამოხადეს სული. ამით, ფაქტიურად, დამთავრდა ქვემო ივერიის, ანუ აფხაზეთის საკათალიკოსოს ათასწლოვანი ისტორია, როგორც ზემო, ასევე ქვემო ივერიის ეკლესიები რუსეთის ეკლესიამ მიიერთა. მაგრამ ამის შემდეგაც, საბედნიეროდ, როგორც დასავლეთ, ისე აღმოსავლეთ საქართველოში წირვალ-ლოცვა, თუმცა ბევრად უფრო შემცირებულად, მაგრამ მაინც ქართულ ენაზე მიმდინარეობდა და სლავერმა ენამ ოდნავაც ვერ დაჩრდილა სრულად საქართველოში ძველი ქართული საეკლესიო ენა. ყოველ კუთხეში ქართველ მრევლს უმეტესად კვლავ ქართველი სამღვდლოება ემსახურებოდა.

(გაგრძელება იქნება)



უფალო, კალი

წიგნიდან "პიორბი მერჩულე"

მე-8 საუკუნის მეორე ნახევრიდან დაწყებული, მე-8-10 საუკუნეთა მანძილზე, დასავლეთ საქართველოს, როგორც ცნობილია, ეწოდება აფხაზეთი. ასე ეწოდება დასავლეთ საქართველოს, კერძოდ, გიორგი მერჩულეს ძეგლშიაც.

აქ საჭიროა აღვნიშნოთ ამასთან, რომ ეს სახელწოდება "აფხაზეთი" შერჩა ამ მხარეს უფრო გვიან ხანშიაც, მას შემდეგაც, რაც საქართველოს სამეფო-სამთავროები მე-10 - მე-11 საუკუნეთა საზღვარზე გაერთიანდნენ ერთი მთლიანი სახელმწიფოს სახით. ამ გაერთიანებული სამეფოს ოფიციალურ სახელწოდებაში, როგორც ცნობილია, პირველად მოიხსენიებოდა აფხაზეთი, რა სახელითაც იგულისხმებოდა მთელი დასავლეთი საქართველო.

მე-12 - მე-13 საუკუნეებში, როდესაც საქართველოს ფარგლებში გაერთიანდა მთელი კავკასია (და აგრეთვე, შემოერთებულ იქნა კავკასიის მოსაზღვრე სანაპიროები ანატოლიისა და ირანისა), სრული ტიტულატურა საქართველოს სახელმწიფოს მეთაურთა, როგორც ცნობილია, შემდეგი იყო:

"მეფე აფხაზთა და ქართველთა (-ქართლელთა), რანთა და კახთა, სომეხთა, შარვანშა (-შარვან შაჰი) და შაჰანშა (შაჰან-შაჰი), და ყოელისა აღმოსავლეთისა და დასავლეთისა ფლობით მპყრობელი".

როდესაც ეს ტიტულატურა შემოკლებით იხმარებოდა, საქართველოს სახელმწიფოს მეთაურს ეწოდებოდა "მეფე აფხაზთა". ასე მაგალითად, როგორც ქართულ, ისე უცხოურ წყაროებშიაც დავით აღმაშენებელს და თამარ მეფეს ხშირად მიემართება ეს ტიტული - "მეფე აფხაზთა", ხოლო მე-12 - მე-13 საუკუნეთა საქართველოს, რომელიც მთელს კავკასიას მოიცავდა, ეწოდება "აფხაზეთი", "ქუეყანა აფხაზეთისა".

ამრიგად, სახელწოდება "აფხაზეთი" გახდა სინონიმი ჯერ დასავლეთ საქართველოსი, ხოლო საქართველოს გაერთიანების შემდეგ იგი იხმარებ-

ოდა, როგორც სინონიმი მთლიანად საქართველოს სახელმწიფოსი.

რა წარმოშობისაა ეს სახელწოდება "აფხაზეთი" ასეთი გაფართოებული მნიშვნელობით? ვინ იყვნენ თვით აფხაზნი, რომელთაც თავისი სახელწოდება გადასცეს ჯერ დასავლეთ საქართველოს, ხოლო შემდეგ მთელ საქართველოს სახელმწიფოს?

სახელწოდება "აფხაზეთი" გაფართოებული მნიშვნელობით, როგორც ზოგადი სახელწოდება დასავლეთ საქართველოსი, პირველად შემოდის ხმარებაში, როგორც მოვიხსენეთ, მე-8 საუკუნის მეორე ნახევრიდან, რა დროსაც შეიქმნა დასავლეთ საქართველოს ფეოდალური სახელმწიფო - "აფხაზეთის სამეფო", ანუ აფხაზთა სამეფო.

X

საისტორიო მასალების პრეციზული ანალიზის შედეგად, როგორც ეს ქვემოთ ნათელი გახდება მკითხველისათვის, ირკვევა შემდეგი:

1. აფხაზეთის ტერიტორია იმ ეპოქაში, როდესაც დაარსდა "აფხაზთა სამეფო" ე. ი. მე-8 საუკუნეში, დასახლებული იყო ქართველი ტომებით. და ეს არა მარტო ამ დროს, მე-8 საუკუნეში, არამედ მთელი ძველი ისტორიის მანძილზე, ანტიკურ ხანაში და საშუალო საუკუნეებში. აფხაზები და აფხაზეთში მოსახლე სხვა ტომები (აბსილები, მისიმიანები, სანიხები) - ეს ისეთივე წმინდა ქართველი ტომები იყვნენ, ქართული წარმოშობისა, ქართულს დიალექტზე მოლაპარაკე, როგორც დასავლეთ საქართველოს დანარჩენი ქართველი ტომები - ქართვები, მეგრელები და სვანები.

2. გარდა იმისა, რომ აფხაზები ქართველები იყვნენ წარმოშობითა და ენით, თვით ისტორიული ვითარება აფხაზეთის სამეფოს დაარსებისა არაა სწორად გაშუქებული ქართულ ისტორიოგრაფიაში. სინამდვილეში არავითარი დაპყრობა

ერსა ჩუენსა მოეც



პავლე ინგოროყვა

დასავლეთ საქართველოსი აფხაზების (ე. ი. აფხაზეთში მოსახლე ქართველი ტომის) მიერ არ მომხდარა, არამედ მოხდა აფხაზეთის ერისთავის მოთავეობით გათავისუფლება, როგორც აფხაზეთისა, ისე დასავლეთ საქართველოს დანარჩენი ტერიტორიებისა ბიზანტიის იმპერიისაგან.

3. ზემოთ აღნიშნულთან დაკავშირებით, აქ საჭიროა ხაზი გაუხვათ, აგრეთვე, იმ გარემოებასაც, რომ სწორედ მას შემდეგ, რაც დასავლეთი საქართველო, აფხაზეთთან ერთად, აფხაზეთის დინასტიის მოთავეობით, გათავისუფლდა ბიზანტიის ბატონობისაგან და შეიქმნა დასავლეთ საქართველოს - "აფხაზეთის სამეფო", სწორედ ამ დროიდან იწყება მკვეთრი, წმინდა ქართული სახელმწიფოებრივი პოლიტიკის გატარება დასავლეთ საქართველოში. ბერძნული ენა, რომელიც ბიზანტიის ხანგრძლივი ბატონობის შედეგად გაბატონებული იყო დასავლეთ საქართველოში, როგორც მთავარი სახელმწიფო ენა, განდევნილ იქნა სწორედ აფხაზეთის დინასტიის მიერ და ბერძნულის ადგილი მთლიანად ქართულმა დაიჭირა. ბერძნული ენა განდევნილ იქნა ეკლესიიდანაც და მის მაგიერ ქართული იქნა შემოღებული. დასავლეთ საქართველოს ეკლესია, რომელიც მანამდე იერარქიულად დაკავშირებული იყო კონსტანტინოპოლის პატრიარქატთან, ჩამოშორდა კონსტანტინოპოლს და დაუკავშირდა ქართლის (იბერიის) საკათალიკოსოს.

ამრიგად, ხანა "აფხაზეთის სამეფოსი" - ეს არის ეპოქა ქართული სახელმწიფოებრივი პოლიტიკის სრული და საბოლოო გამარჯვებისა და დასავლეთ საქართველოში.

რასაკვირველია, კოველივე ეს უცნაური და გაუგებარი იქნებოდა, თუ ჩვენ დავუშვებდით,

რომ დასავლეთ საქართველოს "აფხაზეთის სამეფო" ვითომც შეიქმნა დასავლეთ საქართველოს დაპყრობის შედეგად უცხო, არაქართველი ტომის მიერ. მაგრამ, არაფერი ამის მსგავსი სინამდვილეში არ მომხდარა; დასავლეთ საქართველოს ქართული სახელმწიფო შექმნილია ქართველი ტომების მიერ და ერთ-ერთი ამ ტომთა შორის არის ქართველი ტომი - აფხაზები.

აფხაზეთის მხარეები ძირეული ქართული ქვეყანაა, რომელიც ძველი დროიდანვე ქართველებით იყო დასახლებული. აფხაზეთის მხარეების მოსახლეობა ქართული იყო, როგორც ანტიკურ ხანაში, ისე საშუალო საუკუნეებში და, კერძოდ, საშუალო საუკუნეთა იმ მონაკვეთზე, მე-8 საუკუნეში, როდესაც დაარსდა დასავლეთ საქართველოს "აფხაზეთის სამეფო".

ხანა აფხაზეთის სამეფოსი - ეს არის ეპოქა ქართული სახელმწიფოებრივი პოლიტიკის სრული და საბოლოო გამარჯვებისა დასავლეთ საქართველოში.

X

გიორგი მერჩულეს თხზულებაში, რომელიც დაწერილია ეპოქაში, როდესაც საქართველო ჯერ კიდევ დანაწილებულია სამეფო სამთავროებად, წარმოდგენილია ფორმულა, საქართველოს კულტურული მთლიანობისა და ეს არაა მარტო საეკლესიო ერთობის საფუძველზე, არამედ, ენის ერთობის საფუძველზე; ამ დროს ქართული ენა გახდა კულტურის საერთო ენა საქართველოს ტერიტორიაზე, საერთო ენა მწერლობისა, ეკლესიისა, საზოგადოებრივი ცხოვრების ყველა დარგისა.

გიორგი მერჩულეს ძეგლში ეს კლასიკური -

თავისი ეპოქისათვის ფორმულა საქართველოს მთლიანობისა ასეა წარმოდგენილი.

"ქართლად ფრიადი ქუეყანა აღირაცხების, რომელსაცა შინა ქართულითა ენითა ჟამი შეიწირვის და ლოცვაჲ ყოველი აღესრულებს".

აქ საჭიროა აღვნიშნოთ, რომ ამ ფორმულაში, ნიშანდობლივ ხაზგასმულია, რომ "აფხაზეთის" სამეფო არის იგივე "ქართლი".

როგორც ცნობილია, ადრეულ საშუალო საუკუნეებში ქართლის სახელწოდებით აღინიშნებოდა იბერია (ე.ი. აღმოსავლეთ საქართველო, საკუთრივ ქართლი კახეთითა და მესხეთით).

ხოლო ამ ფორმულით გიორგი მერჩულე სახელწოდებას "ქართლი" სულ სხვა შინაარსსა და სხვა მნიშვნელობას ანიჭებს. გიორგი მერჩულე აქ გვეუბნება, რომ ქართლი ეს არის არა მარტო ეთნოგრაფიული ქართლი - იბერია, არამედ "ფრიადი ქუეყანა" (დიდი ქუეყანა), მთელი საქართველო, სადაც კი ქართული ენაა მიღებული, სადაც კი ქართულითა ენითა "ჟამი შეიწირვის და ლოცვაჲ აღესრულებს".

რომ ქართლის სახელწოდებით აქ იგულისხმება ძველ იბერიასთან ერთად "აფხაზეთის" სამეფო, ეს სრულიად უდავოდ დასტურდება კერძოდ, ბოლო განმარტებიდან, "რომელსაცა შინა ქართულითა ენითა ჟამი შეიწირვის და ლოცვაჲ ყოველი აღესრულებს". უფრო მეტიც, "აფხაზეთის" სამეფოს ეკლესიაში არათუ განდევნილი იყო ბერძნული ენა და ქართული იყო გაბატონებული, არამედ თვით აფხაზეთის სამეფო ამ დროს გამხდარა ერთ-ერთი ცენტრი ქართული საეკლესიო მწერლობისა. უფრო ადრე, ვიდრე დაიწერებოდა გიორგი მერჩულეს თხზულება, "აფხაზეთის მეფის, გიორგი II-ის (922-957 წწ.) დროს, აფხაზეთში მოღვაწეობს განთქმული ქართველი მწერალი, პოეტი - ჰიმნოგრაფი ივანე მინჩხი, რომლის საგალობელი, საეკლესიო ჰიმნები ქართულს ენაზე დაწერილი აფხაზეთში და აქედან პოულობენ გაერცელებას საქართველოში. ივანე მინჩხის ეს მოღვაწეობა მიმდინარეობს აფხაზეთის მეფის გიორგი II-ის პირადი მფარველობით. ივანე მინჩხის ერთ-ერთ ჰიმნს (გალობას) დართული აქვს ასეთი წარწერა: "ესე გალობანი მას კარგსა გიორგი მეფესა, დიდსა, დიდითა ვედრებითა აღუსწერებთან მინჩხისადა".

აღსანიშნავია, რომ ქართულ საეკლესიო მწერლობას აფხაზეთში მკვიდრი ნიადაგი ჰქონდა ამაზე ადრინდელ ხანაშიაც, მე-9 საუკუნეში. ასე აფხაზეთიდან არის ის გამოჩენილი ქართველი მწერალი (პოეტი) მე-9 საუკუნის დასაწყისისა, რომელსაც ეკუთვნის ჰიმნოგრაფიული პოემა, "მარტილობა მიქაელ საბაწმიდელისა" (ნაწარმოები, რომელიც "აბუკურას" სახელით იყო ცნობილი და რომელიც უფრო გვიან "სიბრძნე ბალაგარისას" წიგნთან ერთად, ქართულიდან თა-

რგმნა განთქმულმა ქართველმა მწერალმა ვფთიმე მთაწმიდელმა).

ამავე ხანაში არის დაწერილი აფხაზეთში (დასავლეთ არგვეთში, ანუ აფხაზეთის არგვეთში) ქართული საეკლესიო (ჰიმნოგრაფიული) მწერლობის ძეგლი, პირველდენი დავეთის და კონსტანტინეს მარტილობისა, რომელიც შემდეგ საფუძვლად დაედგა მარტილობის მეტაფორასტულ ვერსიას.

აქ საჭიროა აღვნიშნოთ ამასთან, რომ ქართულ ენაზე იწერება ამ ეპოქაში, როგორც საეკლესიო მწერლობის ძეგლები, ისე საისტორიო მწერლობის ძეგლები. ასე, ამ ხანაში აფხაზეთში სდგება მატიანები, - ცხოვრება აფხაზთა (resp. ცხოვრება აფხაზთა მეფეთა). გამონაკრები აფხაზეთის ამ მატიანებისა შეტანილია მეორე ძველ-ქართულ საისტორიო თხზულებაში "მატიანე ქართლისაჲ", რომელიც შეიცავს საისტორიო მოთხობას, როგორც ქართლის (იბერიის), ისე აფხაზეთის მხარეთა შესახებ, მე-8 საუკუნის მეორე ნახევრიდან მოკიდებული, ვიდრე ბაგრატ III-ის, საქართველოს გამაერთიანებლის ეპოქამდე. ("მატიანე ქართლისაჲში" დაცულია პირდაპირი მითითება აფხაზეთის მატიანებზე მეათე საუკუნის პირველი ნახევრისათვის).

X

როდის მოხდა დასავლეთ საქართველოს ეკლესიის რეფორმაცია, მისი გამოყოფა კონსტანტინოპოლის პატრიარქატიდან და ქართლის (იბერიის) სუბთალიკოზოსთან დაკავშირება...

ეს მომხდარა მე-9 საუკუნის პირველ ნახევარში, ე.ი. უახლოეს პერიოდში მას შემდეგ, რაც გამოცხადებულ იქნა დასავლეთ საქართველოს "აფხაზეთის სამეფოს პოლიტიკური დამოუკიდებლობა.

ამ ორ აქტს შორის, პოლიტიკური დამოუკიდებლობის გამოცხადებასა და საეკლესიო რეფორმაციას შორის - ორგანული კავშირია. საეკლესიო რეფორმაცია - ეს იყო მეორე აქტი... შემდგომი საფეხური დასავლეთ საქართველოს კულტურული ემანსიპაციისა.

რომ დასავლეთ საქართველოს ეკლესიის გამოყოფა კონსტანტინოპოლის პატრიარქატიდან და საქართველოს (მცხეთის) საკათალიკოზოსთან დაკავშირება მე-9 საუკუნის პირველ ნახევარში მომხდარა. ამას ადასტურებს გიორგი მერჩულეს ძეგლი და მასთან ერთად, მთელი რიგი ქართული და უცხოური წყაროების ჩვენებანი.

1. თავდაპირველად შევჩერდებით ცნობებზე, რომელსაც გადმოგვცემს მე-11 საუკუნის ქართველი მწერალი, გიორგი მცირე მთაწმიდელი - საეკლესიო კრების შესახებ, რომელიც გაიმართა 1057 წელს ანტიოქიაში და სადაც მსჯელობის

საგანი იყო საქართველოს საეკლესიო დამოუკიდებლობის (ავტოკეფალიის) საკითხი.

როგორც ცნობილია, საბერძნეთის ეკლესიას, რომელიც მსოფლიო მართლმადიდებლური ეკლესიის მთავრობას იჩემებდა, არა ერთგვის გამოუღაშქრნია საქართველოს ეკლესიის დამოუკიდებლობის წინააღმდეგ; საბერძნეთის ეკლესიის მეთაურნი არა ერთგვის სცდილან, რათა საქართველოს ეკლესია ქართლის (მცხეთის საკათალიკოზო, შესულიყო, როგორც შემადგენელი ნაწილი, საბერძნეთის ეკლესიის ერთ-ერთ საპატრიარქოში და ამით დამყარებულიყო ერთობა საბერძნეთისა და საქართველოს ეკლესიათა.

კერძოდ, ანტიოქიის 1057 წლის კრებაზე, რომელიც გაიმართა ანტიოქიის პატრიარქის, თეოდოსის თავმჯდომარეობით, მსჯელობის საგანი ყოფილა - "რომელ ეკლესიანი და მღვდელმოდღარნი ქართლისანი (საქართველოვსანი) არა რომლის პატრიარქისა ხელმწიფებასა ქუეშე არიან, და ყოველნი საეკლესიონი წესნი მათ მიერ განეგებიან, და თვით დაისმენ კათალიკოზთა და ეპისკოპოსთა"; საბერძნეთის ეკლესიის მესვეურნი აღნიშნავენ, რომ "არა მართალ არს ესე (დამოუკიდებლობა ქართველთა ეკლესიისა), რამეთუ ათორმეტთა მოციქულთაგანი არაენ მისრულ არს ქუეყანასა მათსა. და ჯერ არს, რათა ქალაქსა ამას ღმრთისასა (ანტიოქიას) და საყდარსა მოციქულთა თავისასა (პეტრე მოციქულისასა) დაემორჩილნენ... და აქა იკურთხეოდის კათალიკოზი მათი, და ვიყვნეთ ჩუენ ერთ სამწყსო და ერთ მწყემს". (გიორგი მცირე მთაწმიდელი, ცხორება გიორგი მთაწმიდელისა, ათონის კრებული, 1901 წ.).

ანტიოქიის ამ საეკლესიო კრებას ესწრებოდა გამოჩენილი ქართველი მოღვაწე და მეცნიერი გიორგი დიდი მთაწმიდელი. ანტიოქიის პატრიარქმა მიმართა გიორგი მთაწმიდელს წინადადებით, ეცნობებინა საქართველოს მეფისათვის კრების აზრი, რათა საქართველოს ეკლესიას დაემყარებინა ერთობა ანტიოქიის საპატრიარქოსთან; ხოლო, თუ ამას არ ისმენსო ქართველთა მეფე - განაცხადა ანტიოქიის პატრიარქმა - "მიუწეროთ ოთხივე პატრიარქთა (კონსტანტინოპოლისა, რომისა, ალექსანდრიისა და იერუსალიმისა), და გაუწყოთ თვით-რჯულობა და ქედფიცხელობა თქუენისა ნათესავისა (ქართველი ხალხისა), და ვითარმედ თვინიერ სამოციქულოისა კანონისა თვით იმწყსებიან, და მოციქულთაგანი არაენ მისრულ არს ქუეყანასა მათსა, და ესრეთ მრავალსა ღუაწლსა შევთხინე (მრავალსა შრომასა შეკამთხვიო), ვიდრე არა თვთ მეფე თქუენი წინაშე ჩუენსა დაემორჩილოს".

გიორგი მთაწმიდელმა ღირსეული პასუხი გასცა ანტიოქიის პატრიარქს: "...რაისათვისმე ესრეთ ადვილად ხელ-ჰყოფ დიდისა ამის და

მადლისა მოგონებად და აღსრულებად? ვინანი არიან უგუნური განმზრახნი შენნი, ანუ რად ესრეთ უგუნურად შეგიარაცხიეს ნათესავი ქართველთა, წრფელი და უმანკო? აჰა, ესერა, ვარ მე უნარჩევსი და უმდაბლესი ყოველთა მმათა, მე მოგცე მათ ყოველთა წილ პასუხი".

ამ ღირსებით აღსაქვე სიტყვაში, რომელიც წარმოსთქა გიორგი მთაწმიდელმა და რომლითაც მან ასე ბრწყინვალედ დაიცვა საქართველოს უფლებები, ჩვენთვის ამჟამად საინტერესოა ის ნაწილი, სადაც მოხსენებულია აფხაზეთის ქვეყანა, და სადაც აღნიშნულია ანდრია მოციქულის მისონერული მოღვაწეობა საქართველოში (დასავლეთ საქართველოში).

გიორგი მთაწმიდელმა მიუთითა ბერძნულ წყაროებზე, სადაც მოხსენიებულია, რომ საქართველო (დასავლეთ საქართველო) და "სამწყსო მის მიერაა (ანდრია მოციქულის მიერ) განათლებული". ამასთან გიორგი მთაწმიდელმა აღნიშნა:

"ერთი წმიდათა ათორმეტთა მოციქულთაგანი, სიმონს ვიტყვი კანანელსა, ქუეყანასა ჩუენსა დამარხულ არს - აფხაზეთს (ქალაქსა), რომელსა ნიკოფსი ეწოდების".

გიორგი მთაწმიდელის ამ პასუხიდან ორი რამ ირკვევა:

ჯერ ერთი, ირკვევა, რომ აფხაზეთის ქვეყანა ამ დროს ჩამოშორებული იყო კონსტანტინოპოლის საპატრიარქოს და აფხაზეთის ეკლესია (ბიჭვინთის საკათალიკოზო) შედიოდა ზოგად-ქართულ ეკლესიაში, ქართლის საკათალიკოზოში. წინააღმდეგ შემთხვევაში, თუკი აფხაზეთის ქვეყანა ეკლესიურად კონსტანტინოპოლის ნაწილი ყოფილიყო, მაშინ, თავისთავად ცხადია, არავითარი აზრი ექნებოდა აფხაზეთის მოხსენებას ქართლის საკათალიკოზოს უფლებათა დასაცველად.

და მართლაც, როგორც ეს დასტურდება ამ ეპოქის სხვა წყაროებიდან, და პირველ რიგში, რუის-ურბნისის კრების "შეგლისწერიდან", საქართველოს ეკლესია ამ ეპოქაში წარმოადგენს ერთს განუყოფელს მთლიანს, რომლის ფარგლებშიც შედის, როგორც აღმოსავლეთი, ისე დასავლეთი საქართველო (აფხაზეთის ადგილობრივი საკათალიკოზო). ამ ზოგად-ქართული ეკლესიის სათავეში დგას ქართლის კათალიკოზი, რომელსაც ეწოდება "ყოვლისა საქართველოვსა დიდი მამამთავარი" - პატრიარქი.

ირკვევა, ამასთან ისიც, რომ აფხაზეთის ქვეყანა ჩამოშორებია კონსტანტინოპოლის საპატრიარქოს და შეერთებია ზოგად-ქართულ ეკლესიას - ქართლის საკათალიკოზოს შორეულ წარსულში; წინააღმდეგ შემთხვევაში, გიორგი მთაწმიდელს უპასუხებდნენ, რომ აფხაზეთის ქვეყანა კანონიკურად კონსტანტინოპოლის ნაწილი იყო, იგი კონსტანტინოპოლს ეკუთვნოდა უახლოეს

ხანებში, და რომ საქართველო იგი შეიერთა უკანონოდ. აშკარაა, რომ აფხაზეთის დაკავშირება ზოგად-ქართულ ეკლესიასთან შორეულ წარსულში მომხდარა; იგი უკვე ხანგრძლივი ტრადიციით იყო განმტკიცებული და დაკანონებული.

X

გიორგი მერჩულის ცხოვრებაში... რომელშიაც დაცულია ცნობები დემეტრე II-ის შესახებ, მოიპოვება უადრესად მნიშვნელოვანი ჩვენებანი, თუ როგორ ტარდებოდა დემეტრე II-ის უშუალო ხელმძღვანელობით, რეფორმაცია აფხაზეთის ეკლესიისა, ამასთან დაკავშირებული ღონისძიებანი მისი გაქართულებისათვის.

ასე, გიორგი მერჩულის ძეგლიდან ჩვენ ვგებულობთ, რომ დემეტრე II-ის მოღვაწეობით "აფხაზეთის სამეფოში" არსებობდა ქართული მონასტერ-სავანეები, რომლებიც ძველი დროიდანვე დამკვიდრებული ბერძნული გავლენის შესუსტებასა და ქართული მწიგნობრობის ტრადიციების განმტკიცებას ისახავდნენ მიზნად.

გიორგი მერჩულის სიტყვით, დემეტრე II იბერია-მესხეთიდან აფხაზეთის სამეფოში სამოღვაწეოდ გადმოსულ პირებს "დიდითა პატივითა" ლეზულობდა, "ადგილსა კეთილსა" დაამკვიდრებდა და "საშენებლად" ქართულ სავანეთა "ფრიადსა საფასესა" გაიღებდა.

ერთ-ერთი ასეთი ქართული სავანე დაუარსებია აფხაზეთის სამეფოში გრიგოლ ხანძთელს, 826 წლის ახლო ხანებში, დემეტრე II-ის პირადი ინიციატივითა და თანამოღვაწეობით.

აქ საჭიროა ხაზი გავუსვათ იმ გარემოებას, რომ ქართული სავანეების მოწყობის დროს ყურადღების ცენტრში პირველ რიგში და საგანგებოდ ქართული მწიგნობრობის საქმე ყოფილა. ასე, მაგალითად, გიორგი მერჩულე, მოგვითხრობს რა, აფხაზეთში დაარსებული ქართული სავანის შესახებ, საჭიროდ თვლის საგანგებოდ აღნიშნოს, რომ ქართული სავანის ახლად დადგენილი წინამძღვარი მწიგნობრობის ცნობილი მოღვაწე იყო და რომ მას "აქუნდეს კეთილნი წიგნნი". ამავე დროს, გიორგი მერჩულის სიტყვით, თვით გრიგოლ ხანძთელსაც საგანგებოდ მიუძღვნია წიგნები ახლადდაარსებული სავანისათვის.

ქართული სავანეები, ცენტრები ქართული მწიგნობრობისა, იყვნენ განმამტკიცებელნი ქართული მწერლობის და ქართული კულტურის ტრადიციებისა და ამდენად ეს სავანეები იყვნენ დასაყრდენნი იმ დიდი რეფორმის ჩატარების დროს, რომელიც მიზნად ისახავდა დასავლეთ საქართველოს ეკლესიის ნაციონალიზაციას და მასში - ბერძნულის ნაცვლად - ქართული ენისა

და მწიგნობრობის დამკვიდრებას.

იმისათვის, რომ გაენელებათ ძველი ტრადიციების გავლენა და სათავეშივე მოესპოთ ბიზანტინოფილური წრეების საქმიანობა, დასავლეთ საქართველოს - აფხაზეთის სამეფოს ხელისუფლება გაბედულად ჩაატარებს შემდეგ რადიკალურ ღონისძიებას: იგი სპობს ძველად არსებულ საეკლესიო ცენტრებს, - საეპისკოპოსო კათედრებს, და მათ ნაცვლად ახალ ცენტრებს აარსებს.

ასე მოსპობილ იქნა შემდეგი ძველი ცენტრები, ძველი კათედრები და მათ ნაცვლად დაარსებულ იქნა შემდეგი ახალი ცენტრები:

ა) გაუქმებულ იქნა აფხაზეთის საეპისკოპოსო ცხუმში (სოხუმში),

ასევე გაუქმებულ იქნა ნიკოფსიის სამთავარეპისკოპოსო, და ამ ორი ძველი ცენტრის ნაცვლად დაარსებულ იქნა ახალი ცენტრი - ბიჭვინთის კათედრა, რეზიდენცია აფხაზეთის კათალიკოზთა.

ცხუმის და ნიკოფსიის კათედრებს, როგორც ცნობილია, ხანგრძლივი სარელიგიო ტრადიციები ჰქონდათ. კერძოდ, ცხუმის კათედრა ითვლებოდა მთავარ ცენტრად აფხაზეთის ეკლესიისა. აფხაზეთში, ქრისტიანობის სახელმწიფოებრივ-სარწმუნოებად გამოცხადების დროს მერ საუკუნეში, ცხუმში, ბიზანტიის იმპერატორის იუსტინიანე I-ის მიერ აგებულ იქნა საკათედრო ტაძარი, რომელიც მხარის სიწმიდედ ითვლებოდა.

...ეს შენაცვლება კათედრებისა, რაც დღემდე არ იყო ახსნილი, დაკავშირებული ყოფილა, როგორც ახლა ირკვევა, დასავლეთ საქართველოს ეკლესიის რეფორმაციასთან. აფხაზეთის სამეფოს ხელისუფლება, იმისათვის, რომ მოესპო ტრადიციები ბიზანტიზმის ამ ძველი ციტადელისა, იუსტინიანე იმპერატორის მიერ დაარსებული ცხუმის კათედრისა, არ დარიღებია რელიგიური ტრადიციის დარღვევას, გაუქმებია ეს მთავარი რელიგიური ცენტრი ცხუმში და მის ნაცვლად მოუწყო ახალი ცენტრი ბიჭვინთაში. ბიჭვინთა ახალ ცენტრად აურჩევიათ, კერძოდ, იმის გამო, რომ აქ, ბიჭვინთაში, უძველეს ხანაში, ჯერ კიდევ III-IV საუკუნეებში, არსებულა საეკლესიო კათედრა, რომელიც შემდეგ მოსპობილა; ამიტომაც ბიჭვინთას, რომელთანაც დაკავშირებული იყო აღრინდელი საქრისტიანო გადმოცემები, შეეძლო ერთგვარად მეტოქეობა გაეწია ცხუმისათვის. ამასთან, რათა გარეგნულის მხრითაც დაეჩრდილათ იუსტინიანე იმპერატორის მიერ აგებული მხარის მთავარი სიწმიდე - ცხუმის კათედრალი, აქ, ბიჭვინთაში აუგიათ ის გრანდიოზული, ბრწყინვალე ხელოვნების ძეგლი - ბიჭვინთის საკათალიკოზო ტაძარი, რომელიც დღემდისაც შენახულა და რომელიც ქართული კლასიკური ხუროთმოძღვრების უმნიშვნელოვანეს ძეგლთა რიცხვს ეკუთვნის.



ჯვარცმა მაცხოვრისა

ბ) ასევე შეუცვლიათ, აგრეთვე ძველი ცენტრები ლაზეთის მიტროპოლიაში: როდოპოლისის (ვარდციხის) კათედრა გადატანილ იქნა დასავლეთ საქართველოს - აფხაზეთის სამეფოს დედაქალაქ ქუთაისში; ამავე დროს, გაუქმებულ იქნა ზღვის სანაპირო ზონაში პეტრას (ბათუმის მხარის) კათედრა და ბათუმის მხარე დაკავშირებულ იქნა ქუთაისთან.

ძველი ცენტრების ეს შენაცვლება, რაც მე-9 საუკუნეში დაიწყო, გრძელდება შემდეგ ხანაშიც.

გ) აფხაზეთის მეფის, გიორგი II-ის დროს (922-957 წწ.) გაუქმებულ იქნა ზღვის სანაპირო ზონაში ფაზისის კათედრა, და იგი გადატანილ იქნა შიდა მხარეში, ახალ ცენტრში - ჭყონდიდში (იხ. "მატიანე ქართლისაჲ გვ. 452).

დ) ასევე, X საუკუნის დასასრულს გაუქმებულ იქნა ზღვის სანაპირო ზონაში ძიდანების (გუდაფის) კათედრა და ისიც გადატანილ იქნა შიდა მხარეში, ახალ ცენტრში - ბედიამი (იქვე გვ. 471. / 245).

ამავე დროს, დასავლეთ საქართველოს შიდა მხარეებში არსდება მთელი რიგი ახალი კათედრები: მოქვი და დრანდა ("შუა სოფელში", საკუთრივ აფხაზეთისა და სვეტოს სანაპიროზე), ცაგერი (ლენხუმში), ნიკოლოზ-წმიდა, ე. ი. ნიკორწმიდა (რაჭაში).

ასეთი იყო ის ღონისძიებანი, რომელნიც ჩაუტარებია დასავლეთ საქართველოს - აფხაზეთის სამეფოს ხელისუფლებას დასავლეთ საქართველოს ეკლესიის რეფორმაციასთან, მის გაქართულებასთან დაკავშირებით.

ამრიგად, როგორც ირკვევა, აფხაზეთის

სამეფოს ხელისუფლება არ შეჩერებულა საუკუნეებით დამკვიდრებული და რელიგიური ტრადიციით განმტკიცებული წესების დარღვევის წინაშე ამ დიდი სახელმწიფოებრივი მიზნების განხორციელების დროს.

X

"ქართლის ცხოვრების" ეგრეთწოდებულ შეკვებულ რედაქციებში (კერძოდ: "ქართლის ცხოვრების" ბართაშვილელსა და სამეგრელოს მთავრის ვარიანტებში) მოიპოვება შემდეგი ცნობა ქართველთა სამეფოს (ქართლ-მესხეთის ფეოდალური სახელმწიფოს მეთაურის ბაგრატ I მეფე-კურაპალატის (826-872 წწ.) შესახებ:

"ხოლო ამან ბაგრატ განაჩინა და განაწესა კათალიკოზი აფხაზეთს ქრისტეს აქეთ (830).

თარიღი პანოლორეს ქრონოლოგიური სისტემით, აღნიშნავს ჩვენი წელთაღრიცხვის 838 წელს (830-8).

ამრიგად, ამ ცნობის თანახმად, აფხაზეთის საკათალიკოზოს დაარსება (ე. ი. აფხაზეთის ეკლესიის გამოყოფა კონსტანტინოპოლის საპატრიარქოდან, მისი ორგანიზება ადგილობრივი აფხაზეთის საკათალიკოზოს სახით და დაკავშირება ზოგად-ქართულ ეკლესიასთან, ქართლის საკათალიკოზოსთან მომხდარა 830 - 838 წლებში.

... აქ ყურადღებას იქცევს ის გარემოება, რომ აფხაზეთის საკათალიკოზოს დაარსების მონაწილედ დასახელებულია ქართლ-მესხეთის სამეფოს (იბერიის) მეთაური ბაგრატ I მეფე-კურაპალატი.

რით აიხსნება ეს ფაქტი? იბერია (ქართლ-მესხეთის სამეფო) და აფხაზეთი (დასავლეთ საქართველო) ამ დროს ხომ ორ ცალკე სახელმწიფო ერთეულს წარმოადგენდა?

ეს მეტად მნიშვნელოვანი საისტორიო ფაქტი, მონაწილეობა ქართლ-მესხეთის სამეფოს (იბერიის) მეთაურისა აფხაზეთის საკათალიკოზოს დაარსებაში, რასაც შედეგად მოჰყვა დაკავშირება აფხაზეთის ეკლესიისა ზოგად-ქართულ ეკლესიასთან, ე. ი. ქართლის საკათალიკოზოსთან, ცხადია, იმით იყო გამოწვეული, რომ მცხეთა, ცენტრი საკათალიკოზოსი, ისტორიულად იბერიის (ქართლის) ნაწილს, იბერიის ძველ დედაქალაქს წარმოადგენდა. ქართლის კათალიკოზი, არჩევის შემდეგ, პირველ ცნობას, ძველი ტრადიციის თანახმად, იბერიის (ქართლ - მესხეთის) მეფე-კურაპალატისაგან ლეზულობდა. ამასთან, ქართლის საკათალიკოზოს ტერიტორია ძირითადად "ქართველთა სამეფოს (ქართლ-მესხეთის ფეოდალური სახელმწიფოს) ფარგლებში შედიოდა.

აფხაზეთის ადგილობრივი საკათალიკოზოს ორგანიზაცია, მისი დაკავშირება ზოგად-ქართულ ეკლესიასთან, ქართლის საკათალიკოზოსთან,

ერთნაირად ეხებოდა, როგორც დასავლეთ საქართველოს ("აფხაზეთის სამეფოს"), ისე აღმოსავლეთ საქართველოს (ქართლ-მესხეთს).

როდესაც ჩატარდა ეს დიდი რეფორმა 830-იან წლებში, მეთაური დასავლეთ საქართველოს (აფხაზეთის სამეფოში) იყო მეფე დემეტრე II, ძე ლეონ II-ისა (753-798 წწ., რომლის დროსაც, მე-8 საუკუნის ბოლო მეოთხედში, აღდგენილ იქნა დასავლეთ საქართველოს "აფხაზეთის" დამოუკიდებლობა) და ძმა თეოდოსი I-ისა, რომლის მეფობა 798 - 825 წლებს უწევს. დემეტრე მეფე გამეფებულა თეოდოსი I-ის შემდეგ, 825 წლის ახლო ხანებში და მისი მმართველობა გაგრძელბულა 36 წელი, 861 წლამდე.

აღსანიშნავია ამასთან, რომ ამ ეპოქაში, მე-8 საუკუნის მეორე ნახევარსა და მე-9 საუკუნის

პირველ ნახევარში, ახლო თანამშრომლობა არსებობს დასავლეთ საქართველოს სახელმწიფოებრივ გაერთიანებათა შორის.

....ასევე, როგორც ირკვევა, მომდევნო პერიოდშიც, მეცხრე საუკუნის მეორე მეოთხედში, 830-იან წლებში, აღმოსავლეთ საქართველოს სახელმწიფოს მეთაური ბაგრატ I მეფე-კურაპალატი თანამშრომლობას ეწევა დასავლეთ საქართველოს მეთაურთან, დემეტრე II-სთან იმ დიდი რეფორმის ჩატარების დროს, როდესაც აფხაზეთი ეკლესიურად გამოეყო კონსტანტინოპოლის საპატრიარქოს და ზოგად-ქართულ ეკლესიას, ქართლის საკათალიკოსოს დაუკავშირდა. მოხდა აფხაზეთის ეკლესიის ნაციონალიზაცია, გაქართულბა.

პავლე ინგოროვჰა

მწერალი, მეცნიერი



ჰინ არის აფხაზეთის მიწის უკველესი ბინადარი?!

ქართველების აფხაზეთიდან გამეფების გამართლებას აფხაზი სეპარატისტები ცდილობენ მტკიცებით, რომლის მიხედვითაც აფხაზეთის მიწა აფხაზების კუთვნილებაა უძველესი დროიდან მოკიდებული, ქართველები კი ამ მიწაზე გვიან არიან შემოჭრილები. სწორედ ამ მტკიცების საფუძველზე აძლევენ თავის თავს ნებას, განაცხადონ: ქართველები არიან არა აფხაზეთიდან დევნილნი, არამედ - თავის სამშობლოში კანონიერად დაბრუნებულნი.

მიუხედავად იმისა, რომ საკითხის ამგვარად გადაწყვეტა (არააბორიგენი ხალხის გამეფების გამართლება) თავისთავად არის ბარბაროსობისა და უღმერთობის სავალალო გამოვლინება (მსოფლიოს დემოგრაფიული სურათის უბრალო თვალის გადავლებაც ცხადყოფს ამას), დავსვათ მაინც კითხვა: ვინ არის ბოლოს და ბოლოს, აფხაზეთის მიწის უძველესი ბინადარი?

ამ კითხვის ბუნებრივი პასუხი, ერთი შეხედვით, თითქოს ასეთია: აფხაზეთის მიწის უძველესი ბინადარი, რა თქმა უნდა, აფხაზი ხალხია. მაგრამ ეს არის ამ რთული კითხვის მეცნიერულად გაუზარებელი, პრიმიტიული პასუხი. სინამდვილეში საკითხი არც ასე მარტივია და მისი არც ასე ზედაპირულად გადაწყვეტა არის შესაწყნარებელი.

პრობლემის არსში უფრო ღრმად ჩაწვდომის გამო ქართველ (აგრეთვე - რუს) მეცნიერთა ერთმა ნაწილმა თვალნათლივ დაინახა, რომ ძველ ისტორიულ წყაროებში დადასტურებული აფხაზები (ძველი დროის აფხაზები) სხვა ხალხია, ამჟამად აფხაზად წოდებული ხალხი კი - სულ სხვა და მათი წარმომავლობით ერთმანეთთან დაკავშირება შეუძლებელია. სწორედ ამიტომ იქნა წამოყენებული დებულება: ძველი დროის აფხაზები ქართველებია, თანამედროვე აფხაზები (აფსუები) კი XVI-XVII საუკუნეებში საქართველოს (აფხაზეთის) მიწაზე საიდანადაც ჩამოსახლებული უცხო ტომის ხალხი, რომელსაც შემდეგ ქართველ აბორიგენთა სახელი (აფხაზი) შეერქვა. მეცნიერებაში დოკუმენტის ბატონობის გამო ეს შეხედულება, სამწუხაროდ, თავიდანვე ჩრდილში მოექცა და ფართო საზოგადოებისათვის შეუმჩნეველი დარჩა.

შევედროთ უფალს, შეგვაძლებინოს საკითხის იმგვარად გაშუქება, რომ მართალი აღმოჩნდეთ ღმერთთანაც და კაცთანაც, ქართველ ხალხთანაც და აფხაზებთანაც.

არსებობს არაერთი სერიოზული არგუმენტი იმისა, რომ ძველი დროის აფხაზები, მართლაც, სხვა ხალხია, თანამედროვე აფხაზები (აფსუები) კი - სულ სხვა და რომ პირველი მათგანის

მეორის წინაპრად მიჩნევა შეუძლებელია. დავა-
სახელოთ ზოგი მათგანი:

1. თანამედროვე აფხაზები თავის ენაზე თავის
თავს "აფსუას" უწოდებენ, თავის სამშობლოს -
"აფსნის", სახელწოდება "აფხაზი" (და "აფხა-
ზეთი") კი აფსუურ ენაში არ არსებობს; არ
არსებობს და, ცხადია, არც არასდროს არსებუ-
ლა, რამდენადაც არსებობის შემთხვევაში მისი
მხოლოდ იმ ხალხის ენაში გაქრობა, რომლის
თვითსახელწოდებაც კი ათასწლეულთა განმავლო-
ბაში იყო, აბსოლუტურად წარმოუდგენელია.
ამასთანავე, ძველი დროის აფხაზებისა და მათი
სამშობლოს სახელად წერილობით წყაროებში
მხოლოდ "აფხაზი" და "აფხაზეთი" (ბერძნ. "აბაზ-
გი" და "აბაზგია") დასტურდება; სახელწოდებები
"აფსუა" და "აფსნი" აქ ისევე არ არსებობს,
როგორც აფსუურში არ არსებობს "აფხაზი" და
"აფხაზეთი". თანამედროვე აფსუათა წინაპარ
ხალხს ისტორიის სიღრმეში, მაშასადამე, ისევე
არ ეწოდებოდა "აფხაზი", როგორც ძველი დრო-
ის აფხაზებს არ ეწოდებოდათ "აფსუა". სხვა
რომ არა იყოს რა, მარტო ესეც საკმარისია
იმის დასამტკიცებლად, რომ აფსუებს არაფერი
აქვთ საერთო იმ ხალხთან, რომელიც თავის
თავს აფხაზს უწოდებდა ათეულ საუკუნეთა
მანძილზე, ხოლო თავის სამშობლოს - აფხაზეთს.

2. მეფე ლაშა გიორგის სახელთან დაკავშირე-
ბით, "ქართლის ცხოვრება" გვაუწყებს: "ლაშა...
განმანათლებლად სოფლისა ითარგმნა აფსართა
ენითა". რადგანაც ამ სახელს ასეთი მნიშვნელო-
ბა აფსუურში აქვს (ალაშა "სინათლე"), ამიტომ
მას ამ ენიდან მომდინარედ თვლიან, რაც, თავის
მხრივ, აფსარების თანამედროვე აფსუათა წინაპ-
რად მიჩნევასაც ნიშნავს. მაგრამ თუ, ერთი
მხრივ, აღნიშნული ენა "ქართლის ცხოვრებაში"
აფსართა ენად იწოდება და არა-აფხაზთა ენად,
მეორე მხრივ, ძველი დროის აფხაზები ქართულ
ისტორიულ წყაროებში აფხაზებად მოიხსენიებიან
და არა აფსარებად (დავით აღმაშენებლის ტიტუ-
ლია "მეფე აფხაზთა, ქართველთა, რანთა, კახთა,
და არა "მეფე აფსართა, ქართველთა რანთა,
კახთა...") ეს კი უდავო მარჯვენაა იმისა, რომ
აფსარები და, მაშასადამე, აფსუებიც სხვა
ხალხია, ძველი დროის აფხაზები კი-სულ სხვა
და მათ ერთმანეთთან არაფერი აქვთ საერთო.

აქვე ისიც უნდა ითქვას, რომ ქართველი მე-
ფის ორი სახელიდან ერთ-ერთის (ლაშას) აფ-
სარული წარმომავლობა ისევე არ გამოდგება
ქართული მიწის აფსართა საშობლოდ მიჩნევის
საბუთად, როგორც მეორე სახელის (გიორგის)
ბერძნული წარმომავლობა არ გამოდგება ამავე
მიწის ბერძენთა სამშობლოდ გამოცხადების სა-
ფუძვლად, და საერთოდ, ქართული ანთროპონიმ-
ების (აღამიანთა სახელების) უდიდესი ნაწილი),
როგორც ცნობილია, უცხო ხალხთა ენებიდან

არის მომდინარე, მაგრამ ამის გამო არავის
მოსვლია აზრად საქართველო ყველა ამ ხალხის
სამშობლოდ გამოცხადებისა.

3. როგორც ისტორიკოსები აღნიშნავენ, ძველი
დროის აფხაზები ქრისტიანი, მიწათმოქმედი და
მწიგნობარი . ხალხია, მოგვიანო პერიოდის
აფხაზური მოსახლეობა (აფსუები) კი არის არა
ქრისტიანი, არამედ წარმართი, არა მიწათ-
მოქმედი, არამედ-მესაქონლე, არა მწიგნობარი,
არამედ, არამწიგნობარი (აფხაზური დამწერლობა,
როგორც ცნობილია, პირველად 1862 წ. შეიქმნა
რუსი გენერლების მიერ, რუსული ანბანის სა-
ფუძველზე). თუ აფსუურ მოსახლეობას ძველი
დროის აფხაზთა მემკვიდრედ მივიჩნევთ, მაშინ
ასეთ კულტურულ-ეკონომიკურ რეგრესს, ისტო-
რიკოსთა თქმით, არავითარი ახსნა არ ეძებნება,
არ ეძებნება განსაკუთრებით ქართველ ხალხთან
უშუალო მეზობლობაში, რომლის ისტორიაშიც
ისეთი კატასტროფული უკუსკელის კვალი
აბსოლუტურად არა ჩანს.

4. თუ მაინც დავეუშვებთ, რომ ქართველები
და აფსუები აფხაზეთის ტერიტორიაზე ათას-
წლეულთა განმავლობაში ცხოვრობდნენ ერთმანე-
თის გვერდით, მაშინ ქართველურ ენებში უთვა-
ლავი რაოდენობით უნდა არსებობდეს აფსუური
ენის, (აფსუურში კი - ქართველურ ენათა) ელემ-
ენტები. სინამდვილეში ასეთ ელემენტთა რაოდენ-
ობა იმდენად უმნიშვნელოა, რომ მის სა-
ფუძველზე ამ ორი ხალხის ერთმანეთის უშუ-
ალო მეზობლობაში ცხოვრების დაშვება, არათუ
ათასწლეულთა განმავლობაში, ბოლო ოთხი-ხუთი
საუკუნის განმავლობაშიც კი დიდი გაჭირვებით
არის შესაძლებელი. რაც შეეხება თანამედროვე
აფხაზეთის ტერიტორიაზე დადასტურებულ აფსუ-
ურ ტოპონიმებს (რომელთა სიმკვლეის მტკიცებას
არავითარი საფუძველი არ მოეპოვება), მათი აქ
გაჩენის ასახსნელად სრულიად საკმარისია აფ-
ხაზეთის მიწაზე აფსუათა ბოლო ოთხი-ხუთი სა-
უკუნის მანძილზე ცხოვრების კონსტატაცია.

5. ცნობილი რომაელი მოღვაწის-პლინიუსის-
ცნობით, აბსოები I საუკუნეში ცხოვრობდნენ
კასპიის ზღვის ჩრდილო-დასავლეთ სანაპიროსთან,
მდინარე ვოლგის შესართავთან (იხ. ნ. ფოფ-
ხაძის სტატია, აქვე, გვ. 42) ამ "აბსოათა" და
თანამედროვე "აფსუას" იგივეობა, ვფიქრობ,
უეჭველია. და მაშინ, დოკუმენტურად დადასტურ-
ებული გამოდის ორი რამ: ა) თანამედროვე აფ-
ხაზთა უძველესი და ერთადერთი სახელწოდება
არის "აფსუა", "აფხაზი" კი გვიან არის შეჩვენე-
ლი და ისიც მხოლოდ გარესამყაროში და არა
საკუთარ ენაში, ბ) აფსუების ისტორიული
სამშობლო არის არა აფხაზეთის მიწა, არამედ
მის ფარგლებს გარეთ მდებარე ტერიტორია; მა-
თი აქ შემოჭრა კი გვიანდელი მიგრაციის
შედეგია. სხვას რომ ყველაფერს თავი დაე-

ანებოთ, მარტო აქედანაც, ნათლად ჩანს, რომ ძველი დროის აფხაზებსა და თანამედროვე აფხუებს წარმომავლობით არაფერი აქვთ ერთმანეთთან საერთო.

6. უცხოელ და ქართველ ავტორთა ცნობების გაკლენით (ე. ჩელები, ა. ლამბერტი, ვ. ბაგრატიონი) აფხაზი ისტორიკოსები იძულებულნი არიან აღიარონ, რომ XVII-XIX საუკუნეებში აფხურის მოსახლეობა მიცვალებულს მიწაში კი არ მარხავდა, არამედ ხეზე ჰკიდებდა (ე. წ. "საქაერო დასაფლავება"). ძველი დროის აფხაზებისათვის (ე.ი. XVII საუკუნის წინადროინდელ აფხაზთათვის) დასაფლავების ეს პრიმიტიული წესი უცხო იყო; სამაგიეროდ, როგორც აფხაზი ისტორიკოსები აღნიშნავენ, დამახასიათებელი იყო ადიღური ტომებისათვის. ესეც უტყუარი მაჩვენებელია იმისა, რომ აფხურის მოსახლეობა ქართულ (აფხაზურ) მიწაზე გვიან არის ჩამოსახლებული თავისი მონათესავე ხალხის-ადიღელების-მეზობელი ტერიტორიებიდან, საიდანაც დასაფლავების ეს წესიც ბუნებრივად შემოჰყვა. სხვაგვარი ახსნა გამორიცხულია, რადგანაც წარმოდგენილია მაღალგანვითარებული ქრისტიანული აფხაზური მოსახლეობა XVII საუკუნეში უცებ დასაფლავების ამ წარმართულ წესზე გადასულყო. ამასაც რომ თავი დაკანებოთ, ხალხს, რომელიც მიცვალებულს საუკუნეთა მანძილზე მიწაში მარხავდა, საიდან უნდა მოეტანა დასაფლავების ეს პრიმიტიული წესი?!

7. ძველ წერილობით წყაროებში აფხაზეთის ტერიტორიაზე ქართული გვარები მრავლად იხსენიება, აფხაზური გვარები კი (ვთქვათ, ბა-ზე დაბოლოებული ფორმები), არსებითად, არც ერთხელ; ყოველ შემთხვევაში, ერთიანი ქართული სამეფოს შემადგენლობაში აფხაზეთის საერისთავოს სათავეში ადრეული შუა საუკუნეებიდან მოყოლებული უცვლელად შარვაშიძეების (და არა, ვთქვათ, ჩაჩხუბის) საგვარეულო იდგა. ესეც აშკარა მაჩვენებელია იმისა, რომ თანამედროვე აფხუებს ძველი დროის აფხაზებთან არაფერი აქვთ საერთო.

8. არსებობს სხვა არგუმენტებიც, მაგრამ აქამდე ნათქვამი, ვფიქრობ, საკმარისზე მეტიც კია იმისათვის, რომ ძველი დროის აფხაზებისა და თანამედროვე აფხუების წარმომავლობით ერთმანეთთან დაკავშირების შესაძლებლობა გამოვრიცხოთ. და მაშინ, ისმის კითხვა: ვინ არის ის ხალხი, რომელიც ძველ წერილობით წყაროებში აფხაზად იწოდება?

მოგვეპოვება არაერთი მნიშვნელოვანი არგუმენტი, რომელიც ცხადყოფს, რომ ძველი დროის აფხაზები ქართველები იყვნენ და არა თანამედროვე აფხაზთა (აფხუათა) წინაპრები:

1. ქართველი ისტორიკოსებიცა და აფხაზებიც ერთხმად აღიარებენ, რომ VIII საუკუნეში აფ-

ხაზთა მეფის ლეონ II-ის მიერ გათავისუფლებული და გაერთიანებული დასავლეთი საქართველო ქართული ქრისტიანული სარწმუნოების, ქართული კულტურის, ქართული მწიგნობრობის ქვეყანა იყო ქართული ენითა და ქართული პოლიტიკური კურსით. რადგანაც ყოველი ხალხი საკუთარ ქვეყანას ემსახურება, საკუთარ კულტურას ქმნის საკუთარი ენითა და საკუთარი პოლიტიკური კურსით, ამიტომ ლეონ II და მისი დროის აფხაზები, ცხადია, ქართველები იყვნენ და არა არაქართველები. ასე რომ არ ყოფილიყო, მაშინ რატომ უნდა შეექმნა უცხო ტომის ხალხს, ისიც არძინბას წინაპრს, ქართული სახელმწიფო და ქართული კულტურა ქართული ენითა და ქართული პოლიტიკური კურსით?! ამ ხალხს საკუთარი თავი, საკუთარი ენა და საკუთარი ეროვნული ინტერესები დაეწივებოდა? საქმე სწორედ ის არის, რომ მას არაფერი დაეწივებოდა არ ჰქონდა, რამდენადაც ლეონ II საქართველოს გათავისუფლებისა და გაერთიანებისათვის მებრძოლი პატრიოტი ქართველი (აფხაზი) მეფე იყო და არა არძინბას წინაპარი! სხვაგვარად მთელ დასავლეთ საქართველოში მის მეფობას ქართველი ხალხი ისევე ვერ შეურიგდებოდა, როგორც ვერ შეურიგდება "აფხაზეთში არძინბას ბატონობას!"

2. თუ ძველი დროის აფხაზები - მწიგნობარი და მაღალგანვითარებული ხალხი - თანამედროვე აფხუათა წინაპარია, მაშინ აბსოლუტურად გაუგებარია, რომ აფხაზეთის ტერიტორიაზე არ მოიპოვება აფხურის კულტურის ამსახველი არც ერთი თვალსაჩინო ძეგლი და არ არის შემონახული აფხურის დამწერლობის არსებობის მინიმუმები უბრალო კვალც კი.

3. უძველეს წერილობით ძეგლებში დადასტურებული თანამედროვე აფხაზეთის ტერიტორიის უკლებლივ ყველა ტოპონიმი ქართველური წარმომავლობისაა; არც ერთი აფხურის ტოპონიმი აქ არ ურევია (პროფ. დ. გოგოლაძე). და საერთოდ, აფხაზეთის ტერიტორიაზე არ არსებობს აფხურის გეოგრაფიული სახელი, რომელსაც შეიძლება აქაური ქართული ტოპონიმების სიმკვლის თანაბარი პრეტენზია ჰქონდეს. ესეც იმის უტყუარი მაჩვენებელია, რომ ამ ტერიტორიის უძველესი ბინადარი არის ქართველი ხალხი, აფხაზების ჩათვლით, და არა - აფხუათა წინაპრები.

4. თუ ძველი დროის აფხაზებს თანამედროვე აფხუათა (ე. ი. არაქართველთა) წინაპრად მივიჩნევთ, მაშინ აბსოლუტურად გაუგებარია, რომ მთელს დასავლეთ საქართველოს (შემდეგ კი მთელს საქართველოსაც) ერთ დროს "აფხაზეთი" დაერქვა და ისიც ქართველების ნებით. ამ უცნაური ფაქტის ახსნა მხოლოდ მაშინ არის შესაძლებელი, თუ ძველი დროის აფხაზებს

ქართველებად მივიჩნევთ, ხოლო აფხაზეთს-საქართველოს ორგანულ ნაწილად. ასეთ შემთხვევაში, "აფხაზეთი" საქართველოს ისევე შეიძლება დარქმეოდა, როგორც საქართველოს ერთ-ერთი ნაწილის - "ქართლის" მიხედვით მას "საქართველო" დაერქვა. იმ შემთხვევაში კი, "აფხაზეთი" რომ არაქართველთა სამშობლოს სახელი ყოფილიყო, საქართველოს ის ისევე ვერ დაერქმეოდა, როგორც ვერ დაერქმეოდა, ვთქვათ, თურქეთი, სპარსეთი, ჩეჩნეთი, ადიღე, ყაბარდო, და ა.შ. ეს, ვფიქრობ, აბსოლუტურად უდავოა.

5. აფხაზეთის ტერიტორიაზე ქართველთა და აფხაუთა ცხოვრების უწინარესობა-შემდგომობის საერთო სურათი ნათლად აისახება აფხაზეთის მთავარი ქალაქის ქართული და აფხურული სახელწოდების (ცხუმი, აყნა) ქრონოლოგიურ ურთიერთმიმართებაში. ცხუმი (სოხუმის ამოსავალი ფორმა), როგორც ცნობილია, ქართველური (სვანური) წარმომავლობის ტოპონიმი (სვან. ცხუმ. "რცხილა", შდრ. გაგრა, მიღებული სვანური სიტყვისაგან "გაკრა"-კაკლის ხე, შდრ. აგრეთვე, სვანური სოფლის სახელები ზასხე "ცაცხვი" და ცხუმ-არ რცხილები). "ცხუმის" ქართველური წარმომავლობა, მაშასადამე, ისევე აშკარაა, როგორც "აყნას" აფხურულიდან მომდინარეობა. ყველაზე მთავარი ამ შემთხვევაში ის არის მაინც, რომ სახელწოდება "ცხუმი" წერილობით წყაროებში დადასტურებულია ჯერ კიდევ VIII საუკუნეში, აყნა კი-მხოლოდ ათი საუკუნის შემდეგ XVIII საუკუნეში. სხვა რომ არა იყოს რა, მარტო ესეც საკმარისია აფხაზეთის ტერიტორიაზე ქართველების უძველესობისა და აფხურების სიძლიერის საჩვენებლად. თუ იმასაც გავითვალისწინებთ, რომ მთელ მსოფლიოში ამ ქალაქის სახელწოდება არის ცხუმი (სოხუმი) და არა-აყნა, მაშინ ამ დასკვნის მართებულობა სრულიად უდავო გახდება. მთელ მსოფლიოში აფხაზეთის მთავარ ქალაქს იმიტომ ჰქვია ცხუმი (სოხუმი), რომ ის არის ამ ქალაქის მკვიდრთა და მისი მიმდებარე ტერიტორიის მფლობელთა მიერ შექმნილი უძველესი სახელწოდება. სამაგიეროდ, გარესამყაროში მას იმიტომ არ ჰქვია აყნა, რომ ისტორიის სიღრმეში ამ ქალაქსა და მის ახლომახლო ტერიტორიაზე არც ამ სახელწოდების შემქმნელი ხალხი არსებობდა და არც თვით ეს სახელწოდება! ამ ფაქტებიდან სხვაგვარი დასკვნების გაკეთება, შეუძლებელია.

6. ძველი დროის აფხაზეთის ქართველობა იმდენად თვალსაჩინოა, ხოლო ყალბი ტრადიცია მათი თანამედროვე აფხაზთა (აფხაუთა) წინაპრად მიჩნევისა იმდენად ძლიერი, რომ ზოგი მკვლევარი ძველი დროის აფხაზეთს გაქართველებულ აფხაზეთად მიიჩნევს, თანამედროვე აფხურებს კი მათ შემკვიდრედ. ამგვარ ვარაუდს გამოუვალ ჩიხში შევყავართ. შეუძლებელია ქართულ გარემო-

ში გაქართველებული აფხაზეთის ამავე გარემოში ისევე გააფხაზეთისა (გააფხურებისა) და ისეთ ხალხად ქცევის დაშვება, რომელმაც შემდეგ არძინბა წარმოშვა. ამის მიუხედავად, ზემოაღნიშნული ყალბი ტრადიციის გავლენით, მკვლევართა ერთი ნაწილი აქამადაც ეძებს ამ ვარაუდის გამართლების გზებს. ასე მაგ. ერთ-ერთ ბოლოდროინდელ ნაშრომში, თავისთავად უაღრესად მნიშვნელოვანს და ძირითადად სწორ საგაზეთო სტატიაში, სამწუნაროდ, ასეთი რამეც არის ნათქვამი: "ქრისტინა აფხაზურ მოსახლეობაში წარმართობის აღდგენა აიხსნება XVII-XVIII საუკუნეებში აფხაზეთის ტერიტორიაზე მთის აფხაზურენოვანი ჩამორჩენილი ტომების შემოჭრით, რომლებსაც წარმართობა და ცხოვრების პრიმიტიული წესი მოიტანეს თან, რამაც ქართულ კულტურასთან შერწყმულ, არსებითად გაქართველებულ, აფხაზეთში თითქმის მთლიანად მივიწყებული აფხაზური ეთნიკური ნიშნების რეანიმაცია გამოიწვია" (ნ. ლომოური, გაზეთი "სვობოდნაია გრუზია", 5.V.1994 წ.) გარდა იმისა, რომ ამ პერიოდში დასუსტებული ფეოდალური საქართველოს (აფხაზეთის) ტერიტორიაზე ჩრდილოკავკასიელ მთიელთა შემოჭრის კვალი, მართლაც, აშკარად ჩანს, ამ ვარაუდს მხოლოდ საწინააღმდეგო არგუმენტები მოეპოვება: ა) წარმოუდგენელია მთიდან შემოჭრილი ჩამორჩენილი ტომების გავლენას მრავალსაუკუნოვანი ქრისტიანული ტრადიციის მქონე მაღალგანვითარებული ბარის მოსახლეობის ჩამორჩენილ წარმართებად გარდაქმნა და ისეთ ხალხად ქცევა გამოეწვია, რომელიც მიცვალებულს ხეზე ჰკიდებდა; ბ) აბსოლუტურად მიუღებელია ახლად-შემოჭრილი ჩამორჩენილი ტომების გავლენით ცივილიზებულ ბარის მოსახლეობაში ათასწლეულთა წინანდელი, სრულიად დაკვიწყებული, პრიმიტიული "ეთნიკური ნიშნების რეანიმაციის" შესაძლებლობის დაშვება; გ) აფხაზეთის ტერიტორიაზე აფხაზური მოსახლეობა ჩვენი წელთაღრიცხვის პირველი საუკუნეებიდან იხსენიება. არც ერთ სხვა ტერიტორიაზე აფხაზად წოდებული ხალხი ისტორიამ არ იცის, ამიტომ აფხაზეთში რომელიმე სხვა ტერიტორიიდან აფხაზეთის შემოჭრის დაშვება მეცნიერულად, ცხადია, უსაფუძვლოა. დ) აბსოლუტურად შეუძლებელია ათასწლეულთა განმავლობაში სხვადასხვა ადგილასა და სხვადასხვა პირობებში ერთმანეთისაგან მოწყვეტილად მცხოვრები ერთი ხალხის ორი სხვადასხვა ნაწილისაგან დროთა განმავლობაში სხვადასხვა ენაზე ამტყველებული სხვადასხვა ხალხი არ წარმოქმნილიყო სხვადასხვა კულტურით, სხვადასხვა ტრადიციებითა და სხვადასხვა ფსიქიკით. ამიტომ აფხაზეთის მაღალგანვითარებული მკვიდრნი და მთიდან შემოჭრილი, ჩამორჩენილი ტომები საერთო წარმომავლობის

შემთხვევაშიც კი, ცხადია, სხვადასხვა ხალხებად იქნებოდნენ ქვეყლნი. სინამდვილეში აქ ასეთ ვითარებასთან გვაქვს საქმე: დამხედურნი (აფხაზები) ჩვეულებრივი ქართველებია, ხოლო მთიდან შემოჭრილნი (აფსუები) - არაქართველები. მიუხედავად ქართველთა ნაწილის გააფხუებისა და აფსუების ნაწილის გაქართველების პროცესთა მოქმედებისა, ქართველი ხალხი ამ ტერიტორიაზე მაინც ქართველ ხალხად რჩებოდა, აფსუები კი აფსუებად.

ამ დასკვნის მართებულობას თვალნათლივ ადასტურებს ძველი დროის აფხაზებისა და შემდგომდროინდელი აფსუების აბსოლუტური სხვადასხვაგვარი დამოკიდებულება საქართველოსთან, ქართველებთან, ქართულ ენასთან, ქართულ კულტურასთან, ქართულ ვრონულ ინტერესებთან. და მართლაც, ქართული და უცხოური წერილობითი წყაროების გამოწვლილებით შესწავლის საფუძველზე აკადემიკოსმა მ. ლორთქიფანიძემ ეჭვიმუტანლად აჩვენა, რომ XVII საუკუნემდე აფხაზური მოსახლეობა არაქართველად არ იწოდებოდა, რამდენადაც დასავლეთ საქართველოს დანარჩენი მოსახლეობისაგან ის, არსებითად, არაფრით განსხვავდებოდა; არსად არ არის ნახსენები აფხაზური, როგორც დამოუკიდებელი ენა; არავინ ლაპარაკობს აფხაზების სხვა ქართველთა მიმართ რაიმე განსაკუთრებულ აგრესიულობაზე. XVII საუკუნიდან სურათი მკვეთრად იცვლება: ამიერიდან აფხაზები (აფსუები) უყოყმანოდ ითვლებიან არაქართველებად, ხალხად, რომლებიც ცხოვრების წესით ჩერქეზებს ჰგვანან და არა - ქართველებს; უკვე აშკარად იხსენიება აფხაზთა (აფსუათა) საკუთარი ენაც და, რაც მთავარია, იწყება აფხაზეთის თავდასხმები მეზობელ ქართველურ მოსახლეობაზე. სწორედ ამან აიძულა სამეგრელოს მთავარი ლევან II დადიანი (XVII ს.) აფხაზებისაგან თავის დასაცავად საგანგებო კედელი აეგო (მ. ლორთქიფანიძე, აფხაზები და აფხაზეთი, 1990 წ. გვ. 5-37). ყოველივე ეს კიდევ ერთი უტყუარი მაჩვენებელია იმისა, რომ ძველი დროის აფხაზები ჩვეულებრივი ქართველებია, აფსუები კი-ქართულ მიწა-წყალზე მოგვიანებით შემოჭრილი უცხო ტომი.

7. აქამდე ნათქვამი სრულ შესატყვისობაში იმყოფება აკად. თ. გამყრელიძის დასკვნასთან: აფხაზი თავდაპირველად ერთი გარკვეული დასავლურ-ქართველური ტომის აღმნიშვნელი იყო. შემდეგ ის იმ არაქართველი ხალხის სახელად იქცა, რომელიც თავის თავს "აფსუსს" უწოდებდა. ამ დასკვნას აქ განსაკუთრებული მნიშვნელობა ენიჭება იმიტომ, რომ ის, საწინააღმდეგო მოსაზრებათაგან განსხვავებით, მაღალ პროფესიონალიზმსა და თანამედროვე ლინგვისტური მეთოდოლოგიური პრინციპების აბსოლუტურად ობიექტურ გამოყენებას ემყარება.

რაც აფსუების ძველი დროის აფხაზებთან მიმართების შესახებ ითქვა, იგივე ითქმის (კიდევ უფრო თამამად) მათ მიმართებაზე აფსილ-აფსილებთან. რადგანაც აფსილ-აფსილები ისტორიის ასპარეზიდან VIII საუკუნეში გაქრნენ, მათი რომელიმე თანამედროვე ხალხის (ეთქვით, აფსუების) წინაპრად მიჩნევას, ცხდია, არ მოეპოვება მეცნიერული საფუძველი.

აფსუების წინაპრად მიიჩნევენ აფსილებს, ამ ორ სახელწოდებას შორის ერთგვარი მსგავსების გამო. გარდა იმისა, რომ ამგვარი მიდგომის შემთხვევაში მანგლისი შეიძლება ინგლისთან დაკავშირდეს, ატენი ან აფენი ათენთან, ხოლო აგრა ანკარასთან. "აფსილის" გვერდით არსებობს ვარიანტი "აფშილი", რომელიც "აფსუსთან" ფორმითაც საკმაოდ შორს დგას. "აფსილი", როგორც ცნობილია, ბერძნული ფორმაა, "აფშილი" კი - ქართული. მათგან, ცხადია, ან ერთია ამოსავალი, ან მეორე. რადგანაც ქართულში არსებობს ს ბგერაცა და შ-ც, ხოლო ძველ ბერძნულში არსებობდა მხოლოდ ს და არ არსებობდა შ, ამიტომ ქართული "აფშილისაგან" ბერძნულში მხოლოდ "აფსილის" მიღება იყო შესაძლებელი; ბერძნ. "აფსილისაგან" კი ქართულში "აფშილს" ცხადია, ვერ მივიღებდით, რადგან ს ბგერა ქართულშიც არსებობდა და უნდა მიგველო მხოლოდ "აფსილი". ამოსავალი ფორმა ამიტომ, რაღა თქმა უნდა, არის არა - "აფსილი", არამედ "აფშილი", რომელთანაც "აფსუსს" დაკავშირება თითქმის შეუძლებელია. ყველაფერი ეს ნიშნავს, რომ აფსუების წინაპარი აფხაზეთის მიწაზე არ იძებნება და, ამდენად, უდავოა არსებული მოსაზრება, რომლის მიხედვითაც აფხაზეთის ტერიტორიაზე აფსუათა წინაპრები ჩამოსახლდნენ არაუადრეს XVI-XVII საუკუნეებისა. ქართველ აბორიგენტთა სახელიც (აფხაზი) მათ მხოლოდ ამის შემდეგ დაერქვათ და ისიც მხოლოდ გარესამყაროში.

მხოლოდ ასეთი გაგების შემთხვევაში ეძებნება დამაკმაყოფილებელი პასუხი რამდენიმე მნიშვნელოვან კითხვას: 1. რატომ უწოდეს ქართველებმა თავისი ნებით თავის სამშობლოს აფხაზეთი? იმიტომ, რომ აფხაზეთი იყო ქართველებით დასახლებული ერთ-ერთი ქართული კუთხის ქართული სახელწოდება; 2. რატომ გადაარქვეს ქართველებმა თავის სამშობლოს ერთხელ უკვე შერქმეული სახელი - აფხაზეთი? იმიტომ, რომ უარი თქვეს ამ სახელწოდებაზე მას შემდეგ, რაც ის არაქართველი ხალხის სახელად იქცა; 3. რატომ არ უწოდეს აფსუებმა თავის ენაზე თავის თავს აფხაზი? იმიტომ, რომ შეინარჩუნეს საკუთარი სახელწოდება (აფსუა) და თავის ენაში არ დაამკვიდრეს უცხო ხალხის (ქართველების) სახელწოდება (აფხაზი). ამ გზით, როგორც ვხედავთ, ყველაფერი თავის ადგილას დგება, ძვე-

ლი დროის აფხაზების თანამედროვე აფსუთა წინაპრად მიჩნევის შემთხვევაში კი ყველაფერი თავდაყირა დგება: ვერაფრით ვერ იხსნება, თუ რატომ უწოდეს ქართველებმა თავის სამშობლოს თავისი ნებით უცხო ქვეყნის სახელი, ვერც ის იხსნება, თუ რატომ გადაარქვეს მათ თავის სამშობლოს ერთხელ უკვე შერქმეული სახელი და ვერც ის, თუ რატომ არ შეინარჩუნეს აფსუებმა თავის ენაში თავისი "ძველი" სახელწოდება "აფხაზი" და საკუთარი სამშობლოს სახელწოდება "აფხაზეთი". ჩიხი ასეთი გაგების შემთხვევაში, როგორც ვხედავთ, გარდაუვალია.

და კიდევ: ისეთი მცირერიცხოვანი ხალხი, როგორც აფსუებია, მართლა რომ ქართული კულტურის თანაზიარი ყოფილიყო ქართული ენით, ქართული მწიგნობრობითა და ქართული პოლიტიკური კურსით, მართლა რომ ათასწლეულთა განმავლობაში ეცხოვრა ქართულ გარემოში ქართველთა მხარდამხარ და "ისტორიულ-კულტურულად" მართლა რომ ქართველი ყოფილიყო, მაშინ წარმოუდგენელია, ამ ერთი ციკქა ხალხის გაქართველების დაწყებული პროცესი ბოლომდე არ მისულიყო და მისი სრული ასიმილაცია არ მომხდარიყო. ამასთანავე, თანამედროვე აფსუების წინაპართა ჩრდილო კავკასიიდან წამოსვლა და აფხაზეთის მიწაზე დამკვიდრება ათასწლეულთა წინ რომ იყოს მომხდარი, მაშინ ჩრდილო კავკასიის ხალხებსა და აფსუებს შორის უახლოესი ნათესაობისა და მშობის ხსოვნა, რის შესახებაც ახლა ორივე მხარე მთელი მსოფლიოს გასაგონად ლაპარაკობს, შეუძლებელია მიმქრალი არ ყოფილიყო. სინამდვილეში არაფერია მიმქრალი. ყველაფერი ძალიან კარგად ახსოვთ; ახსოვთ იმიტომ, რომ აფსუების ჩრდილო კავკასიიდან აფხაზეთისაკენ წამოსვლა სულ ახლო წარსულის ამბავია, რაც აფსუთა თქმულებებშიც დასტურდება. ვფიქრობ, ესეც აბსოლუტურად უდავოა.

დაბოლოს, კიდევ ერთი პრინციპული ხასიათის კითხვა: რამდენად არის შესაძლებელი ერთი ხალხის სახელის მეორე ხალხის სახელად ქცევის დაშვება? ისტორიამ უამრავი ასეთი შემთხვევა იცის. დავასახელოთ ზოგი მათგანი: 1. ბულგარები ისტორიულად თურქები იყვნენ, ბალკანეთში შეჭრის შემდეგ კი მათი სახელი იქ მცხოვრების სლავების სახელად იქცა, 2. "სომხითი" ისტორიულად ქართველებით დასახლებული ქართული ტერიტორიის ქართული სახელწოდება იყო. ამ ტერიტორიაზე არმენების ჩამოსახლების შემდეგ კი ეს სახელი (ვარიანტით "სომხეთი") არმენების მთელი საცხოვრისის სახელად იქცა. აქაც, მაშასადამე, იგივე მოხდა, რაც აფხაზეთში: "სომხეთს", - ქართულ სახელწოდებას, მსგავსად "აფხაზეთისა", არაქართველი ხალხის სამშობლოს აღნიშვნა დაეკისრა. ამასთანავე, "სომეხი" და

სომხეთი" სომხებმა თავის ენაში ისევე არ დაამკვიდრეს, როგორც აფსუებმა არ გააჭაჭანეს თავის ენაში ქართული სახელწოდებები "აფხაზი" და "აფხაზეთი". ორივე ხალხმა ამ გზით თავისი თვითსახელწოდება შეინარჩუნა. განსხვავება ის არის მხოლოდ, რომ არაქართველი ხალხის სამშობლოს აღმნიშვნელად "აფხაზეთი" ქართულიდან მთელ მსოფლიოში გავრცელდა, "სომხეთი" კი მხოლოდ ქართულის კუთვნილებად დარჩა, როგორც სომხების სამშობლოს აღმნიშვნელი ერთადერთი ქართული სახელწოდება; 3. ეგვიპტის ტერიტორიაზე ისტორიულად უამრავი არაეგვიპტელი ხალხის შეჭრა ხდებოდა, რომლებიც შემდგომ, როგორც წესი, ეგვიპტელებად იწოდებოდნენ. მრავალი არაეგვიპტელი ხალხი ამიტომ ამჟამადაც ეგვიპტელებად იწოდება; 4. "ადარბადგანი" ("აზერბაიჯანი" ამოსავალი ფორმა) ისტორიულად ირანული მოდგმის ხალხის საცხოვრისი ირანული სახელწოდება იყო, ამჟამად კი "აზერბაიჯანი" სულ სხვა ხალხის სამშობლოს აღმნიშვნელია. ამ ფონზე, არაფერია მოულოდნელი იმაში, რომ აფხაზეთში ახლადჩამოსახლებულ და ქართველებთან შერეულ უცხო ტომის ხალხს (აფსუებს) აქაურ ქართველ მკვიდრთა (აფხაზთა) სახელი შერქმეოდა.

რაც შეეხება აფსუური ტომების ერთი ნაწილის გამაჰმადიანებასა და მეორე ნაწილის გაქრისტიანებას, ის, თავისთავად ცხადია, სულ ახლო წარსულის ამბავია.

ნათქვამიდან, ვფიქრობთ, ნათლად ჩანს, რომ აფსუური მოსახლეობა - ამჟამად აფხაზად წოდებული - არის არა ძველი დროის აფხაზების შთამომავალი და აფხაზეთის მიწის უძველესი ბინადარი, არამედ ამ მიწაზე გვიან საუკუნეებში ჩრდილოეთიდან შემოჭრილი უცხო ტომის ხალხი. და მაშინ, აფსუა სეპარატისტების ლოკით რომ ვინმემდგანელოთ, ქართველ ხალხს უფლება აქვს, აფსუები გააძეოს აფხაზეთის უძველესი ქართული მიწიდან. ღვთის წყალობით, ქართველ ხალხს ასეთი რამ არასოდეს მოსვლია აზრად, პირიქით, აფსუებსა და მათთვის შექმნილ ავტონომიას მან ისეთი პრივილეგიები მიანიჭა, რომლის მსგავსი არ ანსოვს ყოფილი საბჭოთა კავშირის არც ერთ ავტონომიას. კიდევ მეტი: ამჟამადაც კი, როდესაც აფსუა სეპარატისტთა მიერ აფხაზეთში ჩადენილია შემზარავი დანაშაული, ქართველები ერთხმად აღიარებენ აფსუთა ფართო ავტონომიის შენარჩუნების აუცილებლობას. ამ სულგრძელობასა და ღვთიურ შემწყნარებლობას, ბევრ სხვა რამესთან ერთად, საფუძვლად უდევს სწორად გააზრება იმისა, რომ აფხაზი ხალხი და აფხაზი სეპარატისტები არ არის ერთი და იგივე. ყოველივე ეს ნათლად გვიჩვენებს, თუ რამდენად დიდია განსხვავება ქართველ ხალხსა და აფსუა

სეპარატისტებს შორის, როგორც სამართლებრივი, ისე ეთიკურ-მორალური პრინციპების გაგებაში.

1989 წ. აღწერის მიხედვით, აფხაზეთში მცხოვრებ ხალხებს შორის ქართველები უმრავლესობას (45,7 პროცენტს) შეადგენენ, მაშინ როდესაც მეორე ადგილზე მყოფი აფხაზების რაოდენობა მხოლოდ 17,8 პროცენტით განისაზღვრება. რადგანაც ამ უმნიშვნელოვანესი მაჩვენებლის მიხედვით ქართველების აფხაზეთიდან გაძევების გამართლება შეუძლებელი აღმოჩნდა, ამიტომ აფხაზმა სეპარატისტებმა მთელი ყურადღება აფხაზეთის მიწაზე ქართველ-აფხაზთა ისტორიულ ურთიერთმიმართებაზე გადაიტანეს, როგორც უფრო ბუნდოვან და მწიფად გასაკონტროლებელ კრიტერიუმზე, დევიზით - იქნებ ტყუილმა გაჭრას! ეს კი ღვთის გამოვაც არის და საკუთარ მოქალაქეობრივ ღირსებათა ფეხქვეშ გათელვაც. ამიტომაც აფხაზებმა გადაწყვიტეს მოეხდინათ

აფხაზეთის ეთნიკური წმენდა ქართველთაგან. ტყუილს, როგორც დაეინახეთ, მოკლე ფეხები აღმოაჩნდა. მაინც დაეუშვათ, რომ აფხაზეთის მიწის უძველესი ბინადარი, მართლაც, აფხაზებია და არა - ქართველები; გავითვალისწინოთ, რომ მსოფლიოს უამრავ ქვეყანაში, ათასგვარ მიგრაციულ პროცესთა მოქმედების გამო, აბორიგენი მოსახლეობა ამჟამად უმცირესობას შეადგენს საკუთარ მიწაზე და წარმოვიდგინოთ, რა საშინელება დატრიალდებოდა დედამიწის ზურგზე, ყველა აბორიგენი რომ ასე მოქცეულიყო, როგორც ფსევდოაბორიგენი აფხაზ სეპარატისტები მოიქცნენ აფხაზეთის ქართულ მიწაზე.

ღმერთმა დაიფაროს მსოფლიო ასეთი უბედურებისგან!

ალექსანდრე ონიანო

პროფესორი

ქოლხეთი ქართველთა სამს შტოს კავშირები: ლაზ-მებრე-ლებს, ააშილ-აფხაზებს და სპანებს.

აკად. ივანე ჯავახიშვილი.

კუნძულ მალთაზე ოსმალთა ტავერებიდან განთავისუფლებულთა შორის ქართველნიც მნახებ, ზოგი აფხაზი, ზოგი იმერალი, ბურული, მებრალი, რომ თათრისათვის წაერთმიათ. მნა ისევ კარბა იცოდნენ.

სულხან-საბა ორბელიანი. მოგზაურობა ევროპაში

აფხაზი - "აბასხი იბიჰე მასხი, ანუ მასხია".


აკად. ნიკო მარი.



საეკლესიო ცხოვრების

ფოტოგატიანე

წყაღკურთხევა .6 (19) იანვარი



უფალო, კალი მრსა



არ არსებობს აფხაზეთი უსაქართველოდ...

გალისა და ოჩამჩირის რაიონების სახლგარეჯა სახელგანთქმული ბედიის ტაძარი.

"ვისაც გენებოს განიცადოს სიდიდე და სიმდიდრე ბაგრატ მეფისა, განიხილე ბედიის ეკლესია და მით სცნობ"-ო, გვაუწყებს "ქართლის ცხოვრება".

ძველებური ბრწყინვალეების თითქმის არაფერი შერჩენია ამ მართლაც დიდებულ ნაგებობას, ისეა გაპარტახებული და მოუვლელი აქაურობა.

ჩემს ბავშვობაში ასეთი გადმოცემა გამიგია ტაძრის აშენების თაობაზე:

ერთიანი საქართველოს პირველი დიდი მეფე ბაგრატ III თავისი მხლებლებითურთ ნადირობდა ოდიშის უღრან ტყეში, და აი, დღევანდელი ბედიის სანახებში მონადირეებს გზა დაებნათ. ბევრი ხეტიალის შემდეგ იმ ადგილზე გამოვიდნენ, სადაც ახლა ტაძარია. აქედან კარგად ჩანდა კოლხეთის ვრცელი დაბლობი და ზღვა. ერთ-ერთმა დიდებულმა მიახარა თურმე მეფეს - ბედი გქონია, მეფევე ბატონო, გადავჩინო!

მეფე კარგა ხანს მდგარა მდუმარედ. მერე უბრძანებია" ამ ალაგას ჩვენი გადარჩენის აღსანიშნავად, აივოს დიდი ეკლესია და მას ბედია ეწოდოსო!

სულ მალე აშენდა დიდი საკათედრო ტაძარი - ქართული არქიტექტურის მშვენება - ბედიის სახელით რომ იხსენიება.

X X X

ბაგრატ III - სრულიად საქართველოს პირველი დიდი მეფე - დავით კურაპალატის შვილობილი, გურგენ მეფეთამეფის ძე, შთამომავალი ტაოს ბაგრატიონთა, რომლებიც, ქართველთა მეფეებად იწოდებოდნენ და რომელთაც სათავე დაუდეს ბაგრატიონთა სამეფო დინასტიას, დედით

აფხაზთა მეფის ასულის, გურანდუხტის შვილი იყო. დავით კურაპალატი ქართლის წარჩინებულის, იოანე მარუშის ძის დახმარებით დაეუფლა ქართლს და აქ თავისი შვილობილი გააბატონა. მცირეწლოვანობის გამო ბაგრატს თანაგამგებლად მამამისი გურგენი დაუნიშნა.

"აფხაზთა" მეფეს თეოდოსს, გურანდუხტის ძმას, შვილი არ ჰყავდა, დავით III უშვილო იყო. ამრიგად, ბაგრატ III დედით დასაველეთ საქართველოსა და ქართლის, მამით და მამობლით: კი სამხრეთ საქართველოს კანონიერი მემკვიდრე გახლდათ.

978 წელს დავით კურაპალატმა და იოანე მარუშის ძემ, ამ დაულალაძმა, ენერგიულმა და გამჭირიანმა დიდებულმა და დიდმა მამულიშვილმა - ბაგრატი აფხაზეთში, დასაველეთ საქართველოში გაამეფეს; გურანდუხტი კი ამ დროს ქართლს განაგებდა. 80-იანი წლების დასაწყისში ბაგრატ III-მ დაამარცხა ქართლის ფეოდალთა აჯანყება, რომელსაც ქვეთარ ტბელი ედგა სათავეში. 979 წელს დაამარცხა, აგრეთვე, გაერთიანების პოლიტიკის მოწინააღმდეგე კლდეკარის ერისთავი რატი რატის ძე ბაღვაშიც და შემოიერთა კლდეკარის საერისთავო. გურგენ მეფეთა მეფის გარდაცვალების შემდეგ, როგორც მემკვიდრემ, შემოიერთა ტაოს ჩრდ. ნაწილიც (ამიერ ტაო; შავშეთი, კლარჯეთი, სამცხე, ჯავახეთი). ამ დროიდან ბაგრატ III "აფხაზთა და ქართველთა" მეფის ტიტულს ატარებდა. 1010 წელს მან კახეთ-ჰერეთიც დაიკავა და ამით საფუძველი ჩაუყარა გაერთიანებული საქართველოს ფეოდალურ მონარქიას. ამით მან დაასრულა ის საქმე, რაც აფხაზთა მეფე ლეონ II-მ წამოიწყო.

ვინ არიან ისტორიული აფხაზები, რომელთა სახელწოდებით იწყება ჩვენი მეფეების ტიტულატურის ჩამოთვლა? რა კავშირი აქვთ მათ ძველ

ჩ უ ე ნ ს ა მ ო ე ს

არც საქართველო არსებობს უაფხაზეთოდ...



აბაზგებთან და აფშილებთან, ვინ არიან აფსუები?

ზოგიერთი ქართველი მეცნიერის აზრით, აბაზგები და აფშილები დღევანდელი აფხაზების (აფსუების) წინაპრები არიან. სხვათა აზრით, ისინი ქართველური მოდგმისანი გახლავან. ს. ჯანაშიას აზრით, აბაზგებსა და აფშილებს მათი დღევანდელი ტერიტორიის დიდ ნაწილზე "წინ უსწრებდა ერთი მხრით, სვანური, მეორე მხრით ჭანურ-მეგრული მოსახლეობა". შემდეგ ევსევი კესარიელის, იპოლიტე პორტელის და სხვათა მიხედვით, დღევანდელი აფხაზეთის ტერიტორიაზე მოსახლე სანიგები ყოველთვის დაკავშირებული არიან სებასტოპოლისთან-ცხუმთან და, საერთოდ, შავი ზღვის ჩრდილო-აღმოსავლეთ სანაპიროსთან. იმავე ს. ჯანაშიას აზრით, "სანიგი" არის სახელწოდება იმ მეგრული ტომისა, რომლის არსებობა თანამედროვე აფხაზეთის ტერიტორიაზე აქ აფხაზთა დამკვიდრების უწინარესად არის საგულგებელი. ამ დებულების ერთ-ერთი უტყუარი საბუთი სწორედ ტოპონიმიკაც გახლავთ, არქეოლოგიურ მასალებთან ერთად, ესოდენ უგულვებელყოფილი რომ არის ზოგი მეცნიერის მიერ დღეს და რის გამო ასე გააფთრებით ებრძვიან ხოლმე პ. ინგოროყვას, რომელსაც, სხვათა შორის, თითოეული ტოპონიმის ასახსნელად მოჰყავს ოთხი თუ ხუთი წყარო მაინც, როგორც უცხოური, ისე ქართული.

როგორც ცნობილია, არაბთა გამანადგურებელი შემოსევების შედეგად დაეცა ეგრისის სამეფო. სამეფო დინასტიამ თავშესაფარი ჰპოვა უფრო დაცულ ჩრდილო-დასავლეთში, მომძლავრებულ აფხაზეთში. სწორედ ამ დროისათვის ე. ი. მერვე საუკუნის ბოლოსათვის აფხაზთა მთავარი ლეონ II გათავისუფლდა ბიზანტიაზე დამოკიდებულები-საგან და მიიღო აფხაზეთის მეფის ტიტული.

საზღვარმა ანაკოფიდან მდ. კელასურამდე, ანუ კლისურამდე გადაინაცვლა, ხოლო ეგრისის დაუძლურების გამო ეგრისის მთელი ტერიტორია მთლიანად შევიდა ამ ახლადნამოყალიბებული სამეფოს ფარგლებში და მისი დედაქალაქი გახდა ქუთაისი.

მე-10 საუკუნეში, ზოგი მკვლევარის ვარაუდით, უფრო ადრე მე-8 საუკუნეში აფხაზეთის, ანუ დასავლეთ საქართველოს საკათალიკოსომ შეცვალა კონსტანტინოპოლის საპატრიარქოს დაქვემდებარებული ლაზიკის სამიტროპოლიტო და აბაზგიის სამთავარეპისკოპოსო ეპარქიები. აფხაზეთის კათალიკოსის საკათედრო ტაძარი, რომელიც ანდრია მოციქულის საყდრად იწოდებოდა, ბიჭვინთაში იყო; აფხაზეთის კათალიკოსი ბიჭვინთის კათალიკოსადაც იწოდებოდა და საქართველოს კათალიკოსს ექვემდებარებოდა.

ის გარემოება, რომ, დასავლეთ საქართველოს ეკლესია კონსტანტინოპოლის საპატრიარქოს ემორჩილებოდა, სრულიადაც არ ნიშნავს რომ, აქ ეკლესიებში წირვა-ლოცვა და ქადაგება მხოლოდ ბერძნულ ენაზე მიმდინარეობდა, რომ დასავლეთ საქართველოში მხოლოდ მერვე თუ მეცხრე საუკუნეში "შეაღწია" ქართულმა დამწერლობამ, ენამ და კულტურამ, როგორც ზოგიერთი მეცნიერი ფიქრობს.

აღმოსავლური ქრისტიანული მართლმადიდებლობა იმითაც გამოირჩეოდა დასავლურისაგან, რომ იმთავითვე მოითხოვდა ქადაგებას და წირვა-ლოცვის ჩატარებას მშობლიურ ენაზე, რათა გასაგები და უფრო ახლობელი ყოფილიყო მოსახლეობისათვის ქრისტიანული სარწმუნოება, და შემდეგ: თუკი მთელი ექვსი საუკუნის განმავლობაში დასავლეთ საქართველოს მოსახლეობას ბერძნულ ენაზე ისმინდა ქადაგებას და წირვა-ლოცვას, წესით და რიგით ამ ხნის განმავლობა-

ში იგი სულიერად მაინც უნდა "გაბერძნებულყოფი". და თუ ეს ასეა, როგორღა იმპლავრა მერვე თუ მეცხრე საუკუნეში ქართულმა ენამ და კულტურამ ჯერაც დაქუცმაცებულ ქვეყანაში?

დიდი ივანე ჯავახიშვილის გამოკვლევით, ქრისტიანობამდე დიდი ხნით ადრე ყველა ქართველ ტომთათვის კულტმასხურების ენა ქართული იყო.

ქართული ენა სრულიად გასაგები და დედა ენა იყო ყოველი ქართველი ტომისათვის, ხოლო "მეგრელებსაც და სვანებსაც და დაკუმატებ ჭანებსაც, მათ მართლა ქართველ ტომებად ვთვლი და ვუწოდებ"-ო, -ბრძანებდა დიდი მეცნიერი.

ასე რომ, საკვირველი არ უნდა იყოს, ქრისტიანობის მიღების შემდეგაც, რომელიც თითქმის ერთდროულად მოხდა აღმოსავლეთ და დასავლეთ საქართველოში, მღვდელმსახურება ყველასათვის ქართულ ენაზე რომ ყოფილიყო.

... ერთიანი, მთლიანი საქართველოს დაშლის პერიოდში (XV ს.) აფხაზეთი შედიოდა სამეგრელოს სამთავროში და ერთი მთავარი ჰყავდა - ბედიანი.

ნ. ბეძენიშვილის განმარტებით, კულტურულ-ისტორიულად საქართველოში "აფხაზი" იმდენავე (და არა უფრო მეტად) არსებობდა, რამდენადაც ქართი, კახი, მესხი, ჯავახი, კლარჯი, ეგრი, სვანი და სხვ. ან კიდევ "კახელი", "ქართლელი", "გურული", "მეგრელი", "იმერელი", "აჭარელი" და ა.შ. რომ ფეოდალური აფხაზეთი მხოლოდ "ქართული" შეიძლება ყოფილიყო, რომ აფხაზი კულტურულ-ისტორიულად "ქართველი" იყო.

ამ მხრივ არაფერი შეცვლილა საქართველოს დაქუცმაცების დროსაც.

ბედიანის სამფლობელოში, სამეგრელოსა და აფხაზეთის გარდა, შედიოდა გურია და სამი ქალაქი: ცხუმი, ფოთი და ციხისძირი (პეტრა), აგრეთვე, ბათუმი.

მე-17 საუკუნის დასაწყისში შეიქმნა დამოუკიდებელი სამთავრო, რომლის სამხრეთის საზღვარი ხდებდა მდ.კოდორი (კორაქსი), ასეა ეს არქანჯელო ლამბერტის მიერ შედგენილ რუკაზე (1654 წ.) და მის წიგნში "წმიდა კოლხეთი". ამ საუკუნიდან იწყება ბრძოლა საზღვრების გაფართოებისათვის. ხან დადიანები იმარჯვებდნენ ამ ბრძოლა-ქიშპში, ხანაც შარვაშიძეები. სწორედ ამ პერიოდიდან იწყება აფხაზთა ინტენსიური თავდასხმები სანაპიროებზე. ვახუშტის ცნობითაც და მისიონერების ჩანაწერებითაც ირკვევა, რომ დიდძალ ტყვეებს იტაცებდნენ გურიის სანაპიროებიდანაც. "აფხაზები თავს ესხმოდნენ სამეგრელოს საზღვრებს. მთლიანად ააოხრეს ის, ხოლო მცხოვრებნი გაყიდეს მონებად და გადაასახლეს აფხაზეთში", წერს ლამბერტი. სამეგრელოდან, გურიიდან მოტაცებული ტყვეები ხდებოდნენ მეტწილად მონები (აფხ.აგურა - მეგრულს ნიშნა-

ვს, ხოლო აგურა - გურულს). თანდათანობით ეს აგურა აფხაზდებოდა, კარგავდა მშობლიურ ენას. მაგრამ ტყვე აგრუებს თუ აგურებს, ბუნებრივია, თან მოჰქონდათ თავიანთი ადათ-წესები, სულისმირი კულტურა, სიმღერები, ცეკვები და ისინი ნელ-ნელა ერწყმოდნენ თავიანთ მონათესავე აფხაზურს. აქედანაა აფხაზურ-მეგრული სიმღერების ასეთი მსგავსება. ეს ნათესაობა ბევრ რამეში იჩენდა თავს და ესეც ბუნებრივი იყო, რადგან ორივე ტომი საერთო - იბერიულ-კავკასიური ფესვით საზრდოობდა და იკვებებოდა. ამგვარი გზით გააფხაზებულთა რაოდენობა შემდეგაც იზრდებოდა (აქედანაა დღეს ამდენი აფხაზი ფაჩულეები, კობახიები, ზვარწყეები, გურგულები, გვარამიები, გოგუები, დოლიძეები, თაყაიშვილები და ა.შ.). ხდებოდა პირეკუ პროცესიც, ცნობილია ლევან დადიანის ბრძოლები იმერეთისა და აფხაზეთის წინააღმდეგ დადიანის მიერ აყრილი ტყვეები ექცეოდნენ მეგრულ გარემოცვაში და ასე ვთქვათ, მეგრულდებოდნენ. შემდეგ ამ ფაქტორებს მე-19 საუკუნეში დამატა ცარიზმის პოლიტიკა: დაჰყავი და იბატონე; დაემატა "ჩინ-მენდლების" სიყვარული, სავარძლის სიყვარული... ეროვნულობის სასწორმა იქითკენ იწყო გადახრა, საითკენაც მეტი იყო გამორჩენა - პირადული, რასაკვირველია.

მიუხედავად იმისა მე-17 საუკუნის ამბებს. დასავლეთ საქართველოს, იმერეთის სამეფო ფორმალურად ერთიანი იყო, მიუხედავად იმისა, რომ მთავრები დამოუკიდებელ პოლიტიკას ატარებდნენ, სამთავროთა შორის გაუთავებელი ომებით სარგებლობდა თურქეთი და სპარსეთი. "საქართველო თავად ცოტა იყო და მერმე მრავალ გაყოფილი და ერთმანეთის ურჩი და ქიშპის მტერი, ერთმანეთისა მარბევი და მანყინარი", - შენიშნავს ქართველი მემატაიანე, - არც ერთმანეთს ასვენებდნენ და არც ქვეყანას, ხოლო ამით მტერმა "უფრო ძალა წამოატანა და დაჩაგრა, თორემ თუ ამას ერთი პირი ჰქონებოდათ, ვერც არას უზამდნენ, ვერც ამას სხვა მტერი წართმევდა რასმე. ამათი საქმე ნიადაგ ასე ერთმანეთის მესისხლეობით გათავებულა და წამხდარა, მაგრამ ამ საქმეს არც მოკლებიან და არც მოუშლიათ".

თურქეთი მარტო იარაღით რომ ვერაფერს ხდებდა, მიმართავს თავის ნაცად ზერხს - ფეოდალთა გადმობირებას, მოსყიდვას. სწორედ ამ მოსყიდულ ფეოდალებზე დაყრდნობით გაჩაღდა უზარმაზარი მასშტაბით ტყვეთა სყიდვა, მაჰმადიანობის გაძლიერებული ქადაგება და დაწერება, უძველესი მატერიალური და კულტურის ძეგლების მოსპობა, ადგილობრივი ტრადიციების დევნა, ენის შევიწროება და ა.შ. ყოველწლიურად მარტო სამეგრელოდან მიჰყავდათ 12 ათასი ტყვე-არც ერთ ომს, არც ერთ უცხოელ და-

მყრობელს არ მიუყენებია საქართველოსთვის ისეთი ზიანი, როგორც ტყვეთა სყიდვამ" (ივ.ჯავახიშვილი, ნ.ბერძენიშვილი, ს.ჯანაშია).

ამ საშინელ ბოროტებას ებრძოდნენ მოწინავე ადამიანები, იმერეთის მეფე ბაგრატ III-მ (1540-1549 წწ.) საგანგებოდ მოიწვია საეკლესიო კრება, რომელმაც დააწესა მკაცრი სასჯელი სახელმწიფო წესრიგის დამრღვევთათვის. "ამ დროს - წერს ვახუშტი - იმერეთში გახშირდა გაყრა, კაცთა კვლა და ტყვეთა ფარული სყიდვა... შეიკრიბნენ კათალიკოსი ქართლისა მალაქია, აფხაზეთისა ვედემონი და იმერეთისა და ოდიშის ყველა ეპისკოპოსი; ეპისკოპოსები იყვნენ: ქუთათელი სვიმონი, გაენათელი ანტონი, ჭყონდიდელი, ბედიელი, მოქველი, დრანდელი ფილიპე, ცაგერელი კონზანი, ზონელი ზაქარია, ნიკორწმინდელი იოაკიმე, ცაიშელი კირილე".

მე-17 საუკუნის 80-იან წლებში უკვე აღარ არსებობს არც მოქვისა და არც დრანდის საეპისკოპოსო, თურქთა მოძალეობის გამო ბიჭვინთიდან ზაქარია ქვარიანმა (დასავლეთ საქართველოს კათალიკოსი) კათალიკოსის კათედრა გადაიტანა გელათს. თუმცა თურქეთი ყოველ დონეს ხმარობდა მოსახლეობის გასამაჰმადიანებლად, ის მაინც

ცდილობდა შეენარჩუნებინა ქრისტიანობა. საყურადღებოა ერთი გარემოება: როცა რუსთა ჯარმა დაიკავა ბიჭვინთი, საკურთხეველში იპოვეს ქართული სახარება მე-15 საუკუნისა და სხვა საეკლესიო ნივთი. ვერც ქართული ენის ამოძიკვა შესძლეს თურქებმა: XVI-XVII სს. აფხაზეთში ქართული ენა დარჩა ეკლესიის, წიგნისა და თავადური დაწესებულების ენად.

XVIII საუკუნეში ძლიერდება ბრძოლა თურქეთის წინააღმდეგ აფხაზეთში. როგორც ცნობილია, იმერეთის მეფემ სოლომონ I-მა გამოსცა კანონი ტყვეთა სყიდვის წინააღმდეგ. თურქეთმა მოითხოვა ამ კანონის გაუქმება. ბრძოლა ზრესილთან მოხდა 1775 წ. სოლომონის ლაშქარში იბრძოდნენ სამურზაყანოს მფლობელი ზუტუნია შარვაშიძე და კაცია დადიანი.

სოლომონ I-მა 1759 წელს ფიცი დაადებინა ყველა მთავარსა და ფეოდალს ტყვეთა სყიდვის აღკვეთაზე. მიტროპოლიტმა მაქსიმემ დასწყველა კაცია ჩირუა ბიჭვინთის გლეხთა გაყიდვისათვის.

თურქეთი, რაკი იარაღით ვეღარ სძლია სოლომონს, ცდილობდა ერთმანეთისათვის გადაემტერებინა მთავრები, ცალკეული ფეოდალები, თვით სამთავროშიც მოეძებნა მოღალატენი.



ბელა ერმაკოვის ფონდიდან 1932 წ.

ამასობაში რუსეთის მომძღვრებული და-
წოლისაგან ჩრ. კავკასიელმა ტომებმა იწყეს სა-
ქართველოს ბარად ჩამოსახლება: ადიღეელები,
ოსები, დაღესტნელები მძღვრ ნაკადად მოე-
შურებოდნენ სამხრეთისაკენ, გაპარტახებული სა-
ქართველოს პროვინციებში.

თითქმის ექვსი საუკუნის განმავლობაში
ზმლის ქნევამ დააქინა ერთიანი, მძღვარი ქარ-
თული სული, დააძაბუნა ერის თვითმყოფადობა,
შემოქმედებითი უნარი და შესაძლებლობა. სუ-
ლიერ-მორალური-ზნეობრივი გადაგვარება მოედო
ფართო ფენებს... სოციალური უთანასწორობა
უფრო გამოიკვეთა და გამძაფრდა. და მაშინ,
როდესაც დასავლეთ ევროპაში იფურჩქნებოდა
ცალკეული ერების შემოქმედებითი ენერჯია, ყვაო-
და რენესანსი - მისი წამომწყები - აღმოსავლე-
თის დესპოტურ ტირანიებს შორის მომწყვდეული
პატარა ქვეყანა სისხლისაგან იცლებოდა, სულს
ლაფავდა აგონიაში ჩავარდნილი.

დაჰყავი და იბატონე - აი, ძირითადი ფორმუ-
ლა, რაც ასე ბრწყინვალედ აითვისეს, შეისის-
ხლხორცეს, შემდგომ განავითარეს და გაატარეს
რუსეთის თვითმპყრობელმა მონარქებმა.

დაჰყავი...

უნდა დაეწყოს იქიდან, რომ აფხაზეთი არ
არის საქართველოს განუყოფელი ნაწილი! და
გამოჩნდნენ საიმისოდ გაწაფული, დაქირავებული
პროპაგანდისტები ე. წ. მეცნიერები.

აფხაზეთი არ არის საქართველო!

მაგრამ ესეც არ იკმარეს, საჭიროა უფრო
მეტე: ადიღურ-ჩერქეზული ტომი უნდა დაუპირი-
სპირდეს ქართველურს, ადიღური მოდგმის
ხალხი უფრო ძველია ქართველურზე და მათ
მთელი დასავლეთი საქართველო ეკავათ ტრაპე-
ზუნტის ჩათვლით (ლაზ-მეგრელები და სვანები
სადღა არიან? ისინი მერე მოვიდნენ, გვიან; საი-
დან გამოჩნდნენ? სადღაც აღმოსავლეთიდან თუ
სამხრეთ-დასავლეთიდან, თუ... ვინ უწყის, საი-
დან; მთავარია, ადგილობრივი მკვიდრნი არ
გაზღავან. ხოლო დამხვედურები - აბორიგენები
ადიღურ-ჩერქეზული ტომები არიან. და მთელი
კულტურაც კოლხეთისა, შესაბამისად, შექმნილია
მათ მიერ. საბუთი? თითო-ორილა ტოპონიმი,
თურმე, დასავლეთ საქართველოში იშიფრება
მხოლოდ ადიღური ენის მეშვეობით. ქართულ-
ზანურენოვანი ტოპონიმების აბსოლუტური უმრავ-
ლესობა მერეა გაჩენილი. საბუთი? არავითარი.
ბერძნულ-ბიზანტიური თუ რომაული წყაროების
იგნორირება ისე შეიძლება, ვითომც არაფერი
მომხდარა. მთავარი ზომ სიმატლევ არ არის.
მიზანი ამართლებს საშუალებას. ახლა საჭიროა
კულტურის სფეროშიც მოხდეს იგივე: ჩრდილოე-
თკავკასიელი ტომები და სამხრეთის კავკასიელები
ერთმანეთს ჰკვანან გარეგნულად, ჩაცმულობით,

აღათ-წყებით, ფსიქიკით, სულიერი წყობით,
ზოგადი საერთო კავკასიური კულტურით. ერთ
დროს კიდევ მოხდა მათი დიდი ნაწილის კონ-
სოლიდაცია ქართლის გარშემო, ქართულ ენაზე
შეიქმნა პირველად კავკასიის ტომთა შორის
დამწერლობა, მდიდარი სულიერი თუ საერო
ლიტერატურა, რაიც საერთო და ახლობელი იყო
ყველა კავკასიელი ტომისათვის; თითოეული ლე-
ბულობდა მონაწილეობას ამ საერთო იბერიულ-
კავკასიური კულტურის შექმნაში.

მაგრამ ეს აშკარა ნიშნები მსგავსებისა უნდა
წაიშალოს, უგულვებელყოფილ იქნას, და აქაც, ამ
სფეროში ჩნდება ათასგვარი "თეორიები".

"რაც მან დედამიწის ზურგზე თავი შეისწავ-
ლა, მის დევიზად თავის დღეში არ ყოფილა
ქლევა. დათრგუნვა, დაბრიყვება, დამონება, მი-
წასთან გასწორება რომლისაჲც ერისა. ჩვენი
ერის ხმალი მღვლეარება მხოლოდ თავის თავ-
ისუფლების დაცვისათვის და დამოუკიდებლობის
მოუხპობლობისათვის. თუ ოდესმე დროთა ვითარ-
ება იძულებულს ხდიდა შემოყრთბინა თავისთან
რომელიმე უცხო ქვეყანა, ჩვენი ერი ანიჭებდა
მას სრულს თვითმმართველობას და ხელუხ-
ლებლად იცავდა ყოველ მის უფლებას. თვით სა-
ქართველოშიც სხვა სარწმუნოების მიმდევნი
სარგებლობდნენ სრულის თავისუფლებით და თა-
ნასწორობით ქართველებთან. როდესაც განათლე-
ბულს საფრანგეთში ჰუგენოტებს ართმევდნენ
კაცის ყოველს უფლებასა და ბარბაროსულად
ჟლეტდნენ მათ კათოლიკები, როდესაც სახელოვ-
ანს ინგლისში კათოლიკები იღვენებოდნენ უწ-
ვალოდ და უღმობლად, იმ დროს საქარ-
თველოში შემოხიზნული სომხები იყვნენ ყველაფ-
ერში გათანასწორებულნი ქართველებთან, ჰქონ-
დათ მინიჭებული ყოველი პოლიტიკური და
სამოქალაქო თავისუფლება და ხშირად მემკვიდრ-
ეობით ეჭირათ უმაღლესი ადგილები ჩვენს სამე-
ფოში. ამგვარივე თავისუფლება ჰქონდათ
მინიჭებული თვით ებრაელებსაც. იგინი... ყოველ-
თვის სარგებლობდნენ ჩვენში სრული მყუდრო
ცხოვრებით და მათ ერთხელაც არ გამოუცდიათ
ის დგენა და ჟლეტა, რომლის მსხვერპლად ხდებ-
ოდნენ და ხდებიან ახლაც ევროპაში"... ჩვენი
ერის სასიქადულო შვილის, იაკობ გოგებაშვილის
ამ სიტყვებში წარმოჩენილია ქართველი კაცის
დიდსულოვნება, შემწყნარებლობა და ლმობიერება
უცხო ერის წარმომადგენელთა მიმართ, მისი
განსაკუთრებული კეთილგანწყობილება ყოველი
დევნილისა და დაჩაგრულის მიმართ: ისტორიაში
მოხდა უპრეცედენტო ამბავი, როცა მრავალ-
რიცხოვანი და დიდი ერები მიწის ერთ გოჯსაც
არ თმობენ უსისხლოდ და უომრად, ქართველო-
ბამ თავისი პროვინციის ნაწილი სამაჩაბლო და
საერისთავო დაუთმო ოსებს, რომელსაც შემდგომ,
ჩვენდა დაუკითხავად, სამხრეთ ოსეთი უწოდეს.

როცა აფხაზებს თავისი მიწა-წყლიდან ასახლებდნენ, ქართველი ინტელიგენციის საუკეთესო ნაწილმა, ერის ღირსეულმა შვილებმა აღიმაღლეს ზმა უსამართლობისა და ჩაგვრის წინააღმდეგ მაგრამ... საქართველო უკვე პოლიტიკურად არ წარმოადგენდა დამოუკიდებელ ერთეულს. და ამდენად, არც შეეძლო რაიმე შეეცვალა დიდმპყრობელური სახელმწიფოების ზრახვებში.

პირველი საბუთი, რითაც საქართველო და ქართველობა მიიწვედა რუსეთისაკენ, იყო მისი ერთმორწმუნეობა, მაგრამ ჯერ კიდევ მე-17 საუკუნის პირველ ნახევარში, როცა კახეთში პირველად გამოჩნდნენ მეფის რუსეთის მიერ გამოგზავნილი მღვდლები, ნათლად გამოჩნდა მათი "მისიონერული მოღვაწეობის" ნამდვილი შინაარსი და მიზანი. დიდი ისტორიკოსი ივ. ჯავახიშვილი წერს: რუსთა მიერ გამოგზავნილი მღვდლები, "როგორც კარგი გამომძიებელი და მეძებარნი, იმ წამსვე ეკლესიების ჩხრეკას შეუდგებოდნენ ხოლმე და წირვაზე უარს ამბობდნენ, საკურთხეველს სხვანაირი სამოსი უნდა ჰქონდესო, სახარების ყდას და ბარძიშს ესა და ეს საზე აკლია და გამოყვანილი არ არისო, ეკლესიები ხელახლა უნდა ეაკურთხოთო. თავდაპირველად კი, სადაც რუსი მოძღვრები გამოჩნდნენ, სიხარულით ხვდებოდნენ ყველგან, ვითარცა თანამორწმუნეებს, რომელთაც ქართველების დახმარება სწადიათ "ურჯულთა" წინააღმდეგ ბრძოლაში; ხოლო მათ სიყვარულისა და მშვიდობიანობის დამყარების მაგიერ თავიანთი მედიდური და მძულვარებით გამსჭვალული ქცევით ყველგან უსიამოვნო გრძნობა დატოვეს".

მე-19 საუკუნეში, როცა უკვე რუსეთი სრული ბატონ-პატრონი შეიქმნა საქართველოსი და უწინარეს ყოვლისა, სახელმწიფო დაწესებულებებიდან განიღებნა ქართული ენა, ჯერი მიდგა ეკლესიაზე: პირველ რიგში მოისპო საქართველოს ეკლესიის ავტოკეფალობა, კათალიკოსის ნაცვლად ახლა ეგზარქოსი განაგებდა ქართულ ეკლესიას. თუ რას წარმოადგენდნენ ეგზარქოსები და როგორ "განაგებდნენ" ისინი ქართულ ეკლესიას, ამის შესახებ თვით რუსი ისტორიკოსი ბრაილი აღნიშნავს: "რუსი ეგზარქოსები ევლინებოდნენ საქართველოს არა იმისთვის, რათა ემწყმსათ მათთვის მინდობილი ეკლესია, არამედ ემარცვათ და გაენიავებინათ ძველი ივერიის საეკლესიო ქონება, შეურაცხყოთ მის მცხოვრებთა ენა; მერე კი ნამარცვი საეკლესიო ქონებით და ფულით დაბრუნებულყვნენ რუსეთში. სინოდს საშინელი ბოროტებისა და ზიანის მეტი არაფერი მოუტანია საქართველოს ეკლესიისათვის. მისთვის ეს ეკლესია, სრული ამ სიტყვის მნიშვნელობით, იყო ბარბაროსული ქვეყნის ეკლესია. უბრუნებულყო რა ყველა საეკლესიო კანონი და დადგე-

ნილება, რომელიც ქართულ ეკლესიას ეხებოდა, მისცა რა ცეცხლს მრავალი უძველესი საეკლესიო დოკუმენტები, სხვები კი გაზიდა პეტერბურგში, სინოდის მმართველებმა წაართვეს საქართველოს ეკლესიას ავტოკეფალობა, დახურეს ოცზე მეტი ეპარქია, რომელთაგან ზოგიერთი არსებობდა ქრისტიანობის ძილების დროიდან, ე.ი. დაახლოებით 15 საუკუნის განმავლობაში; განადგურეს მრავალი ძველი მონასტერი და მიადწიეს იმას, რომ ხაზინისთვის გადაეცათ ქართული საეკლესიო მამულები და ამით ქართული ეკლესია მიიყვანეს ისეთ საკვალალო მდგომარეობამდე, რომ ამჟამად 860-ზე მეტი ეკლესია უმოქმედოა.

რუსის ეგზარქოსები, რომელთაც საქართველოში აგზავნიან, ამ ქვეყანას უფურცებენ, როგორც საძარცვე მხარეს, რამეთუ ღვთის მადლით, იგი ჯერ კიდევ არ არის მოკლებული ფასდაუღებელ საუნჯეებს. როცა საქართველოში ისეთ ეგზარქოსებს ნიშნავდნენ, როგორც პავლე, პალადი და ვლადიმერია, ჩვენი სასულიერო უწყება საქართველოს ართმევს საშუალებას ილოცოს თავის მშობლიურ ენაზე. განსაკუთრებით გამოირჩევა ამ საქმეში მცირე განათლების მქონე სოხუმის ეპისკოპოსი არსენი.

ერთობ გამწვავდა მდგომარეობა მე-19 საუკუნის ბოლოსა და მე-20 საუკუნის დასაწყისში, იმავე ბრაილის სიტყვებით რომ ვთქვათ: "ამჟამინდელმა რუსის ეგზარქოსმა ვლადიმერმა ნადირის მსგავსი ყოფილი ეგზარქოსის პავლეს დარად... წაართვა ქართველებს უფლება ილოცონ მშობლიურ ენაზე საქართველოს განმანათლებლის, მოციქულთა სწორის, წმინდა ნინოს საფლავზე... ამ ბოლო დროს კი იგი საეპისკოპოსო კათედრაზე ნიშნავს რუს ეპისკოპოსებს, რომელთაც არა სურთ იცოდნენ თავიანთი მრევლის ენა და ამის გამო სასაცილო ხდებიან უკანასკნელთა თვალში".

როგორც ცნობილია, სწორედ ამ ერთ-ერთმა "ნადირის მსგავსმა" ეგზარქოსმა პავლემ იყო, ამბიონიდან რომ დასწყველა ქართველი ერი... - უპრეცედენტო შემთხვევა მსოფლიო ისტორიაში! საჯარო წყევლასაც აღარ თაკილობენ "ერთმორწმუნე" ქვეყნის სასულიერო პირნი. ამ გაუგონარ შეურაცხყოფას შეეწირა კიდევ საქართველოს საუკეთესო შეილი დიმიტრი ყოფიანი, რომელმაც არ მოუთმინა თავგასულ შავრამელ "ღვთის მსახურს" ერის აბურჩად აგდება, ერის შეგინება.

მამ ასე: სახელმწიფო დაწესებულებებში, სასამართლოებში, სკოლებში, ეკლესიებში აიკრძალა ქართული ენა, მაგრამ კიდევ რჩებოდა ერთი დაბრკოლება: ტერიტორიული მთლიანობა. უნდა გამოსცლოდა მიწა ადგილობრივ მკვიდრთ და კოლონიზატორთა ხელში გადასულიყო, "თუ ჩვე-

ნი ხალხი გამოესალმა მიწა-წყალს, მისი გაქრობა დედამიწის ზურგიდან აუცილებელი გახდება... მიწა-წყალი ნამდვილი ფესვია ერის ცხოვრებისათვის და როგორც ხე მოშორებული ფესვებს, ხმება, ისე იღუპება ერი, როცა ხელიდან ეცლება მიწაწყალი, ტერიტორია", - იაკობ გოგებაშვილის ამ სიტყვებში ნათლად და მკაფიოდ არის წარმოჩენილი, რა საშიშროების წინაშე იდგა ქართველი ერი. "ტერიტორია ის ძალაა, რომელიც ეროვნებას აკავშირებს და გარკვეულ სახეს აძლევს. იმ ძალის უქონლობა ერმა უსათუოდ, როგორც უნდა აინაზღაუროს: წინააღმდეგ შემთხვევაში გადაგვარება და გაქრობა მოელის" (გერ. ქიქოძე).

... საქართველოს სახელი წაშლილი იყო პოლიტიკური გეოგრაფიის რუკაზე, ქართული ენა განდევნილი იყო ადმინისტრაციული დაწესებულებებიდან, სასამართლოდან, საშუალო სკოლიდან, ეკლესიიდან, მეფის მთავრობა ერთმანეთს უპირისპირებდა ქართლ-კახელებს, იმერლებს, მეგრელებს, აფხაზებს" (გ. ქიქოძე).

სრული პოლარული წყვილია!

აშკარა, დაუფარავი შეტევა საქართველოს მოსასპობად, მის გასაქრობად, კიდურებმოგლეჯილი, აჭრელებული, დასუსტებულ-დაკნინებული, მუხრანსკებით, ქავეარაძეებით, აშორდიებით "დამშვენებული" საქართველო უკვე მერამდენედ დადგა ყოფნა-არყოფნის პრობლემის წინაშე - მარტოდ-მარტო შერჩენილი გაუმამდარ იმპერიას - უთვისტომო, უმეგობრო.

მაგრამ ახლა, მეცხრამეტე საუკუნის მიწურულს ბევრად უფრო მძიმე და რთული ვითარება შექმნილიყო ვიდრე ოდესმე. რა დაუპირისპირა ქართველობამ ამ ერთობლივ სასტიკ და გაუგონარ შემოტევას? ენა, ღვთივეურთხეული ქართული ენა.

I მსოფლიო ომის დროს მეფის მთავრობამ უკვე აშკარად მოიწადინა აფხაზეთის მოკვეთა დედა საქართველოდან და ჩერნომორიის გუბერნიასთან მისი მიერთება. აფხაზეთის ეკლესიის - სოხუმის ეპარქიის - საქართველოს ეგზარქატისაგან ჩამოცილება და უშუალოდ პეტერბურგში არსებულ ე. წ. უწმიდეს სინოდისადმი და ქვემდებარება. ფეხზე დადგნენ მთელი აფხაზეთის მოწინავე ადამიანები. წინ აღუდგნენ მას. შედგა

დეპუტაცია. დელეგაცია თბილისში ჩამოვიდა და მეფისნაცვალს წარუდგინა პროექტი, რომელიც გრიგოლ შარვაშიძის მიერ იყო შედგენილი.

დედაზრი ერთი იყო ამ პროექტისა: "ერთობა ქართველებთან გეინსნის მრავალნიერ განსაცდელთაგან და ამიტომ ყოველ საქმეში ჩვენ ერთად ვართ და ვიქნებით". აფხაზეთის დეპუტაციამ კავკასიის მეფის ნაცვალს წაუყენა ეროვნული მოთხოვნები: აფხაზეთ-სამურზაყანოში ქართული სკოლების გახსნა, გზების კეთილმოწყობა და ა.შ. დეპუტაცია წარუდგა, აგრეთვე, საქართველოს ეგზარქოს პლატონს.

"თეატრი და ცხოვრება" წერდა: "სამშობლო იღვიძებს, წყლულების გამრთვლებას ცდილობს, დიდი ხნიდან დაქსაქსულნი ძმანი ძლივს ერთი კერის ირგვლივ დედა ქართლის გარშემო - ვიკრიბებით. გვეყო, რაც უერთმანეთოდ, ერთი მეორისაგან გათიშულნი ვცხოვრობდით. ქართლ-კახეთი, იმერეთი-აშერეთი, გურია-სამეგრელო-აფხაზეთ-აჭარა-სვანეთი რომ ერთი დედ-მამის შვილინი ვართ, განა ამას მტკიცება უნდა! შავ დროთაგან გაგარეკებულნი ქართველი მაჰმადიანები უკვე გვიბრუნდებიან.

ახლანხან გაბედულად ხმა ამოიღო ძველი საქართველოს მშვენივამ - აფხაზეთმა და თავისი წარმომადგენლის ბაგით განაცხადა: მომეცით გზა განათლებული ცხოვრებისა და ნუ მწვევით დედა-საქართველოს მკერდს, მე მისი ძუძუ მიწოვია, იგი ჩემით საზრდოებულა: მასთან სიცოცხლე, მასთან სიკვდილი! ასე იყო ძველად, ასევე უნდა იყოს ახლა.

ვაშა და დიდება გათვითცნობიერების გზაზე შემდგარ ხალხს, სიბნელეს სავსებით არ უძლევივართ, გარიჟრაჟი შემოგვლიმის და მომავალს გვიქაღის. საღამო ჩვენი გულის ჩამონაწვეტ საკინძს - ჩვენს ძმებს აფხაზებს და გაუმარჯოს მათ პირველ ნაბიჯს".

აკი გიორგი შარვაშიძესაც-აფხაზეთის უკანასკნელი მთავრის პირმშოს - "აფხაზეთი უსაქართველოდ და საქართველო უაფხაზეთოდ ვერ წარმოედგინა". "უბედური მამულის ყმის" გულიდან ამოხეთქილ-ამონაკენესი იყო: "იქ ისმის ვლერა ბორკილებისა, იქ კენესის სული, არ გუქსით განა? ღირსია, ძმავო შებრალებისა, ის უბედური ჩვენი ქვეყანა!"

ციხლა არდაშელია

მწერალი, ჟურნალისტი



X X X

ქართულ ლიტერატურულ ცხოვრებაში ნაყოფიერად მონაწილეობდა აფხაზეთი, სადაც აღმოცენდა არაერთი კულტურულ-საგანმანათლებლო კერა. სამწუხაროდ, მოღწეული მასალის სიმცირის გამო ჩვენი წარმოდგენა იქ გაჩაღებულ მწიგნობრულ-შემოქმედებით მუშაობაზე სრული არაა. ძველმა ქართულმა ლიტერატურულმა მემკვიდრეობამ საერთოდ ნაკლები სახით მოაღწია, ბევრი ხელნაწერი განადგურდა.

მოქვესა საუკუნეთა მანძილზე გრძელდებოდა ხელნაწერთა გამრავლება, ძველი ნუსხების გაცხროველება და ა.შ. მოღწეულია იქაური წიგნსაცავის ხელნაწერები, რომლებიც გვაცნობენ მოქველ მოღვაწეთა სახელებს. უპირველესად უნდა მოვიხსენოთ დანიელ მოქველის თაოსნობით გადაწერილი ოთხთავი (1300 წ.). იგი მოხატულია მდიდრულად, შემკულია ხელოვნებით შესრულებული ორნამენტებით. გადამწერი და გამფორმებელია ბერი ეფრემი. ეს ერთი ხელნაწერიც კი გვიჩვენებს, თუ რა მაღალ დონეზე იყო მწიგნობრობა მოქვეში. ასევე საინტერესოა მოქველი მღვდელმთავრის, ექვთიმე საყვარელიძის ბრძანებით, ნაკრავიოზ ცინცაძის მიერ გადაწერილი მეტაფრასი (XVI ს.); მოქვისათვის გადაწერილი, - ზებედე დიაკვნისა და გიორგი მწერლის მიერ, - გულანი (XVI ს.) და სხვ.

ბედიელ მღვდელმთავრებს კარგი წიგნსაცავი შეუქმნიათ და თვითაც მიუღიათ მონაწილეობა ხელნაწერთა დამზადებაში. ბედიელი მიტროპოლიტის, გერმანე ჩხეტიძის (XVI ს.) ინიციატივითაა გადაწერილი გულანი. მან შავშეთიდან ჩამოიყვანა კალიგრაფი გაბრიელ ლომსაძე და გადაწერინა გულანის ნაწილი (თვენი, მარხვანი). დანარჩენი ნაწილები გადაწერილია ამბროსი კარგარეთელს, საბა ნაფოტაძესა და სხვა მწიგნობრებს.

ბიბლიოფილი ყოფილა ბედიელი მთავარეპისკოპოსი ანტონ ჟვანიძეც (XVI ს.).

ლევან მენაბდე


პროფესორი

იშუბი ტბოუნ
უბიდეუსი
სტატუბიუსი



აფხაზი აბსუა არ არის აფხაზეთი აბსნი არ არის

აბსოების საცხოვრისი I საუკუნეში კლინიუსის მიხედვით



საქართველოში ორასიოდე წლის წინ ჩრდილო-კავკასიიდან შემოიხიზნა აბსოა ტომის მცირე ნაწილი. აბსოათა უმრავლესობა ისევ ჩრდილო კავკასიაში დარჩა და დღესაც იქ ცხოვრობს. ამ ტომის წარმომადგენლებმა და არა მარტო მათ, საბჭოთა პერიოდში, სსრკ-ში, აქედან კი სსრკ-ს ფარგლებს გარეთ გაავრცელეს შეხედულება, თითქოს აბსოები საქართველოს შავი ზღვისპირეთში, კერძოდ, ცხუმის, გაგრის მიმდებარე მიწა-წყალზე ცხოვრობდნენ და რომ თითქოს აბსოა ტომის სამშობლოა აფხაზეთი, რომ თითქოს აბსოა არის აფხაზი.

აბსოა ტომს წერილობით რაიმე გადმოცემა აბსოათა ენაზე არ ჰქონია. მათ მხოლოდ ახლახან, ზელოვნურად შეუქმნეს დამწერლობა ქართული ასოებით, შემდეგ ის შეცვალეს რუსული

ანბანით. აბსოათა ენაზე პირველი წიგნი მხოლოდ მეოცე საუკუნეში დაიბეჭდა. აბსოებს რომ თავიანთ ენაზე ძველი წერილობითი წყარო ჰქონოდათ, ალბათ, მასში შემორჩებოდა რაიმე ცნობა მათი სადაურობის, ენის, ეროვნულ-ტომობრივი თვისებების შესახებ. ეს კი სწორ გეზს დაუსახავდა ამ საკითხების მეცნიერულ კვლევას. სამწუხაროდ, აბსოათა ენაზე ასეთი ძველი წერილობითი ცნობა არ არსებობს. თუმცა თქმულებებში, რომლებსაც აბსოები თაობიდან თაობამდე გადასცემენ ახლობლებს, ზეპირად (და არა წერილობით), მრავალჯერ არის აღნიშნული, რომ მათი სამშობლო ამიერკავკასიაში არ იყო, რომ ისინი ჩრდილო კავკასიელებია.

ქართულ ენაზე დაწერილ, ან სხვა ენიდან თარგმნილ ტექსტებში აბსოა - აბზოა არსადაა,

ამიტომ არ ვიცით, ვინ იყვნენ აბსოები, სად ცხოვრობდნენ წინათ, რა ენაზე მეტყველებდნენ, კაკასიელები არიან ისინი, თუ ჩრდილოკაკასიაშიც. სხვა რეგიონიდან ჩამოსახლდნენ. არც რუსულ ენაზე მოღწეულ ძველ ტექსტებში ჩანს რაიმე აბსოთა შესახებ. ერთადერთი ძველი ხანის ცნობა შემონახავს ლათინურ ენაზე დაწერილ ენციკლოპედიას, რომელიც რომის იმპერატორის დავლებით შეადგინა პლინიუსმა (მცირე აზიის დიდი ნაწილის სახელმწიფო მმართველმა) I საუკუნეში და ამიტომ მას ოფიციალური, სახელმწიფო დოკუმენტის ძალა აქვს. ენციკლოპედიას აწვდის რუკებიც. აბსოთა საცხოვრისი პლინიუსმა მიუთითა არა შავ ზღვასთან, არამედ მისგან მოშორებით - ჩრდილო კაკასიის ჩრდილოეთით გადაშლილ ველზე. თერგსა და კოლგას შორის მოქცეულ რომელიღაც რეგიონში, ის წერდა, რომ აბსოები სკვითებია და სხვა სკვითი ტომების მეზობლად ცხოვრობენ. მომთაბარეები არ არიან.

ვაქვეყნებთ რუკას, რომელიც პლინიუსის ენციკლოპედიის ტექსტის მიხედვით არის შედგენილი და გამოქვეყნდა საფრანგეთში და შვეიცარიაში (ქ. პარიზში და ქ. ნაშატელში) მე-19 საუკუნეში. რუკა გადმოებეჭდეს ფრანგულ ენაზე შედგენილი მრავალტომეულის - "მოგზაურობა კაკასიაში", - ერთ-ერთი ტომიდან, რომელსაც "ატლასი" ეწოდება (იხილეთ ფედერიკ დიუბუა დე მონპერე, "ეუაიაჟ ოტურ დე კაკას", ატლასი 1845 წ. რუკა 12 პირველი სერიიდან - "საისტორიო გეოგრაფია").

დაეხედით ამ რუკაზე საქართველოს. (იხ. გვ. 42) ის მოიცავს ვრცელ მიწა-წყალს შავი ზღვის სანაპიროზე და გადაჭიმულია კასპიის ზღვის სანაპირომდე. ამ რუკის მიხედვით, სანაპიროს ჩათვლით - დღევანდელი აფშერონის ნახევარკუნძული, ქ. ბაქოს ადგილი წინათ ქართველი ივერიელებით ყოფილა დასახლებული. წითელი ხაზით აღნიშნულია ქართველების - კოლხების, ივერიელების, სვანების, ლაზების, გეორგების საცხოვრისი მიწა-წყალი.

იმ მიწა-წყალზე, რომელსაც დღეს აფხაზეთს ეწოდებოდა, მაშინაც ქართველები იყვნენ დამკვიდრებულნი - კერძოდ, აბსილები და სვანები (ლათინურ ენაზე წერია "აბსილე", "სანიგარუმ"). ტექსტში პლინიუსი არ გამოყოფს აბსილებს და სვანებს რაიმე გამოჩენილი ნიშნით სხვა მეზობელი კოლხებისაგან; ამიტომ აბსილები, ლაზები, სვანები, მოქცეულნი არიან მთლიანი წარწერის ქვეშ "კოლხები" (ლათინურად წერია: "კოლხორუმ ჯენტეს"). აკადემიკოსმა ფრედერიკ დიუბუა დე მონპერემ, ეროვნებით შვეიცარიელმა, კაკასიის მოსახლეობის წარმოშობის, სადაურობის, ზნე-ჩვეულებების, ისტორიის შესწავლას მრავალი წელი შეაღია საფრანგეთში, შვეიცარიაში

და რუსეთში. ის წერდა - აბსილები მეგრელებია, წინათ ჰენიოხები ეწოდებოდნენ ("აბსილზ - პიპლ მეგრელიენ, ანსიან ჰენიოხი") ფ. დიუბუა "ეუაიაჟ ოტურ დე კაკას", VI ტომი; "აბსილ" სიტყვის განმარტება სახელთა საძიებელში ტომის ბოლოს გვ. 396. ამგვარად, პირველ საუკუნეში სტონიანთ ევროპა-აზიაში, რომ აბსილები (ლათინურად "აბსილე") კოლხები იყვნენ. აბსილეთი პირველ საუკუნეში დიოსქურიასთან იყო. (შემდგომ საუკუნეებში აბსილეთი ეწოდებოდა დიოსქურიის ჩრდილოეთით მდებარე რაიონს. მეექვსე საუკუნიდან სიტყვა "აბსილეთი" აღარ იხსენიება, როგორც ცოცხალი ტომიანი, ხოლო დიოსქურია კოლხთა ქალაქი, წერდა პლინიუსი (იხილეთ პლინიუსი, ლონდონი, II ტომი, გვ. 348). მომდევნო გვერდზე დაბეჭდილ ინგლისურ თარგმანში ოქსფორდის უნივერსიტეტის პროფესორმა კ. ჯონსმა იგივე შინაარსი ჩააქოვა: "უილ დე კოლხიან სითი დიოსქურია ონ დე რივერ ანთემუს ნაუ დეზერტიდ". (დიოსქურია კოლხთა ქალაქია და მდინარე ანთემუნთას ნაპირთან მდებარეობს).

საგულისხმოა, რომ დიოსქურიის მეორე სახელია ცხუმი (ცხომი), სამწუხაროდ, იგი დღეს აღარ იხმარება და შეცვლილია თურქი დამპყრობლების მიერ დანერგილი ფორმით - ზღუმ, ზოლუმ, სოზუმ. II საუკუნის პოლიტიკური მოღვაწის, კაბადოკიის მმართველის, ფლავიუს არიანეს მიხედვით დიოსქურიაში ცხოვრობდნენ სვანები. რადგან დიოსქურია კოლხური ქალაქი იყო, კოლხური დასახლება უნდა ყოფილიყო მაშინ მის მახლობლად მდებარე სებასტოპოლიც. პლინიუსის ენციკლოპედია რომის იმპერატორის, ვესპასიანეს დავლებით დაიწერა, როგორც საზოგადოებისათვის განკუთვნილი საცნობარო სახელმძღვანელო. რომის იმპერატორები იმ პერიოდში საქართველოს ორივე ნაწილს - ივერია-საც და კოლხეთსაც, მათი ჩრდილოკაკასიური ტერიტორიების ჩათვლით, ასევე ბოსფორის სამეფოსაც (ჩრდილო კაკასიაში) რომის იმპერიის ხელქვეით, ხან რომის იმპერიის უშუალო ნაწილად, ხან "მეგობრის" სტატუსით დაბოიკებულ პოლიტიკურ ერთეულად. მიიჩნეოდნენ. იმპერატორ ვესპასიანეს ქართლში გადახდილი ომის შემდეგ თავისი მოხელეებისთვის დაუკალბია მცხეთაში დაედატ ქვა ბერძნულ ენაზე ამოკვეთილი წარწერით: მასში აღნიშნულია, რომ ვესპასიანემ და მისმა სახელმწიფო მოხელეებმა (შვილებმა) რომაელების მოსიყვარულე და მეგობარ ქართლის მეფეს - მითრიდატეს, ფარსმანის ძეს "ეს კედლები" (მცხეთის) განუმტკიცეს, ქვა მცხეთაში გზის გაყვანის დროს იპოვეს მუშებმა 1867 წელს და თბილისში, კაკასიის მუზეუმში მოათავსეს. მისი ტექსტი კი მრავალჯერ გამოქვეყნეს ბერძნულ, რუსულ, ფრანგულ, ქართულ ენებზე.

პლინიუსი განსაკუთრებით მნიშვნელოვანი ავტორია აბსოა ტომის ისტორიის მთავარი საკითხის - მისი ისტორიული სამშობლოს გასარკვევად. ის ერთადერთია, ვინც ახსენა აბსოა ხალხი. პლინიუსის ენციკლოპედიის შესატყვის რუკაზე აბაზგები არსად არ არიან აღნიშნულნი. პლინიუსი იტალიაში უულკან ვეზუვის ამოფრქვევისას დაიღუპა ორმოცდაცამეტი წლისა. აბაზგები პირველად ახსენა არიანემ, პლინიუსის დალუპებიდან ორმოცდათორმეტი წლის შემდეგ მან ფეხით მოიარა შავი, ან, როგორც მაშინ მას უწოდებდნენ, "კოლხეთის ზღვის" (ყურადღება მიაქციეთ ზღვის სახელწოდებას) სანაპიროს აღმოსავლეთი ნაწილი - დღევანდელი აბაშის რაიონი, სადაც ცხოვრობდნენ სწორედ აბაზგები. არიანემ აღწერა კოლხეთის ზღვის ჩრდილო-აღმოსავლეთი სანაპიროც, ყირიმის ჩათვლით. მთელი ეს ტერიტორია ქართველური ტომებით იყო დასახლებული (იხ. საქართველოს რესპუბლიკა" W 64, 1994 წ. 20 აპრილი. ნ. ფოჯნაძე, "სინამდვილე კი ასეთია"). არიანეს მიერ შედგენილ ნაშრომში "ეკსინის პონტოს სანაპიროზე მოგზაურობის აღწერა", რომელიც ბერძნულ ენაზე დაიწერა და თარგმნილია ფრანგულ, ინგლისურ და სხვა ენებზე, ხოლო ქართულად - ნაწილობრივ ნათელა კეჭელაძის მიერ, არსაიდან არ ჩანს, რომ აბაზგები ქართველები არ არიან, რომ ისინი არაქართულ ენაზე შეტყვევდნენ. აბაზგებიც ისეთივე ქართველები ჩანან, როგორც ივერიელები, კოლხები, მესხები.

საბჭოთა პერიოდში სსრკ-ში სწორედ ამ აბაზგებს მიიჩნევდნენ დღევანდელი აბსოების წინაპრებად; არა რაიმე საბუთის, არამედ სრულებით უსაფუძვლო ვარაუდის მიხედვით. აღსანიშნავია, რომ ეს შეხედულება მოხვედა სახელმძღვანელოებშიც და მათ შორის თვით ქართულ სახელმძღვანელოებში, და ახალგაზრდობა აღიზარდა ამგვარი შეგნებით. აბსოები რომ არც აბსილების შემკვიდრებია და არც აბაზგებისა, რომ საბჭოური ვარაუდი მათი იგივეობის შესახებ, მცდარია და ამიტომ მიუღებელია, კარგად დგინდება წინამდებარე რუკის მიხედვით. აბსოების მიწა-წყლის მოსაძებნად ამ რუკაზე თვალის უნდა მოვწვიტოთ კოლხეთს და გავაყოლოთ მარჯვნივ კასპიის ზღვის სანაპირომდე. ავინაცლოთ კაკასიონის ქედის ჩრდილოეთით და კიდევ უფრო შორს. მდინარე ვოლგის სამხრეთით მდებარე ველზე მოჩანს წარწერა "აბზოა". მას მრავლობითი რიცხვის მაწარმოებელი: "ე" ახლავს. აქ წერია "აბზოაე", რაც ქართულ ენაზე ნიშნავს "აბზოები", ანუ "აბსოები", "აბზოა" და "აბსოა" ერთი და იგივე სახელია.

აი, თურმე, სად ყოფილა აბსოების საცხოვრისი პირველ საუკუნეში და რა უსაფუძვლოა მა-

თი გაიგივება აბსილებთან და აბაზგებთან: აბსოები კასპიის ზღვასთან ცხოვრობდნენ ვოლგის სამხრეთით, ხოლო აბსილები და აბაზგები კი - კოლხეთის ზღვის სანაპიროზე, რაც გამოირიცხავს აბსილებისა და აბაზგების, ერთის მხრივ და მეორეს მხრივ, სკვითი აბსოების ერთიდაიგივეობას. ამ რუკაზე აბსილები ხაზგასმულია წითელი, ხოლო აბსოები - ყვითელი საღებავით. წითლად ქართველური ტომები აღნიშნეს, ხოლო ყვითლად - სკვითები. მათს სხვადასხვა ეროვნებისადმი კუთვნილებას საგანგებოდ მიაქციეს ყურადღება, როგორც პირველ საუკუნეში პლინიუსმა, ასევე მე-19 საუკუნეში ფ. დიუბუამ.

ენახოთ, რა წერია პლინიუსის ენციკლოპედიის ტექსტში ამ კასპიისპირელი სკვითი ტომის შესახებ. წინამდებარე რუკის ყოველ ტომობრივ სახელწოდებას ახლავს რიცხვები, რომელიც შემეგობით მკითხველს ადვილად შეუძლია მიავნოს ამა თუ იმ ერის აღწერას პლინიუსის 37 ნაწილიან, უზარმაზარ ენციკლოპედიაში. წარწერასთან "აბზოაე" წერია ორი რიცხვი: რომაული "VI" და შემდეგ მისგან წერტილით გამოცალკეებული მეორე რიცხვი "13". ეს იმას ნიშნავს, რომ აბზოა - აბსოა ტომის შესახებ ტექსტი უნდა წავიკითხოთ პლინიუსის ენციკლოპედიის მეექვსე ნაწილის მეცამეტე თავში. არც ქართულ, არც რუსულ ენაზე პლინიუსის ენციკლოპედია არავის უთარგმნია. ამიტომ ავიღოთ ქლონდონში დაბეჭდილი წიგნი: პლინი, ნიჩერალ პისტორი, უიზ ენ ინგლისში თრანსლაციონში, 1938 წ. მარცხენა გვერდებზე ლათინური ორიგინალური ტექსტია (როგორც პლინიუსმა დაწერა), ხოლო მარჯვნივ შესაბამისი ინგლისური თარგმანია. კაკასიის აღწერა თარგმნა ინგლისში ოქსფორდის უნივერსიტეტის პროფესორმა პ. ჯონსმა. პლინიუსის ამ გამოცემის რედაქტორია კემბრიჯის უნივერსიტეტის პროფესორი პორაციუს რექემი. ეს გამოცემა ათტომეულია. ტექსტი აბსოათა შესახებ დაბეჭდილია მეორე ტომის 364 გვერდზე. პლინიუსი აღწერს კასპიის ზღვის სანაპიროს და აღნიშნავს: "პირველ სრუტეს სკვითებისა ეწოდება, რადგან მის ორივე მხარეს სკვითები ცხოვრობენ, რომლებიც ერთმანეთს ვიწრო კალაპოტზე გადასვლით უკავშირდებიან. ერთ მხარეს ცხოვრობენ ნომადები და საგრომატები. მეორე მხარეს - აბსოას ტომი". აბსოათა საცხოვრისი პლინიუსის მიხედვით კასპიისპირეთია და არა აფხაზეთი.

"ატლასი", სადაც წინამდებარე რუკაა გამოქვეყნებული, სსრკ-ში ხელმოუწვდომელი იყო. იგი მოსკოვში, ლენინის სახელობის ბიბლიოთეკაში წიგნის მუზეუმშია მინის დიდ ყუთში ჩაკეტილი და მხოლოდ მისი ყდის დათვალიერება შეიძლება, ისიც შორიდან, მისი გადაფურცვლის უფლებას არავის აძლევენ. თბილისში "ატლასი"

ორი ცალია: ეროვნულ ბიბლიოთეკაში და საქართველოს ხელოვნების მუზეუმის ბიბლიოთეკაში. ჩანს, ისინიც აქამდე ან უყურადღებოდ იყო მიტოვებული, ან საგანგებოდ მიჩქმალული. იქნებ, იმ მიზნით, რათა არ გამჟღავნებულიყო სიმართლე იმის შესახებ, რომ აფხაზეთი ჯერ კიდევ ქრისტეს დაბადებამდე და მის დროსაც ქართველებით იყო დასახლებული, ხოლო აბსოლუტურად არც კასპიის ზღვასთან გადაშლილ ტრამალებზე მკვიდრობდნენ. ეროვნება "აბსონა" არ არის სიტყვა "აფხაზის" შესატყვისი. ისინი სხვადასხვა ცნებებს გამოხატავენ, აფხაზი ისეთივე ქართველია, როგორც იმერელი, გურული, მესხი, ქართლელი, მეგრული, აჭარელი.

აუცილებელია წერტილი დაესვას ორი სხვადასხვა ხალხის ქართველი აფხაზებისა და მეორეს მხრივ, სკვითი აბსუა ხალხის (თუ ტომის) ვითომდა იგივეობის საბჭოურ მითს: ლენინგრადადღმა პროფესორმა, ისტორიკოსმა ლევ ელნიციმ მიჩქმალა აბსუა სკვითი ხალხის კასპიისპირეთში განსახლების ფაქტი. ამ საბუთის ავტორი კი არის რომის იმპერიის აღწერის შემდგენელი მეცნიერი და პოლიტიკოსი პლინიუს უფროსი (I საუკუნე).

მიჩქმალულია მეცხრამეტე საუკუნის კავკასიოლოგის, აკადემიკოს ფ. დიუბუას ცნობაც - კავკასიის მოზრდილი რუკა, სადაც აბსუა ხალხი, სკვითების ჯგუფისაა და მითითებულია კასპიის ზღვასთან.

მიჩქმალულია თუ მივიწყებულია აკადემიკოს პალლასის ცნობაც მეჩვიდმეტე საუკუნისა, რომლის მიხედვით იმ დროს ჩრდილო კავკასიის ჩრდილოეთით ცხოვრობდა ტომი, რომელიც თავის თავს "აბსნეს" უწოდებდა; აფხაზეთში სამჭოთა პერიოდში გაძლიერდა ქართველებისა და სხვათა იძულებით გასკვითების პოლიტიკა, რის შედეგადაც აბსუათა რაოდენობა ხელოვნურად გაზარდეს 17 პროცენტამდე.

გამოიკეთოს სიმართლე. აფხაზეთის რესპუბლიკას არ უნდა დაერქვას სამასი წლის წინ გადაშენებული სკვითი აბსუების რესპუბლიკა.


მაინც სად არის აბაზინელთა, ანუ აფსუათა თავდაპირველი სამშობლო? ამ საკითხთან დაკავშირებით განსაკუთრებით საყურადღებოა აკადემიკოს ფრედერიკ დიუბუა მონპერეს მიერ რუსეთის იმპერატორ ნიკოლოზ I-ის დავალებით 1843 წელს შედგენილი რუკა. რუკას საფუძვლად დაედო რომელიც ავტორის, პლინიუს უფროსის (23-79) წწ. ნაშრომი "ისტორია ნატურალი". ამ დოკუმენტის მიხედვით, ხალხი, რომელსაც ეწოდება "აბსუა", მოსახლეობს კასპიის ზღვის სანაპირო ზოლში, დღევანდელ დაღესტანსა და ასტრახანს შორის, უდინებისა და სკვითურ-სარმატული ტომების მეზობლად (რუკა გამოქვეყნდა

გაზეთ "წიგნის სამყაროში", №5, 1993 წ.). 1559 წელს პორტუგალიელი კარტოგრაფის დიოგო კომემის მიერ შედგენილ რუკაზე აბსუა დღევანდელი აფხაზეთის ტერიტორიაზე არ ფიგურირებს. ე.ი. ასეთი ხალხი იმ დროს აქ არ ცხოვრობს. ამ რუკაზე დღევანდელი აფხაზეთის ტერიტორია (ნოვოროსიისკამდე) "მენგრელიად" იწოდება. შუასაუკუნეების ზოგიერთი ავტორის ცნობით, შავ ზღვას "საქართველოს ზღვა" ეწოდება. მხოლოდ XVI საუკუნის შემდგომ შედგენილ რუკაზე აწერია დღევანდელი ახალი ათონის დასავლეთ ნაწილს "აბაზა" და არა "აბსნე". აფსილების ეთნიკური ვინაობა დღემდე არაა დადგენილი. ეგრისის ტერიტორიაზე მოსახლე აფსილები სხვაა, ასტრახანის მახლობლად მოსახლე აბსუა კიდევ სხვა. აფსილები ამ შემთხვევაში ქართული ეთნიკურ სამყაროს ეკუთვნიან, ხოლო კასპიისპირელი აბსუა დღევანდელ აფსუათა წინაპრები უნდა იყვნენ. ეს თეზისი მომავალში ღრმა მეცნიერულ დასაბუთებას მოითხოვს. იმპერიამ აკრძალა აფხაზთა ვინაობის კვლევა-ძიება. ამის უფლება მხოლოდ აფხაზ ექსტრემისტებსა და რეაქციონერ რუს მეცნიერებს ჰქონდათ. ქართველებს და ჰუმანიტ აფხაზ მეცნიერებს სიმართლის აღიარებისათვის ბოლშევიკური სიმკაცრით სჯიდნენ (გავიხსენოთ პინგოროვკა, ნ.ბერძენიშვილი, ხ.ბლაჟა და სხვა).

... განა აფხაზები სლავური წარმოშობის ხალხია? განა ისინი ინდო-ევროპულ ენათა ოჯახს ეკუთვნიან? აფხაზები ხომ იბერიულ-კავკასიურ ენათა ოჯახში შედიან. უფრო მეტიც, დღევანდელ აფხაზთა ნახევარზე მეტი ქართული წარმოშობისაა, მშვენიერად ფლობენ ქართულს და მეგრულს, ხოლო აბსუათა დიდმა ნაწილმა საერთოდ არ იცის აფსურული ენა, რომელსაც დღეს ზოგი მცდარად აფხაზურს უწოდებს.

ნათელა ჟოფხაძე

უცხო ენების სპეციალისტი, ლეოგრაფი





306 არიან აფხაზები?

"ჩვენმა მამებმა შესცოდეს და აღარ არიან, ჩვენ კი მათ სახელს ვიხდით".

გოლუბა იურემიასი, 5,7.

მას შემდეგ, რაც კავკასიის ხალხები კრემლის შვილობილებად მოვიწოდეთ, მზერა ჩრდილოეთისაკენ გაგვექცა და ერთმანეთი დავეიწყეთ. დღეს ჩვენი ხელმეორედ გაცნობა რუსული იარაღის ჟღარუნით ხდება. კავკასიური სიჯიუტით ვცდილობთ ერთმანეთის დაჯანსაღებას, ნაცვლად გაერთიანებისა და ერთ მუშტად შეკვრისა, როგორც ეს ჩვენმა წინაპრებმა იცოდნენ... საქართველოს მეფის დამახილზე მთელი კავკასია ფეხზე დგებოდა; ამ ერთობის შეგნებამ გადაარჩინა ჩვენი ხალხები, ხოლო პირიდან მიწისა აღიგავა მათი განადგურების მოსურნე არაერთი იმპერია.

მიუხედავად კავკასიაში რუსეთის ცარიზმის ორასწლიანი ბატონობისა, რომლის ერთ-ერთი მთავარი მიზანი დაპყრობილ ქვეყანაში შუღლისა და მტრობის გაჩაღება იყო, ჩრდილოეთ კავკასიის ხალხებს არ დაუკარგავთ წონასწორობა. დღეს კი საქართველოს მიმართ სამარცხვინო მისია იკისრეს, რუსეთის რეაქციულ ძალებთან ალიანსში, შეთქმულების მონაწილეები გახდნენ, ვერ გაითვალისწინეს, რომ იმავე ძალების მორიგ ლუკმად თვითონ იქცეოდნენ. ამის აშკარა დასტურია ჩეჩნეთის ომი.

მანამდე ჩრდილოეთ კავკასიაში, სადაც კი ვფოფლავარ, ყველგან საქართველოს ადიდებდნენ; მის ძლიერებასა და მომავალში ხედავდნენ საკუთარ მომავალს, თაყვანს სცემდნენ ქართველ მეცნიერებს, ხელოვნების კორიფეებს, სასწავლებლად ციხისკენ მოუწოდებდნენ გული; აქ იცავდნენ სამეცნიერო დისერტაციებს.

ოდესდაც ქრისტიანი სჯულის აღმსარებლები, მაგრამ უკვე მუსულმანი მთიელები, თვალის ჩინივით უფრთხილდებოდნენ სასთუმალქვეშ სათუთად შენახულ ქართული სახარების ფურცლებს, დარწმუნებულნი იმასში, რომ მათ უდიდესი ძალა გააჩნიათ.

ჩრდილოეთ კავკასიის მთიელებს ჩვენი იმედი ჰქონდათ, ჩვენს სიტყვასა და რჩევას ელოდნენ, ჩვენ კი ზურგი შევაქციეთ, რუს და აფხაზ ავანტიურისტებს შევეატოვეთ ხელში. ისტორიულად ისინი ყოველთვის საქართველოზე ამყარებდნენ იმედებს.

იმპერიის სატანურმა ძალებმა მიადვიეს იმას, რომ კავკასიაში მოძვე ხალხები რუსული მრისხანე იარაღით დარეოდნენ ერთმანეთს (იარაღი კი ყველას ბლომად დაურიგეს, ქართველებს გარდა).

ჯერჯერობით გონიერებაზე უგუნურება ზეობს, მაგრამ როგორც ყოველთვის, საბოლოო გამარჯვება სიკეთის წილხვედრია.

სეპარატისტების ქმედებით, საქართველოს წინააღმდეგ საცეცხლე წერტილად ქცეული აფხაზეთი ერთ-ერთი პირველი ჩაიძირა მოძმეთა სისხლის მორევში. ჭრილობების მოშუშებას ათეული წლები დასჭირდება.

ამ უბედურების ერთ-ერთი ძირითადი მიზეზი აფხაზთა ეთნიკური ვინაობის განცებ გაუკუღმართება იყო. თავის დროზე ყველაფერი გარკვეული და ნათელი იყო. აფხაზი თავს ქართველად თვლიდა და საქართველოს მზეს ფიცულობდა. ამას ადასტურებს თუნდაც ცნობილი აფხაზი პოეტისა და საზოგადო მოღვაწის, გიორგი შარვაშიძის შემდეგი სიტყვები: "მართალია, ჩვენს სამშობლო ივერიას ყოველგვარი კულტურული განცდა გამოუვლია, მაგრამ ჩვენი წარსული ისეთს ფაშს გაშემდა, რომ დაგვებნა ბუნებრივი ევოლუციის შარა და კანონი..."

ენა გაღარბდა, ზნეობა წაგვინდა, ქონება - შეძლება დაკარგეთ, რაინდობა და პატიოსნება განვაგდეთ და ბოლოს მივადწიეთ იმ ხანაში, როცა კეთილდღეობასა ეპოვნით ჯამუშობაში და სამშობლოს დალატში* თითქოს დღევანდელ დღეზე იყოს ნათქვამი.

აფხაზთა ვინაობის გაბუნდოვანებაში რუს მეცნიერებთან ერთად ქართველ მკვლევართა გარკვეულ ნაწილსაც მიუძღვის ბრალი. ეს იყო ბოლშევიკური იმპერიის იდეოლოგიური სამსახურისათვის გაღებული ხარკი.

ყოველივე ამან ხელი შეუწყო აფხაზური სეპარატიზმის აღორძინებას.

სამწუხაროა, მაგრამ ფაქტია, რომ ზოგიერთი ქართველი სწავლული დღესაც სეპარატისტთა წისქვილზე ასხამს წყალს, ვითომც ობიექტური მკვლევარის სახელის დაცვის მიზნით, სიმართლის გაწირვის ხარჯზე. მაშინ, როცა თვით აფხაზური სეპარატიზმის ერთ-ერთი იდეოლოგიური ხელმძღვანელი, პროფესორი შ. ინალიფა 1992 წელს ქართული ინტელიგენციის ერთ ჯგუფთან შეხვედრის დროს სინანულით ამბობდა: "К сожалению, в прошлом я тоже много глупостей написал".

ეს იყო ომის დაწყებამდე. იმ დროს ბატონი შ. ინალიფა უკვე გრძნობდა, რომ აფხაზური სეპარატიზმის ნოყიერ ნიადაგზე აღზრდილი

არძინბა თავის ხალხს უფსკრულისაკენ მიაქანებდა.

დღეს ყველასათვის ცხადია, რომ აფხაზთა დაახლოებით 80 პროცენტი ქართველია, ქართული გვარის მატარებელი. 12-13 პროცენტი კი ჩრდილო კავკასიელია - ადიღელი, აბაზი, შაქსული, ჩერქეზი, ყაბარდოელი და ა.შ., რომელთაც თავიანთი მოძმეები ხაჩიფსეს ეძახიან. აფხაზი და აფსუა ჩრდილოეთ კავკასიელებისათვის გვიან გაცნობიერებული ტერმინებია. ისინი ადრე "აფხაზებს" თავისიანებად არ თვლიდნენ, მაგრამ, როცა გაიგეს, რომ ხაჩიფსეებსაც აფხაზებს ეძახიან, შემდეგ ეს ტერმინი ქართველობის აღმნიშვნელად აღარ მიიჩნიეს.

ხაჩიფსე ხეობას ჰქვია ადიღეში. მაგრამ ყველა ე.წ. აფხაზი ამ ხეობიდან როდია ჩამოსახლებული. მათში არიან შაქსულები, აბაძეები, აბაზები, ჩერქეზები, ყაბარდოელები, ადიღეები და ა.შ. ეს კარგად ჩანს მათი გვარებიდან (იხ. თ. მიბჩუანი, აფხაზური სეპარატიზმის სისხლიან ნაკვალავზე; 1994, გვ. 82-89).

აფხაზეთში ჩამოსახლების შემდეგ ყველა ეთნიკურმა ჯგუფმა უმრავლესობის (აბაზების) ენა გაითავისა. ამ ენაზე მეტყველებს დღევანდელი აფხაზების გარკვეული ნაწილი. სხვა ადიღური ენები (ჩერქეზულ-ყაბარდოული და ა.შ.) აფხაზებისთვის გაუგებარია.

ადიღური ხალხები, ასევე მათი მეზობელი ტომები ჩრდილო კავკასიური წარმოშობის აფხაზებს ხაჩიფსეებს ანუ აბაზებს უწოდებენ. ამასი ისინი მართალია არიან, რადგან ეს ე.წ. აფხაზები აბაზურ ენაზე მეტყველებენ.

ხაჩიფსე ტერმინს აფხაზთა მიმართ ხმარობენ ყაბარდოელები, ჩერქეზები, ყარაჩაელები, ბალყარელები. მათი სიტყვით, ისინი ჩრდილოეთ კავკასიიდან არიან გადმოსული შავი ზღვისპირეთში, არცთუ შორეულ წარსულში.

ასეთი გაგება ჰქონდათ ჩრდილოეთ კავკასიელებს ამ 20-25 წლის წინათ.

დღევანდელი აფხაზები საკუთარ თავს აფსუას უწოდებენ და ამ ტერმინს "აფშილ" ეთნონიმთან აკავშირებენ. აფშილები (აფსილები) კი ანტიკურ და ადრეულ შუა საუკუნეებში დღევანდელი გულრიფშის ტერიტორიაზე მოსახლეობდნენ, ზღვიდან წებულდამდე. ამ ტერმინს არაფერი აქვს საერთო "აფსუას" დღევანდელ გაგებასთან. ცხუმი (დღევანდელი სოხუმი, რომელიც სვანური წარმოშობის ტოპონიმია) აფშილთა მიწა-წყალზე მდებარეობდა. მართალია, არაფერი ვიცით აფშილთა ენის შესახებ, მაგრამ მათი განსახლების ტერიტორიაზე მხოლოდ სვანურ-მეგრულ-ჭანური ტოპონიმები გვხვდება. XVII საუკუნემდე ამ რეგიონში არც ერთი ადიღური-აბაზური წარმოშობის გეოგრაფიული სახელი არ დასტურდება.

ეს ჩანს იმ რუკებიდან (I - XVII სს.), რომელთა გამოქვეყნებას აფხაზი მკვლევარები ყოველთვის თავს არიდებდნენ.

ეს და სხვა ფაქტები არც აკად. ივ. ჯავახიშვილისათვის იყო უცხო. დიდი მეცნიერი სხვებზე უფრო ღრმად ერკვეოდა აბაზთა და აფშილთა ვინაობაში, ამიტომ სხვებზე უფრო მის მოსაზრებას უნდა გაეწიოს ანგარიში. ის კი შემდეგ წერდა: "როგორც ვხედავთ, კოლხეთის მოსახლეობა ქართველთა სამ შტოს ჰკუთვნებია - ლაზ-მეგრელებს, აფშილ-აფხაზებს და სვანებს".

ამგვარად, აკად. ივ. ჯავახიშვილი აფშილებს და აფხაზებს ქართველურ ტომად მიიჩნევდა. დიდი მეცნიერი უსაფუძვლოდ არაფერს ამბობდა. კავკასიის ხალხების ისტორიაშიც მასზე უფრო ღრმად არავინ ერკვეოდა. ივ. ჯავახიშვილის შემდეგ აფხაზთა ეთნიკური ვინაობის გარკვევაში ყველაზე სერიოზული შრომა გასწიეს პინგოროვამ და აკად. ნ. ბერმენიშვილმა, აფხაზთაგან პროფ. ხ. ბლაჟამი. ყველა მათგანის დასკვნა ემთხვევა აკად. ივ. ჯავახიშვილის მოსაზრებებს აფშილებისა და აფხაზების წარმომავლობის შესახებ. ყველა ეს მეცნიერი აფხაზთა სეპარატიზტებმა ანათემას მისცეს.

დიახ, ისტორიული აფხაზები ისეთივე ქართველებია (მეგრელები), როგორც ლეჩხუმელები არიან სვანები და ორივე ერთად ქართველები. ამ ისტორიული აფხაზების წინაპრები არიან აბაზები და აფშილები, სანიგები და ჰენიოხები, ლაზები და მისიმიანები, ჭანები და სუანო-კოლხები.



ანაკოფის ეკლესია სიმონ კანანელის სახელობის. ფრაგმენტი IX-X სს

მაგრამ ამას ვერ ვიტყვით ხაჩიფსესა და აბაზებზე, ადილელებზე და ჯიქებზე, ჩერქეზებსა და ყაბარდოელებზე, შაქსულებზე და აბაძენებზე, რომლებიც დღეს აფხაზობასაც ჩემულობენ და აფშილობასაც, სანიგობასაც და ჰენიოზობასაც, მისიმიანობასაც და კოლხობასაც. სეპარატისტთა აზრით, ლეგენდარული აიეტიც (ძველი კოლხეთის მეფე) ადილი ყოფილა, ანბანური დამწერლობაც ფინიკიელებს ადილეველთაგან გადაუღიათ (გტურჩინინოვი) და ა.შ.

პროფ. შ. ინალ-იფა დღეს თავს უხერხულად გრძნობს, ასე ღრმად რომ შეტოპა სიცრუის მორეგში, რასაც ვერ ვიტყვით ზოგიერთ ქართველ მკვლევარზე, რომლებიც კვლავ ძველებური სტერეოტიპებით აზროვნებენ და დღემდე ქცეულ თეორიებს წამდაუწუმ იმეორებენ. ისინი აფხაზთა ვინაობის საკითხს უდგებიან ზერეულად, შორიდან მაყურებლის თვალთ. არ უცხოვრიათ აფხაზეთში, არ გასცნობიან მათ ყოფას, ადამიანებს, ფოლკლორს, არ დაინტერესებულან ტომონიმიკური კვლევა-ძიებით, არ უმუშაუნიათ აფხაზეთის არქივებში, არ უცდიათ აფხაზურ გვართა ვინაობის დადგენა და ა.შ.

ამ სტრატეგიების ავტორს წლების განმავლობაში შემოვლილი აქვს აფხაზეთის სოფლები, დაკითხვები ჰყავს თითქმის ყველა აფხაზური გვარის წარმომადგენელი. ეს იყო ამ 20-25 წლის წინათ, როცა სეპარატიზმი სარეველა ბალახით არ იყო მოდებული, როცა ხანდაზმული აფხაზები სიმართლეს უყოყმანოდ ამბობდნენ.

ჩრდილოკავკასიური წარმომავლობის აფხაზები ცალსახად აღიარებდნენ იმ ფაქტს, რომ მათი წინაპრები აფხაზეთში გადმოსული არიან იმიერკავკასიიდან 100-200-300 წლის წინ. ზოგიერთი მათგანი კონკრეტულადვე მიუთითებდა თავდაპირველ საცხოვრის ადგილს.

ქართული წარმომავლობის აფხაზები კი ასევე კატეგორიულად გვისაბუთებდნენ ადგილობრივ წარმომავლობას, ან დასავლეთ საქართველოს სხვადასხვა რაიონებიდან მოსულობას და ა.შ.

ადილეური წარმომავლობის აფხაზებს თავიანთ ჩრდილოეთ კავკასიელ მოძმეებად (ე.ი. ჩრდილოკავკასიური წარმომავლობის აფხაზებს) აბაზები მიაჩნდათ. ამ რიგის აფხაზების ზოგიერთი წარმომადგენელი ზუსტად ასახელებდა ჩრდილოეთ კავკასიაში თავისი წინაპრების თავდაპირველ საცხოვრებელ ადგილს.

ამასთან დაკავშირებით, საყურადღებოა ერთი ფაქტიც, კერძოდ: 1979 წელს ჩრდილოეთ კავკასიიდან ჩამოვიდნენ სტუმრები. აფხაზებმა მათ დიდებული შეხვედრა მოუწყვეს, შემდეგ სუფრაზე მიიპატიჟეს. ერთმა სტუმარმა ასეთი სიტყვები გამოურია თავის სადღეგრძელოში: "თქვენ ჩვენი მეგობრები კი არა, ძმები ხართ, სისხლითა და

ხორციტ ნათესავეები, ერთი მიწა-წყლის შვილები. თქვენი წინაპრების ნასახლარები ჩვენი დღემდეა შემორჩენილი, მათ თვალისჩინივით ეუფრთხილდებით".

ამის გაგონებაზე აფხაზებმა ჩოჩქოლი ატეხეს, სტუმარს სიტყვა შეაწყვეტინეს...

შემდგომ ეს ამბავი ელვის სისწრაფით მოელო მთელს აფხაზეთს. მეგობრული შეხვედრების დროს ქართველები აფხაზებს ამ ფაქტს ხუმრობით შეახსენებდნენ ხოლმე. ეტყობა, ისინი ამ ხუმრობას მწარედ განიცდიდნენ და გულში იხვევდნენ.

აფხაზ მკვლევარებს, როცა საშუალება მისცეს ემტყვიებინათ ის, რაც უფრო აწყობდათ, დრო არ დაუკარგავთ; მანამდე წერილობითი წყაროების უქონლობით გამოწვეული ვაკუუმი ახალი გამოგონილი ლეგენდებით შეავსეს. ამ ლეგენდებს უკავშირებდნენ ამა თუ იმ მნიშვნელოვანი მატერიალური კულტურის ძეგლს, ან რომელიმე გეოგრაფიული სახელის ე. წ. აფხაზურ (აფსუურ, აბაზურ) წარმომავლობას. ამ ლეგენდების გუდა-ხურჯინებად იქცნენ პროფ. შ. ინალ-იფასა და მეცნიერებათა კანდიდატის, ე. ფაჩულიას ნაშრომები, რომელთაც მასიური ტირაჟით სცემდნენ მოსკოვსა და სოხუმში. მათ წიგნებში მოტანილი ყველა ლეგენდა თითქმის შეყვარებულთა მწარე ხვედრთანაა დაკავშირებული.

ბევრი სვამს კითხვას, როგორ მოხდა, რომ უმრავლესობის ენაზე უმცირესობის ენამ გაიმარჯვაო. მხედველობაშია ის, რომ აფხაზთა დაახლოებით 80% ქართველური წარმომავლობისაა. უმცირესობა კი აბაზური (აბაზინური).

სინამდვილეში ეს ასე არ არის. აფხაზთა უმრავლესობამ იცის მეგრული ენა, უმცირესობამ კი ე. წ. აფხაზური; ასევე, აფხაზთა უფრო დიდი ნაწილმა იცის ქართული, ვიდრე აფხაზურა. მხოლოდ თანამედროვე აფხაზ ახალგაზრდებს ვერ მოსთხოვ ქართულის ცოდნას, ვერც მაინც დამაინც ე. წ. აფხაზურის. სამაგიეროდ, მათ მშობლიურ ენად რუსული გაიხადეს. ეს პროცესი 1956 წლიდან დაიწყო.

ის ილუზია, რომ ე. წ. აფხაზური თითქმის უმრავლესობამ იცის, იმ პროპაგანდის შედეგია. რასაც ამ ენის დანერგვისათვის ეწოდნენ, მაგრამ დღემდე სასურველ შედეგს ვერ მიაღწიეს. ეს იქიდანაც ჩანს, რომ 1979 წელს, როცა აფხაზეთის უნივერსიტეტში ქართული სექტორის ხარჯზე აფხაზური გახსნეს, ენის უცოდინარობის გამო ვერ მოახერხეს ლექციების აფხაზურ ენაზე წაკითხვა. ამ სექტორზე უნივერსიტეტის გაოფის (1989წ.) შემდეგაც ლექციებს რუსულ ენაზე კითხულობდნენ.

საინტერესოა, რომ ქართული წარმომავლობის აფხაზები მშობლიურ ენას "სიზმრისეულ ენას"

უწოდებენ. ამ "სიზმრისეულ ენაში" ისინი მეგრულს გულისხმობენ.

ერთ სტატიაში ძნელია პასუხი გასცე ყველა იმ კითხვას, რომელიც ხალხის ეთნიკურ ეთნობასთანაა დაკავშირებული, მაგრამ აშკარაა და დღესავით ნათელია, რომ აბაზები აფხაზები არ არიან და პირუკუ - აფხაზები აბაზები არ არიან, მცირე გამონაკლისის გარდა (12-13%). ეს კი საკმარისად ჩათვალეს იმისათვის, რომ ბოლშევიკური იმპერიის მესვეურებს მათთვის ეროვნულობის სტატუსი მიენიჭებიათ. ასეთი წყალობის გაღების საიდუმლოება მდგომარეობდა იმაში, რომ საჭიროების შემთხვევაში, ისინი "ურჩი" ქართველების წინააღმდეგ გამოეყენებიათ. გამოიყენეს კიდევ. ჩვენ კი პირში ბურთი ჩაგვჩარეს და კრინტის დაძვრის უფლებაც არ მოგვცეს. ყველაფერი ეს უკვე მოხდა. ნუთუ ახლაც ძნელია იმის მიხედვით, თუ რისთვის მონათლეს აფხაზები ცალკე ეროვნებად? ნუთუ ძნელია იმის გაგება, რომ ერთმანეთი ახოცინეს ერთ მოგვარე ქართველებს: აბაშიძეებს, გაბუნიებს, ახვლედიანებს, ზუბუებს, ბენიებს, ბერულავებს, ბაგრატიონებს, ბასარიებს, პაპასკირებს, ჯინჯოლიებს, ზარანდიებს, კაკალიებს, ქარდავებს, ქარჩავებს, კუპრავეებს, მარლანიებს, ნაჭყებებს, ფაჩულებს, ციცხლაძეებს, ჭანტურიებს, შენგელიებს, წულუკიებს, შაკაიებს, ჩერქეზებს, ხარჩილავებს და სხვ.

ახლა ისიც ვიცითხოთ, ხოცავდნენ თუ არა ერთმანეთს ჩრდილოკავკასიური წარმოშობის აფხაზები: არძინბები, შამბები, კაპბები, ხინტბები, წყიყბები, კუტარბები და ა.შ. რა თქმა უნდა, არა! მათ ამ ომში მაკონტროლებელი ფუნქცია ეკისრათ და სიამოვნებით ხვრეტდნენ "ურჩებს", ე.ი. ვინც ქართველების წინააღმდეგ ბრძოლას თავს არიდებდა.

აი, რისთვის სჭირდებოდათ აფხაზობა, როგორც ცალკე ეროვნება.

ამ ერთმა მუჭა ადიღურმა ეთნიკურმა ჯგუფმა ხელზე დაიხვია კარიერისა და განდიდების მძივებელი ქართველები, რომლებიც აგრეთვე თვისტომთა წინააღმდეგ გამოიყენეს. ამის ნიმუშად გამოდგება თუნდაც ელ. არძინბას მიერ აფხაზეთის მინისტრთა საბჭოს თავმჯდომარედ დანიშნული ვუა ზარანდია. როცა მისი თანადგომით ქართველები აფხაზეთიდან აჭარეს ამ კარიერისტიის ფუნქციაც შესრულებულად ჩათვალეს აფხაზთა სეპარატისტებმა და ე. ზარანდია მაღალი თანამდებობიდან გადააყენეს, შემდეგ გალში მიაგლინეს, სადაც ქართველთა ეთნიკური წმენდა ბოლომდე უნდა მიეყვანა. ე. ზარანდიამ ამასაც მშვენივრად გაართვა თავი.

სამწუხაროდ, ასეთების რიცხვი ამ ერთით არ შემოიფარგლება.

"უვარგის შვილთა სიმრავლეს ნუ ისურვებს."

და ნურც ურჯულო ვაჟებით ხარობ.

მათი გამარაგლება ნუ გაგახარებს. არ აქვთ შიში უფლისა" (სიბრძნე ზირაქისა, 16, 1-2).

ქართველი აფხაზების მამლუქობა შავ ლაქად დააჩნდება საქართველოს ისტორიას.

ნუთუ ძნელია იმის გაცნობიერება, რომ მარშანია და არძინბა, ჭკალუა და წვიყბა, ახვლედიანი და შამბა, მარლანია და ხინტბა... ერთი ტომისანი არ არიან?!

აფხაზი აბაშიძე და პაპასკირი, ისევე არ არიან ადიღური მოდგმისა, როგორც არძინბა და ციმცბა არ არიან აბაზები და აფშილები. ისინი აფხაზებად ჩვენ მონათლეთ, მას შემდეგ, რაც ხინტბებად იქცნენ და აფხაზეთის ქართველებში ხანეს თაემესაფარი. მიუხედავად ამისა, დღემდე თავიანთ თავს აფსუას უწოდებენ. ამ ტერმინის შინაარსობრივი დატვირთვა მისცეს... მათ მიერ მხარის სახელად დამკვიდრებული აფსნი თითქოს "სულის ქვეყანას" ნიშნავდეს. მაგრამ აქაც ხელი მოეცარათ. ამ სიცრუეში ისინი აკად. ს. ჯანაშიამ ამხილა. აი, რას წერს დიდი მეცნიერი ამასთან დაკავშირებით: "აფხაზები დარწმუნებულნი არიან, რომ "აფს-უა" - აფხაზი და "აფს-ნ" - აფხაზეთი დაკავშირებულია სიტყვა აფსნი-სთან (სული), რომ აფსნი, ამრიგად "სულის ქვეყანას" ნიშნავს. მაგრამ ეს შეცდომაა, სათანადო ფუძემდების შემთხვევით გარეგნული მსგავსების ნიშნად ალმოცნებული" (ს. ჯანაშია, შრომები, ტ. III, თბ., 1959, გვ. 68).

კომიკურ მდგომარეობაში ვარდებიან ის მკვლევარები, რომლებიც ერთის მხრივ ამტკიცებენ, რომ აფხაზები ადიღობრივი, აბორიგენული მოსახლეობაა, მეორეს მხრივ მხარს უჭერენ მათ ჩრდილოეთ კავკასიიდან მოსულობის ვერსიას.

რატომღაც არაფრით არ უნდათ იმის გაგება, რომ აფხაზთა დაახლოებით 80% ქართველებია, ქართული გვარის მატარებელი, ხოლო 12-13% - ადიღურ-აბაზურ-ჩერქეზული. აბორიგენულ მოსახლეობად ითვლება სწორედ უმრავლესობა - ქართველი აფხაზები და არა უმცირესობა, ანუ ადიღური ეთნიკური ელემენტი, რომელიც გვიან შუა საუკუნეებში ჩნდება ამ ტერიტორიაზე.

ასევე სასაცილოდ გამოიყურებიან ი. ვორონოვისა და გ. ტურჩანინოვის ყბადაღებული თეორიები იმის შესახებ, რომ თითქოს მსოფლიოს ყველა ხალხების ეთნოსუბსტრატები (გარდა ქართველებისა და აესტრიელებისა) აფხაზები არიან, რომელთაგან ანბანური დამწერლობა, თურქმე, ფინიციელებს გადაუღიათ.

ეს ზომ ამ ხალხის გამახარავებაა, რასაც ეიფორიაში მყოფი სეპარატისტები ტაშს უკრავენ.

ვორონოვისა და ტურჩანინოვისაგან ასეთი რამ გასაკვირი არ არის, რადგან მათი "თეორიები" ცრუ ილუზიების საფუძველზეა აგებული მხოლოდ

ბოროტი პოლიტიკური ზრახვების რეალიზაციის უზრუნველსაყოფად.

რაც შეეხება იმ ავტორებს, რომლებმაც აბაზეთა და აფშილთა ადიღური წარმომავლობა დოგმად აქციეს, მშვენიერად იციან, რომ ამის დამამტკიცებელი არც წერილობითი, არც ლინგვისტური, არც ტოპონიმიკური, არც ანთროპოლოგიური, არც ფოლკლორული, არც მატერიალური კულტურის ძეგლების სახით არანაირი მასალა არ არსებობს, როცა მათი ქართველური წარმომავლობის დამამტკიცებელი ყველა ზემოთ ჩამოთვლილი კომპონენტი სახეზეა.

რად ღირს თუნდაც ის ფაქტი, რომ აბაზთა (აფსუათა) ეპოსში იმის ღმერთ აირიგის შესახებ ნათქვამია: "აირიგ, შენ მხოლოდ ზღვისპირეთს ძარცვავ". შეიძლება ღმერთი საკუთარი ზალხის მძარცველი იყოს? აირიგისათვის (აბაზთათვის) ზღვისპირეთი საქარცი ქვეყანაა და არა სამშობლო.

რატომ, რომ ჩრდილო კავკასიური ეპოსი ნართების შესახებ ბრწყინვალედაა ასახული აფსუურ (აბაზურ) ფოლკლორში, ზოლო არავითარი წარმოდგენა არა აქვთ არგონავტებსა და ოქროს საწმისზე, მაშინ როცა ამის შესახებ საკმარისი მასალა არსებობს დასავლეთ საქართველოს ძირძველ ქართველებში - მეგრელებსა და სვანებში (იხ. თ. მიბჩუანი, დასავლეთ საქართველოს ქართველ მთიელთა ეთნოგენეზისის, განსახლებისა და კულტურის ისტორიიდან, თბ. 1989; გვ.188-208).

რატომ არ უნდა გაეწიოს ანგარიში დასავლეთ საქართველოში მოღვაწე ევროპელ მისიონერთა შრომებში დაცულ ცნობებს იმის შესახებ, თუ XVI-XVII საუკუნეებში დღევანდელი აფხაზეთის ტერიტორიაზე როგორ არბევდნენ, ანადგურებდნენ ქართულ მოსახლეობას ე.წ. აფხაზები, როგორ ყიდდნენ მათ მონათა ბაზრებზე, როგორ ხურავდნენ ქრისტიანულ ეკლესიებს, როგორ დაი-

პყრეს და დაეპატრონენ ოდიშის სამთავროს მდინარე ენგურამდე (თ. მიბჩუანი, აფხაზური სეპარატიზმის სისხლიან ნაკვალევზე, თბ., 1994, გვ. 7-36).

რატომ, რომ XVII საუკუნემდე აფხაზეთის ტერიტორიაზე არც ერთი ადიღური წარმომავლობის გეოგრაფიული სახელი არ გვხვდება?

დღევანდელი აფხაზები არც ერთი კლასიკური რელიგიის მიმდევრები არ არიან; სხვათაშორის, აღიარებენ ისლამის რელიგიას, ქრისტიანობასაც, მაგრამ მათში ყველაზე უფრო, წარმართული რწმენა-წარმოდგენებია შემორჩენილი.

ნიშანდობლივია ის ფაქტიც, რომ იმ უამრავი ისტორიული რუკებიდან (I-XVII სს), რომლებზედაც აფხაზეთია ასახული, არც ერთი აფხაზ მეცნიერთა შრომებში არ გვხვდება. ისინი ამ რუკებს გაურბოდნენ. ამ რუკებზე ყველა ტოპონიმი ქართველურია. აფხაზეთი კი ოდიშის სამთავროს ნაწილადაა წარმოდგენილი. ანთროპოლოგიურადაც ნამდვილი აფხაზები უპირისპირდებიან ადიღელებს და ქართულ ანთროპოლოგიურ ტიპს იმეორებენ (В.П.Алексеев. Происхождение народов Кавказа. М.1974. с.194).


ღრთა საერთაშორისო ექსპერტების ღონეზე შეიქმნას კომპენტენტური სამეცნიერო კომისია აფხაზეთა ეთნიკური ვინაობის დადგენის მიზნით. წინააღმდეგ შემთხვევაში, აფხაზეთი ქართველთათვის ყოველთვის სახიფათო ზონად დარჩება, მითუმეტეს, როცა ლაპარაკია ქვეყნის ფედერაციულ მოწყობაზე და აფხაზეთის ფართო პოლიტიკური უფლებების მინიჭებაზე.

თიმიურაზ მიბჩუანი

ისტორიულ მეცნიერებათა
დოქტორი, პროფესორი, თსუ,
სოხუმის ფილიალის, ისტორიის
კათედრის გამგე



საეკლესიო რეფორმა აფხაზთა სამეფოში



აფხაზეთის სამეფო VIII საუკუნის დასასრულს ჩამოყალიბებული ქართული (საკუთრივ დასავლურ ქართული) სახელმწიფოა (1, 322-341). ამ სახელმწიფოს, ისე როგორც იმდროინდელი საქართველოს მიწა-წყალზე სხვა (კახთა საქორეპისკოპოსო, ქართველთა სამეფო, ჰერთა სამეფო) ქართული სახელმწიფოების ჩამოყალიბება განპირობებულია რიგი საშინაო და საგარეო ფაქტორებით (2, 372-378).

საქართველოს ისტორიას, მთელი მისი არსებობის მანძილზე ახასიათებს ქართული ქვეყნების ერთ სახელმწიფოდ გაერთიანების ტენდენცია. ასეთი ერთიანი, აღმოსავლეთ და დასავლეთ საქართველოს დიდი ნაწილის მომცველი იყო ფარნავაზის დროინდელი ქართლის (იბერიის) სამეფო (ძვ.წ. IV-III სს.). ეს ერთიანობა ვერ იქნა დიდი ხნით შენარჩუნებული.

მთელი თავისი ხანგრძლივი ისტორიის მანძილზე ქართული ქვეყნები ერთიანდებოდნენ, იშლებოდნენ. ვეროპისა და აზიის გზასაყარზე მდებარე საქართველო, შეიძლება ითქვას, მახლობელი აღმოსავლეთის ყველა დიდ დამპყრობთა ინტერესების სფეროში ექცეოდა. დაშლის პროცესს შინაგანი დეცენტრალისტური ძალებიც უწყობდნენ ხელს.

ფარნავაზისდროინდელი ერთიანობის შემდეგ აღმოსავლეთ და დასავლეთ საქართველოს ერთიანობის თვალსაზრისით მნიშვნელოვანი ეტაპია ვახტანგ გორგასლის მეფობის ხანა (V ს. II ნახ.). ასევე, მართალია ბიზანტიის იმპერიის ხელისუფლების ჟამს, მაგრამ მაინც არსებობდა დასავლეთ-აღმოსავლეთ საქართველოს ერთიანობა VII ს-ის წლებში, არაბთა შემოსვლამდე. არაბთა სახალიფოს პოლიტიკამ, რომელიც VII ს-ის 40-იანი წლებიდან იწყებს ბრძოლას საქართველოსათვის, განაპირობა აღმოსავლეთ საქართველოს დაქუცმაცება, რასაც მაქსიმალურად შეუწყობდა ამ დროს საქართველოში მიმდინარე ფეოდალიზაციის პროცესმა.

ასეთივე პროცესები მიმდინარეობდა დასავლეთ საქართველოში. ეგრისის (ლაზიკის) სამეფო,

რომელიც მთელ დასავლეთ საქართველოს მოიცავდა, ბიზანტიის იმპერიის მცდელობით, რომელიც ალბათ, დეცენტრალისტურ ფეოდალურ ძალებთან კავშირში მოქმედებდა, დასუსტდა, დაიშალა. მას გამოეყო აფხაზთა (აბაზგთა), აფშილთა, (აფსილთა) სანიგთა და სხვა სამთავროები. იმპერიის ხელისუფლებამ ეგრისში მეფობა გააუქმა და მეფის ხელისუფლება ეგრისის პატრიკიოსის ხელისუფლებამდე დაამცრო (14, 88-89; 3, 420).

არაბებთან ბრძოლაში დამარცხებული ბიზანტიის იმპერია ცდილობდა მათ წინააღმდეგ ამიერკავკასიის ქრისტიან მფლობელ დაყრდნობა და ხელს უწყობდა აფხაზთა ერისთავის (აბაზგის არქონტის) გაძლიერებას. VII ს-ის 30-იან წლებამდე აფხაზთა საერისთავო აერცელეგს თავის ხელისუფლებას მეზობელ სანიგებზე, აფშილებზე, მისიმიანებზე, და ამიერიდან აფხაზეთი ეწოდება არა მხოლოდ აფხაზეთის საერისთავოს, არამედ ტერიტორიას ნიკოფსიიდან მდ. კოლორამდე (6, 178; 5, 60; 4, 60) ეს არის ცნება "აფხაზეთის" მნიშვნელობის გაფართოების პირველი ეტაპი. VIII ს-ის 30-40-იან წლებში ბიზანტიის იმპერიის ვასალი აფხაზეთი ასეთ გაფართოებულ საზღვრებშია წარმოდგენილი და მისი ერისთავი (არქონტი) ლეონ I ფაქტიურად ხელმძღვანელობს ანტიარაბულ ფრონტს დასავლეთ საქართველოში (7, 197). VIII ს-ის 80-იანი წლებისათვის კი მთელი დასავლეთი საქართველო (აფხაზეთი და ეგრისი) ერთიანი სახელმწიფოა, რომლის სათავეში დგას "მთავარი" (1, 336-337; 10, 59), ქართული წერილობითი წყაროების ცნობებით, სხვა ცნობები კი არ არსებობს, ეგრისს დამკვიდრებულ ქართლის ერისმთავართა (მეფეთა) ამ დროს მყოფი სახლის უფროსმა არჩილმა, თავისი გარდაცვლილი ძმის, "მეფე" შირის ქალიშვილი მიათხოვა ლეონ აფხაზს, რომელსაც გადასცა ეგრისის მეფეთა გვირგვინი (8, 242-243). ამ აქტით ლეონი, რომელიც იყო აფხაზეთის მემკვიდრეობით მფლობელი, ეგრისის მემკვიდრეობით მფლობელიც გახდა (7, 116). აფხაზეთისა და ეგრისის გაერთიანება განხორციელდა, როგორც ნებაყოფლობითი, დინასტიური აქტი (8, 242-243;

1 მართალია პ. ინგოროვის ლეონ I ლაზეთის მთავრად და ლაზეთის პატრიკიოსთა დინასტიის წარმომადგენლად მიაჩნა (7, 191-193), რაც სადავოა, მაგრამ აზერად ამას ჩვენი სკიპოსისთვის პრინციპული მნიშვნელობა არა აქვს.

5, 100-105). ლეონ აფხაზმა "იპყრა (ე.ი. თავის ხელისუფლებას დაუქვემდებარა, მ.ლ.) აფხაზეთი და ეგრისი, გაანთავისუფლა ბიზანტიელთა ხელისუფლებისაგან და მიიღო მეფის ტიტული.

ეს სახელმწიფო მოიცავდა მიწა-წყალს ნიკოფსიდან მდ. ჭირიხამდე და შავი ზღვიდან ლიხის ქედამდე (1, 338)¹. დასავლეთ საქართველოს ეს გაერთიანება ბიზანტიის იმპერიის სანქციით თუ არა, მისი დასტურით მაინც განხორციელდა. ამიერიდან კიდევ უფრო გაფართოვდა ცნება "აფხაზეთის" მნიშვნელობა და ის უკვე მთელ დასავლეთ საქართველოს ნიშნავს, და საკუთრივ აფხაზეთსაც. ეს არის ამ ცნების მნიშვნელობის გაფართოვების მეორე ეტაპი.

ამეგვარად VII ს. დასასრულს გაერთიანებული დასავლურ ქართული სახელმწიფოს მთავარმა, ლეონმა ისარგებლა ბიზანტიის იმპერიის დასუსტებით, დაიხმარა ხაზართა ძალა, გაანთავისუფლა თავი ვასალობისაგან და თავი "მეფედ" გამოაცხადა. "აფხაზეთი მეფე" დასავლეთ საქართველოს მეფეა, ხოლო "აფხაზეთი სამეფო" დასავლურქართული სახელმწიფო (4, 117-120), რომლის მოსახლეობის უდიდეს უმრავლესობას ეთნიკურად ქართველები, ქართველები, ეგრები, სვანები და საკუთრივ აფხაზები შეადგენენ. როგორც ცნობილია, საკითხის სპეციალურ ლიტერატურაში აზრთა სხვადასხვაობა არსებობს აფხაზ-აფშილთა (და დასავლეთ საქართველოში მოსახლე ზოგ სხვა ტომთა) ეთნიკური კუთვნილების და თანამედროვე აფხაზებთან მათი მიმართების შესახებ. ამჯერად არ ვაპირებთ აღნიშნულ საკითხზე მსჯელობას, რადგან განუხრებლად მათი წარმოშობისა (საკუთრივ ქართველური ტომები არიან ისინი თუ ჩრდილოკავკასიური) ანტიკური ხანისა და შუასაუკუნეების აბასგ-აბხაზები ისტორიულად ქართველები იყვნენ. ყურადსაღებია ის გარემოებაც, რომ X ს. სომეხი ისტორიკოსი, ჰოვხანეს დრასხანაკერტიცი, ამ სახელმწიფოს ეგრისს, მის მეფეებს, ეგრისის მეფეებს, ხოლო მცხოვრებთ ეგრძელებს უწოდებს. მეზობელი სახელმწიფოს მცხოვრებთათვის ეს ქართული სახელმწიფოა, ეგრისია.

რაც შეეხება "აფხაზეთი მეფეებს", მათი ეთნიკური კუთვნილების შესახებ პირდაპირი მითითება არა გვაქვს. გამოთქმულია მოსაზრება მათი ბერძნული (დ.ბაქრამე, პ.უვაროვა...), აფხაზური (ზ.ანჩაბაძე), ქართული (ლატიშვილი, პ. ინგორო-

ყვა) წარმოშობის შესახებ. მართალია, საკითხი თავისთავად საინტერესოა, მაგრამ წარმოშობას არა აქვს გადაწყვეტი მნიშვნელობა, რადგან აფხაზეთი მეფეები თავისი საქმიანობით ქართველი სახელმწიფო მოღვაწეები არიან. ისინი აქტიურად მონაწილეობდნენ ერთიანი ქართული სახელმწიფოს შექმნის დიდ ეროვნულ საქმეში. მათი ამ თვალსაზრისით მოღვაწეობის ერთი მთავარი ასპექტია საეკლესიო პოლიტიკა.

დასავლეთ საქართველოში ქრისტიანობა დასავლეთიდან (რომი-ბიზანტია) და აგრეთვე აღმოსავლეთიდან (ქართლი) ვრცელდებოდა. ამ ორი ნაკადიდან დასაწყისში ბიზანტიური (ბერძნული) უფრო ძლიერი იყო, რამაც განაპირობა დასავლეთ საქართველოს უშუალოდ კონსტანტინოპოლის საპატრიარქოს იურისდიქციაში შესვლა. არსებულმა პოლიტიკურმა ვითარებამ განაპირობა ის გარემოებაც, რომ დასავლეთ საქართველოს სხვადასხვა რეგიონებში ქრისტიანობა ერთდროულად არ იქნა მიღებული სახელმწიფო რელიგიად. თუ ეგრისში ქრისტიანობის სახელმწიფო კულტად აღიარება IV ს. 20-30-იანი წლებში ივარაუდება, საკუთრივ აფხაზეთში ქრისტიანობა სახელმწიფო რელიგიად VI ს-დან ჩანს დამკვიდრებული. ალბათ, ამით აიხსნება, რომ დასავლეთ საქართველოს ეპარქიები ერთმანეთისაგან დამოუკიდებლად არსებობდნენ.

ბერძნული საქრისტიანო ქადაგება დასავლეთ საქართველოში ქართულზე ადრე უნდა დაწყებულიყო. სამისიონერო ძალებითაც ბერძნული ეკლესია უფრო ძლიერი იყო, ვიდრე ქართული. პოლიტიკური პირობებიც ბიზანტიის ეკლესიის სასარგებლო იყო, ლიხთიმეგრეთ აღმოსავლეთ რომის - ბიზანტიის ნაწილი იყო. ბერძნული სამისიონერო მოღვაწეობის შედეგად დასავლეთ საქართველოში შეიქმნა კონსტანტინოპოლის სამწყსოში შემაკალი, ერთმანეთისაგან დამოუკიდებელი, სამი: ლაზიკის, აფხაზეთის და ჯიქეთის ეპარქიები (11-42, 43). თავისი პოზიციები ჰქონდა დასავლეთ საქართველოში მცხეთის ტახტსაც. აფხაზეთის სამეფოს შემადგენლობაში თავიდანვე შევიდა მცხეთის სამწყსოს ნაწილი - არგვეთი, ლეთისმეტყველებით ქართულ ენაზე.

როგორც ცნობილია, აღმოსავლეთ-დასავლეთ საქართველოს საეკლესიო გაერთიანების ტენდენციები VI-VII საუკუნეებიდან ივარაუდება (12, 301; 13, 122-123; 14, 167-171), მაგრამ ამ

1 საკითხის სპეციალურ ლიტერატურაში აზრთა სხვადასხვაობა აფხაზეთი სამეფოს სამხრეთის საზღვართან დაკავშირებით. აღნიშნული საკითხის განხილვა მითითებით არსებულ წყაროებსა და ლიტერატურაზე იხ.ნ. 180-185.
2 როგორც ცნობილია, არსებობს ამ ცნების მნიშვნელობის გაფართოვების შესახებ ეტაპიც, როდესაც "აფხაზეთი" მთელ საქართველოსც ნიშნავს.
3 საკითხის შესახებ არსებული წყაროები და ვრცელი ლიტერატურა ძირითადად მითითებულია მ. ლორთქიფანიძის ნაშრომში, "აფხაზები და აფხაზეთი".

ტენდენციის საბოლოო განხორციელება აფხაზთა სამეფოში, აფხაზთა მეფეების მოღვაწეობის შედეგად მოხდა.

დასავლეთ საქართველოს ეკლესიურად კონსტანტინოპოლის სამწყვსოდან გამოყოფის საკითხი მრავალი ისტორიკოსის კვლევის საგანია (ნიკო ბერძენიშვილი, კორნელი კეკელიძე, პავლე ინგოროვია, სიმონ ყაუხჩიშვილი, მარიამ ლორთქიფანიძე, ზურაბ ანჩაბაძე...). ამ საკითხის კვლევისას უმთავრეს საყრდენს კონსტანტინოპოლის საპატრიარქოსადმი დაქვემდებარებულ კათედრათა ნუსხები წარმოადგენენ (1256, 126-202): ჩვენთვის საინტერესო საკითხისათვის მნიშვნელობა აქვს ამ ნუსხათა ორ ჯგუფს. პირველი ჯგუფის ნუსხები შედგენილია ლეონ VI-ის (886-911) მეფობამდე. ამ ნუსხებში დასავლეთ საქართველოს ყველა კათედრა: ფაზისის მიტროპოლიტი ლაზეთში, მისდამი დაქვემდებარებული ოთხი ეპისკოპოსით (როდოპოლის-ვარციხის, ცაიშის, პეტრასი, ზიგანე-გუდავის), აფხაზეთის სებასტოპოლის (სოხუმის) ავტოკეფალი ეპისკოპოსი და აფხაზთა სამეფოში შემავალი ჯიქეთის ნიკოფსიის ავტოკეფალი მთავარეპისკოპოსი კონსტანტინოპოლის სამწყვსოში შედიან (15, 180-181). ასეთი ვითარება წარმოდგენილი VII-IX საუკუნეების ნოტიციებით. პირველი რიგის ნოტიციების ყველაზე გვიანდელი ნუსხა შედგენილია 820-829 წლებში (15, 184). სურათი იცვლება II რიგის ნოტიციებში, რომლის პირველი ნუსხა 901-907 წლებშია შედგენილი (15, 185). II რიგის ნოტიციებში დასავლეთ საქართველოს ეპარქიები აღარაა წარმოდგენილი; აღარაა წარმოდგენილი ფაზისის ლაზეთის მიტროპოლიტი და ლაზეთის მიტროპოლიტის კათედრა ტრაპეზუნტშია (15, 185) ჯიქეთის სამი კათედრიდან (ქერსონის, ბოსფორის, ნიკოფსიის) ამ ნუსხებში აღარაა მოხსენებული ნიკოფსიის კათედრა, რომელიც აფხაზთა სამეფოში შემავალ ტერიტორიაზე იმყოფებოდა, ხოლო ქერსონის და ბოსფორის კათედრები ისევ კონსტანტინოპოლისადმი დაქვემდებარებულ კათედრათა ნუსხებშია (15, 185).¹

კონსტანტინოპოლის საპატრიარქოსადმი დაქვემდებარებულ კათედრათა ნუსხებით წარმოდგენილი სურათი სრულიად რეალური ჩანს, რადგან საეკლესიო გამოყოფის საკითხი მხოლოდ აფხაზთა სამეფოს მიერ პოლიტიკური დამოუკიდებლობის მოპოვების შემდეგ შეიძლება დამ-

დგარიყო. როგორც ნოტიციებიდან ჩანს, ცვლილება დასავლეთ საქართველოს ეკლესიის მდგომარეობაში, მისი გამოყოფა კონსტანტინოპოლის საპატრიარქოდან და მცხეთის ტახტისადმი დაქვემდებარება IX საუკუნის მანძილზე მოხდა, რადგან პირველი ჯგუფის ნუსხებიდან ყველაზე ნაკვიანვეი 820-829 წლებშია შედგენილი (15, 184), ხოლო მეორე ჯგუფის პირველი ნუსხა 901-907 წლებში (15, 185). ამ მხრივ გარკვეულ დაბრკოლებას ქმნის 901-907 წლებში შედგენილი ნოტიცია (ნოტიცია X ბ, 15, 185), რომლის თანახმად სებასტოპოლის (სოხუმის) სამთავარეპისკოპოსო ისევ კონსტანტინოპოლის სამწყვსოში შემავალ კათედრათა შორისაა დასახელებული. აღნიშნულიდან დაკავშირებით, სიმონ ყაუხჩიშვილი შენიშნავს: "რადგან მეორე რიგის ეპისკოპოსებს შორის... სებასტოპოლის კათედრა ყველაზე პირველ ეპისკოპოსად დარჩენილი (ნოტიცია X ბ, 901-907 წლებისა), ხოლო არც ერთ მომდევნო ნუსხაში ის აღარ არის, ეს კათედრა მხოლოდ ფორმალურად არის იქ დატოვებული" (15, 201). მაგრამ იქნებ შესაძლებელია ვივარაუდოთ, რომ ვერ განხორციელდა ერთმანეთისაგან დამოუკიდებელი ყველა კათედრის ერთბაშად გამოყოფა კონსტანტინოპოლიდან და საკუთრივ სებასტოპოლის (სოხუმის) კათედრების გამოყოფა 907 წლიდან 927 წლამდე განხორციელდა და სებასტოპოლი აღარცაა მოხსენებული მეორე რიგის X ჯ ნოტიციაში, რომელიც 927-940 წლებშია შედგენილი (15, 185).² სრულიად ბუნებრივია, რომ დასავლეთ საქართველოს კონსტანტინოპოლის სამწყვსოდან გამოყოფა დიდ სიმძნელებებს წააწყდებოდა, კონსტანტინოპოლის საპატრიარქო აღბათ, არ თმობდა თავის პოზიციებს; მართალია ჩვენთვის ცნობილ წერილობით წყაროებში ეს პროცესი არაა ასახული, მაგრამ რეალურად სავარაუდოა, იმპერიის მარცხენა, დასავლეთ საქართველოში პოლიტიკური ხელისუფლების შენარჩუნებისათვის ბრძოლაში, საეკლესიო ურთიერთობის პრობლემაც დააყენა.

დასავლეთ საქართველოში გატარებული ეს საეკლესიო რეფორმა, გამოყოფა კონსტანტინოპოლის სამწყვსოდან და ქართული ეკლესიის იურისდიქციაში შესვლა, აფხაზთა მეფეების თაოსნობით და მცხეთის ტახტის აქტიური მხარდაჭერით განხორციელდა (11, 50). საეკლესიო რეფორმა აფხაზთა მეფეების ზოგადქართული

1 ნიშანდობლივია, რომ კონსტანტინოპოლმა არ მოშალა ლაზიკის მიტროპოლიტი კათედრა და ფაზისის გამოყოფის შემდეგ მიტროპოლიტის ტახტი ისტორიულ ლაზეთში, ტრაპიზონში გადაიტანა (6, 183-184).

2 შეადრე 2, 424; 18, 288-289. აღსანიშნავია, რომ XI ს. (1043-1069 წლებს შუა ახალ ათონში (ანაკოფია) ბერძნების აკრებულა ტაძარი აფხაზეთის ფარგლებში. XI ს. ამ მონაკვეთში ბერძნების მიერ ტაძრის აგება უკავშირდება მეფე ბაგრატ IV-ის (1027-1072) ნახევარძმის დემეტრეს მიერ თავისი სუფლისწული ანაკოფიის ციხის ბიზანტიისათვის გადაცემას. ასე რომ ეს დროებითი მოვლენა (5, 245).

პოლიტიკის ერთ-ერთი უმნიშვნელოვანესი მხარეა, მაგრამ პრობლემის ერთი მხარე იყო იერარქიულად კონსტანტინოპოლის სამწყსოდან გამოსვლა და მყორე, იმ დიდი გავლენის აღმოფხვრა, რაც საუკუნეთა მანძილზე ბერძნულ ეკლესიას ჰქონდა დასავლეთ საქართველოს მოსახლეობაზე. ეს უფრო ძნელი იყო, რადგან ამ გავლენას ღრმა კულტურულ-ისტორიული ფესვები გააჩნდა. ამიტომ იყო, რომ აფხაზთა მეფეებმა ეკლესიის გამოყოფის შემდეგ დაიწყეს ბერძნული კათედრების მოშლა დასავლეთ საქართველოში და მათ საპირისპიროდ, ახალი ქართული კათედრების დაარსება (11,51). აფხაზთა მეფე გიორგი II-მ (922-957) "ალაშენა (ან განაახლა, მ.ლ.) საყდარი ჭყონდიდისა, შექმნა საეპისკოპოსოდ, და განაშენა იგი ნაწილთა სიმრავლითა წმიდათა მარტულთათა" (9, 265). ეს ჭყონდიდის საეპისკოპოსო ქართული კულტურის ერთ-ერთი უმნიშვნელოვანესი კერა იყო აფხაზთა სამეფოში. X საუკუნის მანძილზე მოიშალა ფოთის კათედრა, საცდანაც პალასტომის ბერძნული ხატი, ქუთაისში იქნა გადატანილი (16,526). ასევე მოიშალა ძიდანევის-გუდავის კათედრა. იგი მეფე ბაგრატ III-მ მის მიერ აგებულ ბედიის ტაძარში გადაიტანა (9, 281).

ასე თანდათან იდევნებოდა ბერძნული ეკლესიის გავლენა, რომელიც აფხაზთა სამეფოში ღვ-

თისმსახურებას ბერძნულ ენაზე ატარებდა. მცხეთის ტახტს კი ქართული ენა შეჰქონდა, რაც დიდად უწყობდა ხელს მცხეთისა და აფხაზთა მეფეების ერთობლივ საქმიანობას. დასავლეთ საქართველოს მოსახლეობის უდიდესი უმრავლესობისათვის ქართული ეროვნული ენა იყო და ამდენად, ბევრად უფრო მისაღები, ვიდრე ბერძნული. ასეთ ვითარებაში შემუშავდა "ქართლის" პოლიტიკური მნიშვნელობის ის ფართო გაგება, რომელიც გვამცნობს, რომ "ქართლად ფრიადი ქუყანად აღირაცხების, რომელსაცა შინა ქართულითა ენითა ვაში შეიწირვის და ლოცუა ყოველი აღესრულების" (17, 100).

აფხაზთა მეფეების ეს საეკლესიო პოლიტიკა თვალნათლივ მიუთითებს ამ სახელმწიფოს აშკარად გამონახულ ქართულ შინაარსზე.

ამ დროს მცხეთის საკათალიკოსოს შემადგენლობაშია კახეთის, ჰერეთის, ქართველთა სამეფოს (ტაო-კლარჯეთის) ეკლესიები. დასავლეთ საქართველოს მცხეთისადმი დაქვემდებარებით საეკლესიო გაერთიანებამ წინ გაუსწრო საქართველოს პოლიტიკურ გაერთიანებას. ქართული ქვეყნების ერთ სახელმწიფოდ გაერთიანების დიდ ეროვნულ საქმეში ქართული ეკლესია მეფის გვერდით იდგა და ცენტრალური ხელისუფლებას მთავარი მოკავშირე იყო (6, 111-112; 19, 371-372).

მიმდინარეობა და ლიტერატურა

1. Джанашия, С.Н. О времени и условиях возникновения абхазского царства. *იხ.ს.ჯანაშია, შრომები II* 1952.
2. მ. ლორთქიფანიძე, - ახალი ფეოდალური სამთავროების წარმოშობა, *იხ. საქართველოს ისტორიის ნარკვევები, II*, 1970.
3. ს.ჯანაშია - საქართველოს ისტორია უძველესი დროიდან მე-13 ს-მდე. *იხ. ს. ჯანაშია შრომები II*, 1952.
4. მ. ლორთქიფანიძე - აფხაზები და აფხაზეთი 1990.
5. Анчабадзе З.В. Из истории средневековой Абхазии, Сухуми, 1959.
6. მ. ლორთქიფანიძე, - ფეოდალური საქართველოს პოლიტიკური გაერთიანება, 1963.
7. ჰ. ინგოროვკა - გიორგი მერჩულე, 1954.
8. ჯუანშერი - ცხოვრება ვახტანგ გორგასლისა. *იხ. ქართლის ცხოვრება, I* 1955.
9. მატჩანე ქართლისაი, *იხ. ქართლის ცხოვრება, I* 1955.
10. იოვანე საბანისძე, მარტვილობა ჰაბო ტფილელისა, *იხ. ძველი ქართული აგიოგრაფიული ლიტერატურის ძეგლები, I* 1964.

11. ნ. ბერძენიშვილი, სავაზრო ფეოდალურ საქართველოში, *იხ. ნ. ბერძენიშვილი, საქართველოს ისტორიის საკითხები, III*, 1966.
12. ი. ჯუანშიშვილი, ქართველი ერის ისტორია, I, 1968.
13. ს. ჯანაშია, ფეოდალური რეგულაცია საქართველოში. *იხ. ს.ჯანაშია, შრომები, I*, 1949.
14. ზ. ალექსიძე, ეპისტოლეთა წიგნი, 1968.
15. ს. ყაუხჩიშვილი, ბიზანტიელი მწერლების ცნობები საქართველოს შესახებ. *გეორგია, IV,2*, 1952.
16. ნ. ბერძენიშვილი, საქართველოს ისტორიის საკითხები, *VIII*, 1990.
17. გიორგი მერჩულე, გრიგოლ ხანძთელის ცხოვრება, *იხ. ძველი ქართული აგიოგრაფიული ლიტერატურის ძეგლები, I*, 1964.
18. М. Лордкипанидзе, Абхазское царство (Эгрис-Абхазети). *იხ. Очерки истории Грузии. II*, 1988.
19. М. Лордкипанидзе, Предпосылки объединения феодальной Грузии *იხ. Очерки истории Грузии. II*, 1988.

მარიამ ლორთქიფანიძე

აკადემიკოსი

ბიჭვინთის სახელით



XV საუკუნის შუა წლებში, მეფე ალექსანდრე პირველის მემკვიდრეების ხელში, საქართველო საბოლოოდ დაიშალა სამეფო-სამთავროებად. ეკლესიურადაც ორი ცენტრი წარმოიშვა - მცხეთა და ბიჭვინთა. ეს ცენტრები ადრეც არსებობდნენ. მცხეთა უკავშირდება წმიდა ნინოს მოღვაწეობას, ბიჭვინთა - წმიდა ანდრია მოციქულის საქმიანობას. აფხაზეთის კათალიკოსი გრიგოლი ბრძანებს - ანდრია მოციქული ბიჭვინთას დაემარხაო. ამიტომ "ბრძანებითა ღვთისათა აღუშენა ტაძარი ღვთისმშობლისა, განაჩინეს და ქმნეს სამღვდელმთავროდ, მოიხსენიების საკათალიკოზოდა (თ. ჟორდანი, "ქრონიკები", ტ. III).

ქართლის კათალიკოსსა და აფხაზეთის კათალიკოსს ფუნქციები განაწილებული ჰქონდათ. მაგალითად, მეფედ კურთხევის დროს "მარჯუენი ხელი (მეფისა - ა.ბ.) კათალიკოსს (ქართლის - ა.ბ.) ეჭიროს, ხოლო მარცხენი ხელი აფხაზეთის კათალიკოსსა, ანუ ჭყონდიდელსა, ანუ იშხნელსა და ეგრეთ შეჰყვენ პალატასა შინა" (ქართული სამართლის ძეგლები, ტ. II, 1965 წ., გვ. 53). მაგრამ XV საუკუნიდან საქართველოს ორ საეკლესიოდ გაყოფამ რეალური შინაარსი შეიძინა. დასავლეთ საქართველოს საეკლესიო თავიანთი აფხაზეთის კათალიკოსი გახდა. იგი დასავლეთ საქართველოს ერთიანობისა და მთლიანობის სიმბოლოც არის და შეუვალი ავტორიტეტიც. აფხაზეთის კათალიკოსს და ბიჭვინთას თანაბრად ემორჩილება, თავიანთს სცემს და სულიერ მეთაურად ცნობს იმერეთის მეფეც, აფხაზეთის, გურიისა და სამეგრელოს მთავრებიც. მიუხედავად იმისა, რომ მეფესა და მთავრებს შორის მტრობა-ქიშპი, მიხტომა-მოხტომა, რბევა-აწიოკება ხშირია, აფხაზეთის კათალიკოსისადმი და ბიჭვინთისადმი დამოკიდებულება კი ურყევი და უცვლელია. ორგულობას ვერაინ ბედავს. ყველა - დასავლეთ საქართველოს მეფეცა და მთავრებიც - ერთნაირად ცდილობენ ბიჭვინთისა და აფხაზეთის კათალიკოსის კეთილგანწყობილებას და ყურადღება დაიმსახურონ.

ბიჭვინთა, როგორც საეკლესიო ცენტრი, მიწა-მამულისა და ყმების მფლობელია მთელ დასავლეთ საქართველოში. მას მეფე-მთავრები ყველგან აძლევდნენ შეწირულობას.

იმერეთის მეფე ბაგრატმა ბიჭვინთის ღვთისმშობელს შესწირა "აფხაზეთს ბიჭვინთის გარშემო სოფელი აითარნე, არუხა და რაბიწა,

აითარნეს მთა ზეთის ხილოვანი" ("ქართული სამართლის ძეგლები", ტ. II, გვ. 179).

ღმინტი გურიელი, რომელიც იმერეთის მეფედ დასვეს, იძლევა სიგელს: "ბიჭვინთის ღმრთისმშობელსა შემოვსწირეთ გურიის წმიდის კვირიკეს საყდარი ძიმითისა... და ღეკანოზი გაბრიელ და მმა მისი მოსე კბილიანისშვილი... და მისი ყმა მამია ქართველიშვილი" (თ. ჟორდანი, "ქრონიკები", ტ. II, გვ. 484).

სამეგრელოს მთავარი ვამეყ დადიანი და თანამეცხედრე მისი ელენე გურიელი ბიჭვინთას სწირავენ "სენაკს საწინამძღვრო საყდარს და სასახლეს სრულიად მისის მამულითა და ორის სასახლითა" (თ. ჟორდანი, "ქრონიკები", ტ. II).

ერთ უმნიშვნელოვანეს დოკუმენტში - "აფხაზეთის საკათალიკოზო გამოსავალი მოსაკრებულობის დავთარი" ("ქართული სამართლის ძეგლები", ტ. III) - ზუსტად ჩამოთვლილია მთელ დასავლეთ საქართველოში სად რა ეკუთვნის ბიჭვინთის ღმრთისმშობლის ტაძარს. მითითებულია თითოეული პიროვნება, ვის რა გადასახადი აკისრია. მაგალითად ასე: "მართებს მამუკასა გრძელიძესა სამი კოდი წმინდა პური, ორი კოდი ქერი, 4 კასრი ღვინო, 3 საკლავი, სამი ქათამი, ერბო, ხაჭო და სალორე მარლი, შვიდი კვერცხი".

მეორე ასეთივე საყურადღებო საბუთში მოცემულია აფხაზეთის კათალიკოსის მოლაშქრე კაცთა ნუსხა, სად რამდენია და ვინ. "არის ქობულეთს და ჩაქუს აზნაურისშვილი და მსახური 5." ("ქართული სამართლის ძეგლები", ტ. III, გვ. 481).

მე თითო-ორი ნიმუში მოვიშველიე, თორემ ასეთი დოკუმენტები უამრავია. ისინი საგანგებოდ საქმეები არაა. დიდი უმრავლესობა გამოცემულია. ყველა ობიექტურ და პატიოსან ადამიანს შეუძლია ისარგებლოს, გამოიკვილოს და დაადგინოს, თავადაც დარწმუნდეს და სხვაც დაარწმუნოს, რომ აფხაზეთი ღვიძლი ქართული მიწა-წყალია, აფხაზი ქართული ტომის სახელია. იგი ქართველი ხალხის სისხლი სისხლთაგანი და ხორცი ხორცთაგანია.

ეს საბუთები იმასაც მოწმობენ, რომ მიუხედავად საქართველოს სამეფო-სამთავროებად დაშლისა, ფეოდალური შინააშლილობისა, ქართველ ხალხსა და ქართულ სამეფო ხელისუფლებას არასოდეს დაუკარგავს ერთიანობა-მთლიანობის

შეგნება. გულისყურით დააკვირდით: იმერეთის, ანუ დასავლეთ საქართველოს მეფეები თავისთავს იხსენიებენ ტიტულთ: "ჩვენ... ლიხთ-იმერეთისა და ლიხთ-ამერისა, ოსეთისა, დასავლეთისა და ყაბარდოსა, ჯიქეთისა და აფხაზეთისა, დიდი ოდიშისა და გურიისა და სრულიად საქართველოს მპყრობელ-მქონებელმან..." (თ. ჟორდანი, "ქრონიკები", ტ. II, გვ. 484).

ასე მართო მეფეები არ იწოდებოდნენ, არამედ მთავრებიც. სამეგრელოს მთავარიც ასე ბრძანებს: "ჩვენ... ლიხთ-იმერისა და ლიხთ-ამერისა, ოსეთისა და დუღეთისა, სვანეთისა და ყაბარდოსა, ჭიქეთისა და აფხაზეთისა, დიდის ოდიშისა და გურიის და სრულიად საქართველოსა მპყრობელ-მქონებელმან..." (თ. ჟორდანი, "ქრონიკები" ტ. II, გვ. 472).

რა არის ეს? ტიტულში ჩამოთვლილი მიწა-წყლის, ქვეყნისა და მხარის მფლობელი რეალურად თუ იმერეთის მეფე არ არის, მით უმეტეს, სამეგრელოს მთავარი, თუ ფაქტობრივ სინამდვილეს ტიტული არ ასახავს, მაშინ დოკუმენტებში რატომ იხსენიებენ ასე თავისთავს? იკვებნიან? კი, მაგრამ ვის ატყუებენ? არც არავის ატყუებენ; ფაქტობრივი სინამდვილეც კარგად იცინა და არც რეალურობის გრძნობა დალატობთ. ეს ტი-

ტული დაჟინებით იმიტომ მეორედება დოკუმენტებიდან დოკუმენტში, სიგელიდან სიგელში, რომ ქართველთა ცნობიერებაში მუდამ ცოცხლობდეს, არ იქნეს დავიწყებული - რა არის საქართველო, რა ტერიტორია უჭირავს მას, რა არის ქართველ მეფეთა სამფლობელო. მთავარია "ერთიანობის ცნობიერება არ მოიშალოს. თუ ერთიანობის ცნობიერება არ მოიშლება, არ მოიშლება ცოდნა იმისა, რა არის საქართველო, მაშინ მომავალში აღდგება ის, რაც ისტორიული უსამართლობის გამო დღეს დაქცეულია. რაკი ჯერჯერობით რეალურად და ფაქტობრივად არ შეუძლიათ საქართველოს ერთიანობა-მთლიანობის აღდგენა, ქართველი მეფე-მთავრები ყოველგვარად უწყობენ ხელს ერის ცნობიერებაში ამ ერთიანობა-მთლიანობის შეგნების შენარჩუნებას. ამას მტკიცედ უჭერს მხარს ვკლესია, კერძოდ ბიჭვინთა, როგორც აფხაზეთის კათალიკოსის რეზიდენცია და დასავლეთ საქართველოს სულიერი ცხოვრების ცენტრი.

მაშინაც კი, როცა ქართველი მეფე-მთავრები, მიწა-წყლის მოსაპოვებლად და ყმა-მამულის გასამრავლებლად, ერთმანეთს ებრძვიან და სისხლს ღვრიან, მაინც არ ავიწყდებათ, რომ ერთიანი ქვეყნისა, ერთიანი ერისა და ერთიანი კათოლიკე



ბიჭვინთის ტაძარი
X-XI სს.

ეკლესიის შეილები არიან. ამ ცნობიერების შენარჩუნებას ისიც ეხმარება, რომ დასავლეთ საქართველოს კათალიკოსთა დოკუმენტებში ხშირად ცნება - "აფხაზეთი" - იხმარება ფართო მნიშვნელობით - როგორც მთელი საქართველოს სახელი. ასეა, მაგალითად, სიგელში - "წიგნი მალაქია კათალიკოსისა და გენათელ მელქიზედკისადმი სამწყვოსა და საწირავის გაჩენის შესახებ" ("ქართული სამართლის ძეგლები", ტ.111). იქ ნათქვამია, რომ კათალიკოს მალაქიას განკარგულების მოშლა-დარღვევის უფლება არაეის აქვს, მათ შორის არც "აფხაზეთის მეფეთმეფეებს და დედოფალთ-დედოფლებს" (გვ.250). აფხაზეთს, როგორც საქართველოს ერთ-ერთ პროვინციას, არავითარი მეფეთ-მეფენი და დედოფალთ-დედოფალნი არ ჰყოლია. მეფეთმეფენი და დედოფალთ-დედოფალნი ჰყავდა ერთიან საქართველოს. ცხადად ჩანს, რომ ამ დოკუმენტში "აფხაზეთი" მთელი საქართველოს გაგებით არის გამოყენებული. ასე, რომ ცნებას "აფხაზეთი" როგორც მთელი საქართველოს აღმნიშვნელს, არა მარტო სპარსელები და არაბები იყენებდნენ, არამედ ქართველებიც.

მთლიანობისა და ერთიანობის ცნობიერების შენარჩუნება ქართული ეკლესიის, კერძოდ აფხა-

ზეთის საკათალიკოსოსა და ბიჭვინთის დამსახურებაა, მისი მოღვაწეობის შედეგია. ამიტომაც მიაგებენ მას უდიდეს პატივს დასავლეთ საქართველოს მეფე-მთავრები. როგორც კი ისინი შინაურ შუღლსა და მტრობას მოათავებენ, მაშინვე იყრიან მუხლს ბიჭვინთის ღვთისმშობლის წინაშე და პატიებას ევედრებიან.

ერთიანობა-მთლიანობის შეგნების რღვევა მას შემდგომ იწყება, რაც, რუსეთის საიმპერატორო ხელისუფლებამ და ეკლესიამ ქართული ეკლესიის ავტოკეფალია მოშალა და გააუქმა, რუსული მმართველობა დაამკვიდრა. რუსეთის საიმპერატორო ხელისუფლების დაწყებული საქმე კომუნისტურმა რეჟიმმა დაამთავრა. კომუნისტურმა რეჟიმმა საქართველოს მოწყობა აფხაზეთი პოლიტიკურად, ეთნიკურადაც და ცნობიერადაც,

აფხაზეთი საქართველოს ღვიძლი ტერიტორიაა, აფხაზი ქართველია (აფხუა აფხაზი არ არის. აფხაზია ის ორასი ათასზე მეტი ქართველი, რომელიც მამა-პაპის მიწა-წყლიდან არის განდევნილი).

წერილიდან "უპიცრება თუ პროვოკაცია"

წერილი დაიწერა 1978 წელს, ი. ვორონოვის წიგნის "უპიცრება თუ პროვოკაცია" -ს პასუხად. ჯერ კიდევ იმ დროს, როცა ქართველ მეცნიერებს აკრძალული ჰქონდათ აფხაზეთის შესახებ სიმათლის წერა და საუბარი.

მოგვკავს მცირე ამონაწერი.

...ბიჭვინთა და ახალი ათონი უძველესი ქართული ცენტრებია. აქ ეკლესია და მწიგნობრობის ენა ქართულია. ეს კი, იმის უტყუარი საბუთია, რომ ამ რეგიონის ძირითადი მოსახლეობის ძირითადი ენა ქართულია. სხვანაირად ქართული ვერ გახდებოდა ეკლესიის ენად.

...ააშენებენ ეს აფხაზი მეფეები და ხუროთმოძღვრები ბესლეთის ხიდს, ქართულ წარწერას გაუკეთებენ.

ააგებენ ბედიისა და ილორის ტაძრებს, ქართული წარწერით დაამშვენებენ.

საითაც არ გაიხედავ, ქართულ წარწერებს წააწყდები, ლიხნის ტაძარში შეხვალ, ფრესკებს დათვალიერებ, ქართულ წარწერას იპოვი. ბედი-

ის სახაზლის ნანგრევებს მოინახულებ, ქართული წარწერა შემოგვეტება.

ეს აფხაზთა მეფეები წიგნებსაც და სიკვლეგუჯრებსაც ქართულად წერდნენ. სხვათა შორის, იმ "ველიკი აბხაზსკი ცარ დაეიდმა" ქართულად დაწერა ათასხუთასწლიანი ქართული მწერლობის შედეგად "გალობანი სინანულისანი".

რაშია საქმე? რამ შეაყვარათ ასე ამ აფხაზთა მეფეებს ეს ქართული ენა? რატომ იბრძვიან ასე თავგამოდებით ისინი საქართველოს სამეფოს ერთიანობისათვის, ქართული ენისა და ქართული ეკლესიისათვის? რით აიხსნება აფხაზთა მეფეების ეს ქართული პატრიოტიზმი?

მეცნიერებისათვის ცნობილ აფხაზეთის კათალიკოსთა შორის არაქართველი არ ურევია.

ვორონოვის წიგნში სიმპათიით მოხსენიებული აფხაზეთის უკანასკნელი მთავარი მიხეილ შარვაშიძე რუსეთის მთავრობასთან მოლაპარაკებისას საბუთებს ქართულ ენაზე ადგენდა. მიხეილ შარვაშიძის შვილი, ცნობილი პოეტი და საზოგადო-

მოღვაწე გიორგი შარვაშიძე თავის თხზულებებს ქართულად წერდა, თუმცა აფხაზურსაც ჩინებულად ფლობდა.

მემუარისტები ერთხმად აღნიშნავენ, რომ იმ დროს გიორგი შარვაშიძის ბადალი აფხაზური არაყინ იცოდა და მაინც, ქართულად წერდა. რატომ? იმიტომ, რომ ქართული მატიანით (სამწუხაროდ, აფხაზური მატიანე არ არსებობს) აფხაზეთის სამეფო დასავლეთ საქართველოს სამეფოს ნიშნავს, აფხაზთა მეფე - დასავლეთ საქართველოს მეფეს, აფხაზეთის კათალიკოსი - დასავლეთ საქართველოს კათალიკოსს. იმიტომ, რომ კულტურულ-ისტორიულად, აფხაზეთი საქართველოს ორგანული და განუყოფელი ნაწილი იყო და არის... იმიტომ, რომ ნამდვილ აფხაზს ყოველთვის საერთო ქართული ეროვნული შეგნება ასულდგმულებდა.

...და როგორც თვით გიორგი შარვაშიძე წერს "...სანამ ჯაშუშობასა და სამშობლოს მტრობაში კეთილდღეობა არ კოვეთ", არაყის უფიქრია, არც აფხაზეთის მეფებს, არც აფხაზეთის კათალიკოსებს, არც იმ ხუროთმოძღვრებს, ვინც მოქვს, ბედიას, ილორსა და სხვებს აშენებდა,

არც შარვაშიძეებს, მიხეილი იქნებოდა იგი თუ გიორგი, რომ საქართველო სხვაა და აფხაზეთი სხვა. მათ არ უფიქრიათ, რომ დადგებოდა დრო, მოვიდოდნენ ზოგ-ზოგები და ცრუმეცნიერების სახელით მათი სისხლით აშენებული ერთიანი ქვეყნის სულიერ და ხორციელ გაყოფას მოინდომებდნენ. იცოდნენ, რომ მათ საერთო სამშობლოს საქართველო ერქვა. ამ საერთო სამშობლოს აშენებდნენ და იცავდნენ ისინი ერთად, თუ მეტი არა, ორი ათასი წელი მაინც და კვრაყინ წარმოიდგენდა, რომ გამორჩეობდნენ პროვოკატორები და დაწვევდნენ ქადაგებას, აფხაზეთი კრასნოდარის მხარეს შევეუერთოთ, და ამას "მეცნიერულად" დამსაბუთებლებიც გამოუჩნდებოდნენ.

მართალია, გიორგი შარვაშიძეს აღარ ეჭირა აფხაზეთის მთავრის პოსტი, მაგრამ იგი სისხლით, ჯიშით და სულით იყო აფხაზეთის მთავარი.

აბაპი ბაპრაძე

მწერალი. მეცნიერი

**თქვენთვის, ქართლის მეფე, სვიმონმა ერთი უდიდრო-
ბისათვის დასაჯა კახელები (1680 წ.) და ბრძოლაში შიშვენი-
ბილნი კახეთის შარკინეაული მისამთაჟი დააფიცა: ღმერთმა
წურასდროს მისთვის კლავს კახთა ქართველთა ზედაო.**

ვახუშტი. საქართველოს ცხოვრება,

II (ჭიჭ. გამ. გვ. 45)

**ღმერთო, წურასდროს მისცე
კლავს ქართველთა ერთგანეთსა
ზედა!**

ბიოგრაფიული შარვაშიქი

"თუ ქართველი ერი მთლად არ გადაშენდა, - შთამომავლობა და მომავალი ჩასთვლის ჩვენს დროს გონების უმწიფარ ხანად". - ეს სიტყვები აფხაზეთის უკანასკნელი მთავრის შთამომავალს, გიორგი შარვაშიძეს ეკუთვნის. იგი ამოღებულია მისი წერილიდან "ქართული ენის გარშემო", რომელიც გამოწვეული ყოფილა "ქართული მართლმწერლობის კომისიის" მრუდელ შედგენის გამო. ამ წერილში იგი ეკამათება ამ კომისიის შესწავრთ, რომელთაც ხელოვნური ტერმინოლოგიით ჰსურდათ ქართული ენის დამძიმება. "ყოველს ენას მიპნიჭებია თავისი, ასე ვთქვათ, ჯიშური თვისება. თუმცა-ღა შეიძლება მიუხედავად ამისა, უფროვე განვითარება ენისა, შესაბამ დროთა პროგრესისა, მაგრამ ამას დიდის მოწინააღმდეგეობით, ცოდნით და სიფაქიზით სჭირია მოპყრობა, რათა არ გაირყვნას ჯიშური თვისება ენისა. ხოლო სხვათა ენიდან უხეშად თარგმნა სიტყვისა და მიბაძვით გადმოლაგება სხვათა გონებრივი ვინაობისა, - შეადგენს სამშობლო ენის გადაგვარებისადმი მისწრაფებას" - წერს იგი და აღშფოთებას გამოთქვამს იმის გამოც, რომ "უმეცარს ვინმეს განუზრახავს რუსთაველი წარმოედგინა ჩვენი დროის სამოსელით და მის ყიზილბაშურ ქუდში კალამია გარჭობილი. საკვირველი ის არის, რომ ქართველ საზოგადოებამ მიიღო ის, როგორც ნამდვილი სურათი და გააგრძელეს კიდევცა..."

ქართულია მისი აზროვნება, თვალსაზრისი, მრწამსი. საქართველოა მისი ფიქრის საგანი, მისი ტკივილი. ხოლო აფხაზეთი, კუთხე, სადაც ის დაიბადა, დიდი საქართველოს ნაწილია, ანუ, როგორც მას და საერთოდ, სხვა სამთავროებსაც უწოდებდნენ, "პატარა საქართველო"... ბრწყინვალედ იცოდა მან ქართული. ქართულად აზროვნებდა და ქართულად წერდა... ბრწყინვალედ იცოდა აფხაზურიც და მოვლილი ჰქონდა მისი ყოველი კუთხე.

რთულ დროში მოუხდა ცხოვრება, ისე როგორც მთელი საქართველო, გარეშე თუ შინაურ მტერთაგან აწეწილი, აფხაზეთის სამთავროც იმჟამად რუსეთის მფარველობისაკენ მიიღტვოდა. რუსეთის მაშინდელ მთავრობასაც ჰქონდა თავისი ზრახვები აფხაზეთის მიმართ. ამ დროს მას უკვე "სამეგრელოში ჰქონდა ფეხი ჩადგმული" და თვალი მისი მეზობელი კუთხისაკენ გაუბოდა. სურდა შავი ზღვის მთელს აღმოსავლეთ სანაპიროზე რუსული მოსახლეობა ჩამოეყვანა, რომ თანდათან დაპატრონებოდა ამ მხარეს. 1864



წელს დიდმა მთავარმა მიხეილ ნიკოლოზის ბემ, მეფის ნაცვალმა კაკასიაში, საკითხიც აღძრა აფხაზეთის სამთავროს გაუქმების შესახებ. იგი სწერდა პეტერბურგს: ასეთი ღონისძიებების მიღება იმისთვისაა საჭირო, რომ შესრულებულ იქნას უმაღლესი მთავრობის მიერ მოწონებული განზრახვა ფაზანთა სტანიცების მოწყობის თაობაზე ზღვის აღმოსავლეთ სანაპიროზე, ყუბანის შესართავიდან მდინარე ბზიფამდე.

მეფის ნაცვლის მიერ წარმოდგენილი პრაქტიკული გეგმის მეოთხე მუხლში კვითხულობთ: "თუ თავისუფალი მიწების რაოდენობა ამის საშუალებას მოგვცემს, - დასახლებულ იქნან ფაზან-რუსები ნაპირის გასწვრივ ინგურის შესართავამდე. ბზიფის ხეობის (ფაზანებისაკვე) მოსახლეობასთან ერთად. მათ შეიძლება აფხაზეთის ფაზანთა "ეოისკო" შეადგინონ". მაგრამ თუ თავისუფალი მიწები არ არსებობდა, შეიძლებოდა დასახლებული ადგილების გათავისუფლება მათი ნამდვილი პატრონებისაგან. ამისათვის რეალური წინადადებები მზად ჰქონდა ქუთაისის გენერალ-გუბერნატორს, თავად სვიატოპოლკ-მიროსკის, რომელიც, როგორც ჩანს, ადრევე ზიარებული ყოფილა "ეოისკოს" პროექტს. იგი ამის შესახებ მთავარ შტაბს სწერდა: "თუ აფხაზეთი (სამთავროს გაუქმების შემდეგ) მოისურვებენ ოსმალეთში გადასახლებას, ჩვენ ამას ხელი არ უნდა შევეშალოთ..." (საქ. ცენტრ. არქივი: განსაკუთრებული მნიშვნელობის საქმეთა ფონდი, საქმე №48) ამ გეგმის უმნიშვნელოვანესი ნაწილი მათ განახორციელებს კიდევ. შავი ზღვის სანაპირო ზაზზე აფხაზური მოსახლეობა განადგურებულ იქნა. მისი მამა-პაპეული მიწა-წყალი დაურიგდა ცარიზმის მსხველსა და წვრილ მოხელეებს. ქვეყნის შუაგულ თემებშიც კი შეიქმნა მნიშვნელოვანი კამპაქტური მოსახლეობა უცხოელი კოლონისტებისა (ხ. ჯანაშია. გიორგი შარვაშიძე. გამომც. "საბჭოთა საქართველო", 1985 წ. გვ. 5-6) აფხაზეთის სამთავროს მომავალს სერიოზული

საფრთხე დაემუქრა; მიხეილ შარვაშიძეს - აფხაზეთის უკანასკნელ მთავარს, მისი მოშორების მიზნით, რუსეთ-ოსმალეთის ომის დროს ღალატიც კი დააბრალებს. დიმიტრი ყიფიანის ცნობით, რომელსაც ამ საქმის გამოძიება დაევა-ლა, მიხეილმა არამც თუ ღალატი, უზომოდ დი-დი დახმარებაც გაუწია რუსის მთავრობას. იგი წერს, რომ რუსის ჯარები ვერ გამოადწვედნენ აფხაზეთიდან (როცა მათ ომის დაწყებისას სამე-გრელოში დაიხიეს), მიხეილს რომ არ გამოეყვანა (საქ. ცენტრ. არქივი, განსაკ. საქმე, №42). საბოლოოდ, მრავალი წინააღმდეგობის მიუხედავად, მიხეილმა (უკვე მოხუცმა და ავადმყოფობის გამო დაუძღვრებულმა) თვითონ გამოუცხადა მოსახლეობას რუსული მმართველობის დამყარება საქართველოში. მთავრობას კი მიმართა თხოვ-ნით, ნება მიეცათ მისთვის, დარჩენილიყო აფ-ხაზეთში, ან არადა, ეცხოვრა ზამთრობით ქუთა-ისში, ზაფხულობით კი რაჭაში. თუ ესეც შეუ-ძლებელი აღმოჩნდებოდა, მაშინ მიეცათ მისთვის პასპორტი იერუსალიმში წასასვლელად, რომ იქ დაეღია თავისი დღე. მიხეილი გარდაიცვალა 1865 წელს, გადასახლებაში, - ქალაქ ნოვოროსი-ისკში. იგი იმავე წელს ჩამოასვენეს აფხაზეთში და დაასაფლავეს მოქვის ტაძარში. მამის გარ-დაცვალების უამს გიორგი შარვაშიძე ჯერ კიდევ სრულიად ახალგაზრდა იყო. ხალხი მწვავედ განიცდიდა დამოუკიდებლობის დაკარგვას და გა-მუდმებით მოითხოვდა მმართველობის ძველი წესის აღდგენას. 1866 წელს იფეთქა აჯანყებამ, რომლის ჩახშობის შემდეგ გიორგი შარვაშიძე რუსეთში გადასახლეს. მაგრამ მალე შეიწყნარეს და პეტერბურგში "დაასახლეს", სადაც მას დიდად დამეგობრებია მეფის ძე, შემდეგში თვით მეფე ალექსანდრე (მესამე). გიორგის იქ ბრწყინვალე კარიერა ელოდა, მაგრამ გული სამშობლოსკენ მოუწევდა და საქართველოში დაბრუნებულა.

გიორგი შარვაშიძის უმცროსი თანამედროვე და პირადად მცნობი ერთი პირი ამბობს: "გაბე-დულად შეიძლება ითქვას, რომ გიორგი ერთადე-რთი გამონაკლისი მაგალითი იყო მთელ ჩვენ საქმოდ მრავალრიცხოვან მემკვიდრეთა და უმაღლეს არისტოკრატების წვერთა შორის, რო-მელმაც ქედი არ მოიხარა, მცირეოდენადაც არ დაიმცირა ღირსება თავის ერის მჩაგვრელ, თავის ხალხზედ ძალით გაბატონებულ ძლიერ სახელ-მწიფოებრივ მმართველობის წინაშე. დანამდილე-ბით შეიძლება ითქვას, რომ ყველა მისი დროის და მისი წრის ოჯახობა დიდ ბედნიერებად და საოცნებო ნეტარებად თვლიდა იმ ჯილდო-წარჩინებას, რომელსაც გიორგი ზიზღით უარყო-ფდა. ვინ არ იცის, თუ რამდენი მსხვერპლით და ტანჯვა-წვალებით მისწრაფოდნენ ყველა ჩვენ არისტოკრატების წვერნი სასახლის ყურადღე-ბა-წყალობის დამსახურებისაკენ. გიორგის კი

ყმაწვილობიდან ეზიზღებოდა ყოველივე ის სიკეთე, რომელიც რუსეთის ტახტიდან გამოძი-ნარებოდა (ყურნ. "თეატრი და ცხოვრება". სიტყ-ვა წარმთქმული გ. შარვაშიძის დასაფლავებაზე 1918, №10) სამაგიეროდ, იგი მუდამ შევი-წროებული იყო. იმავე ცნობით, გიორგის "ორი ქცევა მიწა ენატრებოდა მის ქვეყანაში".

გიორგი შარვაშიძე, თავისი არსებით, სულით, მრწამსით, სარწმუნოებით ნამდვილი ქართველი კაცი იყო, ღირსეული წარმომადგენელი და სისხლი სისხლთაგანი საქართველოს ძირძველი კუთხისა - აფხაზეთისა, მისი უკანასკნელი მთა-ერის შთამომავალი. მისი აზროვნება, მთელი მისი არსება ქართულია. იგი ერთგან წერს: "მართა-ლია, ჩვენს სამშობლო ივერიას ყოველგვარი დი-დი კულტურული განცდა გამოუვლია, მაგრამ ჩვენი წარსული ისეთს უამს გაშუშდა, რომ და-გვებნა ბუნებრივი ევოლუციის შარა და კანონი. დიდა, ჩვენ შეგვიძლია თამამად ვთქვათ, რომ იბღლის უკუღმართობას რომ ხელი არ შეეშალა, ევროპის წინათაც ვიქნებოდით ჩვენ დღეს. ვინაი-დან, როდესაც ანდრია მოციქული ქრისტეს მცნებას გვიქადაგებდა, მაშინ ევროპაში თვით ღუკებსაც კამეჩის ტყავი ეცვათ ტანზე და ფეხში-შველა შუბებით ხელში, ნადირობდნენ ტყეებში. მას მერე, როგორც იყო, ომით, მუდამ დავიდა-რებით, მივიტანეთ ჩვენი კულტურის ცხოვრება თამარ დედოფლის დრომდე, რომელიც იყო ივე-რიის ოქროს ხანა. შემდეგ კი უკუღმართად დატრიალდა ერის არსება. შემოსეული მტრები არ გვაძლევდნენ საშველს და ხალხი დაიღალა. ნელ-ნელა ჩაქრა დიდებული გონებრივი და ქონებრივი თანხა ქვეყნისა და დაიშალა ცხო-ვრება თვითარსებობისა. ენა გაღარბდა, ზნეობა წაგვიხდა, ქონება-შემლება დაკარგეთ, რაინდობა და პატიოსნება განვაგდეთ და ბოლოს მოე-აღწიეთ იმ ხანაში, როცა კეთილდღეობასა კაოულობით ჯაშუშობაში და სამშობლოს მტრობაში..." "ამ დროს, როდესაც შეგნებულ-დაკრეფილი იდგა საფლავებზე თავის დაიწვებუ-ლი, დამარხული დიდებისა, დღეს, უეცრად გაისმა ხმა სიმართლისა და თავისუფლებისა" შემდეგ ავტორი ეკამათება იმით, ვინც ეწინააღ-მდეგება საქართველოს თავისუფლების იდეას - "ბრწყინვალე მზეს ერის გათავისუფლებისა, გა-მოცოცხლებისა"-ს (გაზ. "საქართველო" 1917 № 37, 140).

მოგონებათა შორის, რომელნიც აფხაზთა ამ ბრწყინვალე შთამომავლის სახეს ჩვენს ცნობიერ-ებაში აცოცხლებენ, არის ერთი. იგი ეკუთვნის გრიგოლ რობაქიძეს... მკითხველს ვთავაზობთ რამდენიმე ამონაწერს ამ მოგონებიდან:

"სოხუმის ნაპირები... მთავარ ქუჩაზე მოდის

ვინმე ცხენოსანი. უკან მცველი მოჰყვება. იგიც ცხენზე მჯდარი. ცხენოსანი ნამდვილი მხედარი. მოხდენილი ჯდომა, თითქოს მბრძანებელია მგრძობიარე ცხოველის, მაგრამ თითქო მას ძალას არც კი ატანს.

გადმოხტა. გაეცანო: გიორგი შარვაშიძე, შეილი აფხაზეთის უკანასკნელი მთავრისა. რა შესანიშნავად ადგას ჩოხა! ტანი მადლად არის აყვანილი სილადით კიდეც, თუმცა ეტყობა ექვს ათეულს გადასცილებია. ასეთი მოხდენილი ჩაცმულობა არავისზე მინახავს საქართველოში. ... სადა ძალზე და ამასთანავე, რჩეული მეტად. ... რაიოდენი სიმაღლე და რაოდენი თავაზი. საოცარია ხმა, ნელი, ტბილი, მელოდიური. კილოც ლამაზი, უცნაური ჯადოთი გაჟღერებული. ხანდახან ოდნავი აცეცხლება, - ხოლო, არც ისეთი, რომ ღია პათოსში გადავიდეს. ამართა სახელო. - სილამაზე ივერიული. ხაზების სისწორე და სირბილე, სწორუპოვარი პროფილი: აქაც სისადავე და რჩეულობა თან. მთელი საუკუნეებია საჭირო, რომ ბიოლოგიურმა შერჩევამ ასეთი სრული ტიპი წარმოშობოს. უბრალო მიმოხერაც მოწმობს მისი, რომ მის გვარში ას წლობით ყოფილა შეუცნობელი ფიქრი ბიოლოგიური რჩეულობისა.

...მთავრის შეილის სიტყვა მოხდენილია ფრიად. იცის ვეროპული ენები: ფრანგული, ინგლისური, გერმანული... განსაკუთრებით ფრანგული. ზედმიწევნით იცის რუსული - რუსის სასახლეისთან სიახლოვეც ჰქონებია. იცის ძვირფასად ქართული, აფხაზური, მეგრული. ... იგი თვითონ

მწიგნობარია. რუსთაველი ზედმიწევნით იცის. თვითონაც წერს: ლექსებს, პოემებს, დრამებს. მაგრამ ამეებში არ ეტყობა ბარბაროსული ძალა აყრილობა. ეს მხოლოდ გასართობია მისთვის, მხოლოდ, - თუმცა ისეთივე ლამაზი მოხდენილობით აღვივებული, როგორც ქორითა და შეგარდნით ნადირობა, - რომელიც მას უგვარს და ძალზე შროიანადაც ეხერხება.

ბაასის საგანი ხშირად საქართველოა. გაბედულობა მისი საკითხის გადაწყვეტაში, არავითარი კომპრომისი, სრული თავისუფლება. აი, მისი ფიქრის ხეული. ხოლო აქაც ნელი, ლბილი, აუღელვებელი. ხანდახან ოსმალეთსაც ჩააყენებს საქართველოს საკითხში, ...მისთვის ყველა საკითხი მნიშვნელოვანია, თუ მას სილამაზე ახლავს. ნამდვილი არისტოკრატია (ამ სიტყვის რჩეული მნიშვნელობით).

ამ დღეებში ამბავი მოვიდა მისი სიკვდილის: - მოგვშორდა ქართული რასის ნამდვილი გაყი.

გიორგი შარვაშიძის სიცოცხლე გათავდა იმ შუოთიან ჟამს, როცა აფხაზეთი, მთელ საქართველოსთან ერთად, ჯერ კიდევ ორ სამყაროს შუა ირყეოდა. იგი გარდაიცვალა სოხუმში. 19 თებერვალს. დაკრძალეს მოქვის ქართულ საკანეში, აფხაზთა მეფის, ლეონის მიერ X საუკუნეში აშენებულ მოქვის ტაძარში, თავისი მამის გვერდით. ასეთი იყო მისი სურველი და ნატვრა მისი.

X X X

განგებავ, ამას ნუ მიწყენ,
ვერ გადაგვგარდე გვარადა,
ხანდისხან დავილულუნო
მამაპაპური ვარადა.
იგი ლულუნ-სიმღერა
არ არის გასახარადა,
ის არის მძიმე მოთხრობა.
გულისა სატყვიარადა.
ისა ჰგავს დედის საფლავეზედ
ობლისა მოთქმას მწარადა,
კენესის და კენესის, ქვითინებს
მტირალის ჩვილის გვარადა,
უბნობს, თუ ვითა ცხოვრება
- ათასის წლისა წყნარადა.

ერთბაშად, ერთის მობერვით
სულ წარხვეტილა ქარადა!
ზოგჯერ გიჟურად შეჰკივლებს
- ბედისა სამუქარადა.
ეტყვის: მარტოკა დამაგდე
ნაწყვეტად, ნაოხარადა,
მიკვირს საწუთროს ენებანი
ვის ჰფხვიან, ვის სახმარადა
და მსგავსსა ბოროტებასა
ყურსა არ უგდებს ცა რადა!
განგებავ, გვედრებ, ნუ მიწყენ,
თუ რომ შეგჩივი მარადა,
ხანდისხან დავილულუნო
ვაი და ვაი, ვარადა.

ბიორბი შარვაშიძე



კულტურის კვლევა აფხაზეთში

აფხაზეთის მიწა-წყალზე (გეულისხმობთ ახლანდელ ავტონომიურ რესპუბლიკას) დარჩენილია ნივთიერი კულტურის ბევრი ძეგლი, რომლებიც ქრონოლოგიურად დროის დიდ მონაკვეთს სწვდება. მათ შორის ბევრია დიდი მხატვრულ-ისტორიული მნიშვნელობის მქონე; ზოგი უნიკალურიც არის. მათდამი ჩვენს ინტერესს ისიც ამახვილებს, რომ ისინი მოწმობენ საუკუნეთა მანძილზე აფხაზეთის ორგანულ კავშირს დანარჩენი საქართველოს კულტურასთან (რის უარყოფასაც მუდმივ ცდილობდნენ და ცდილობენ აფხაზი, ან აფხაზეთში მცხოვრები რუსი ავტორები), ამ უკანასკნელის დიდ, გარკვეულ ისტორიულ საფეხურებზე, გადამწყვეტ გავლენას. ეს ძეგლებია საერო, ჯერ წარმართული, შემდეგ ქრისტიანული საკულტო (საკლესიო) ნაგებობები, შუა საუკუნეების ფეოდალური ანსამბლები, კედლის მხატვრობის დიდად საინტერესო ნიმუშები. ეს არის ამ მხატვრობის მიერ შემონახული ისტორიული წარწერები - მხოლოდ ქართული! აფხაზური უდამწერლობო იყო ჩვენს დრომდე და მთელი შუა საუკუნეების მანძილზე აფხაზების კულტურულ ენას ქართული წარმოადგენდა. აფხაზეთის კლესიებში, რომლებიც სულ ადრინდელი საფეხურების გარდა, სრულიად საქართველოს, ან დასავლეთ საქართველოს საკათალიკოსოს ექვემდებარებოდა, ინახებოდა ქართული სასულიერო წიგნების მშვენიერი ნიმუშები და საკლესიო მღვდელთმსახურებისათვის საჭირო ნივთები - ოქრომქანდაკელობის მხატვრული ძეგლები.

აქური ნივთიერი კულტურის უადრესი ნიმუშები შორეულ წარსულს - ძველი ქვის ხანას (პალეოლითს) მიეკუთვნება. ეს არის პრიმიტიული ხადგომები, ძვ. წელთაღრიცხვის III-II ათასწლეულთა (ბრინჯაოს ხანის) დოლმენები (მეგალითური სამარხი ნაგებობანი). ანტიკურ ხანაში და შუა საუკუნეების ადრეულ საფეხურებზე აქ ინტენსიური მშენებლობა წარმოებდა. შეიქმნა მნიშვნელოვანი საკულტო ანსამბლები, რომლებიც ქართველ არქეოლოგთა ხანგრძლივი მეცნიერული კვლევის საგნად იქცა.

აფხაზეთის ზღვის სანაპიროს, ისევე, როგორც მთელ ლაზიკას, ჩვენი წელთაღრიცხვის პირველ საუკუნეებში მჭიდრო კავშირი ჰქონდა ჯერ რომაულ, შემდეგ კი ბიზანტიურ სამყაროსთან.

ზოგი იქაური კლესია ატარებს კიდეც ბიზანტიური არქიტექტურის გავლენის ნიშნებს, მაშინ, როცა საქართველოს დანარჩენ ტერიტორიაზე აგებული ტაძრები არსებითად განსხვავდება ბიზანტიური ძეგლებისაგან. ზოგი ავტორის მოსაზრება, რომ ადრეული შუასაუკუნეების აფხაზეთი მხოლოდ ბიზანტიურ კულტურულ პერიფერიას წარმოადგენდა, ცალმხრივია: თვით ძეგლთა განხილვა გვარწმუნებს, რომ მაშინდელი აფხაზეთისა და ბიზანტიის ძეგლების გაიგივება სინამდვილეს არ შეეფერება - მათი მოწყვეტა ზოგად ქართული ნიადაგისაგან ისტორიულად გაუმართლებელია: აფხაზეთის ტერიტორიაზე შემონახულია ე.წ. სამეკლესიანი ბაზილიკის ტიპის კლესიები, ეს კი ის ტიპია, რომელიც საქართველოში ჩამოყალიბდა და უცნობია სხვა ქვეყნებში (ჩვენში ამის მნიშვნელოვანი ნიმუშებია ქართლსა და კახეთში). ეს ძეგლებია აბაანთას, ძველი გაგრის, ამბარას (მიუსერას კონცხზე) და ქიაჩაბას კლესიები. ეს ბუნებრივია, შემთხვევითი არ შეიძლება იყოს. იგი რეალური კულტურულ-ისტორიული ვითარების მაჩვენებელია.

ამ წერილში, რა თქმა უნდა, ვერ შევხებით აფხაზეთის ყველა მნიშვნელოვან ძეგლს, ან, თუნდაც, მათს უმეტესობას. გამოვიყოფთ მხოლოდ რამდენიმე ცენტრს, რომლებიც მოწმობს მშენებლობის ინტენსიურობას და თავისებურებას.

აფხაზეთის ყველაზე ცნობილი და პოპულარული ძეგლია ბიჭვინთის ანსამბლი, რომელიც სხვადასხვა დროის ნაგებობათა კომპლექსს წარმოადგენს. ბიჭვინთაში აღმოჩენილი კერამიკის, შენობათა ნანგრევების, ანტიკური ხანის ავტორთა წერილობითი ცნობების თანახმად, ირკვევა, რომ ბიჭვინთის კონცხზე კოლხური დასახლებები არსებობდა ძვ. წელთაღრიცხვის II ათასწლეულის II ნახევარში და I ათასწლეულის I საუკუნეებში. ბიჭვინთა პირველად ნახსენებია ძველი ბერძენი გეოგრაფისა და ისტორიკოსის, სტრაბონის (ძველი წელთაღრიცხვის I საუკუნე II ნახევარი - ახალი წელთ. I საუკ. I ნახევარი) "გეოგრაფიაში", რომელშიც დამოწმებულია უფრო ადრინდელი ავტორის ცნობები. იგი "დიდ პიტიუნტად" იწოდება. როგორც ჩანს, ელინისტურ ხანაში აქ უკვე ქალაქი არსებობდა. II-III ს.ს.-ში ბიჭვინთის ციხეში იდგა რომაელების გარნიზონი, რომელიც იმპერიის ჩრდ.-აღმ. საზღვრებს მთიელებისაგან

იცავდა. ადრეული ხანიდანვე ბიჭვინთა ქრისტიანობის მნიშვნელოვან კერად და დასაყრდენად იქცა. IV ს. I მეოთხედში აქ უკვე არსებობდა საეპისკოპოსო კათედრა. ბიჭვინთის ეპისკოპოსი მონაწილეობდა ნიკეის I მსოფლიო კრებაში 325 წელს. გათხრებმა დაადასტურა, რომ ბიჭვინთა მომდევნო საუკუნეებში მძლავრი სავაჭრო-სახელმწიფო და კულტურული ცენტრი იყო. აღმოჩნდა დიდი საცხოვრებელი უბანი - საცხოვრებელი სახლებით, სათავდაცვო, სამეურნეო და კომუნალური დანიშნულების შენობებით, კანალიზაციით; სატაძრო უბანი. აქ შესწავლილ იქნა IV ს. ბაზილიკა, მის ნანგრევებზე აგებული V ს-ის დიდი სამნავიანი ბაზილიკის ნაშთი. პირველი მათგანის იატაკი შემკული იყო V ს-ის მოზაიკით, რომელიც თავისი ხასიათით უახლოვდება მახლობელი აღმოსავლეთის ქვეყნებში - სირიასა და პალესტინაში აღმოჩენილ ელინისტური ხასიათის მოზაიკებს, გამოსახულია ე. წ. ქრიზმა, მცენარეული და გეომეტრიული ორნამენტული სახეები, ფრინველთა ფიგურები. მოზაიკა შესრულებულია ადგილობრივი მასალით, ადგილობრივი ოსტატების მიერ და მათს მაღალ დახელოვნებას მოწმობს. ბიჭვინთის ცენტრში, ნაქალაქიდან სამიოდე ასეული მეტრის დაშორებით, დგას X ს-ში ან XI-ის დასაწყისში აგებული სახელგანთქმული საეპისკოპოსო ტაძარი, ერთი ყველაზე საინტერესო ძეგლთაგანი ქართული ხუროთმოძღვრებისათვის მნიშვნელოვანი ეპოქისა - იგი ე. წ. გარდამავალი ხანისა და მცირე აყვავების ხანის მიჯნაზე დგას. ეს გუმბათიანი ეკლესიაა - საგრძნობლად წაგრძელებული სწორკუთხა ნაგებობა. გუმბათი ყვრდნობა ორ თავისუფლად მდგომ ბოძს და საკურთხევის კუთხეებს. საკურთხევის აფსიდი, საღიაკნე და სამკვეთლო გარედან სამ ნახევარწრიულ შვერილს ქმნიან, დასავლეთით მთავარ მასას ემატება ნართექსი. შიდა სივრცის არსებითი ელემენტია სამშხრცი პატრონიკე (II სართულის სადგომები). გუმბათის ყელი შიგნიდანაც და გარედანაც მრგვალია, დიდი დიამეტრის მქონე. ფასადები თავიდანვე მოკლებული იყო ჩუქურთმებს, ნაშენია ორმაგი მასალით, ქვითა და აგურით, რაც უჩვეულოა საქართველოს სხვა ნაწილებისათვის და რამდენადმე ენათესავება ბიზანტიურ წყობას, თუმცა კი ძალიან დაშორებულია იქაური ეკლესიების XI და მომდევნო საუკუნეების ფასადთა ხალიჩისებრი წყობისაგან. ბიჭვინთის ტაძარი ქართული ზღვისპირეთის ყველაზე უფრო მონუმენტური საეკლესიო ნაგებობაა. დიდ შთაბეჭდილებას ტოვებს გაშლილი და, იმავე დროს, საგრძნობლად აზიდული სივრცე. აფხაზთა სამეფოს შექმნის დროიდან ბიჭვინთა აფხაზეთის კათალიკოსის რეზიდენცია იყო. როცა XV-XVI სს. საქართველოს ერთიანი სახელმწიფო დაიშა-

ლა, ბიჭვინთა კვლავ იქცა საკათალიკოსო ტაძრად - იქ მჯდომი აფხაზეთის კათალიკოს-პატრიარქის იურისდიქცია მთელ დასავლეთ საქართველოს სწვდებოდა. გვიან ფეოდალური ხანის დასავლეთ საქართველოს სამთავრო-სამეფოების ცხოვრებაში აფხაზეთის კათალიკოსები თვალსაჩინო როლს თამაშობდნენ, თუმცა უკვე XVII ს-დან ისინი იძულებულნი იყვნენ, შექმნილი ისტორიული ვითარების გამო, რეზიდენცია ბიჭვინთიდან სხვაგან გადაეტანათ (უმეტესად გელათში იხსენიან). ტაძარში შემორჩა XVI ს-ის მხატვრობის ფრაგმენტები. XIX ს-ში ეკლესია საფუძვლიანად შეაყეთეს და როგორც ეს ჩვეულებრივად ხდებოდა, დაამახინჯეს კიდეც (კედლები შელესეს, გუმბათის გადახურვას ფორმა უცვალეს). მაგრამ, როგორც ითქვა, ძველი ინარჩუნებს ძლიერი მხატვრული ზემოქმედების ძალას.

მნიშვნელოვანი ისტორიული ცენტრი იყო, აგრეთვე, ანაკოფია, ანუ ფსირცხა - "მატიანე ქართლისაჲს" სიტყვით, "თავადი ციხეთა აფხაზეთისათა" - ახლანდელი ახალი ათონის ტერიტორიაზე. VII-VIII საუკუნეებში ეს აბაზეთა საერისათაოს პოლიტიკური ცენტრი იყო. ჩვენს წყაროებში (იმავე "მატიანე ქართლისაჲსში") პირველად იხსენიება VIII ს-ის ამბებთან დაკავშირებით, როცა მისი ალბა ამაოდ სცადა მურვან-ყრუმ. VIII ს-ის დასასრულიდან, როცა აფხაზთა სამეფო შეიქმნა, ანაკოფია მისი მთავარი ქალაქი გახდა და მნიშვნელობა არ დაუკარგავს არც მას შემდეგ, რაც სამეფოს დედაქალაქმა ქუთაისში გადაინაცვლა. XI ს-ში ანაკოფია ცოტა ხანს ბიზანტიელების ხელში იყო, მერე კვლავ საქართველომ დაიბრუნა. მისი დაკნინება იწყება XIV ს-დან. XIV-XV სს-ში აქ გენუელებმა თავისი ფაქტორია დააარსეს და ციხეც ააგეს. უფურადღებოდ არ დაუტოვებია ანაკოფია არც ოდიშის მთავარს, ფრთხილ აქტიურ მშენებელს - ლევან დადიანს. მან ქალაქს ზღუდე შემოავლო. ვახუშტის ცნობით (მის დროს ანაკოფია "ოხერ არს"), "კარგ ეპოქებში" ეს იყო "ქალაქი კეთილი, შვენიერი, ზღვასა ზედა წაშენებული და ბაგრატიონთაგან უმეტეს განდიდებული, რომლისა ზღვასა შინა სვეტნი ორმოცამდე დღესაც ჩანან". XIX ს-ის II ნახევრიდან იწყება ანაკოფიის ახალი ცხოვრება - 1875 წელს ძველი ანაკოფიის ნანგრევებთან რუსეთის საეკლესიო ხელისუფლებამ დააარსა რუსული მონასტერი "ახალი ათონის" სახელწოდებით (ეს სახელი დაერქვა მთელ იმ ადგილს). იგი ითვლებოდა საბერძნეთის ათონის რუსული მონასტრის ფილიალად. 1877-78 წლების ომი რომ დამთავრდა, როცა მონასტერი ხანძრის შემდეგ აღადგინეს, იგი გადაიტყა შავი ზღვის უდიდეს საეკლესიო ცენტრად. საბჭოთა ხელისუფლების წლებში მონასტერი გაუქმდა და

ახალი ათონი ერთიან საკურორტო ზონად იქცა.

ანაკოფიის ისტორიულ ძეგლთაგან (გამაგრებათა მთელი სისტემა, ციტადელი ივერიის მთაზე, ბაზილიკა მის ფარგლებში და სხვა) ყურადღებას იპყრობს სიმონ კანანელის გუმბათიანი ეკლესია IX-X საუკუნეებისა, რომელსაც XIX ს-ის საფუძვლიანი შეკეთება-აღდგენის შემდეგ ძლიერ შეცვლილი აქვს სახე. ეს არის გუმბათოვანი ეკლესია ოთხი თავისუფლად მდგომი გუმბათქვეშა ბურჯით, დასავლეთის ნართექსით ფასადის მთელ სიგანეზე, სამი შეფერილი აფსიდით აღმოსავლეთის მხარეს. შუა დიდი შეფერილი ხუთწახნაგაა, დანარჩენი ორი მრგვალია. მთლიანად შენობის გეგმა რამდენადმე წაგრძელებულ სწორკუთხედში "იწერება". შიგნით აფსიდებს მკაფიოდ გამოსახული ნაღისებრი მოხაზულობა აქვს, რაც დამახასიათებელია ადრეული შუა საუკუნეების ქართული ხუროთმოძღვრებისათვის. ტაძარი ნაშენია თლილი ქვით, წყობის რიგები თანაბარია, წესიერი, ჰორიზონტული, მაგრამ ქვები უშუალოდ არ ეხება ერთმანეთს - მათ ჰყოფს ხსნარის ორმეტრიანი ფენა. მიუხედავად ცვლილებებისა, ტაძარმა შეინარჩუნა გარკვეული მხატვრული ღირსებები, კერძოდ, პარამნიულ შთაბეჭდილებას სტოვებს შიდა სივრცე - გაწონასწორებული, მსუბუქად აზიდული. რაც შეეხება გარეთა თავდაპირველ მორთულობას, თუკი იგი არსებობდა, თითქმის აღარაფერი გადარჩენილა. სამხრეთის ფასადის წარწერა მოწმობს, რომ ძეგლი 1882 წელს აღუდგენიათ.

კარგად შეინარჩუნა თავდაპირველი სახე ლიხნეს ეკლესიამ, რომელიც განსაკუთრებით ცნობილია XIV ს-ის კედლის მხატვრობით (ადრინდელი ფენა XI საუკუნისაა). სოფ. ლიხნე გუდაუთის რაიონშია, ზღვის ნაპირიდან 4-5 კმ. მანძილზე. თავისი ხუროთმოძღვრული მონაცემებით ძეგლი X-XI საუკუნეების მიჯნას შეიძლება მიეკუთვნოს. ეს ღვთისმშობლის მიძინების ტაძარია. თავისი გეგმით იგი ენათესავება ანაკოფიის ძეგლს. ესეც სწორკუთხა, წაგრძელებული შენობაა (უფრო მეტად, ვიდრე ანაკოფია), აქაც ოთხი გუმბათქვეშა ჯვარისებრი ბოძია და სამი შეფერილი აფსიდი (შიგნით ნაღისებრი მოხაზულობისა). დასავლეთით აქაც ნართექსია, მაგრამ მის თავზე II სართულია - პატრონიკე; სამხრეთით, დასავლეთით და ჩრდილოეთით, შესასვლელების წინ, წინიდან ღია კარიბჭეებია. ტაძარი მოპირკეთებულია კარგად გათლილი ყვითელი ნასერტოვანი ქვით. ფასადებს მორთულობა არ გააჩნია. გარედან გუმბათის ყელი, შედარებით დაბალი და მცირე დიამეტრის მქონე, რამდენადმე პატარა ჩანს ტაძრის მთელ მასასთან, მაგრამ შიგნით არავითარი შეუსაბამობა არ იგრძნობა - საერთო შთაბეჭდილებაა ნაწილთა სრული ურთიერთშეთანხმებისა, აზიდულობისა,

სიმსუბუქისა, პროპორციათა დახვეწილობისა, რაც შენობის გარეგნობასაც გამოარჩევს. შიგნით კედლები მთლიანად დაფარული იყო მხატვრობით, რომელიც ატარებს პალეოლოგთა სტილის გარკვეულ ნიშნებს. მისი კოლორიტი გამოირჩევა სიფაქიზით, წაგრძელებული ფიგურები დინამიკური და ექსპრესიულია. ეს XIV ს-ის ქართული კედლის მხატვრობის ერთი ყველაზე თვალსაჩინო ნიმუშთაგანია, აფხაზეთის ფარგლებში კი - ყველაზე მნიშვნელოვანი ძეგლი. მხატვრობის შინაარსს შეადგენს ძველი და ახალი აღთქმის ცალკეული ეპიზოდები. მთლიანად კი მხატვრობის ანსამბლი ღვთისმშობლის განდიდებისადმი მიძღვნილი. ლიხნეს ტაძარი და მისი მხატვრობა ადრევე იპყრობდა მკვლევართა და მოგზაურთა ყურადღებას. მას ეხება XIX ს-ის ბევრი ავტორი - ქართველები, რუსები, უცხოელები. საბოლოო მხატვრულ-ისტორიული ანალიზი უკვე ჩვენი დროის ავტორებს ეკუთვნის (საინტერესოა აღინიშნოს, რომ ჩვენი სიძველეების შესანიშნავმა მკვლევარმა მარი ფელისიტ ბროსემ კაკასიაში მოგზაურობისას მიძღვნილ ცნობილ თხზულებაში გამოაქვეყნა ლიხნეს დღეს აღარარსებული წარწერა, რომელიც შეიცავდა ცნობას 1066 წლის კომეტის შესახებ).

ტაძრის მახლობლად მდებარეობს აფხაზეთის მთავართა ნასახლარი (აწ უკვე დანგრეული. დაინგრა 1866 წელს) - ორსართულიანი ნაგებობა. იგი გვიან შუა საუკუნეების საერო ხუროთმოძღვრების დამახასიათებელი ნიმუშია. სოფლის განაპირას დარჩენილია ციხე-სიმაგრის კომპლექსი აბა-ანთა (VII-VIII საუკუნეებისა), სამეკლესიანი ბაზილიკის ნაშთით, რომელიც ზემოთ ვახსენეთ.

კიდევ ერთი მნიშვნელოვანი ძეგლი: **მოქვის ტაძარი** ოჩამჩირის რაიონში, მდ. მოქვის ნაპირას. ეს ერთადერთია იქნათ ტაძართა შორის, რომლის აგების შესახებ მოგვეპოვება წერილობითი საბუთი. "მატიანე ქართლისაჲ გვამცნობს, რომ აფხაზთა მეფის, გიორგის ძე ლეონი კახეთში იყო სალაშქროდ, როცა მამის გარდაცვალების ამბავი მოუვიდა. "შეიქცა ლეონ და ეუფლა მამულსა და სამეფოსა თვისსა, რამეთუ მამინევე შთავიდა აფხაზეთად, და განადიდა უფალმან ღმერთმან მეფობა მისი. მსგავსად მამისა მისისა, იყო იგიცა ღმრთისმოყუარე და საცხე ყოვლითა კეთილითა. ამან აღაშენა ეკლესია მოქვისა და შექმნა საყდრად საეპისკოპოსოდ. აკურთხა და განასრულა ყოვლითა განგებითა..." თვით ის ფაქტი, რომ მემატიანემ საჭიროდ ჩათვალა ტაძრის აგება საგანგებოდ მოეხსენიებინა, მოწმობს, რომ მოქვი მნიშვნელოვან სასულიერო ცენტრად იყო მიჩნეული. ლეონის მეფობის მიხედვით, ძეგლის თარიღი 957-967 წლების ფარგლებში ექცევა. მოქვის საეპისკოპოსო კათედრის დაარსება მეტყველი ფაქტია, რომელიც

**"ქართულ ხარ, ღმერთო, ყოვლად ყოველსა
შინა. ეს იქმნა დასაბამითგან ფაღთა ხმით, ქორონი-
კონსა სავ, მუშობასა გაბრატ ბიორგის ძინასა ინდი-
ტიონსა ლეი, აპრილსა თუხსა ვარსკვლავი ბავონდა,
რომელ მისსა ფიალსა აღმოვლიდის და ფინა მისსა,
პითარცა შარაპანდი დიდი მოკიდებით მასგვა. ეს იქმნა
ბზონისგან აღმსებადუ".**

**ძველი ქართული ასომთავრული
წარწერა ლიხნეს ტაძარზე; X ს.**

მოწმობს, რომ მისი აგება ქართული სა-
ხელმწიფოს გაძლიერებისა და ქართული ეკლესი-
ის დამოუკიდებლობის განმტკიცების ვითარე-
ბასთან, ე. ი. ბიზანტიური საეკლესიო გამგებლო-
ბისაგან თავის დაღწევასთან იყო დაკავშირებული.
მოქვის ეპარქიას შუა საუკუნეების მანძილზე არ
დაუკარგავს მნიშვნელობა. XVIII ს. I ნახევრისა-
თვის გვაქვს ვახუშტის ცნობა ("აღწერა სამეფო-
სა საქართველოსა"). "ეგრისის მდინარის და-
სავლით დის მოქვის მდინარე ჩრდილოდამ
სამხრით. გამოსდის კაკასს და მიერთვის ილო-
რის ზღვას. ამ მდინარესა ზედა, მთაში, არს
მოქუს ეკლესია გუმბათიანი, დიდნაგები, აღაშენა
თ (მეტეხრე) მეფემან აფხაზთამან ლეონ შვიკობი-
თა დიდითა. ზის ეპისკოპოსი, მწვემსი კოდორის
მდინარისა და მოქვის მდინარის შორისის ადგი-
ლისა". დავით აღმაშენებლის დროს, იერუსალი-
მის პატრიარქის, დოსითეოსის ცნობით, მოქვის
ტაძრის კედლები მოუხატავთ. XIX ს-ის და-
საწყისში ტაძარი მიტოვებული და გაძარცვული
იყო, მაგრამ საუკუნის შუა წლებში აფხაზეთის
მთავარმა მიხეილ შარვაშიძემ ტაძარი აღადგინა
და თავის საგვარეულო საძვალედ აქცია. რა
თქმა უნდა, შენობის გარეგნობამ თავდაპირველი
სახე დაკარგა - აღარაფერი დარჩა იმ ორნამენ-
ტებისა, რომელსაც ახსენებს დ. ბაქრაძე (მან
აღდგენამდე ნახა დაზიანებული ეკლესია,
რომელსაც ჯერ კიდევ შერჩენილი ჰქონდა ძველი
დეტალები).

მოქვის ტაძარი ბევრად უფრო მონუმენტურია,
ვიდრე ზემოთ განხილული ძეგლები - ანაკოფია
და ლიხნე. გარკვეული თვალსაზრისით, ეს უნიკ-
ალური ძეგლიც კი არის. უფრო რთულია
გვემაც: დასავლეთის მკლავი დაგრძელებულია
ბოძების ერთი წვივლის დამატებით; სამხრეთით
და ჩრდილოეთით, მთელ სიგრძეზე, დამატებულია
სამლოცველობის მწკრივები, რომლებიც თითქოს
მეოთხე და მეხუთე ნაგებს ქმნიან (თუმცა ნამ-
დვილად ნაგები არ არის). ნართექსისა და სამ-
ლოცველობის თავზე აქაც მეორე სართულია,

რომელიც მთელ ეკლესიას უელის გარს სამი
მხრიდან. გუმბათი აქაც ოთხ ცალკე მდგომ
ბოძს ემყარება. აღმოსავლეთის მხრივ აქაც სამი
ძლიერ შვერილი აფხიდია. ამ დამატებათა წყალ-
ობით, ეკლესიის შიდა სივრცე გაზრდილიც არის
და რიტმულად გართულებულიც. მიღწეულია
გარკვეულად საზეიმო შთაბეჭდილება, რასაც
ძირითადი კორპუსისა და გუმბათის ყელის დიდი
სიმაღლედ უწყობს ხელს. აქ განსაკუთრებით
საგრძობია პროპორციულ შეფარდებათა შეცვლა
წინა ეპოქის ძეგლებთან შედარებით. ზემოთ რომ
ძეგლის უნიკალურობა გახსენეთ, ეგულისხმობდით
სამხრეთისა და ჩრდილოეთის სამლოცველოთა
მწკრივებს, რომლებიც არსებით კვალს ამჩნევს
შენობის ინტერიერსაც და გარეგნობასაც, ასეთი
რამ სხვაგან არსად არ გვხვდება. როგორც შუა
საუკუნეების ყველა დიდი ქართული სატაძრო
ანსაზღვრად, მოქვიც კულტურული ცენტრი იყო,
სადაც ინტენსიური მოღვაწეობა იყო გაჩაღებული.

მატიანეში თავისი კვალი დატოვა აფხაზეთის
მიწა-წყალზე აგებულმა კიდევ ერთმა მნიშვნე-
ლოვანმა ქართულმა ძეგლმა. ეს არის ბედიის
ტაძარი, ოჩამჩირის რაიონში. როცა ბაგრატ III-
ის ღვაწლს აღწერს "მატიანე ქართლისაჲს" ავტ-
ორი, განსაკუთრებული ემოციურობით წარ-
მოგიდგენს მის სამშენებლო საქმიანობას: "ამანვე
დიდმან მეფემან აღაშენა საყდარი ბედიისა და
შექმნა საყდრად საეპისკოპოსოდ. შეწირნა
სოფელნი მრავალნი ყოველთა ზეგთა და ადგილ-
თა, განასრულა ყოვლითა განგებითა, შეამკო
ყოვლითა სამკაულითა ეკლესია, აკურთხა და
დასუა ეპისკოპოსი. უკეთუ ვისმე ენებოს განცდად
და გულისხმისყოფად სიმაღლისათვის დიდებისა
მისისა, პირველად განიცადოს სამკაული ბედიის
ეკლესიისა და მისგან გულის ხმა ყოს, რომელ
არავინ ყოფილ არს სხუა მეფე მსგავსი მისი
ქუეყანასა ქართლისასა და აფხაზეთისასა".
შეიძლება ითქვას, რომ ასეთი "შესხმა" არც
ერთ სხვა ქართულ ხუროთმოძღვრულ ძეგლს არ
ღირსება, გელათის გარდა. ამ სიტყვების თა-

ნახმად, ბედიის ტაძარი X-XI საუკუნეების მიჯნას შეიძლება მივაკუთვნოთ (ბაგრატ მეფობდა X ს-ის 60-იანი წლების დასაწყისიდან 1014 წლამდე), მაგრამ იმ დროიდან ტაძრის მხოლოდ ზოგი ცალკეული ნაწილი და დეტალია გადარჩენილი. დღევანდელი სახით კი შენობა უმეტესად XIII-XIV სს. მიეკუთვნება. ეს გუმბათიანი ეკლესიაა, სწორკუთხა მოხაზულობისა, ორი გუმბათიქვეშა ბოძით. ფასადები სუფთად გათლილი ქვით არის მოპირკეთებული. ადრინდელ ძეგლთაგან განსხვავებით, აქ ბიზანტიური გავლენის შორეული კვალიც არ ჩანს - ეს "წმინდა" ქართული ძეგლია, ისევე, როგორც ამ დროის ყველა სხვა ეკლესია აფხაზეთში. ძეგლმა ძლიერ დაზიანებული სახით მოაღწია - ჩამოცილია პერანგის ნაწილი, გუმბათის ყელიც XIX ს-შია შეცვლილი. ტაძარი ერთიანად მოხატული იყო. მკვლევართა მიერ გამოთქმულია აზრი, რომ აქ მხატვრობის სხვადასხვა დროინდელი ფენებია - ორი, ან სამი: ერთი - ტაძრის აგების დროინდელი, XI ს-ის დასაწყისისა, მეორე XIII ს-ის დასასრულისა, ან XIV ს-ის დასაწყისისა, მესამე XVI-XVII საუკუნეებისა. არსებობს ზოგი სხვაგვარი მოსაზრებაც, მაგრამ საერთო აზრია, რომ ესეც მნიშვნელოვანი ძეგლია შუა საუკუნეების ქართული მონუმენტური მხატვრობისა. გარდა სა-

სულიერო სიუჟეტებისა, აქ ისტორიული პორტრეტებიც არის დარჩენილი: (მაგ. ბაგრატ III-ისა, რომელიც მოგვიანებით არის გადაწერილი). ეკლესიის მახლობლად ძველი სასახლის ნაშთიცაა. ქართული ჭედური ხელოვნების ისტორიაში საპატიო ადგილი უჭირავს ბედიის ტაძრის ოქროს ბარძიმს, რომელიც X ს. მიწურულშია შესრულებული. თასის სიმაღლე 12,5 სმ-ია, დიამეტრი 14 სმ., ფეხი არ გადარჩენილა. გარე ზედაპირზე შესანიშნავი რელიეფური კომპოზიციაა, - თორმეტი თალი და ყოველი მათგანის ქვეშ ფიგურები. ერთ მხარეს ტახტზე მჯდომი ქრისტე, მეორე მხარეს - ღვთისმშობელი ხელში ფრმა იესოთი, აქეთ-იქით ფეხზე მდგომი წმიდანები. ზედა ნაწილში ასომთავრული წარწერაა. აფხაზეთის მეფე ბაგრატ (ბაგრატ III) და მისი დედა გურანდუხტი ბარძიმს სწირავენ ახლად აშენებულ ბედიის ეკლესიას. ეს ბარძიმი შუა საუკუნეების ქართული პლასტიკის შესანიშნავი ნიმუშია, რომელიც მიეკუთვნება იმ საფეხურს, როდესაც ჩვენს ქანდაკებაში მკაფიოდ გამოიკვეთა სწორედ პლასტიკური გამოსახულების ძეგბა. ამჟამად ბარძიმი საქართველოს ხელოვნების სახელმწიფო მუზეუმში ინახება.

დასასრულ, აუცილებელია მოვიხსენიოთ კიდევ ერთი ღირსშესანიშნავი ძეგლი XI-XII სს. - თა-



"ქრისტო, მუჟამო ყოველთა, აღიდა ორთამე შინა სუჟავათა უაღუველი მუჟამთა მუჟა ბაგრატ".

ძველი ქართული ასომთავრული წარწერა ბესლეთის ხიდზე; X ს.

დოვანი ხიდი მდინარე ბესლეთზე, რომელიც ნაგებია კირქვის ფილებით და მოპირკეთებულია თლილი ქვის ფილებით. ხიდის საერთო სიგრძეა 35 მ, მალის სიგრძე 13 მ., სიმაღლე - 8 მ., სავალი ნაწილის სიგანე 4,7 მ. ხიდზე შემორჩენილია ქართული ასომთავრულით შესრულებული წარწერა. ხიდი დღესაც მოქმედია, დღესაც ასრულებს თავის ფუნქციას.

აფხაზეთის არქიტექტურის შესახებ, არსებულ ნაშრომთაგან, საგანგებოდ უნდა მოვიხსენიოთ

განსვენებული პროფესორის, ლევან რჩეულიშვილის წიგნი აფხაზეთის VIII-X საუკუნეების გუმბათოვანი ტაძრების შესახებ და ხელოვნებათმცოდნეობის დოქტორის, ლეონიდე შარშვაშიძის წიგნი აფხაზეთის შუა საუკუნეების მონუმენტური მხატვრობის შესახებ (ორივე რუსულ ენაზე).

პასტანზ ბპრიკა

აკადემიკოსი

აფხაზეთის ქრისტიანული ტაძრები

ტაძრებით მოფენილია სრულიად საქართველო, და მაინც, მათ შორის ერთი უმდიდრესთაგანი ამ მხრივ, აფხაზეთია. ქრისტიანობის თითქმის პირველი წლებიდანვე, აქ მრავალი დიდი თუ პატარა სალოცავი აუგიათ. ეს სალოცავები ადამიანთა უფლის სადიდებელი ღვაწლით შექმნილა. იგი მრავალგვარად წარმოჩინდება და სხვათა შორის, ნივთიერ ნაშთთა სახითაც - ნაშენის, ნახატის, ნაძეწ-ნაქანდაკეის... ჩვენი წინაპრების საღვთო ნამოღვაწარი უხვად შემოგვრჩა ამ კუთხეში.

გავიხსენოთ თუნდაც დრანდის, მოქვის, ბიჭვინთის, ბედიის საეპისკოპოსო ტაძრები. მაგრამ საქართველოს სხვა კუთხეთაგან განსხვავებით, ამ ტაძართა ერთი ნაწილი, თავისი არქიტექტურული თავისებურებით, მაინც განსხვავდება დანარჩენთაგან. როცა ჩვენს ეკლესიებს თვალგაჩინოვებული ადამიანი პირველად შეხედავს მათ, უთუოდ ერთგვარ სიუცხოვეს გრძნობს, თავიდან არ "გვექართულება"... ისინი ბიზანტიური ტიპის ტაძრებია. მრავალი საუკუნის მანძილზე ცხოვრობდნენ აქ ბერძნები თუ რომაელები და ადგილობრივი ხელისუფალნიც, ისევე როგორც მთელს დასავლეთ საქართველოში, დიდხნობით ყოფილან ჯერ რომის, მერე კი ბიზანტიის იმპერიის ქვეშევრდომობაში. ამიტომაც არაფერი გასაკვირია, თუკი რომაულ-ბერძნულ ბიჭვინთა-პიტუნტში არქეოლოგების მიერ გათხრილი ადრე საუკუნეების ტაძრები რომის საბრძანებლოს ხუროთმოძღვრებისა და არაფრით წააგავს ჩვენგან ქართულად ნაგულვებ არქიტექტურას. ასევე ნაკლებადაა დაკავშირებული, გნებავთ სამშენებლო ტექნიკით, და ზოგადი სახით ქართულ საეკლესიო აღმშენებლობასთან VIII საუკუნის დრანდის ტაძარი. მოულოდნელი სწორედ ისაა, რომ ამ უკანასკნელის ამგებთ თვალი მცხეთის წმ.

ჯვრის ტაძრისაკენ გაქცევით და საკურთხევის გარეთკენ წახნაგოვნად გამოსული ნაგებარწიული უბეები (ე.წ. აფსიდები) პატარა თალებით გადაუბამთ, რასაც სხვაგან ვერსად ნახავს კაცი და ზოგი რამ სხვაც მოუხესხებიათ ქართველი ოსტატებისაგან (ინ.რ.მეფისაშვილის საგანგებო გამოკვლევა). ეგვე ითქმის, ბევრად მეტადაც, განთიადის (იგივე ცანდრიფშის) ბაზილიკაზედაც, რომელიც სავარაუდოდ შეიძლება VII საუკუნეს მიეკუთვნოთ.

სრულებით განსაცვიფრებელი კი გაგრის ძველი ეკლესია გახლავთ. იგი VI საუკუნეში ბიზანტიურის ტიპის გვერდით და მის თანადროულად არის აგებული. ამ დროს კი, ვიდრე დააკვირდები, იგი საიდანმე, შეიძლება ქართლიდან თუ კახეთიდან გადმოტანილი გვეგონოთ. განსაკუთრებით საყურადღებოა, რომ ეს ნაგებობა ე.წ. "სამეკლესიანი ბაზილიკის" ტიპისაა. ქართლ-კახეთში ჩასახული ეს სახე უგუშობათო ტაძრისა მთელს საქრისტიანოში (მათ შორის საქართველოში) გავრცელებული ბაზილიკური შენობებისაგან იმით სხვაობს, რომ თუ იქ გრძელი, დასავლეთიდან აღმოსავლეთისკენ გადაჭიმული სადგომი სვეტებითა თუ ბურჯებით სამად (ზოგან-ხუთად) იყოფა, "სამეკლესიან" ნაგებობაში საბურჯების მწკრივების ალაგას კედლები ჩნდება. ამგვარი ეკლესიები კანტი-კუნტად შეგვიძლია სხვადასხვა ქვეყნებში დაეძებნოთ, მაგრამ როგორც განმარტა აკად. გ.ჩუბინაშვილმა, მხოლოდ ჩვენში ჰქონდა ამ ტაძრებს გასავალი, ვითარცა განსაზღვრულ დამოუკიდებელ ტიპს. მხოლოდ ქართველი ოსტატები ამოუშაგებდნენ მას თანმიმდევრულად, ეძებდნენ და პოულობდნენ მის საუკეთესო გადაწყვეტას, რაც შეიძლება მოსახერხებელსა და გამომსახველს. ამითაა გაგრის ეკლესია უძვირფასესი და თავისებურად უნიკალური. იგი გვ



ბზიუი. აღმოსავლეთის ფასადი

არწმუნებს, რომ მთლიანად დასავლეთ საქართველოსა და, კერძოდ, აფხაზეთში ბიზანტიელთა უმწვერვალესი ძლიერების ხანაშიც ცოცხალი და მოქმედი ყოფილა ადგილობრივი საწყისი და იგი იმავე ბუნებისაა, რაც აღმოსავლეთ თუ სამხრეთ საქართველოში. მეტიც, - თუკი წირვა-ლოცვა აქ იმხანად ბერძნულ ენაზე მიმდინარეობდა, ხუროთმოძღვრება (ქანდაკებაც! ამას გვიმოწმებს VII-VIII საუკუნეთა წებელდის კანკელი. სავსებით არა-ბიზანტიური) თუ მუდამ არა, ზოგჯერ მაინც "ქართულად ლაპარაკობდა".

მერე და მერე წინ, სულ უფრო მეტად, აქ ქართული ნაკადი მოიწევს. აფხაზეთის მოსახლეობის სულიერი წყურვილის გამოძქმელ-დამარწყულებელი მისწრაფება კვლავ "სამეკლესიანი ბაზილიკების" შენობაში იჩენს თავს. ერთი მათგანი ჯერაც ბიზანტიელთა ბატონობის დროის VI-VII საუკუნეებისა უნდა იყოს (აბაანთას ციხის ეკლესია), სხვები კი შედარებით გვიანდელია, VIII-IX საუკუნეებისა. ეს ის ხანაა, როდესაც იქმნება და ძლიერდება აფხაზეთის მთავართა თაოსნობით ე.წ. აფხაზეთის სამეფო, რომლის უძლიერესი დიდებულები სვანეთისა თუ ოდიშის ერისთავები იყვნენ; დედაქალაქად კი, ძალიან მალე ქუთაისი იქცა. ეს ეკლესიები განზავთ ამაბარას და ქაიანის მთის ტაძრები. ეს უკანასკნელი ოდესღაც წმ. მთავარანგელოზთა მთელს დასავლეთ საქართველოში ცნობილი სლოცავიც

ყოფილა. ორივე მრავალმხრივ ენათესავება თავისი დროის აღმოსავლეთ საქართველოს ნაგებობებს, ქიარის ეკლესია კი მოგვაგონებს წმ. გრიგოლ ხანძთელის მოწაფეების აღშენებულ ნემცის მონასტრის ტაძარს ახლანდელი ბორჯომის მახლობლად. ეს კი აუცილებლად საგულისხმო და მრავლისმთქმელია.

მეტად მნიშვნელოვანია აფხაზეთის ტაძართა კიდევ ერთი ჯგუფი - ბზიფის, ანაკოფიის წმ. სვიმონ კანანელის, ლიხნესა და მოქვის ეკლესიები. ქართული მატეიანის ცნობით, მოქვის ეკლესია X საუკუნის 60-იან წლებში აუშენებია ლეონ აფხაზთა მეფეს, გაერთიანებული საქართველოს პირველი მეფის, ბაგრატ III-ის ღვიძლ ბიძას (სხვათა შორის, მას იხსენიებს 964 წლის კუმურდოს ტაძრის წარწერაც ჯავახეთში). ირკვევა ბზიფის ციხის ეკლესიის თარიღიც. მისი მორთულობა ძლიერ ახლოსაა IX საუკუნის ქართლის ნაგებობებთან (მაგ. რუისის საყდრის უძველეს ფენასთან), ასე რომ, იგი IX საუკუნის მეორე ნახევრისა უნდა იყოს, ორი დანარჩენი, დროით ამათ შორის თავსდება. ოთხივე ეს ტაძარი გუმბათიანია, ე.წ. "ჩაწერილი ჯვრის" ტიპისა. ტანი ეკლესიისა ოთხკუთხაა, შუაში კი ოთხი ბურჯია აღმართული, მათზე დამყარებული გუმბათით, ამ ცენტრთან თავს იყრის ურთიერთგადამკვეთი, დასავლეთიდან აღმოსავლეთით და ჩრდილოეთიდან სამხრეთით მიმართული კამარე-

ბი, რომელიც ჯერულ მოცულობას ქმნიან. მორჩენილი არეები უფრო დაბალია: ამნიარად აღნაგი ტაძარი, შეიძლება ითქვას ზოგად-მართლ-მადიდებლურია - იგი ბიზანტიამაც იცის, სამხრეთ-სლავურმა ქვეყნებმაც, რუსეთმაც. თუ იმასაც დავსვენთ, რომ ზოგი წერილმანი ამ ჯგუფსაც ბიზანტიას ამგანებს (ყველაზე თვალსაჩინოდ - ლიხნეს ტაძრის უთუოდ "ბერძენთა ქვეყანაში" ნახული, თითქოს შეზნევილი ნიჟარებისაგან შედგენილი გუმბათი), შეიძლება გვეფიქრა, რომ ისინი აფხაზეთში კონსტანტინოპოლ-თესალონიკიდან არის მოსული. მაგრამ ასეთ ვარაუდს ბევრი რამ გამოირიცხავს. ჯერ ერთი, ქრისტიანულ ამიერკავკასიაში, საქართველო-სომხეთში, ეს ტიპი ბევრად ადრე არის ცნობილი, VII საუკუნიდან; ბიზანტიაში კი იგი ფეხს მხოლოდ IX საუკუნეში იკიდებს. შემდგომ, ბზიფის ტაძრის ქვაზე კვეთილობა ქართლის არქიტექტურის ზეგავლენით არის შესრულებული. ბზიფი კი ამ ოთხში უეჭველად უადრესია, და, ამდენად თვალნათლივ ჩანს, რა "გზით" გაიცინეს აფხაზთა მეფე-დიდებულების ხუროთმოძღვრებმა ეს კომპოზიცია. იგი აქ მცირე აზიის კი არა, ლიხნის ქედის გამოვლით არის შემოღწეული. სრულებით სხვაა აფხაზეთის ეკლესიებში გამჟღავნებული მხატვრული მისწრაფებაც. ბიზანტიელებს სიფრიფანა, მჩატე ნაგებობები უყვარდათ, რომელთა კედლები უმეტესად თითქმის გამქრალი იყო სარკმელთა სიმრავლის გამო. საქართველოში - და ზუსტად ასევე აფხაზეთში - "ღვთის სახლს" სიმყარე და სიტკიცე მოეთხოვებოდა. რაგინდ იყოს ზემსწრაფი, იგი მაინც მკვიდრად დგას ხოლმე, ქვის კედლებით ურყევად მოფარგლული. ამას გარდა, ბიზანტიასა და საქართველოში - აფხაზეთის ჩათვლით - ურთიერთსაპირისპიროა ხუროთმოძღვრულ ძიებათა მიმართულებაც. ბიზანტიელები, ასე, VII საუკუნემდე, მეტ-ნაკლებად დაგრძელებულ, ამის გამო კი, მოძრაობის შთაბეჭდილების შემქმნელ ტაძრებს ეტანებოდნენ; მერე კი სულ უფრო "კუბურ", დინჯ მასებს არჩევდნენ. აფხაზეთის ტაძართა განსახილველ ჯგუფში, როგორც გამოარკვია პროფ. ლ. რჩეული-შვილმა, პირუკუ განვითარებაა - სტატიკიდან (განსაკუთრებით ბზიფში) დინამიკისაკენ, რომელიც ყველაზე მეტად სირთულითა და სიდიდით გამორჩეულ მოქვის კათედრალში იკეთება. ამით ეს ჯგუფი კვლავ სხვა ქართულ "ქვეყნებს" ეხმიანება, სადაც უგრძესი ტაძრები, აგრეთვე, X საუკუნესა და XI საუკუნის დამდეგს შენდება. დასასრულ, არის კიდევ სხვა "ქართული" წერილმანებიც... არსად კახეთის გარდა არ მოიპოვება ასეთი კვებერთელა, თადით ახილი კარიბჭები. ადრე ეს კარიბჭეები ოთხივე ტაძარს ამშვენებდა, ამჟამად კი ბზიფისა და ლიხნეს-და შერჩა. ასეთი რამ კიდევ შეიძლება ინახოს ტრაპიზონში,

ოღონდ ბევრად გვიანი დროის, XIII საუკუნისა. ეჭვი არ არის, რომ იქ, ისევე, როგორც ჩრდილოეთ კავკასიის ზოგიერთ ნაგებობაში ეს - და სხვა ელემენტები სწორედ აფხაზეთიდანაა გადასული. ძლიერი ქართული ელემენტი შეიმჩნევა ბიზანტიისაგან შედარებით მეტად დავალებულ X-XI საუკუნეების ბიჭვინთის გუმბათიან ეკლესიაშიც (თუმცა "არაქართულობის" განცდა აქ XIX საუკუნეში გამართული სფერული გუმბათის წყალობითაა დიდწილად განსაზღვრული). ბიზანტიური შენობებივით "ზოლებიანი" (ქვისა და აგურის რიგების შენაცვლების გამო), "არაქართულად" მომძიმო, იგი იმავდროულად ვერც "ბერძნულებს" მიეთვლება. იგი თუნდაც ისეთი საკუთრივ-ქართული ფორმის შემცველია, როგორცაა ე.წ. აფრატროში (იგი აერთებს გუმბათის საბრჯუნების შემქმნილი კვადრატის მისსავ წრეზე გადასაყვანად ორ კონსტრუქციას - ძაბრისებრ ტრომპასა და კლუვ აფრას).

X-XI საუკუნეების გასაყარიდან ბიზანტიურობა სულ გაუჩინარებულა. ასე უნდა ყოფილიყო უკვე ბაგრატ III-ს აღმენებულ ბედიის კათედრალში. სამწუხაროდ, ბაგრატისეულ ნაგებობას ჩვენამდე არ მოუღწევია, მის ალაგას XIII საუკუნის მეორე ნახევრის ძლიერ შელახული შენობა დგას, რომელშიც ძველის რამდენიმე მოჩუქურთმებული ქვა არის ჩაყოლებული. მაგრამ ესენიც მთელი სიცხადით გვიმხევენ მომხდარ გარდატეხას - ამგვარი ქვაზე კვეთილება საქართველოს ამ მხარეში მანამდე არასდროს იცოდნენ. მისი "სამშობლო" ეჭვიმუტანლივ ტაო-კლარჯეთია, ბაგრატის მამეული გვარის, ბაგრატისონთა სამკვიდრო. ეს არც ერთადერთი ნიმუშია სამხრეთ-ქართული "ხელობისა" აფხაზეთში - ამავე რიგისაა მთელი ლიხნის იქითა საქართველოს ერთ-ერთი უძლიერესი სალოცავი - ილორის წმ.გიორგის სახელმწიფოეკილი ეკლესია. იგი აშენებულია XI საუკუნის დასაწყისში. ისიც იმნიარადაა მორთული, როგორც ამჟამად თურქეთის საზღვრებში მოხვედრილი ჩვენი ტაძრები.

მსგავს რასმე მთელს ისტორიულ საქართველოში ეხედავთ - იმერეთში, სვანეთში, რაჭაში, ქართლში და, რაც განსაკუთრებით ყურადღების ღირსია, - კახეთში. ტაოური ელემენტები, სახელდობრ ჯერ კიდევ X საუკუნის ბორჯომის და კვეტრას ციხის ეკლესიებშიც ამოიცინობა და უფრო ჭარბად, ალავერდის წმ. გიორგის ტაძარში. სამხრეთ-ქართული სკოლის გამოცდილების გაერცვლება სყოველთაო-ქართული ამბავია. მისი ახსნა ქართული ხელოვნების ისტორიაშია საძიებელი. ამისდა კვლად კი, ჩვენი ქვეყნის ხუროთმოძღვრების ისტორიაში მკვეთრი მიჯნა ჩნდება - თუ მანამდე მთელი საქართველოსთვის ერთი იყო მხატვრულ ძიებათა გუზი და უმთავრესი ეროვნულ-მხატვრული მახასიათებლები, XI

საუკუნის დამდეგს აქეთ, უკვე გარეგნული ფორმაც, ზერხებიც და ელემენტებიც საერთოა.

ამის საფუძველი ერთადერთი რამ შეიძლება იყოს - სულიერი ერთობა. იგი ხელოვნების ნიმუშთა მიხედვით, სულ გვიან V საუკუნიდან დასტურდება და, საფიქრებელია, ბევრად ადრე აღმოცენდებოდა. ნიშანდობლივია, რომ სწორედ X საუკუნეში ხდება ამ შინაგანი ერთიანობის გააზრება, ეროვნული ცნობიერების ეროვნულ თვითცნობიერებად გარდასახვა. ამ კუთხით ისიცაა სახსენებელი, რომ X საუკუნეშივე აფხაზეთის მეფეებმა თავისი საუფლოს საეპისკოპოსოები კონსტანტინოპოლის პატრიარქის საგანმგებლოს გამოაკლეს და მცხეთის კათალიკოსს დაუქვემდებარეს. ეს მსოფლიო ეკლესიის მთლიანობისაგან განკერძოება როდი იყო. არამედ, იმის აღიარება, რომ საქართველოს ყველა მკვიდრის ბაგეს ლოცვა ქართულად ეთქმევიანება, - ისევ და ისევ სულიერი ერთარსობის გამოხატვა.

ლიერი ერთარსობის გამოხატვა.

ალარ ღირს სიტყვის მომდევნო საუკუნეებზე გაგრძელება - დიდად ღირსშესანიშნავი აქ არაფერი შექმნილა და რაც არის (ზემოთნახსენები გვიანი ნაგებობა ბედიისა, ბედიისაკვე საეპისკოპოსო სასახლე, მოქვის სამრეკლო და ა.შ.) სრულიად საქართველოს განუყოფლობის მლალადებულია. დასკვნაც ერთადერთი შეგვიძლია გამოვიტანოთ - რა ტომსაც, თუ - ალბათ, ასე უფროა საგულელებელი, - ტომებს უნდა ეცხოვრათ ამჟამინდელ აფხაზეთში, ისანი ქართველი ერის შემადგენლები იყვნენ, იმ ქვეყნის მოზიარენი, რომელშიც, გიორგი მერჩულეს სიტყვისაებრ, "ჟამი ქართულითა ენითა შეიწირვის".

დიმიტრი თუშანიშვილი

ხელოვნებისმცოდნეობის დოქტორი

კველი ბაბრის ეკლესია

საქართველო თავისი ისტორიის უმეტეს მანძილზე ცალკეულ სამეფო-სამთავროებად იყო დაყოფილი. მიუხედავად ამისა, ეროვნულ-კულტურული ერთიანობის განცდა ძალიან ადრე ჩაისახა ჩვენს ხალხში. ამის ერთი მთავარი პირობა ქრისტიანული სარწმუნოება იყო.

ამ ერთიანობის მშვენიერი ნიმუში ხელოვნების სფეროში არის აფხაზეთში, ერთ-ერთ უძველეს ქართულ სამეფოში, ძველი გაგრის ტერიტორიაზე V-VII საუკუნეთა მიჯნაზე აშენებული ტაძრის ხუროთმოძღვრება, რომელიც თავისი ფორმებით, ტიპით, კომპოზიციით, პროპორციებით, ქვების წყობითა და სხვა ნიშნებით უახლოეს პარალელებს პოულობს ამავე დროის საქართველოს სხვა რეგიონების არქიტექტურაში. მაგალითისათვის, შეიძლება დავასახელოთ გაგრის ეკლესია, რომელიც თავისუფლად შეიძლება წარმოვიდგინოთ კახეთში, ან ქართლში.

ნაცრისფერი, უხეშად დამუშავებული ქვის კვადრებით აგებული ეს ეკლესია ძველი ციხის გალავნის შიგნით დგას. იგი პირველი ნახვისთანავე სიმკვლის, არქაულობის შთაბეჭდილებას ახდენს. გარეგნულად ეკლესია ბაზილიკას ჰგავს - მაღალი, შუა და დაბალი გვერდითი ნაგებობი, სარკმლების რიგით სამხრეთ კედელზე და ა.შ.

XIX და XX საუკუნეების მიჯნაზე აქ დაუდგამთ საკმაოდ უხეში და თავისებური ფორმის ბეტონის კანკელი.

მისი ექსტერიერის სახე არ პოულობს შესატყვისის შიდა სივრცეში. ეკლესიის სამი ნაგი ბურჯებით კი არა, კედლებით არის გამოყოფილი ერთმანეთისაგან და სამივეს ცალკე შესასვლელი აქვს. ჩრდილო ნაწილი რემონტის დროსაა დამოკლებული. როგორც ჩანს, იგი თავიდანვე მოკლე იყო, რაზეც დიადემის ფორმა და კედლის წყობა მიანიშნებს. თავდაპირველი უნდა იყოს სამხრეთი და დასავლეთი კარები, სამხრეთის სარკმლები. საკმაოდ გაშლილი და განათებული ცენტრალური ნაგებობის კამარა იმპოსტებიან საბაზის თაღებზე დაყრდნობილი კამარით არის გადახურული. კამარის, აბსიდის, კონქის, კარებების თაღების მოყვანილობაში შეინიშნება ერთგვარი გადახრა ნალისებური ფორმისაკენ, რაც ადრე-ქრისტიანულ ხანაზე მიგვანიშნებს. ამავე პერიოდზე მიუთითებს ბოლნური ჯვრის რელიეფი, რომელიც ამ სადა ტაძრის ერთადერთ დეკორს წარმოადგენს.

ტაძრის სამი სივრცითი ერთეულის ბურჯების ნაცვლად კედლებით გამოყოფა გვაფიქრებინებს, რომ გაგრის ეკლესია ტიპოლოგიურად არ წარმოადგენს ნამდვილ ბაზილიკას და მიეკუთვნება ე.წ. "სამეკლესიან ბაზილიკათა" იმ ტიპს, რომელიც გაგრცლებული იყო ადრექრისტიანულ საქართველოში, თითქმის მთელ მის ტერიტორიაზე და რომლის მსგავსი სივრცით - გვემარებოთი კომპოზიცია ცალკეული გამონაკლისების


გარდა, თითქმის არ გვხვდება სხვა ქრისტიანულ ქვეყნებში და, როგორც ჩანს, საკუთრივ ქართული ქრისტიანული ხუროთმოძღვრების კუთვნილებაა. მართლაც, გაგრის ეკლესიას ძალიან ბევრი საერთო ნიშანი გააჩნია იმდროინდელი საქართველოს სხვა კუთხეების ხუროთმოძღვრებასთან, განსაკუთრებით ქართლსა და კახეთში (თამალა, სარო, წმ. ეგისტათე ბოლნისხევში, გაზისუბნის სამკარიანი და სხვ.).

გაგრის ეკლესიის ხუროთმოძღვრების ეს მჭი-

დრო კავშირი საქართველოს სხვა რეგიონების ხელოვნებასთან კიდევ ერთი დასტურია ჩვენი ქვეყნის სულიერ-კულტურული მთლიანობისა მისი ისტორიის ამ უძველეს ეტაპზეც კი.

მარიაე დიდუბულიე

ხელოვნებისმცოდნეობის კანდიდატი



ძველი გაგრის ეკლესია. VI ს.



მოქვის დასურათებული ოთხთავი

თავისი მრავალსაუკუნოვანი არსებობის მანძილზე ქართველმა ხალხმა ხელოვნების არაერთი ნიმუში შექმნა. არქიტექტურის, ფერწერის, ჭედურობის, მოხატული წიგნის, ქვაზე კვეთის ძეგლები თავისი მნიშვნელობით მსოფლიო ხელოვნების საგანძურს შეადგენენ. დროთა განმავლობაში ბევრი რამ განადგურდა, მაგრამ დღემდე შემორჩენილმა ძეგლებმა ცხადყო ქართველი შემოქმედის მაღალი პროფესიონალიზმი, განსწავლულობა და საშემსრულებლო ტექნიკის მაღალი დონე. სამწუხაროა, რომ ამ ოსტატთა ვინაობა თითქმის არაა ჩვენთვის ცნობილი.

განსაკუთრებული როლი საგანმანათლებლო საქმეში მიეკუთვნება ხელით გადაწერილ წიგნებს. საქართველოსა და მის ფარგლებს გარეთ ცნობილ სამწიგნობრო კერებში მიმდინარეობდა ხელნაწერების გადაწერა, მოხატვა, აკინძვა, ჭედურ ყდაში ჩასმა. ყოველი წიგნი თავის მხრივ უნიკალური იყო. დიდი ყურადღება ექცეოდა წიგნის ლამაზად გაფორმებას ორნამენტებითა თუ მინიატურებით. რაც უფრო მდიდარი იყო დამკვეთი, მით უფრო მდიდრულად იყო მორთული და შემკული ხელნაწერები.

სამწიგნობრო კერები ბევრი იყო, როგორც საქართველოში, ისე მის ფარგლებს გარეთ. ამ საგანმანათლებლო ცენტრებს ეკლესია-მონასტრები წარმოადგენდნენ. ცნობილია, რომ ქართველი მეფეები დიდ შეწირულობებს უგზავნიდნენ საზღვარგარეთულ ცენტრებს. ხელნაწერების ანდერძ-მინაწერებში ხშირად მითითებულია, თუ სად გადაიწერა ხელნაწერი: ივირონის მონასტერში ათონის მთაზე, ჯვრის მონასტერში - იერუსალიმში, სინის მთაზე, კონსტანტინოპოლში, ანტიოქიის მახლობლად შაჰ მთაზე და ა.შ. ხელნაწერის ორნამენტული მხატვრობისა, მინიატურული ხელოვნებისა თუ ხელწერის მიხედვით გამოირჩეოდა ცალკეული სკოლები. მაგ. ტაოკლარჯეთის სამწიგნობრო სკოლაში გადაწერილი მრავალი ხელნაწერია ცნობილი, რომელთა ტრადიციები საუკუნეების მანძილზე განაგრძობდა არსებობას.

IX-XIV საუკუნეების ხელნაწერთა მხატვრული სტილი, ერთის მხრივ, ეროვნულ საწყისებს უკავშირდება, მეორეს მხრივ, ბიზანტიური სკოლის ტრადიციებს. პოლიტიკურმა ურთიერთობამ საქართველოსა და ბიზანტიას შორის განაპირობა


კულტურული ურთიერთობაც, რაც ქართველ და ბერძენ ოსტატთა მჭიდრო საქმიანობაში გამოიხატა. მაგ. წალენჯიხის ეკლესიის მოსახატავად ბერძენი ოსტატებია ჩამოყვანილი. თამარ მეფემ კონსტანტინოპოლში ბერძენ ოსტატებს დაუკვეთა ძვირფასი ვანის ოთხთავი, რომლის მიბაძვით საქართველოში ლაფსყალდისა და ამჟამად ერევნის მატანდარანში დაცული XIII ს. ოთხთავებია შესრულებული.

თავის მხრივ, სამწიგნობრო კერებს შორის მჭიდრო ურთიერთობა არსებობდა. მაგ. ათონის ივირონის მონასტერს მჭიდრო ურთიერთობა აქვს კონსტანტინოპოლთან. ბანაელი სვინგელოზი ზაქარია ათონის მთაზე ნათარგმნ წიგნებს უკვეთავს კონსტანტინოპოლში მოღვაწე ქართველებს.

დროთა განმავლობაში, როგორც ზემოთაც აღინიშნა, გარეშე მტრების შემოსევებმა ბევრი ხელნაწერი წიგნი გაანადგურა, მაგრამ რაც გადარჩა, ისიც საკმარისია, რომ წარმოდგენა ვიქონიოთ ჩვენს სამწიგნობრო ხელოვნებაზე. აღსანიშნავია ისიც, რომ გარკვეულ ისტორიულ მონაკვეთებში, კერძოდ, მძიმე ეკონომიკურ ვითარებაში, ქართველი ერის შემოქმედებითი ძალა არ დამცხრალა. რომ გადავხედოთ შემორჩენილი ძეგლების ნუსხას, დავინახავთ, რომ ქართველი ხალხის ენთუზიაზმი, სწრაფვა ხელოვნების საუკეთესო ნიმუშების შექმნისაკენ, არ შეჩერებულა. სწორედ ასეთი ნიმუშია 1300 წელს გადაწერილი, მდიდრულად დასურათებული მოქვის ოთხთავი. პალეოლოგოსთა ხელოვნების ეს ერთ-ერთი შესანიშნავი ძეგლი გადაწერილია ძველი ქართულით - ნუსხა-ხუცურით ღვთისმშობლის სახელზე აკებულ მოქვის ეკლესიაში.



ქართული მინიატურული მხატვრობა მრავალმა ხელნაწერმა შემოგვინახა. IX საუკუნიდანაა მოღწეული დიდებული ადიშის ოთხთავი; მაღალი საშემსრულებლო ოსტატობით იყო შექმნილი ადრეული ხანის მოხატული ხელნაწერები. მრავალი მინიატურით დასურათებული ხელნაწერებიდან შეიძლება დავასახელოთ 1030 წლის სეინაქსარი, XII ს. გელათისა და II ჯრუჭის ოთხთავები. მოქვის ოთხთავი 152 მინიატურითაა დასურათებული. იგი აგრძელებს უკვე XI საუკუნეში ჩამოყალიბებული ოთხთავის მორთულობის პრინციპებს. გარდა შინაარსის სტრუქტურის შესაბამისი ელემენტების არსებობისა, თვით






დასურათებული


ხელნაწერები






მ მ მ მ მ

ო თ ხ თ ა ვ ი ლ ა გ





მოქვის ტაძარი

დეკორატიული სისტემა მრავალფეროვანი და მდიდრულია. გელათის, II ჯრუჭისა და მოქვის ოთხთავების ოსტატებმა გარკვეული ჯგუფი შექმნეს სამინიატურო ხელოვნების დარგში, თუმცა განვითარებისა და საშემსრულებლო ხელოვნების თვალსაზრისით, თითოეული მათგანი ინდივიდუალურ შემოქმედებით პრინციპებს ამჟღავნებს.


მოქვის ოთხთავი გადაწერილია დანიელ მოქველი ეპისკოპოსის დაკვეთით. ამაზე მეტყველებს ხელნაწერის ბოლოს დართული ფურცელი, რომელზედაც გამოხატულია ღვთისმშობელი ყრმით და დანიელ ეპისკოპოსი. ღვთისმშობელი მღვთმარეა. ქვემოთ მის წინარე მუხლმოდრეკილი დანიელია. წარწერა, რომელიც დანიელ ეპისკოპოსის ზემოთ არის ასომთავრულით შესრულებული, ქარაგმის გახსნით ასე იკითხება: "დანიელ მოქველი მთავარეპისკოპოსი".

დანიელ ეპისკოპოსს მდიდრულად მოხატული ხელნაწერი ღვთისმშობლის სახელზე აშენებული ეკლესიისათვის შეუწირავს. ღვთისმშობლის გამოსახულება ყრმით, ხელგაწვდილი, ე.წ. "ელეუსას" ტიპია, რომელიც კონკრეტულ შემთხვევაში ლოცვას, იღებს მკვედრებელი დანიელის შეწყალების თხოვნას; ჩვილ ყრმას - ქრისტეს აკედრებს დანიელის სამწყვსოს, მფარველობას პირდება მას.

მოქვის ოთხთავი ეფრემის მიერაა გადაწერილი. ამაზე მეტყველებს მისივე ანდერძი. იგი სამეცნიერო ლიტერატურაში ხელნაწერის მომხატველადაცაა მიჩნეული.

მოქვის ოთხთავი (ზომით 30 x 23, შეიცავს 328 ფურცელს), დაწერილია კარგად დამუშაებულ ტყვიის ფურცლებზე, ლამაზი კალიგრაფიული ნუსხურით, ორ სვეტად. ხელნაწერის დასაწყისში მდიდრულად ორნამენტირებული 10 კამარაა. თავების დასაწყისში ასევე მდიდრულად შემკული თავსართებია. თვით ტექსტში კი დიდი ზომის მრავალი, 500-ზე მეტი ფიგურული ინიციალია, რომლებიც ფრინველთა და ცხოველთა გამოსახულებებისაგან შედგება. ოთხთავის ტექსტი მინიატურებითაა დასურათებული. ქრისტეს ცხოვრების ამსახველი მინიატურები, ისევე, როგორც გელათისა და II ჯრუჭის ოთხთავებში, ჩართულია ტექსტის შინაარსის შესაბამის ადგილებში. ოთხთავი ფორმის მინიატურა ხშირად გადაწერილი სვეტის ფარგლებიდან გამოდის, ხოლო საზედაო ასოსთან ერთად ფერადოვან ანსამბლს ქმნის ლამაზად დაწერილი ტექსტის ფონზე.

მოქვის ოთხთავის მოხატულობა განსაკუთრებით იქცევს ყურადღებას მინიატურათა უნიკალური საშემსრულებლო ტექნიკით. გამოსახულებები აქ უშუალოდ დახატულია ოქროზე. ძველი ქართველი ოსტატები ორი სახის ოქროს იყენებენ ხელნაწერის მოხატულობის დროს: ფურცლოვანსა და ფხვიერი ოქროსაგან სპეციალურად დამზადებულ



მოქვის ტაძარი. X ს.

ბულ ოქრომელანს. ფურცლოვანი ოქრო გამოიყენებოდა მინიატურებში გამოსახულებების გარშემო ფონის შესავსებად, ხოლო ოქრომელანი საზედაო ასოების შემოსაწერად, ორნამენტულ ნახატობაში ფონის დასაფერავად, უმეტეს შემთხვევაში, სინგურის სარჩულზე. ფურცლოვანი ოქრო ეტრატზე ნივრის ან სპეციალურად დამზადებული წებოვანი შენაერთის საშუალებით მაგრდებოდა. მინიატურისათვის განკუთვნილი არეზე ფურცლოვანი ოქრო მაგრდებოდა გამოსახულებების, ბუნებისა თუ არქიტექტურული პეიზაჟის გარშემოწერილი კონტურების მიღმა. მოქვის ოთხთავში საგნები პირდაპირ ოქროზეა დახატული. ჯერ მინიატურის მთელი არე დაიფარა ფურცლოვანი ოქროთი, ხოლო ზედ საღებავები დაიდო შესაბამის ადგილებში. II ჯრუჭის ოთხთავში, 1030 წელს გადაწერილ სვინაქსარში ტანისამოსის ნახატს, შენობების ნაწილებს ხშირად ფარავს ოქრო, მაგრამ ყველა შემთხვევაში, იგი საღებავზეა დაფერილი და ჩვენამდე კარგადაა მოღწეული. მოქვის ოთხთავის საშემსრულებლო ტექნიკა - ოქროზე საღებავების დადება არ აღმოჩნდა მყარი. საღებავმა როგორც ჩანს, შეიწოვა ოქრო და გამოაშრო. საღებავი ოქროსთან ერთად თანდათანობით სცილდება ეტრატს და მინიატურულ მხატვრობას აზიანებს.

ოთხთავის შინაარსის დამასურათებელი მინიატურები მოქვის ოთხთავში ქმნიან ერთ მთლიან საილუსტრაციო ციკლს. ეს ციკლი იწყება მათეს

სახარების დასაწყისში წარმოდგენილი ქრისტეს გენეალოგიით, ხოლო იოანეს სახარების ბოლოს მთავრდება სულიწმიდის მოყვნიტ და ღვთისმშობლის მიძინებით. თვით ქრისტეს ცხოვრების ამსახველი სცენები ქრონოლოგიური თანამიმდევრობითაა ჩართული სახარების ტექსტებში. ძირითადად დასურათებულია მათეს სახარება (აქ 97 მინიატურაა), ხოლო დანარჩენ თავებში ივსება საილუსტრაციო ციკლის შემაღგენლობა. (ზოგიერთი მინიატურა, მაგ. ჯვარცმის ეპიზოდი ცალკეულ სახარებებში მეორდება). უფრო ადრეული ხანის, გელათისა და II ჯრუჭის ოთხთავებს თუ შევადარებთ, დავინახავთ, რომ თითოეული თავი დამოუკიდებელ საილუსტრაციო ციკლს ქმნის. მათეს, მარკოზის, ლუკასა და იოანეს თავები ერთმანეთისაგან დამოუკიდებლად იძლევიან სახარების დამასურათებელ სისტემას, თავისთავში. მოქვის ოთხთავის მოხატულობა ეპიზოდების თა-

ნმომდევრული განაწილებით მოგვაგონებს კელესის სასურათო სისტემას, სადაც ქრონოლოგიური თანამიმდევრობითაა მოცემული ძირითადი ეპიზოდები ქრისტეს ცხოვრებიდან. მოქვის ოთხთავი გელათისა და II ჯრუჭის ოთხთავებისაგან განსხვავებით, იძლევა ძირითადად, შინაარსის საკვანძო სიტუაციებს, მაშინ როდესაც ეს ორი უკანასკნელი დაწვრილებით მოგვითხრობს სახარების ამბებს. ზოგჯერ ერთი ამბავი რამდენიმე მინიატურის საშუალებითაა ილუსტრირებული.

მოქვის ოთხთავში 152 მინიატურაა. იგი თავისი მრავალფეროვანი ორნამენტაციით, სამინიატურო ხელოვნებით ეროვნული საგანძურის ერთ-ერთი უმნიშვნელოვანესი ძეგლია.

ელენე მატაპარიანი

ხელოვნებათცოდნეობის დოქტორი

აფხაზეთის რუკასთან

გეოგრაფიული რუკა, რომელზედაც დაწვრილებით არის აღნუსხული ამა თუ იმ მხარის ტოპონომია, ისეთივე ინტერესით შეიძლება წაიკითხოს კაცმა, როგორც კარგი მხატვრული ნაწარმოები; ოღონდ, რასაკვირველია, ეს ინტერესი მაშინ აღიძვრის, თუ გვესმის ტოპონიმების მნიშვნელობა და ვიცით მათი წარმომავლობა. ვინც ასეთი თვალთ გადახედავს აფხაზეთის რუკას, შეუძლებელია არ შენიშნოს გეოგრაფიული სახელების დიდი სიჭრელე ამ ტერიტორიაზე. აქ აფხაზურ (იგულისხმება დღევანდელი აფსუა-აფხაზები) ტოპონიმებთან ერთად, რომელთა დიდი ნაწილი ახალია, მრავლად გვხვდება სხვა ენოვანი ტოპონიმებიც, რომელთა შორისაც თავისი სიძველითა და დიდი სიუხვით გამოირჩევა ქართველური მასალა. ან კი, რა არის გასაკვირი იმაში, რომ საქართველოს ისტორიულ მიწა-წყალს ქართული სახელი ერქვას? გასაკვირი მხოლოდ ის არის, რომ ამ ანბანური ჭეშმარიტების დაჯერება და აღიარება არ სურთ აფხაზ სეპარატისტებს და მათი ქართველთმომძულე იდეების ქადაგებით გონდაბნეულ უბირ ადამიანებს.

თავის დროზე აფხაზეთის ტოპონომიას ვრცლად შეეხო გამოჩენილი მკვლევარი პავლე ინგოროყვა. მის ფუნდამენტურ ნაშრომში "გიორგი მერჩულე" ჩართულია სპეციალური ექსკურსი:

"აფხაზეთის მხარეთა გეოგრაფიული სახელწოდებანი და მათი კავშირი ქართულ ენობრივ სამყაროსთან", სადაც განხილულია 140-მდე ძველი გეოგრაფიული სახელწოდება, მიმოხილულია აფხაზეთის ტერიტორიაზე და არაერთგზის მოხსენიებული საისტორიო ანტიკური ხანიდან ჩვენამდე.

ეს სახელწოდებანი, მკვლევარის მტკიცებით, ქართულ ენობრივ სამყაროს ეკუთვნის და გარკვევით მეტყველებს იმაზე, რომ ქართველობა აფხაზეთის მხარის ძველთაძველი მკვიდრია და ეს ტერიტორია ისტორიულად საქართველოს განუყრელი ნაწილია.

ცნობილია, რა მწვავე რეაქცია გამოიწვია პავლე ინგოროყვას ამ მოსაზრებამ აფხაზ სეპარატისტთა შორის, რომლებმაც იმ ხანებში შეძლეს კიდევ მეცნიერული კამათის ჩახშობა პოლიტიკური შანტაჟის გზით; მაგრამ საბოლოოდ სიმართლის დათრგუნვა შეუძლებელია.

რა თქმა უნდა, პინგოროყვას მიერ განხილული ყველა ტოპონიმის ეტიმოლოგია თანაბრად დამაჯერებელი და უდავო არ არის. ასეთი რამ ტოპონომიკური კვლევა-ძიების რთულ გზაზე არც არის მოსალოდნელი; მაგრამ აფხაზეთის ისტორიული ტოპონომიის დიდი ნაწილი რომ ქართულია და ამ მიწაზე ძველთაგანვე მოსახლე

ქართველი ტომების მიერ არის დარქმეული, ამის უარყოფა შეუძლებელია. აბა, რომელ სპეციალისტს, ან არასპეციალისტს შეუძლია უარყოს ისეთი ტოპონიმებისა და ჰიდრონიმების ქართველური წარმომავლობა, როგორცაა აჭანდარა, აშედალი, დალიძეა, სკურჩა, წყურგილი, ტყაურე, ტყვარჩელი, მუხური, თხინი, წამხარი და სხვა მრავალი?!

ამჯერად ჩვენ გვინდა ყურადღება შევაჩეროთ მხოლოდ ორიოდე ისეთ ტოპონიმზე, რომლებიც ქრისტიანული კულტურის თვალსაჩინო ცენტრებად ცნობილ პუნქტებს აღნიშნავს აფხაზეთის ტერიტორიაზე:

ბიჭვინთა ქრისტიანობის ერთ-ერთი მძლავრი კერა იყო უძველესი დროიდანვე: აქ საეპისკოპოსო კათედრა არსებობდა ჯერ კიდევ IV ს. პირველ მეოთხედში. აქაური ეპისკოპოსი სტრატოფილე ნიკეის პირველი მსოფლიო კრების მონაწილე იყო (325 წ.). აფხაზეთის სამეფოს შექმნის შემდეგ ბიჭვინთა აფხაზეთის კათალიკოსის რეზიდენციად იქცა, ხოლო ერთიანი საქართველოს სამეფოს დაშლის შემდეგ (XV-XVI სს) აფხაზეთის სულიერი მოძღვარი, რომელიც კვლავ ბიჭვინთაში იჯდა, კათალიკოს-პატრიარქის ტიტულს ატარებდა.

ბიჭვინთა პირველად სტრაბონის "გეოგრაფიაში" არის ნახსენები დიდი პიტიუნტის სახელით. ბერძენ-რომაულ მწერალთა თხზულებებში ამ პუნქტის სახელწოდება გვხვდება, აგრეთვე, პიტიუსის ფორმით.

სავსებით გასაზიარებელია პინგოროყვას მოსაზრება, რომ ბერძნულში ერთ შემთხვევაში წარმოდგენილია გეოგრაფიული პუნქტის ადგილობრივ (ქართულ) სახელწოდებასთან მიმსგავსებული ფორმა (პიტიუნტი), მეორე შემთხვევაში კი მოცემულია მისი თარგმანი (პიტიუს ბერძნულად ფიჭვის ნიშნავს).

დიდი ახსნა-განმარტება არ ჭირდება იმას, რომ ბიჭვინთის სახელწოდება მცენარეს - ფიჭვს უკავშირდება, ეს კურორტი დღესაც განსაკუთრებულ ყურადღებას იქცევს იმით, რომ აქ ზღვისპირს გასდევს შესანიშნავი ფიჭვნარი და ერთმანეთს ეზავება ზღვისა და ფიჭვის ტყის ჰაერი. ეს ფიჭვნარი წინათ საღმრთო ტყვედ ითვლებოდა და მას კაცი მოსაჭერელად ვერ შეეხებოდა.

არ არის გამორიცხული, რომ მცენარის სახელწოდება ფიჭვი ბევრ სიტყვის კოლხური (ზანური) შესატყვისი იყოს და მცენარეს გრძელი წიწვების, ანუ ბეწვების გამო ჰქონდეს შერქმეული. ამის გარკვევას აქ არ გამოუდგებიან. ამჯერად ამას არსებითი მნიშვნელობა არა აქვს. ასეა თუ ისე, ფიჭვს, როგორც ჩანს, მოეპოვებოდა პარალელური ფორმა ბიჭვი (იხევე, როგორც აფხაზი და აბხაზი, ფრჩხილი და ბრჩხილი, ფსკერი და ბსკერი და სხვ.) ამ უკანასკნელს

დართული აქვს ქართულ ტოპონომიაში გავრცელებული სუფიქსი -თა (ტა) რომლის წინაც ნ შესაძლოა ფონეტიკურ ნიდაგზე იყოს გაჩენილი, ან ისიც სუფიქსს წარმოადგენდეს: ბიჭვინთა, ბიჭვინ-ტა. ამრიგად, როგორც პინგოროყვა და ასკენის, "სახელწოდება ბიჭვინთა ქართულია, როგორც ფუძე-სიტყვით ("ბიჭვი" - სუფიქსით), ისე ბოლოკიდური ფორმანტით ("ნთა") (გიორგი მერჩულე, გვ.148).

ბეღია ძველად განთქმული ქალაქი იყო, რომელიც, "ქართლის ცხოვრებაში" დაცული გადმოცემის მიხედვით, ეგრისმა ააშენა და "უწოდა სახელი თვისი ეგრისი. აწ მას ადგილსა ჰქვიან ბეღია", ხოლო მეფე ბაგრატ მესამემ X-XI საუკუნეთა მიჯნაზე "აღაშენა საყდარი ბეღისა და შექმნა საყდრად საეპისკოპოსოდ... განასრულა ყოვლითა განგებითა, შეამკო ყოვლითა სამკაულითა ეკლესია, აკურთხა და დასვა ეპისკოპოსი". როდის შეეცვალა ქალაქს სახელი და რატომ ეწოდა ბეღია, ცნობილი არ არის. ვიცით მხოლოდ, რომ ბეღიას ადრე ერქვა, აგრეთვე, სანარდო. ამჟამინდელი სოფელი ბეღია მდებარეობს გალის რაიონში, მდინარე ოხოჯას მარჯვენა ნაპირზე, ხოლო ამავე მდინარის მარცხენა ნაპირზე, რომელიც ოჩამჩირის რაიონს ეკუთვნის, გაშენებულია სოფელი აგუბეღია. ადრე მას გულებეღია, ანუ შუაბეღია ეწოდებოდა. სწორედ აქ მდებარეობს ბეღის მონასტერი. ისტორიულად მთელი ეს მიდამო სამურზაყანოს ნაწილი იყო, რომლის მოსახლეობასაც მთლიანად ქართველები (მეგრელები) შეადგენდნენ. ბუნებრივია, აქაური ტოპონიმებიც ქართულია: კოპიტი, ქვალონი ("ქვიანი"), ტყაური ("ყრუ ტყე", ანუ "უღრანი ტყე"), ოქუმი ("სახელე"), ოხოჯა "სახარი") და სხვ.

მოგვიანო ხანებში, XVIII ს. დამდეგს, როცა გულებეღიაში ქართველების გვერდით მოძრავლდნენ აფსუები, მათ სოფლის სახელწოდების პირველი ნაწილი გული (შუა) თავიანთ ენაზე თარგმნეს (აგუ - "გული", "შუაგული"). ასე იქცა გულებეღია აგუბეღიად.

ილორი. ოჩამჩირის რაიონში, შავი ზღვის პირას, მდებარეობს ქრისტიანული კულტურის კიდევ ერთი ძეგლი - ილორის წმიდა გიორგის ეკლესია. ეს ეკლესია, აგებული XI ს. პირველ მეოთხედში, ქართული ხუროთმოძღვრების თვალსაჩინო ძეგლია. ილორი მთელი დასავლეთ საქართველოს ერთ-ერთი უმნიშვნელოვანესი სალოცავი იყო, სადაც ყოველწლიურად 20 ნოემბერს იმართებოდა წმიდა გიორგის დღესასწაული - ილორობა.

შუა საუკუნეების ილორი ოდიშის სამთავროს ფარგლებში შედიოდა, ილორის ტაძრის დაცვაზე სამეგრელოს მთავრები ზრუნავდნენ. ასე შეაკეთა ილორის ტაძარი ლევან II დადიანმა XVII საუკუნეში. 1736 წ. თურქების მიერ გადამწვარი

ილორი ისევ ოდიშის მთაგრეხმა აღადგინეს. დასასრულ, ძეგლი საფუძვლიანად იქნა რესტავრირებული XIX ს. 40-იან წლებში.

ჩვენ დაბეჯითებით ვერ ვიტყვით, რას ნიშნავს ილორი, როგორია მისი მეცნიერული ეტიმოლოგია, მაგრამ თავისი ფორმით (კერძოდ, ორი სუფიქსით) ის ქართული ჩანს. (შეადარეთ: სხვიტორი, გომბორი, მანდიკორი, შაორი, ჯეჯორი და სხვ.) რაც მთავარია, აშკარად ქართულია, აგრეთვე, ილორის მიმდებარე მიდამოების ტოპონიმია: ოხურეი, ღალიძგა, ზენი, ნაკვალოუ, სუეი და სხვ.

მოქეი. დასასრულ, საგანგებოდ გვინდა შეეჩერდეთ ოჩამჩირის რაიონის ერთი სოფლის სახელწოდებაზე, სადაც დგას სამნავიანი საკათედრო ტაძარი, აგებული აფხაზთა მეფის, ლეონ III-ის მიერ 957-967 წლებში. ცნობილია, რომ ამ საკათედრო ტაძარს მდიდარი წიგნთსაცავი ჰქონდა, სადაც არაერთი ძვირფასი ქართული ხელნაწერი ინახებოდა.

რამდენადაც ჩვენთვის ცნობილია, მოქეის სახელწოდების დამაჯერებელი ახსნა ჯერჯერობით არავის მოუცია. ჩვენი აზრით, მას კავშირი აქვს სვანური სახელის ფუძესთან მოქე ("თივის ბულული"). სვანურში დაცულია ამ ფუძისაგან ნაწარმოები ზმნაც: ლიმქეე ("დაბულულება"). ეს ფუძე სვანურიდან შესულია რაჭულსა და ლეჩხუმურშიც. ლეჩხუმურში, მაღავეიდის განმარტებით, მექეი არის "ბულული, თივის პატარა გროვა, მონათიბში დროებით (დაზვი-


ნეამდე) დადგმული", დამექეა- მექეების დადგმა მონათიბში. (შდრ. სვანური ლიმქეე; "მექობს - ბაქიობს, იკეხის, ტრაბახობს". რაჭულში ეს სიტყვა დასტურდება ნექეის ფორმით და ნიშნავს "ნაწილ-ნაწილ აგროვებულ თივას ზვინის დასადგმელად" (ეუკოლ ბერიძე, "სიტყვის კონა იმერულ და რაჭულ თქმათა").

ამ ფუძისაგან არის ნაწარმოები ლეჩხუმის ერთ-ერთი ცნობილი სოფლის სახელწოდება მექვენა. საერთოდ, თივის აღმნიშვნელი ფუძის გამოყენება ტოპონიმად ქართველურ ენებში ცნობილი ფაქტია (თივი - სოფელი ყვარლის რაიონში, ჰაწუალ - ადგილის სახელი სვანეთში; ჰაწილ თივის, ან ჩალის ზვინის ნიშნავს სვანურად).

ამრიგად, მოქეი "თივას", "თივის ბულულს" ნიშნავს, ოღონდ გასარკვევია, ეს ტოპონიმი აფხაზეთის ტერიტორიაზე სვანიაშია, თუ ეს სიტყვა სხვა ქართველურ ენებშიც (კერძოდ, მეგრულში) არის სადმე შემონახული.

წარმოდგენილი მცირე მასალიდანაც კარგად ჩანს, თუ რარიგ მნიშვნელოვანი ადგილი უკავია ქართულ მასალას აფხაზეთის ტოპონიმიაში. დებულება, რომ ქართველები აფხაზეთის მიწა-წყლის ძველთაძველი მკვიდრნი არიან, ურყევი და მისი უგულებელყოფა არავის შეუძლია.

ზურაბ ჭუმბურიძე
პროფესორი



ბიჭვინთის ოთხთავი

**ილორის წმიდა გიორგი და
მასთან დაკავშირებული რწმენა-წარმოდგენები
დასავლეთ საქართველოში**



დასავლეთ საქართველოში, კერძოდ სამეგრელოში, წმიდა გიორგის მრავალი ეკლესია არსებობს: - ილორის წმიდა გიორგი, ალერტის წმიდა გიორგი, ყულის კარის წმიდა გიორგი, ჯგემისარონი, სუჯუნის წმიდა გიორგი, ოცინდალე, ჯგე-ხანგარამი და სხვა. თითოეულ მათგანთან გარკვეული გადმოცემები და რიტუალებია დაკავშირებული. მათგან განსაკუთრებით გამორჩეული ილორის წმიდა გიორგია - სამეგრელოში და საერთოდ, მთელს დასავლეთ საქართველოში ერთ-ერთი უძლიერესი და დიდად მნიშვნელოვანი სალოცავი. იგი ქალაქ ოჩამჩირედან რამდენიმე კილომეტრის დაშორებით, სოფელ ილორში მდებარეობს. (სამურზაყანო, დღევანდელი გალის რაიონი).

ილორის წმიდა გიორგის ძველთაგანვე არა მარტო ქრისტიანები სცემდნენ თაყვანს, არამედ, არაქრისტიანებიც. იგი ყოვლისშემძლედ და ყოვლად სამართლიანად ითვლებოდა და ითვლება დღესაც. მიუხედავად იმისა, რომ თანამედროვე აფხაზმა ზოგჯერ არც კი იცის, რომელი წმიდანის სახელზეა აგებული ილორის სალოცავი, არცერთ წმიდანს სამხრეთისა და სამურზაყანოს აფხაზეთში ისეთ დიდ თაყვანს არ მიაგებენ, როგორც ილორის ხატს (იხ. ნ. ჯანაშია, სტატიები აფხაზურ ეთნოგრაფიაზე, სოხუმი, 1960. რუს. ენაზე).

ილორის ეკლესიაში მნათეები იმ გვარებიდან ირჩეოდა, რომელთა "ჯინჯ ხატად" (საკვარეულო ხატად) იგი ითვლებოდა. ასეთები იყვნენ: მალიშა, სებეკია, მარკელია, ბჟანია, მერჭულე, ჯიგანია, ხასია, ხოჭა და კიტა.

ეს ტაძარი მნიშვნელოვანია არა მხოლოდ ხუროთმოძღვრული თვალსაზრისით, არამედ სასწაულჩენათა, ლეგენდათა და გადმოცემათა მიხედვით.

ილორის წმიდა გიორგის დღეობას დღესასწაულობენ წელიწადში ორჯერ: 23 აპრილსა და 10 ნოემბერს (მკსტილით), მაგრამ განსაკუთრებული ბრწყინვალეობით 10 ნოემბერს დღესასწაულობენ. ამ დღეს დასავლეთ საქართველოს სხვადასხვა კუთხეებიდან ილორის ეკლესიაში

ტრადიციისამებრ, თავს იყრიან მლოცველები.

ილორის წმიდა გიორგი სახელგანთქმული იყო თავისი სასწაულებით. ერთ-ერთ ასეთ სასწაულად ითვლებოდა ხალხში არსებული ტრადიცია იმის შესახებ, რომ 10 ნოემბერს (მკსტილით) მარტივლს ხარი ღამით მიჰყავდა ეკლესიაში. გაიყვანდნენ გაღანის გარეთ და დააკლევინებდნენ იქაურ მცხოვრებს, რომლის ოჯახს ძველთაგანვე ევალეობდა ეს საქმე. ამ ოჯახშივე ინახებოდა ნაჯახი, რომლითაც უნდა დაკლულიყო ხარი. ამ ნაჯახს მიიჩნევდნენ, როგორც საღმრთო ნივთს. მას სხვაზე არაფერზე არ ხმარობდნენ. კაცი, რომელიც დაკლავდა ხარს, გაანაწილებდა კიდევ: უმეტესი ნაწილი რქებითურთ, გუთნოდა მთავარს. ამ რქებს მთავარი შეამკობდა ოქროთი და ძვირფასი ქვებით. დიდ დღესასწაულებში რქებით, წმიდა გიორგის სადიდებლად, დაღვედა ღვინოს (იხ. არქანჯელო ლამბერტი, სამეგრელოს აღწერა, თბ. 1938). შეწირული ხარის ზორცი წვრილად იჭრებოდა და რიგდებოდა ხალხში. მას განსაკუთრებული სამკურნალო დანიშნულება ჰქონდა. არსებობს არქანჯელო ლამბერტის ცნობა იმის შესახებ, რომ შეწირულ ხარში თავიანთი წილი იმპრეთის მეფესაც და გურიელსაც ედოთ. ეს რიტუალები და წარმოდგენები ხშირად ძველი რელიგიის ნარჩენებია, რომელიც ღრმად იყო ფესვგადგმული ხალხის ცნობიერებაში. მათ თანდათან, ნელ-ნელა იცვალეს სახე. ზოგ შემთხვევაში კი ქრისტიანულ ტრადიციებს შეერივნენ და შეეხისხლხორცნენ. ეს რწმენა-წარმოდგენები ხშირად, ცხადია, არაკანონიკურიცაა, მაგრამ ყველა შემთხვევაში, ქრისტიანული რწმენითა და სიყვარულით სავსეა.

ადგილობრივი რწმენების მიხედვით, მთელს დასავლეთ საქართველოში იკვეთება ილორის წმიდა გიორგის, როგორც სამართლისა და ზნეობის დამცველის სახე. ეს ჩანს ამ წმიდანის სახელთან დაკავშირებულ სასწაულში: იგი ეხება ოქროს სასწაულმოქმედ, მართლმსაჯულების სასწორს, რომელიც ეკლესიის თალიდან ტაძრის შუა ნაწილში ეშვებოდა. ხალხის წარმოდგენით, ილორის წმ.გიორგი მომრიგებელი იყო ყოველგვარი დავისა და გაუგებრობისა ადამიანთა შორის.

ეს მორიგება ხდებოდა ამ სასწორის მეშვეობით. მოლავე მხარეები დგებოდნენ სასწორის ქვეშ და ლოცულობდნენ ილორის ხატთან, რომელიც მართლის მხარეზე იხრებოდა და ქვეყანაზე სუფევდა მშვიდობა და სამართალი.

მაგრამ ერთხელ ადამიანმა სცადა წმიდანის მოტყუება, რის გამოც, წმიდა გიორგიმ ოქროს სასწორი სამუდამოდ ცაში წაიღო. სასწორი გაქრა, მაგრამ ხალხში დარჩა ჩვევა, რომელიც მუდამ აგონებს მათ წმიდა გიორგის მკაცრ მართლმსაჯულებას. ეს ჩვევა ე.წ. "გინჩამა", ხატის სამსჯავროა (იხ. ნ. აბაკელია, მითი და რიტუალი დასავლეთ საქართველოში, თბ., 1991, რუს. ენაზე. იქვე ბიბლიოგრაფია).

ილორის ეკლესიაში უკანასკნელ დრომდე ინახებოდა წმიდა გიორგის ნაქონი სასწაულოქმედი ნივთები - რკინის მშვილდი (შქვილი), რომლის სიმაღლე 1 მეტრს აღწევდა, ბუკი და წმიდანისადმი შეწირული ბორძლები, ანუ ორპირ-ბოლოიანი ისრები. ამგვარი ისრები დასავლეთ საქართველოში არქეოლოგიური გათხრების მონაცემების მიხედვით, მრავლად მოიპოვება. მათთან მუდამ გარკვეული რწმენა-წარმოდგენები და რიტუალებია დაკავშირებული.

სამეგრელოში წმიდა გიორგის მშვილდს სამკურნალო დანიშნულება ჰქონდა და გამოიყენებოდა ავადმყოფების მოსარჩენად. ილორის ეკლესიაში, რომელიც სახელგანთქმული იყო თავისი სასწაულოქმედი ძალითა და ყოვლისშემძლეობით, მიჰყავდათ სხვადასხვა სახის დაავადებით შეპყრობილნი, რომელთა შორის უფრო ხელით ავადმყოფები ჭარბობდნენ. როგორც ცნობილია, მათ მეხატული (მნათე) წმიდა გიორგის რკინის მშვილდში გააძეგრნდა. შემდეგ სამჯერ ჩაბერავდნენ ბუკში, რის შემდეგაც ავ სულებს უნდა

დაეტოვებინათ ავადმყოფის სხეული.

სამეგრელოში, ფართოდ გავრცელებული შეხედულებების თანახმად, ჭუქა-ქუხილის დროს წმიდა გიორგი თეთრ ცხენზე ამხედრებული მიპქრის ცაში, სდევნის ავ სულებს და ბორძალით გმირავს მათ. აქ არსებობენ გარკვეული გვარები, რომლებიც ილორის წმიდა გიორგის "შოვალებად" ითვლებოდნენ. მათ გიორგობის დღეს ილორის ეკლესიაში ყოველწლიურად მიპქონდათ სამჭედლოში გამოჭედილი რკინის ისრები, რომლებიც ჭუქა-ქუხილის დროს წმიდა გიორგის ცაში აპქონდა. ამ ისრებით იგი გმირავდა ხთონურ მოწინააღმდეგეს. მაგრამ მათ, ასევე, მკურნალის თვისებები ჰქონდათ.

ხალხური გადმოცემების თანახმად, იქ, სადაც მეზი ეცემოდა, პოულობდნენ წმიდა გიორგის ისრის კვალს, ან ჯვარს, რომელსაც "ნაჯვარლენს" უწოდებდნენ, რადგან ადგილობრივთა რწმენით, მეზი გარდებოდა ანთებული ჯვრის სახით.

მეზი კი ეცემოდა მხოლოდ იმ შემთხვევაში, როცა წმიდანი სდევნიდა ავ სულს. იგი (ავი სული) ჩვეულებრივ, ხის ქვეშ იმალებოდა. მეზის დაცემით წმიდანი აფრთხილებდა დამნაშავეს, ანდა "ირჩევდა" ვინმეს "მონად", რის შემდეგაც რჩეული მგლოვიარეც რომ ყოფილიყო, გამოეწყობოდა თეთრ, ან ჭრელ შესამოსელში, დაივლიდა წმიდა გიორგის სახელობის ეკლესიებს (მათი დღეობების რიგის შესაბამისად) და მიპქონდა სხვადასხვა შეწირულებანი. ეს ყოველწლიურად ხდებოდა.

ჭუქა-ქუხილის დროს ადგილობრივი მაცხოვრებლები პირჯვარს იწერდნენ და თხოვდნენ წმიდა გიორგის, შეეწყალებინა ისინი, არ დაეცა მეზი მათთვის. ზოგ შემთხვევაში, მსხვერპლსაც



ილორი

სწირავდნენ. ხოლო თუ მეზი მაინც დაეცემოდა, მაშინ ეს წმიდანის მიერ გამოგზავნილ სასჯელად აღიქმებოდა (წესრიგის დარღვევა, აღთქმულის არ შესრულება, ქურდობა, ტყუილი და სხვ. ე.ი. ის, რაც ეწინააღმდეგება ადამიანურ მორალს).

ილორში სალოცავად, როგორც ცნობილია, აგრეთვე, დადიოდნენ უშვილონი, რომელნიც წმიდა გიორგის კერცხლის პატარა აკვნის მოდელს ხწირავდნენ. ასევე საყურადღებოა, რომ გიორგობა დღეს წინასწარმეტყველებდნენ, რანაირი ამინდი იქნებოდა მთელი წლის განმავლობაში და რანაირი მოსავალი იყო მოსალოდნელი. ამგვარი წინასწარმეტყველება, ხშირად მისადაგებული იყო საქონლის საძოვრებზე გარეკვის დროსთან, 23 აპრილთან.

ილორის წმიდა გიორგის, სამეგრელოსა და აფხაზეთის გარდა, განსაკუთრებით სცემდნენ თაყვანს სვანეთსა და გურიაში. გურიაში ილორობისთვის შეწირულ ზარს "ილორას" ეძახდნენ, ხოლო საქონლის კეთილდღეობისათვის განკუთვნილ დღეს, "ილორობის" სახელით ცნობილს, აღნიშნავდნენ ყველიერის ხუთშაბათს. ილორის წმიდა გიორგის ეკლესიაში მლოცველნი იმერეთიდან და რაჭა-ლეჩხუმიდანაც ჩამოდიოდნენ.

სვანები სალოცავ და ასევე, სადღესასწაულო დღეებში ადგილობრივი წმიდანების მოხსენიების დროს, რომელთაც უნდა უზრუნველყოთ სვანეთის კეთილდღეობა მომავალ წელს, ჯვრავ ილორის-ს, ანუ ილორის წმიდა გიორგისაც ახსენებდნენ.

დასავლეთ საქართველოში სალოცავების ერთმანეთთან კავშირზე მიუთითებს ასევე, სვანეთში დაცული ლეგენდა (დაფიქსირებული ვ. ბარდაველიძის მიერ) ლატალისა და ლენჯერის ჯვრავ-

ის, ანუ წმიდა გიორგის შესახებ, რომლის მიხედვით, ილორის წმიდა გიორგის ზატი აღნიშნულ სალოცავებში მათ დღეობებზე შესაწირად ხარებს გზავნიდა.

თავის მხრივ, სვანეთის სალოცავებიდან, ილორის დღეობაზე სანთელ-საკმეველი იგზავნებოდა. ეს სამი ზატი - ილორის, ლატალისა და ლენჯერის ჯვრავები, ადგილობრივთა რწმენით, ძმები იყვნენ. ძმებში უფროსად ილორის წმიდა გიორგი ითვლებოდა. ეს კი იმას ნიშნავდა, აღნიშნული სალოცავებიდან ერთ რომელიმე სალოცავში მისვლა ყველა დანარჩენ სალოცავში მისვლის ტოლფასი იყო.

ზემოთ თქმული კიდევ ერთხელ ადასტურებს ფაქტს, რომ მთელი დასავლეთ საქართველო, როგორც კულტურულ-ისტორიული ერთობა, გაერთიანებული იყო სალოცავთა ერთიან რელიგიურ სისტემაში, რომელშიც ილორის წმიდა გიორგის ეკლესიას ერთ-ერთი მთავარი ადგილი ეჭირა.

დღეს ილორის ეკლესიასთან მისასვლელი გზა ქართველთათვის დაკეტილია... დაკეტილია წმიდა სალოცავი... მაგრამ ჩვენ გვწამს, საქართველოს დიდი მფარველი წმიდა გიორგი გარდმონებავს თავის სამწესო ქვეყანას და კვლავ ჩამოუშვებს ზეციდან ოქროს სასწორს, რომელიც ალაღვეს სიმატლეს და სიმშვიდეს ამ ნატანჯ მიწაზე... კვლავ დარეკს ილორის ზარი და მორწმუნენი აანთებენ სავედრებელ სანთლებს სასწაულმოქმედი ტამრის ზატებთან... შეავედრებენ უფალს ცოდვილ მიწას და ხალხს, - ქრისტეს გზით მავალს.

ნიმუ აბაკელია

ისტორიის მეცნიერებათა კანდიდატი



ილორი



ბედია, ლიხნა, ბიჭვინთა...

შუა საუკუნეთა

კედლის მხატვრობის კვლევა

აფხაზეთის ტერიტორიაზე

აფხაზეთში, საქართველოს სხვა კუთხეების დარად, მრავლად შემორჩა ხელოვნების ძეგლები, რომლებიც მათ შემქმნელთა დიდი ოსტატობისა და ამ ძეგლების უმეტესი ნაწილის განსაკუთრებული გამორჩეულობის უტყვე მონუმენტი არიან. ხელოვნების ამ ნიმუშთა შორისაა ქართული კედლის მხატვრობა.

ბედია, ლიხნე, ბიჭვინთა... ძალზე მრავალმნიშვნელოვანია ეს სახელები მათთვის, ვინც ასეთ თუ ისე, იცნობს ჩვენი წარსულის ისტორიას და კულტურას. ამ ტაძრების მონათესაოებები ტოლს არ უდებენ შუა საუკუნეების ქრისტიანული სამყაროს გამორჩეულ ძეგლებს; ხოლო მათზე მრავალი საუკუნით ადრე შექმნილი ბიჭვინთის ცნობილი მოზაიკები, შუხუთის (გურია) და ძალისის (ქართლი) მოზაიკებთან ერთად, მოწმობენ, რომ ელინისტურ ხანაში საქართველოში იქმნებოდა მაღალი ხელოვნება, რომელიც, ერთის მხრივ, მეტყველებს ადგილობრივ ოსტატთა გამორჩეულ პროფესიონალიზმზე, მეორეს მხრივ კი, უტყუარი საბუთია იმისა, რომ ამ დროს საქართველოში კარგად ჰქონდათ გათავისებული ის მხატვრულ-ესთეტიკური მიეზანი და ამოცანები, ახლო აღმოსავლეთის სამყაროსთვის რომ იყო დამახასიათებელი.

როდესაც აფხაზეთის მონუმენტური მხატვრობის შესახებ ვსაუბრობთ, იმთავითვე უნდა აღვნიშნოთ, რომ მრავალი მონათესაობა, საქართველოს სხვა კუთხეების დარად, არც აქ შემორჩა. იგი დროთა განმავლობაში, სხვადასხვა მიზეზთა გამო დაიღუპა, განადგურდა; მაგრამ რაც შემორჩა, იმდენად მნიშვნელოვანი და მაღალი პროფესიული დონისაა, რომ მათ გარეშე შეუძლებელია ქართული კედლის მხატვრობის ევოლუციის სრული სურათის აღდგენა მთელ თხუთმეტ საუკუნეზე მეტი ხნის მანძილზე.

ბედიის ტაძრის ხსენებისას მკითხველს უმაღ

მოაგონდება მეფე ბაგრატ III, რომელმაც საფუძველი დაუდო ერთიანი, მძლავრი ქართული სახელმწიფოს შექმნას და რომელიც 1014 წელს მიებარა მშობლიურ მიწას მის მიერ აგებულ ამავე ტაძარში.

ბედიაში დღეისათვის, ცუდად დაცული (ფრაგმენტის სახით) მხატვრობის რამდენიმე ფენაა შემორჩენილი. პირველ, უძველეს ფენას XI საუკუნის (ვარაუდობენ, რომ ტაძარი აგებისთანავე უნდა მონათესაოებოდა, მიაკუთვნებენ თვით ბაგრატ III-ის პორტრეტს, წარმოდგენილს ტაძრის ინტერიერში, სამხრეთ კედელზე. დიდებული მეფის ფიგურა, ეკლესიის მოდელით ხელში მიგვანიშნებს, რომ იგი არამარტო მომხატველია ტაძრისა, არამედ მისი ამგებიც (პიროვნებას, რომელიც გაიღებდა სახსრებს ეკლესიის ასაგებად და მოსახატავად, დონატორს, ან ქტიტორს უწოდებდნენ). ბედიის ტაძრის შემთხვევაში, ქტიტორად სწორედ ბაგრატ III წარმოგვიდგება. სამწუხაროდ, მეფის გამოსახულება ძლიერ დაზიანებულია, მაგრამ გაირჩევა მისი გვირგვინი და სამეფო სამოსელი, კოლორიტი. ფიგურის აგებულია, მთლიანად სტილი ამ გამოსახულების შესრულებისა, უახლოეს ანალოგიებს XI საუკუნის ძეგლებთან, უპირველეს ყოვლისა კი, ატენის სიონში შემორჩენილ მეფეთა პორტრეტებთან პოულობს.

ბედიაში სხვა ისტორიულ პირთა გამოსახულებებიც შემორჩა. ჩრდილოეთ კედელზე გაირჩევა ოთხი ქტიტორის ფიგურა, რომელთაც რენე შმერლინგი, წერის მანერისა და წარწერების პალეოგრაფიული ანალიზის შედეგად, ბაგრატ III-ის პორტრეტთან ერთად, XI საუკუნის პირველ ნახევარს მიაკუთვნებს.

ტაძარი, შუა საუკუნეებში არსებული წესის თანახმად, მთლიანად იქნებოდა მონათესაო; სამწუხაროდ, დროის ქარტახილებმა არც იგი და-



ბედიის მონასტერი X-XI სს.

ახალგაზრდობაში ხშირად დავდიოდი მხაპრიციძეაში. ეს ჩემი დიდი აკადემია იყო. ვაბრუნდობა გიჟვინთა... ახალი უკვე ინგროლა, იატაკი, კოვლები სულ მოზაიკა იყო... პანსიონს, ერთხელ შრანგი მხატვრები მოვიდნენ, გარდინენ, ახალი კლიმატი მოზაიკური ხელთნება იშვიტად გვინახავსო. მართლაც დიდგულნი, ღრმად შთამბეჭდავია ეს ახალი, თუნდაც ამ ნანგრევებითაც.

ლადო გუდიაშვილი



წიგნი X-XI სს.

უდავოა, რომ ბიჭვინთის მოზაიკის ავტორები აღბი-
 ლობრივი ოსტატები არიან. შესაძლოა, ისინი დაუფლებულნი
 იყვნენ რომელიმე დიდი ცენტრის, კთხვამთ, აალუსტინის
 სამხატვრო სკოლის არინდობას... და ეს მათ ნაკუთვარში, ასე
 თუ ისე, იბრუნება, მაგრამ ამრიგად ისინი ინარჩუნებენ
 საკუთარ სტილსა და ხასიათს. ბიჭვინთის მოზაიკა თავის
 გამოკახილს პართულ სინაგოგებში ათულობს (ატანი, ვაგულ-
 და და სს).

ბიჭვინთისა და მისი შემდგომი პერიოდის მოზაიკის შეს-
 დავლის საფუძველზე ირკვევა, რომ აფხაზეთში ხელოვნების ეს
 დარგი მაღალ დონეზე მოვიდა განვითარებული. არსებობს
 იმის საფუძველი, რომ ამ აღბილობრივი სამხატვრო ცენტრის
 არსებობა.

ლ. შარვაშიძე

ინდო. მისი ფერწერული დეკორი დღეს ფრაგმენტების სახითაა შემორჩენილი. ამ მონატულობის შესახებ წერდნენ სხვადასხვა ავტორები - ნინა ტოლმაჩეკსკაია, შალვა ამირანაშვილი, რენე შმერლინგი, თინათინ ვირსალაძე, ვიქტორ ლაზარევი და სხვანი. ბედიის მონატულობას და, საერთოდ აფხაზეთის ტერიტორიაზე შემორჩენილ მონუმენტური ფერწერის ძეგლებს საგანგებო გამოკვლევა მიუძღვნა ლ. შარვაშიძემ.

სხვა ტაძრების დარად, ბედიის ტაძარი, დროთა მსვლელობაში, ხელახლა მოიხატებოდა ხოლმე იმ ადგილებში, რომელთაც დრო თავის კვალს აჩნევდა. აქ მონატულობის სამი ფენაა. ზემოთ ნახსენები I ფენის გარდა, უნდა აღინიშნოს გარკვეული ჯგუფი. ესენია ეკლესიის მამები და "სამების" გამოსახულება - საკურთხეველში, ჩრდილოეთ და დასავლეთ კედლებზე შემორჩენილი ფრეზები მედალიონებით, რომლებშიც მოწამეთა ნახევარფიგურებია ჩაწერილი. აგრეთვე, სამხრეთის კედელზე შემორჩენილი "ქრისტე და სამარტელი დედაკაცი" და "ბრძის განკურნება". ეს გამოსახულებები ტაძრის განახლების ეპოქას - XIII-XIV საუკუნეებს უნდა ეკუთვნოდეს (დაწვრილებით ამის შესახებ იხ. ლ. შარვაშიძის წიგნში). III ფენას მიაკუთვნებენ ისტორიულ პირთა გამოსახულებებს. ესენია დედოფალთ-დედოფალი მარის და მანდატურთუხუცესი გიორგი დადიანი. ხუთსტრიქონიანი წარწერა, ამ გამოსახულებებს რომ ახლავს, ამ ტაძარში შემორჩენილ ყველა სხვა წარწერის დარად, შესრულებულია ლამაზი ქართული ასომთავრულით. ეს ფენა რენე შმერლინგმა XVI საუკუნეს მიაკუთვნა. იგი თვლის, რომ ესენი უნდა იყვნენ ლევან I დადიანის მეუღლე და ვაჟი. როგორც ჩანს, ბედიის ტაძარში სიცოცხლე საუკუნეთა მანძილზე არ ჩამკვდარა. არც წირვა-ლოცვა შეწყვეტილა, ხოლო ეკლესიის მამები გამუდმებით ზრუნავდნენ ტაძრის გამშვენებასა და განახლებაზე. ამ ზრუნვის უტყუარი საბუთია ამ განმახლებელთა პორტრეტები, რომლებსაც ქართული ისტორიული პორტრეტების გალერეაში მეტად მნიშვნელოვანი ადგილი განეკუთვნება.

ლიხნეს ღვთისმშობლის ტაძარში მხატვრობა შედარებით უკეთ შემორჩა, თუმცა, მაინც ფრაგმენტების სახით მოაღწია. აქ დაცული გამოსახულებების ნუსხა ზოგადად ასე გამოიყურება: საკურთხეველის კონქში წარმოდგენილი იყო ტახტზე მჯდომი ღვთისმშობელი ყრმით და ორივე მხარეს მთავარანგელოზები. ქვემოთ, სამ რეგისტრად წარმოდგენილ დეკორში, ზედა რეგისტრის ცენტრალური არე დათმობილი აქვს ზიარების თემას. მის ორსვე მხარეს, ჩრდილოეთით და სამხრეთით, ვხვდავთ მენელსაცხებლე დედებს ქრისტეს საფლავთან და უკვე აღმდგარ მაცხოვარს ორ წმიდა დედას შორის. შუა რეგისტრში

წარმოდგენილია "აბრაამის სტუმართმოყვარეობა" (ბედიამიც "წმიდა სამება" ამ ვერსიითაა წარმოდგენილი) და "სჯულის კიდობანი". ქვედა რეგისტრში შემორჩენილი ეკლესიის მამების გამოსახულებების ფრაგმენტებით უნდა ვიფიქროთ, რომ აქ გამოსახული უნდა ყოფილიყო მსხვერპლის თაყვანისცემა. აქვე საკურთხეველში წარმოდგენილია აბრაამის მიერ ისააკის მსხვერპლად მიტანის ეპიზოდი. სიუჟეტების მხოლოდ ჩამოთვლაც კი მიუთითებს, რომ აქ ხაზგასმული იყო მსხვერპლის თემა, რომელიც ქრისტემ გაიღო ადამიანთა მოდგმის გამოსახსნელად. ეს თემა კიდევ უფრო გამაზვიანებელია ქრისტეს ბიბლიური პირველსახის (იგულისხმება აბრაამის მსხვერპლი) აქვე მოტანით. მსგავსი ანალოგიები ჩვეულებრივი მოვლენაა შუასაუკუნეთა ქრისტიანულ მხატვრობაში.

ლიხნეს ტაძრის დასავლეთ ნაწილში წარმოდგენილი "ღვთისმშობლის მიძინების" გამოსახულება, რომელშიც ჩართულია "ღვთისმშობლის ამაღლება" - როგორც ამ გამოსახულების დეტალი, მოგვაგონებს ანალოგიურ სურათს წალენჯიხის მაცხოვრის ტაძრის მონატულობიდან (1384-1346 წწ). ეს დეტალი საკმაოდ იშვიათია და წინა საუკუნეებში მას საქართველოში თითქმის არ ვხვდებით. სხვა შემორჩენილ გამოსახულებათა შორის უნდა მოვიხსენიოთ ქრისტეს ცხოვრების ამსახველი ფრაგმენტები: - ნაეში, ქრისტე გუმბათქვეშა პილასტრებზე, იოანე ნათლისმცემელი და ღვთისმშობელი, აგრეთვე, განკითხვის დღის და ისევ იოანე ნათლისმცემლის ციკლის ფრაგმენტები, ცალკეულ წმიდანთა გამოსახულებები. ესაა ბრწყინვალე მხატვრობა.

მართალია, ლიხნეში ქტიტორთა პორტრეტები არ შემორჩენილა, მაგრამ მისი სტილისტურ-იკონოგრაფიული ანალიზის საფუძველზე ეს მხატვრობა XIV საუკუნის შუა ხანებითაა დათარიღებული. თუმცა აქაც შეიმჩნევა უფრო ადრეული ფენის ფრაგმენტები. ესაა ხანა, როდესაც საქართველოში უკვე გავრცელებულია (XIII საუკუნის დასასრულიდან) და ფართოდაა დამკვიდრებული ე.წ. პალეოლოგთა ხელოვნების ნორმები (ეს სახელწოდება ბიზანტიის ხელოვნების ამ ბოლო აყვავების პერიოდმა იმპერიის დაცემის წინ მმართველი დინასტიის სახელის მიხედვით მიიღო). სწრაფვა ბიზანტიისაკენ, მასთან სიახლოვე ხშირად ასაზრდოებდა ქართულ მხატვრულ აზროვნებას და აქედან გამომდინარე, იმ ნორმებსაც, რომლებითაც ხელმძღვანელოდნენ ეკლესიის მონატვისას როგორც დამკვეთნი, ასევე მომხატველები. ასეთი შესისხლხორცება ამ ნორმებისა საქართველოს ისტორიისათვის იმ უძძიმეს პერიოდში, როგორც XIV-XV საუკუნეები იყო, მოწმობს, რომ სწრაფვა ახლისაკენ, უმაღლესისაკენ ჩვენში ყველა დროში შეინიშნებოდა. ლიხნეს



მხატვრობა, ბრწყინვალე, ჰარმონიული კოლორი-
ტით, ფერადოვანი ლაქის დამუშავების დახვე-
წილი სტილით ამ დროის საქართველოდან შე-
მორჩენილ სხვა მოხატულობებთან ერთად
(წალენჯიხა, სორი, უბისი, მარტვილი, საფარა,
ხობი, ნაბახტევი და სხვ.) ქართული კედლის
მხატვრობის ერთ მნიშვნელოვან ეტაპს ქმნის. სა-
ინტერესოა, რომ ლიხნეში, ისევე, როგორც ამ
პერიოდის სხვა ქართულ ძეგლებში, ასომთავრულ
წარწერებთან ერთად ბერძნულიც გვხვდება. შეიმ-
ჩნევა ერთი დეტალიც: - წმიდანთა სახელების,
თუ გამოსახულებათა განმმარტავი წარწერები უმ-
ეტესად ქართულია, გრაგნილებზე კი ხშირად
ბერძნული ტექსტი გვხვდება.

ლიხნეში, ისევე, როგორც სხვა ამ ხანის ძეგ-
ლებში, ელინისტური ნორმების ზეგავლენა ჩანს.
ეს განსაკუთრებით წერის მანერაში ივრძნობა.
ნიმუშად შეიძლება მოვიტანოთ წმიდა მოწამე
პლატონის გამოსახულება.

სხვა, აქ შემორჩენილ მოხატულობათაგან მნი-
შვნელოვანია ბიჭვინთის ტაძრის ეკვდერის მხა-
ტვრობა. თინა ყაუჩიშვილმა ერთ-ერთი წარწე-
რის (სადაც მოხსენიებულია კათალიკოსი ევდე-
მონი) ამოკითხვის საფუძველზე ეს მხატვრობა
XVI საუკუნის მეორე ნახევრით დაათარილა.
საერთოდ, საქართველოში მრავლად შემორჩენილი
ეკვდერების მოხატულობა მეტად საინტერესო მა-
სალას იძლევა მკვლევარისათვის. ამ მხრივ გამ-
ონაკლისს არც ბიჭვინთის ეკვდერი წარმოადგენს.
შინაარსი ამ მოხატულობისა მიესადაგება თვით
ნაგებობის დანიშნულებას: - ჯვარცმა, გარდამო-
ხსნა, აღდგომა და სხვ. ესაა გამოსახულებები,
რომლებიც წარმოდგენილია ბიჭვინთში და რო-
მელთა, საერთოდ, ეკვდერებში ენებათ. აქ
წარმოდგენილია სურათები იმ ვენებებისა, რომ-
ლებიც მიიღო იესო ქრისტემ. ეკვდერებში ქრის-
ტეს ჯვარცმისა და აღდგომის ეპიზოდებს ხში-
რად დაერთვის ხოლმე განკითხვის დღისა და



ბაღიის ოძროს ბარძიმი



მაცხოვრის მსხვერპლთან დაკავშირებული ბიბლიური პირველსახეები.

ბიჭვინთის ეკვდერის მოხატულობა, ერთის მხრივ, აგრძელებს იმ ტრადიციებს, რაც ქართულ ეკვდერებს ახასიათებდა საერთოდ (საკმარისია მოვიგონოთ ხობში ოდიშის მთავრის გამეფ I დადიანის ეკვდერი, ლასურიძეთა საგვარეულო ეკვდერი საფარაში; აგრეთვე, მრავალრიცხოვანი ეკვდრები გელათში თუ სხვაგან). რაც შეეხება სტილს, ბიჭვინთის ეკვდერის მოხატულობა უახლოეს ანალოგიებს ათონის მთის ძეგლებთან პოულობს. XV საუკუნის შუა ხანებიდან, 1453 წელს თურქთა მიერ კონსტანტინოპოლის აღების შემდეგ, ათონის სკოლა უკვე იმ ნორმების დამაკანონებელ ცენტრად იქცა, საიდანაც მასაზრდოებელ იმპულსებს იღებდნენ აღმოსავლეთ ქრისტიანული სამყაროს სხვადასხვა ქვეყნების მხატვრები.

ეს მოკლე მიმოხილვაც აფხაზეთის ტერიტორიაზე შემორჩენილი კედლის მხატვრობის ძეგლებისა გვარწმუნებს, რომ აქ, საქართველოს სხვა კუთხეების დარად, იყო მნიშვნელოვანი მხატვრული ცენტრები, რომელთა ქმნილებები ჩვენი წარსული კულტურის განუყოფელი ნაწილია.

ინგა ლორთქიფანიძე

ხელოვნებათმცოდნეობის დოქტორი

სამწუხაროდ, საშუალება არა გვაქვს, მკითხველს მივაწოდოთ ამ ფრესკათა ამსახველი ნიმუშები. ჩვენ ვერ შევძელით მათი მოძიება. უხარისხო აღმოჩნდა კველა ფოტო, რომელიც კი მუზეუმსა თუ კერძო პირებთან განხეთ. (რედ.)

საქართველო - აფხაზეთის

აფხაზური



დიდი ტრაგედია დატრიალდა აფხაზეთში. დღეს ძნელია მისცე ამომწურავი ანალიზი ყოველივე მომხდარს, მაგრამ ერთ რამეზე ცალსახა პასუხის გაცემა იმთავითვე შეიძლება: აფხაზური ნაციონალ-სეპარატისტული მოძრაობის შესვერებმა ყველაფერი იღონეს და მიაღწიეს კიდევაც იმას, რომ აფხაზს ქართველში დაენახა არა მოძმე და მოყვარე, არამედ მტერი, რომელიც არც მეტი, არა ნაკლები, "ართმევს" მას სამშობლოს და, საერთოდ, ყოველგვარ ისტორიულ პერსპექტივას "უკარგავს". ეს ერთბაშად არ მომხდარა, რასაკვირველია. ეგ არის შედეგი იმ ადვირახსნილი ანტიქართული პროპაგანდისა, რომელსაც ასე გამიზნულად და თანმიმდევრულად ეწეოდნენ აფხაზი ნაციონალ-სეპარატისტები უკანასკნელი ათწლეულების განმავლობაში.

ამ ფართო მასშტაბის ანტიქართულ კომპანიაში განსაკუთრებული მნიშვნელობა ენიჭებოდა ისტორიის ფალსიფიკაციას. სწორედ ისტორიული სიმაართლის გაყალბებას ეკავა გამორჩეული ადგილი ნაციონალ-სეპარატისტთა პოლიტიკურ და იდეოლოგიურ არსენალში. უფრო მეტიც, ვარძინბას ხელისუფლებაში მოსვლის შემდეგ ისტორიის ფალსიფიკაცია საერთოდ სახელმწიფო პოლიტიკის რანგში იქნა აყვანილი. საქართველო-აფხაზეთის ისტორიის გაყალბების საქმეში სეპარატისტულად განწყობილ აფხაზ მეცნიერ-პოლიტიკოსებს ერთგულად ედგნენ მხარში იმპერიულ-მოვიინისტური სულისკვეთებით გაფლენილი რუსი ისტორიკოსები, რომლებიც არაფრით ჩამორჩებოდნენ თავიანთ აფხაზ კოლეგებს. ჩვენი ქვეყნის წარსულის ძაგება-განქიქებაში და ყველაფერს აკეთებდნენ იმისათვის, რომ წაშლილიყო ქართველთა ისტორიული კვალი დღეგანდელი აფხაზეთის ტერიტორიაზე. ჩვენ შევეცდებით მხოლოდ ზოგადად მიმოვიხილოთ იმ ისტორიკოსთა ნაშრომები, რომლებმაც გარკვეული ეტაპები შექმნეს სეპარატისტული იდეოლოგიის ისტორიოგრაფიულ უზრუნველყოფაში.

პირველ რიგში დავაზუსტოთ ცნება "აფხაზური ისტორიოგრაფია". ამ ცნებაში ჩვენ ვგულისხმობთ არა აფხაზეთში მცხოვრებ ისტორიკოსთა ნაშრომებს, მთლიანად - თავისთავად ეს საერთო-ქართული ისტორიული მეცნიერების შემადგენელი

ნაწილია - არამედ მხოლოდ იმ ვაი-ისტორიკოსთა ნაცოდვილარს, რომლებმაც თავისი "მეცნიერული" საქმიანობა ჩააყენეს აფხაზური ნაციონალ-სეპარატისტული მოძრაობის სამსახურში.

აფხაზური სეპარატისტული ისტორიოგრაფიის ჩამოყალიბება XX ს. 20-იანი წლებიდან იწყება, როდესაც გამოქვეყნდა ცნობილი აფხაზი მოღვაწის ს. აშხაწავას ბროშურა: "Пути развития абхазской истории" (1925 წ.). მას საფუძვლად დაედო ს.აშხაწავას მიერ მზარეთმცოდნეთა ყრილობაზე (ჩატარდა სოხუმში 1921 წ.) წაკითხული მოხსენება. აღნიშნულ ბროშურაში სრულიად თავდაყირაა დაყენებული საქართველოს ისტორია. ავტორი ყოველმხრივ ცდილობს რა აფხაზ ტომთა პოლიტიკურ-კულტურული როლის წარმოჩენას კავკასიასა და მახლობელ აღმოსავლეთში, ფაქტობრივად, საქართველოს ძველი და შუა საუკუნეების პერიოდის ისტორიას აფხაზების კუთვნილებად აცხადებს. და მათვე მიაწერს ქართული ქრისტიანული ცივილიზაციის შექმნასაც. მისი მტკიცებით, ქართველები გვიანდელ შუა საუკუნეებში (თითქმის ვახტანგ VI ეპოქაში) დაეპატრონენ იმას, რასაც საუკუნეების მანძილზე ასე მონდომებით ქმნიდნენ თურმე აფხაზები (მათ შორის დამწერლობასაც). ს.აშხაწავას ამ "ნაშრომის" მთავარი მიზანი იყო აფხაზი ხალხის "ისტორიოგრაფიული დამოუკიდებლობა", იმის შთაგონება, რომ აფხაზები წარმოადგენენ აფხაზეთის (და არა მარტო აფხაზეთის) ერთადერთ მკვიდრ მოსახლეობას თავიანთი მდიდარი და სახელოვანი ისტორიით, რომლის მითვისებაც ცდილობენ ქართველები.

ს.აშხაწავას "ნაშრომის" შექმნა არ იყო შემთხვევითი მოვლენა. ეს ერთგვარი პოლიტიკური დაკვეთა იყო ბოლშევიკური აფხაზური ელიტის მხრიდან, რომელმაც 1921 წლის გაზაფხულზე მიაღწია "დამოუკიდებელი" აფხაზეთის საბჭოთა რესპუბლიკის გამოცხადებას. "დამოუკიდებელ" აფხაზეთს, ბუნებრივია, დამოუკიდებელი ისტორია ესაჭიროებოდა, ისეთი ისტორია, რომელსაც არაფერი ექნებოდა საერთო საქართველოსთან და ქართველებთან. ს.აშხაწავამაც არ დააყოვნა და შეასრულა ეს პოლიტიკური დაკვეთა. სამწუხაროა მხოლოდ ის, რომ ამ პოლიტიკური დაკ-

ისტორიული წარსული

"ისტორიობრაფიაში"



ვეთის რეალიზაციას ხელი შეუწყო აკად. ნ. მარმა, რომელმაც არა თუ არ გაილაშქრა ს.აშ. ხაწავას ნაბოღვარის წინააღმდეგ, არამედ თავისი წინასიტყვაობით მწვანე შუქი მისცა მის გამოქვეყნებას.

აქვე უნდა აღვნიშნოთ, რომ ს. აშხაწავა არ იყო პირველი, ვინც საქართველო-აფხაზეთის ისტორიული ერთობის უარყოფასა და აფხაზეთის დანარჩენ საქართველოსაგან მოწყვეტას შეეცადა. ამგვარი ამოცანა უფრო ადრე რუსეთის იმპერიულ-შოვინისტურმა წრეებმა დაისახეს. როგორც ცნობილია, XIX საუკუნის 70-იანი წლების მიწურულიდან, მას მერე, რაც ცარიზმმა სისხლში ჩაახშო "აფხაზური წინააღმდეგობა" და მხარის ეთნიკური წმენდა "მუჰაჯირების" ორგანიზებით დაასრულა, რუსეთის იმპერიის მესავეურები შეუდგნენ აფხაზეთის "იდეოლოგიურ ათვისებასაც". სწორედ მაშინ იშვა პირველად აფხაზთა ქართველებისაგან ჩამოცილებისა და ე.წ. "რუსული აფხაზეთის" შექმნის იდეა. ამ იდეის რეალიზაციას ემსახურებოდა ხელისუფლების მიერ განათლებისა და კულტურის სფეროში გადადგმული ნაბიჯები, პირველ რიგში კი რუსული ანბანის საფუძველზე აფხაზური დამწერლობის შექმნა, რაც, მათი აზრით, უნდა ქცეულიყო. "Средством к ослаблению ... потребности в грузинском языке". იგივე ამოცანა იდგა რუსეთის საეკლესიო კლერიკალური წრეების წინაშე. ისინიც ყოველმხრივ ცდილობდნენ აფხაზეთის მოწყვეტას საქართველოს ეკლესიისაგან. ამ კლერიკალურ-შაგრაზმულ წრეში XX ს. დამდეგს (1907 წ.) შეიქმნა ბროშურა საკამაოდ გამომწვევი სათაურით: "Абхазия, это не Грузия", რომლის ავტორი იყო ვინმე ლ. ვორონოვი. აღნიშნულ "ნაშრომში" ავტორი ცდილობს დაამტკიცოს, რომ აფხაზეთი არასოდეს არ ყოფილა საქართველოს ორგანული ნაწილი, არც პოლიტიკურად და არც კონფესიურად. მისი აზრით, ქართველები აფხაზთათვის ისეთივე დამპყრობლები არიან, როგორებიც იყვნენ თავის დროზე რომაელები, ბერძნები, თურქები და ა.შ. ლ. ვორონოვი ქართველებს ადანაშაულებს იმაშიც, რომ მათ აფხაზებს იმთავითვე არ შეუქმნეს საკუთარი დამწერლობა და არ უთარგმნეს მშობლიურ ენაზე ქრისტიანული

ლიტერატურა და აქვე, სთავაზობს მათ უანგარო დახმარებას. მისი აზრით, უმჯობესია აფხაზეთმა ეკლესიაში დაამკვიდრონ სლავური ენა, რომელსაც, "გონებაშეზღუდული" ქართველებისაგან განსხვავებით, "ბუნებით პოლიგლოტი" აფხაზები იოლად შეითვისებენ და გავლენ "განათლების ფართო გზაზე". ამ კეთილშობილურ განზრახვას კი ხელს უშლის ეპისკოპოსი კირიონი, რომელიც ტიპური ნაციონალისტია და აფხაზეთში ქართული ენის შემოღებით ცდილობს გზა დაუხშოს სლავურის დამკვიდრებას. ლ. ვორონოვის მტკიცებით, საქართველოს დამოუკიდებლობის აღდგენა დამლუპველი იქნება აფხაზეთისათვის. ეს თურმე ხელს შეუშლის ქრისტიანობის გავრცელებას წარმართ და მუსლიმან აფხაზებს შორის. ავტორი ასკენის, რომ აფხაზეთი XIX ს. დამდეგიდან რუსეთის ნაწილია და იგი ეკლესიურადაც მას უნდა ექვემდებარებოდეს და არა საქართველოს.

ქართველებისაგან "დანაგრული" აფხაზი ხალხის რუს "მეგობარ-დამცველთა კოორტას" ამშვენებს ე.წ. "ყუბანის მთავრობის" წევრი ნ. ვორონოვი, რომელმაც 1919 წ. დონის როსტოვში გამოსცა წიგნაკი სათაურით; "სოხუმის ოლქზე (აფხაზეთზე) საქართველოს უფლებების განცხადების უსაფუძვლობის შესახებ". ავტორი აელენს რა სრულ უეცრობას საქართველო-აფხაზეთის ისტორიის საკითხებში, საქართველოს დემოკრატიული რესპუბლიკის მთავრობას მიაწერს ქართველთათვის "სრულიად არამონათესავე აფხაზეთის ხალხის ჩაყლაპვის მცდელობას. ნ. ვორონოვი, ყოველგვარი არგუმენტაციის გარეშე, აცხადებს, რომ გაგრა (თავისი შემოგარენით) არასოდეს არ შედიოდა საქართველოს სახელმწიფოში, რომ არ არსებობს გაგრის საქართველოსადმი კუთვნილების არც ეთნოგრაფიული და არც ისტორიული საბუთი. "ჩვენ, "აცხადებს ნ. ვორონოვი - ვერ დაეთმობთ რუსეთის მიწა - წყალს, როგორიცაა

სოჭისა და გაგრის ოლქები (ხაზგასმა ჩვენია - ზ.პ.).

რასაკვირველია, ლეონორიისა და ნეკრობი-ოვის "ნაშრომებს" ისტორიოგრაფიული თვალსაზრისით არავითარი ღირებულება არც მაშინ ჰქონდათ და, ბუნებრივია, არც დღეს აქვთ. მიუხედავად ამისა, აფხაზმა ნაციონალ-სეპარატი-სტებმა ამ ბოლო დროს ორივე ეს ნაშრომი სა-ხელდახელოდ გამოსცეს და დიდი მონდობით დაიწყო მათი რეკლამირება. უფრო მეტიც, თანამედროვე აფხაზური სეპარატიზმის ერთ-ერთმა იდეოლოგმა - ისტორიკოსმა სტ. ლაკობამ 1990 წელს გამოსცა მონოგრაფია "Очерки политической истории Абхазии", რომელშიც 1918-1919 წლების ისტორიული მოვლენები მთლიანად ნეკრობიოვის მიხედვით გააშუქა.

XX ს. ოციან წლებში (1925 წ.) თბილისში რუსულ ენაზე გამოვიდა აფხაზური ლიტერატურის ფუძემდებლის, დიმიტრი გულაის წიგნი "История Абхазии" (ტ.1), რომელიც ავტორის თქმით იყო: "Первым камнем, брошенным в спокойную гладь научного равнодушия", და რომელსაც უნდა გამოეღვიძებინა მკვლევართა ინტერესი აფხაზეთის ისტორიული წარსულის მიმართ. მიუხედავად დ.გულაის ამ შეგონებისა და, უფრო ადრე, ს.აშხაწყაის ენერგიული მცდელობისა, თითქმის 50-იანი წლების დამდგამდე საკუთრივ აფხაზეთის ისტორიის შესწავლა ეპიზოდურ ხასიათს ატარებდა. არსებული პოლიტიკური მდგომარეობა არ აძლევდა საშუალებას მონაციონალისტო მეცნიერებს, ფრთები შეესხათ სეპარატი-სტული ისტორიოგრაფიის შექმნის იდეისათვის.

XX ს. 50-იან წლებში, ი. სტალინის გარდაცვალების შემდეგ, ე.წ. ხრუშჩოვის "Оттепель"-ის პერიოდში, ხელსაყრელი პირობები შეექმნა სეპარატი-სტულ იდეოლოგიას. მთელი ძალით ამოქმედდა დ.გულაის სახ. აფხაზური ენის, ლიტერატურისა და ისტორიის პრობლემების სისტემური დამუშავება. შეიქმნა შრომები არქეოლოგიაში, ეთნოგრაფიაში. აფხაზ ტომთა ისტორიული ფესვების ძიებას მიუძღვნა არაერთი ნაშრომი აფხაზური არქეოლოგიის პატრიარქმა მ. ტრაპშმა, რომლის შრომებსაც წითელ ზოლად გასდევს აფხაზთა პრიორიტეტის ჩვენება დღევანდელი აფხაზეთის ტერიტორიაზე უხსოვარი დროიდან. არანაკლებ ნაყოფიერად ამ მიმართულებით იმუშავა აფხაზური ეთნოგრაფიული სკოლის მამამთავარმა შ. ინალ-იფამ, რომელმაც თავისი ადრინდელი ნაშრომები შეაჯამა ვრცელ მონოგრაფიაში "Абхазы" (1960). აღნიშნული შრომები თვისობრივად ახალი ეტაპი იყო სეპარატი-სტული იდეოლოგიის უზრუნველყოფის საქმეში. თავიანთ უბადრუკ წინამორბედებთან შედარებით 50-60-იანი წლების ისტორიკოსები (მ. ტრაფში, შ. ინალ-იფა და სხვ.) უღაოდ გამოირჩეოდნენ თავ-

იანთი პროფესიული მომზადებით.

ამ პერიოდში აფხაზთა და აფხაზური ისტორიის "შეგობრების" რიცხვს კიდევ ერთი "მოღვაწე" შეემატა. ეს იყო იაფფასიანი სენსაციების მოყვარული ლენინგრაფელი პროფესორი გ. ტურჩანინოვი, რომელმაც ე.წ. "მაიკოპის ფილის" წარწერა თანამედროვე აფხაზურ ენაზე გაშიფრა და ამის საფუძველზე მსოფლიო აღმოჩენა გააკეთა. გ. ტურჩანინოვის მტკიცებით, აფხაზებს უძველეს დროში (ძვ.წ. III-II ათასწლეულებში) ეკავათ არა მარტო დღევანდელი აფხაზეთის ტერიტორია, არამედ დასავლეთი კავკასია მთლიანად; რასაკვირველია, კოლხეთის ჩათვლით. ამ აფხაზებმა შექმნეს უძველესი ცივილიზაცია (მათ შორის ე.წ. "კოლხური კულტურა", რომლის შემქმნელებად, საყოველთაო აზრით, ითვლებიან კოლხ-ქართველები და სხვა ქართველური ტომები: მაკრონები, სასპერები, ტიბარელები და სხვ.) და კაცობრიობას შეუქმნეს უძველესი (ფინიციელებზე ადრე) ანბანი. აღსანიშნავია, რომ გ. ტურჩანინოვის ეს "ნაზრები" იმთავითვე სასაცილოდ აიგდეს თვით რუსმა მეცნიერებმა. მიუხედავად ამისა, აფხაზი ისტორიკოსები და განსაკუთრებით მწერალ-ფილოლოგები, არც თუ ისე იშვიათად, მაინც გამოხატავენ ერთგვარ სიამაყეს "მაიკოპური დამწერლობის" გამო. ყველაზე თვალსაჩინოდ ეს გამოამჟღავნა მწერალმა გიორგი გულიამ, რომელმაც თავის დროზე, ამ ფაქტს (გ. ტურჩანინოვის "აღმოჩენას") აღფრთოვანებული ნარკვევების მთელი სერია მიუძღვნა. 80-იანი წლების მიწურულსა და 90-იანი წლების დამდეგს აფხაზურმა ტელევიზიამ და სეპარატი-სტულმა პრესამ ჯეროვანი პატივი მიაგო გ. ტურჩანინოვის "ღვაწლს" აფხაზური ისტორიისა და კულტურის კვლევის საქმეში და ის ანტიქართული ისტერიის გასაღვივებლად გამოიყენა.

50-60-იანი წლების სეპარატი-სტული ისტორიოგრაფიის ერთგვარ შეჯამებას წარმოადგენდა შ.ინალ-იფას გახმაურებული წიგნი: "Вопросы этнокультурной истории Абхазии", რომელიც გამოიცა 1976 წ.სოხუმში. ეს წიგნი მისი დაქორავებული რედაქტორის - რუსი აკადემიკოსის ცნობილი ეგვიპტოლოგის, მ.როსტოცკევის აზრით, არც მეტი, არც ნაკლები, "Своего рода энциклопедия по проблемам этногенеза и культурно-политической истории Абхазов". შ.ინალ-იფა სერიოზულ პრეტენზიას აცხადებს საკვლევი თემის და, პირველ რიგში, აფხაზთა ეთნოგენეზისის საკითხის ყოვლისმომცველ გამოკვლევაზე და ერთბაშად გვევლინება სულ ცოტა არქეოლოგის, ანთროპოლოგის, ენათმეცნიერის, ისტორიკოსისა და ეთნოგრაფის როლში. შ.ინალ-იფას ეს ნაშრომი ტიპური ნიმუშია იმისა, რასაც პირობითად შეიძლება მეცნიერებაში პროვინციულობის გამოვლინება ეწოდოს. შ.ინალ-იფას

მთავარი მიზანია იმის დამტკიცება, რომ აფხაზები და მხოლოდ აფხაზები წარმოადგენენ აფხაზეთისა და მთლიანად აღმოსავლეთ შავიზღვისპირეთის ერთადერთ მკვიდრ მოსახლეობას "Не разделяя ни скем свою аборигенность". ავტორის მტკიცებით, აფხაზები მთელი ისტორიის მანძილზე არა თუ ინარჩუნებდნენ თავის ისტორიულ მეობას, არამედ ხშირ შემთხვევაში, თამაშობდნენ გადაწყვეტ როლს კავკასიისა და მახლობელი აღმოსავლეთის კულტურულ-პოლიტიკურ ცხოვრებაში. შინალ-იფას წიგნიდან აშკარად იკვეთება აზრი, რომ ე.წ. "კოლხური კულტურის" პერიოდში (ძვ.წ. XIV-VII სს.) აფსუა-აფხაზთა განსახლება მოიცავდა არამარტო დღევანდელი აფხაზეთის ტერიტორიას, არამედ, მთლიანად კოლხეთს. აფხაზურ ტომებადაა გამოცხადებული უკლებლივ ყველა ის ტომი (კორაქსები, ჰენიოხები, სანიგები, აფხილები, აბაზგები, მისიმიანები), რომლებიც დაფიქსირებული ჰყავთ ანტიკური ხანის ბერძენ და რომაელ ავტორებს დღევანდელი აფხაზეთის ტერიტორიაზე. უფრო მეტიც, ერთგვარი სიფრთხილით, მაგრამ მაინც უშვებს კოლხთა აფხაზობას საერთოდ. შინალ-იფას აზრით, აფსუა-აფხაზთა პრიორიტეტი აფხაზეთ-დასავლეთ საქართველოში აშკარაა გვიან ანტიკურ ხანაში და ადრეულ შუა საუკუნეებშიც. VIII - X სს. "აფხაზთა" სამეფო მიჩნეულია ნაციონალურ სახელმწიფოებრივ გაერთიანებად, აფხაზური ეროვნული ეკლესიითა და პოლიტიკური მისწრაფებებით. შინალ-იფა ზერეულდ გვიდება XI-XII საუკუნეების უცხოურ (ბიზანტიურ, სომხურ, აღმოსავლურ, ძველ-რუსულ) წყაროებში დაფიქსირებულ ცნობებს "აფხაზეთზე" ("აბაზგა", "აბაზა", "ობეზი" და ა.შ.) და მათში დაცულ ინფორმაციას სრულიად უკრიტიკოდ ავრცელებს მხოლოდ დღევანდელ აფხაზეთსა და აფხაზეთზე. ასე კეთდება შორს მიმავალი და ამასთან, აბსოლუტურად დაუსაბუთებელი დასკვნები საკუთრივ აფხაზეთის (დღევანდელი გაგებით) და აფსუა-აფხაზეთის მნიშვნელოვან როლზე მეზობელი ქვეყნების (ბიზანტია, ძველი რუსეთი და ა.შ.) კულტურულ-პოლიტიკურ ცხოვრებაში (მაგალითად: იოანე პეტრიწის აფხაზ ფილოსოფოსად მიჩნევა, ან კიევის სოფიის ტაძრის მოხატვა ეროვნებით აფხაზი ოსტატების მიერ აფხაზეთიდან ჩატანილი სამოზაიკო მასალით და სხვ.). შინალ-იფა ამჟღავნებს აბსოლუტურ უეცობას საკვლე თემასთან დაკავშირებული ცალკეული საკითხების ირგვლივ. დილტანტურია მისი დაკვირვებები ენობრივ მასალაზე, ტოპონიმისა და ანთროპომიკაზე.

შინალ-იფას წიგნმა იმთავითვე გამოიწვია საზოგადოებრიობის ინტერესი. 1977 წლის გაზაფხულზე დგულის სახელობის აფხაზური ენის, ლიტერატურისა და ისტორიის ინსტიტუტმა

მოაწყო მისი განხილვა სპეციალისტთა ვიწრო წრეში, რომელზედაც პრაქტიკულად ყველა გამოცხადდა (ზ.ანჩაბაძემ, გ.ძიძარამ, ზ.ბლაჟბამ, გ.შამბამ, ი. ვორონოვმა, ზ. პაპასკირმა და სხვ.) მკაცრად გააკრიტიკა ავტორი მის მიერ წამოყენებული მთელი რიგი დაუსაბუთებელი დებულებებისა და დასკვნების გამო. ადგილობრივმა გაზეთებმა გამოაქვეყნეს ვრცელი ანგარიში ამ განხილვის შესახებ. შინალ-იფას წიგნმა გამოხმაურება ჰპოვა თბილისშიც. ქართველმა მეცნიერებმა (მ.ლორთქიფანიძემ, ო.ჯაფარიძემ, დ.მუსხელიშვილმა და სხვ.) გააანალიზეს აღნიშნული ნაშრომი და წარმოადგინეს კვალიფიციური დასკვნები, რომელთა პუბლიკაცია, სამწუხაროდ, იმ პერიოდში ვერ მოხერხდა. ყოველივე ამან აღაშფოთა სეპარატისტულად განწყობილი აფხაზური ინტელიგენცია, რომელმაც შინალ-იფას ნაშრომის კრიტიკულ განხილვაში აფხაზური ისტორიისა და კულტურის "მორიგი დევნა" დაინახა. თანდათანობით დაიძაბა საზოგადოებრივ-პოლიტიკური სიტუაცია, რაც შემდგომ 1978 წლის აფხაზეთის ცნობილ კრიზისში გადაიზარდა.

70-80-იანი წლების პირველ ნახევარში შინალ-იფას ახალგაზრდა კოლეგებიც "წამოეშველნენ". გამოქვეყნდა მთელი რიგი სტატიებისა, რომლებშიც უაღრესად ტენდენციურად იყო გაშუქებული აფხაზეთის ძველი და შუა საუკუნეების პერიოდის ისტორიის ცალკეული პრობლემები. ამ მხრივ, განსაკუთრებით უნდა აღინიშნოს ისტორიკოს მ.გუნბას, ფილოლოგ ა.პაპასკირის წერილები. თავისი ანტიქართული მეცნიერული საქმიანობა დაიწყო ი. ვორონოვმა. არ ცხრებოდნენ ცალკეული მწერალ-ფილოლოგები. აქტიურად ამოქმედდნენ აფხაზთა "მეცნიერ-მეგობრები" მოსკოვსა და რუსეთის სხვა ქალაქებში. მოსკოვის მ. ლომონოსოვის სახ. სახელმწიფო უნივერსიტეტმა წიგნად გამოსცა ამავე უნივერსიტეტის პროფესორის ი. ფიოდოროვის სპეცკურსი, რომელშიც "კოლხური კულტურის" შემქმნელებად არიან გამოცხადებული მხოლოდ აფხაზთა წინაპრები. მწვავე ანტიქართული პასქვილი გამოაქვეყნა ცნობილმა რუსმა სოვიენისტმა, ლიტერატორმა კოუინოვმა, რომელმაც ერთი ხელის მოსმით წაართვა ქართველებს და საქართველოს "აფხაზთა" სამეფო და ის აფხაზურ ნაციონალურ სახელმწიფოდ გამოაცხადა, თავისი "აფხაზური ქრისტეანული" სარწმუნოებითა და, რაც მთავარია, გ. ტურჩანინოვისეული აფხაზური დამწერლობით.

აღნიშნული ნაშრომებიდან, ისტორიოგრაფიული თვალსაზრისით, მხოლოდ მ.გუნბას ნაშრომზე თუ შეიძლება მსჯელობა. მასში ავტორმა არქეოლოგიურ მასალაზე და შესაბამის წერილობით მონაცემებზე დაყრდნობით მოინდომა "კაპიტალურად" შეესწავლა აფხაზეთის ისტორიული წარსუ-

ლი ახ. წ. 1 ათასწლეულის მანძილზე. არსი და მიმართულება ამ ნაშრომისა ცალსახაა: მოცემულ პერიოდში, დღევანდელი აფხაზეთის ტერიტორიაზე მოსახლე ყველა ტომი მხოლოდ აფხაზური წარმოშობისაა; VII საუკუნეში შექმნილი "აფხაზთა" სამეფო, რასაკვირველია, აფხაზური სახელმწიფოა, რომელიც ქართული მიწების გაერთიანებისათვის კი არ იბრძვის, არამედ უბრალოდ, იყრობს მთელ საქართველოს.

ამრიგად, 50-80-იანი წლებში აფხაზ ისტორიკოსთა უმთავრეს მიზანს წარმოადგენდა სეპარატისტული იდეოლოგიის შემაგრება შესაბამისი ისტორიოგრაფიული მასალით. როგორც უკვე აღვნიშნეთ, ამ პერიოდში, იშვიათი გამონაკლისის გარდა, ისინი ჯერ კიდევ ვერ ბედავდნენ თავიანთი კვლევისათვის მიზანმიმართული პოლიტიკური დატვირთვის მიცემას და გარეგნულად მაინც ცდილობდნენ, დაეცვათ აკადემიურობა. ვითარება ძირეულად შეიცვალა 80-იანი წლების მიწურულიდან, როდესაც სეპარატისტული ისტორიოგრაფია გამოვიდა ერთგვარი "იატაკეშეთიდან" და დაუფარავად გადავიდა შეტევაზე. ამ დროიდან მთლიანად წაიშალა ზღვარი მეცნიერებასა და პოლიტიკას შორის და ისტორიოგრაფია მთლიანად აფხაზური ნაციონალ-სეპარატიზმის სამსახურში ჩადგა. ამ საქმეში განსაკუთრებით გამოიჩინეს თავი აფხაზეთში მოღვაწე რუსმა ისტორიკოსებმა, მათ შორის, პირველ რიგში, ივორონოვმა, რომელმაც აშკარად დაკარგა კონტროლი საკუთარ თავზე და მეცნიერული საქმიანობა მთლიანად პოლიტიკანობას ანაცვალა. ამის ნათე-

ლი გამოვლინებაა მისი ბოლოდროინდელი პუბლიკაციები, რომელთაგან განსაკუთრებით თვალში საცემია მისი ღვარძლიანი რეცენზია-პასკვილი მ.ლორთქიფანიძის წიგნზე - "აფხაზები და აფხაზეთი" (თბ., 1990), რომელიც მან გამოაქვეყნა სეპარატისტების რეპორად ქცეულ გაზეთ "Абхазия"-ში (16.07.1990) და ე.წ. ექსპრეს-ნარკვევი "Абхазы-Кто они?", რომელიც გამოიცა 1992 წ. ზაფხულში. ამჯერად, აქ არ შეეჩერებით დაწვრილებით ივორონოვის ამ ისტორიოგრაფიულ "შედეგებზე", მით უფრო, რომ ისინი არ დარჩენილა შეუმჩნეველი ქართველი ისტორიკოსების მხრიდან (იხ. მ.ლორთქიფანიძის, ა. ბაქრაძის, ნ.ლომოურის, ზ. პაპასკვირის სტატიები), რომლებიც საკმაოდ ოპერატიულად გამოეხმაურნენ აღნიშნულ პუბლიკაციებს და საკადრისი პასუხი გასცეს მას.

რასაკვირველია, ჩვენს მიერ წარმოდგენილი მასალა არ შეიძლება აცხადებდეს სრულყოფილი ისტორიოგრაფიული გამოკვლევის პრეტენზიას. მასში ჩვენ შევეცადეთ, მოგვეცა მხოლოდ ზოგადი მონახაზი აფხაზური სეპარატისტული ისტორიოგრაფიის ჩამოყალიბება-განვითარებისა. რაც შეეხება აღნიშნული პრობლემის ყოვლისმომცველ, ამომწურავ შესწავლას, ვფიქრობთ, ეს უახლოესი მომავლის საქმეა.

ზურაბ პაპასკირი
პროფესორი



იზიგონა

იოანე საღმრთო ფილოსოფოსი,

ზედვოდებით

პეტრიწი - ქართული ენის მზე



ჩვენს ცოდვით საესე წუთისოფელში ხშირად ხდება ხოლმე უცნაური ამბები, რომელთა ახსნა ადამიანური გონებისათვის მიუწვდომელია მათი ალოგიკურობის გამო.

ქართველები თავისი ხანგრძლივი ისტორიის მანძილზე უცხო ტომთა მიმართ შემწყნარებლობითა თუ საკუთარი "მარგალიტისადმი" დაუდევარი დამოკიდებულებით ხშირად ჩავარდნილან უაზრო სიტუაციაში, რომელსაც სახარებისეული შეგონება თუ ახსნის: "ნუ(ცა) დაუფნთ მარგალიტსა თქუენსა წინაშე ღორთა, ნუ უკუე დასთრგუნონ იგი ფერკითა მათითა და მოიქცენ და განგებუქნენ თქუენ (მთ.7, 6).

ასეთ დროს, სამწუნაროდ, საჭირო ხდება მტკიცება იმ ჭეშმარიტებისა, რაც ისედაც ნათელია და მტკიცებას არ უნდა საჭიროებდეს; კიდევ უფრო საეკლასიო ის არის, რომ სადაც "მალი დავაღს ღამით ნაქცევთა ზედა", იქ "სი-მართლე მისგან შენარაზზედა" და ეს მტკიცებანი რჩება "ხმად მღალადებლისა უდაბნოსა შინა".

მაგრამ "მართალი სამართლის" იმედი მაინც რჩება, რადგანაც

"მძლეცა შემდგომ სხვისგან იძლევის,
თვისგან ქმნილი თავისდადვე მოექცევის,
ყველაკი წარუვაღს, განელევის,
რაცა ბქონდა პოვნილ

მდაბალთ ჩაგვრით, მტაცებლობით და ხვეჭით".
საქმე ისაა, ნიკო მარიდან მოყოლებული, ტრადიციად იქცა დაუსაბუთებელი მოსაზრება, რომ იოანე იტალოსის ვინმე "აბაზგი გრამატიკოსისადმი" წერილის ადრესატი იოანე "საღმრთო ფილოსოფოსი და კორციელად დრამატიკოსი" - პეტრიწია.

ეს სადაც ამოუკითხავთ აფსუათა ვაი "მეცნიერებს" და განგაში აუტეხიათ - იოანე პეტ-

რიწი აფხაზი - აბაზგი (აფსუა) ფილოსოფოსია და ქართველები იხეშებენო.

იოანე პეტრიწი რომ თავის თავს ქართველად თვლის და თავის გვარ-ტომის ხალხისათვის, ქართველთათვის ქმნის ფილოსოფიურ ენას, ეს მისი სიტყვებიდან და მისი ნაშრომიდან სრულიად ნათელია, მაგრამ აფსუათა "მეცნიერები" ამას არ დაგიდევენ: მათ არ აინტერესებთ ჭეშმარიტება და წყაროთა მოწმობანი. ისინი ყურმოკრული ამბების დონეზე ქმნიან თავის "მეცნიერებას" (რომლის მიხედვითაც ლეონ მეფე და დავით აღმაშენებელიც აფსუები არიან). მათთან კამათი, ჭეშმარიტების მტკიცება, რაც ადრე უაზრობად მიგვაჩნდა, დღეს, მას შემდეგ, რაც მათ ეს "მეცნიერება" დაუდევს საფუძვლად ქართველთაგან აფხაზეთის ეთნიკურ წმენდას, და ქართული მოსახლეობის გენოციდს, სამწუნაროდ, სასიცოცხლოდ აუცილებელი გახდა.

ამიტომ ჩვენ საჭიროდ ვთვლით განვმარტოთ: სწორიც რომ აღმოჩენილიყო ნ.მარის ვარაუდი იმის შესახებ, რომ იტალოსის წერილის ადრესატი - ვინმე "აბაზგი გრამატიკოსი" - იგივე იოანე პეტრიწია, მაშინ, ამჯერად უკვე ძველი ქართული (XII ს.) წერილობითი ძეგლის და მისი შემქმნელის - იოანე პეტრიწის მოწმობითა და ჩვენებით, კიდევ ერთხელ დადასტურდებოდა მოსაზრება იმის შესახებ, რომ აბაზგი (ბერძნულად) და აფხაზი (ქართულად) არის სახელწოდება ქართველთა ერთ-ერთი ტომისა, რადგანაც, თვითონ იოანე პეტრიწი თავის თავს გვარ-ტომით ქართველად თვლის.

X X X

"მე, კაცი, დავხუდი ღმობათა შორის ჩემთა და მამადი ტყვიელთა შორის გონებისათა და არა ვეც რული სარეცთა მომდოვრებისა ჩემისა-

1 ეს მოსაზრება საფუძვლიანადაა უარყოფილი ე.ჭელიძის ნაშრომში "იოანე პეტრიწის ცხოვრება და მოღვაწეობა", ჟურნ. "რელიგია", N 3-4, 1994 წ.

თა. და არცა წამი სასუენთა სულისა ჩემისათა, ჳიდრემდის არა მომხედა მე გონებთმან ცისკარმან დღეთადმი, რომელთა ბნელი უმეტრებისა არდა ენაცვალების. და აღვიშურვე ტომისათვის გუართა ჩემთასა მე მიდმოობაჲ ენისაჲ გალექსებული და მესხუეჲ მდაბიორთაგან..."

ეს სიტყვები ეკუთვნის შუა საუკუნეების დიდ ქართველ მოაზროვნეს, საღმრთო ფილოსოფოსს, იოანე პეტრიწს. სწორედ იოანე ფილოსოფოსმა, რომელიც ძველ ხელნაწერთა ანდერძებში "ქართული ენის მზედ, ჩვენი ენის მამზევებელად და მადლევებელად" იწოდება, "აღიშურვა" თავისი გეოგრაფიის ხალხისათვის, ქართველთათვის, შეეკმნა "ენაჲ გალექსებული და მესხუეჲ მდაბიორთაგან", ანუ ყოფითი ენისაგან განსხვავებული, ფილოსოფიური ენა, რომელიც თავისი გამომსახველობითი ძალით გაუტოლდებოდა "ელინთა ენადლეობას", ბერძენთა "უფსკრულ ღრმა ენას", რომელშიც, მისი აზრით, "ყოველსავე თვისი სახელი ჰქვან, შესაბამი თვისსა არსებისაჲ". და მიუხედავად თავის თანამეტომეთაგან დევნისა, მიუხედავად იმისა, რომ ისინი თანადგომისა და სიყვარულის, თანალმობისა და შეწვევის ნაცვლად "ბრჭალსა მისსა უმზირდეს სასაფრვოდ სულისა მისისად", უმეტრებასა, შურსა და ვერაგობას შორის "მიდმობნეული", იგი, ღვთის წყალობასა და დაეთთ აღმაშენებლის "თანადგომასა და გამგონეობას მინდობილი", დღესა და დამეს ასწორებს, თვალს რულს და ხულს მოსვენებას არ აძლევს და მაინც ახერხებს "ნიეთისაგან მიუხეველი ღვთისმეტყველების წამოყენებას, ქართული ენის გაწყობას "გონიერთა ხედვათა მომმარჯვი" ბერძნული ენისადა.

იოანე პეტრიწმა შექმნა ქართული ფილოსოფიური ენა, ნათელი და გამჭვირვალე, მწყობრი ტერმინოლოგიური სისტემით, რომელიც აღბეჭდილია ისეთი მაღალი ოსტატობით და "კეთილხელოვნებით", რომ, როგორც ნიკო მარი წერს, "შეიძლება მხოლოდ გაკვირვებას მიეცე იმ ამოუწურავი მარაგის გამო, იმ პირდაპირ სასწაულებრივი ძალების გამო, რომელსაც ის ფლობს, რომ, რაც შეიძლება მეტი რაოდენობით იპოვოს

ქართულ ენაში შესაძლებლობანი აზრთა ყველა უმცირესი ნიუანსისა და ნაირგვარობის გადმოცემად ბერძნული ენის ნიმუშის მიხედვით, უაღრესად განყენებული და რთული დიალექტიკის ყველა სიმნელის გადასალახავად".

სწორედ ეს არის ალბათ, მიზეზი იმისა, რომ აღორძინების ხანის მწერლობაში იოანე პეტრიწი უდიდესი ავტორიტეტით სარგებლობს არა მხოლოდ, როგორც დიდი ფილოსოფოსი, რიტორი და გრამატიკოსი, არამედ, აგრეთვე, როგორც ქართული და ბერძნული ენების ზედმიწევნით მცოდნე, "მამზევებელი და მადლევებელი - ქართულისა ენისა": "ესე იოანე იყო გონებაძალი და დიდი ღვთისმეტყველი, ფილოსოფოსი, ზედმიწევნილი ბერძნულსა და ქართულსა ენასა ზედა" - გვამცნობს - "მცირე უწყება ქართველთა მწერალთათვის".²

ამბროსი ნეკრესელის კრებულში (XVIII ს.) მოთავსებულ პროკლე დიადოხოსის "თეოლოგიის საფუძვლების" იოანე პეტრიწისეულ თარგმანს ("კავშირნი ღმრთისმეტყველებითნი") ერთვის ანდერძი, რომელიც მოკლედ იუწყება მთარგმნელის კინაობას და სადაურობას, ქება-დიდებათ იხსენიებს მას, როგორც განსწავლულსა და ბრძენ რიტორსა და ფილოსოფოსს, ხოლო მისნი "ნაქუსნი" ანუ თხზულებანი სიბრძნისა და "ენადლეობის", მაღალი ხელოვნების ნიმუშად მიაჩნია: "სათანადოა უწყებად შენდა ამას, კითხუელო, რომელ ნაქუსნი ესე, რომელთა სჭურვტ, იოანეს მიერ არს თქმული, ქართუელისა ფილოსოფოსისა, რომელსა ნართაულებ ზედ ეწოდა პეტრიწი, სიმკაცრით გამოძიებისათვის წერილთასა, რომელსა ჰყოფდა. რომელი იყო ნათესავით ქართუელი, სანახებთაგან სამცხესა, დაბით ჭირჭიმით. ხოლო სხუა ვინაობა ანუ სადაობა არა საცნაურ არს ჩუენდა. მხოლოდ ესე გუეუწყების, რომელ ათინას იყო წურთილი და ზედმიწევნით მეცნე სიბრძნეთა მუნებურთა, ვითარცა წამებენ ნაქუსნი მისნი, რომელნი მრავლითა სიბრძნითა იხილვებთან და ენადლეობითა კეთილხელოვნურად, რომელთაგანი ერთი არს ესე "კავშირნი", მის მიერ გარდმოყენებული ვლინთა ენისაგან ქართუე-

1 Н.Я.Март. Иоанн Петрицкий, грузинский неоплатоник XI-XII вв., СПб., 1909 г.

2 "ძველი საქართველო" ტ.1, გვ. 111, გვ. 14, 34.

უმაღლესო ცათაო და უწმიდესო ქერუბინთაო,
ყოვლადწმიდაო ღვთისმშობელო, ქალწულო,
დაამტკიცე მართლმადიდებლობა სოფელსა შინა და
დაიცვე ღვთივდაცული ერი ჩვენი

ლთა კმასა, თვს მიერ ავსნითა, ვითარცა აღმო-
იჭვრობს, რომლისა სიკეთე ფრიად არს."

"კავშირთა" იოანე ორბელიანისეული თარგმანის 1760 წლის ხელნაწერის ანდერძში კითხვით: "და ესეცა იუწყეთ, რომელ მამზევებელსა ენისა ჩვენისასა, იოანეს პეტრიწს, ფილოსოფოსსა, ვითარითა შვენიერებითა ლექსებითა დაუღვესავს ელადელთა ენაობისაგან ჩუენდა გარდმოღებული! ვითარ ათრობს სიტყბითა გამგონისა!"² იოანე ორბელიანი აღტაცებულია იოანე პეტრიწის ენის გამოშახველობითი ძალით და მისი მიბაძვა სურს: "ამას ვიტყვ, რომელ მეცა ფრიად ვეტრფი და მსურავს ლექსნი პეტრიწულნიო". ანტონ კათალიკოსმა, რომელიც დიდი თავგანისმცემელი იყო იოანე პეტრიწის, როგორც დიდი ფილოსოფოსის, რიტორისა და გრამატიკოსისა,³ მისი ენა კეთილხელოვნების მაღალ ნიმუშად აღიარა და მისაბამ მაგალითად დასახა რიტორიკისა, ფილოსოფიისა და ღვთისმეტყველების დარგის მწერლობისათვის⁴. "ძნელს სასმენელად", მაგრამ "შეწიერ, გემოანად და საწადელად" მიაჩნია პეტრიწის ენა სულხან-საბა ორბელიანს. თვით იოანე პეტრიწი კი თავისი მთარგმნელობითი მეთოდისა და ენის შესახებ წერს, რომ რთული ფილოსოფიური ხედვების გადმოცემას ლიტონი (მარტივი) ენით ცდილობდა მანამ, სანამ "მეტითა სილიტონითა დაშლაჲ და ენებაჲ გონებასა არ შეემთხუოდის", რომ მისი მიზანი მეცნიერული ხედვისა (თეორიისა) და ნააზრევის ზუსტად გადმოცემაში მდგომარეობდა, როდესაც ეს უნებოდა სატყვიერების (ლოგიკურს), სწავლულების (მათემატიკურს), ბუნებისმეტყველებისა და ღვთისმეტყველების საკითხებს. ხოლო ამათი "გაგონება" (შემეცნება) კი, მისი თქმით, რთულია და ძნელი "უჩუგველეთათვს უსხეულოთა განცდისა."

იოანე ფილოსოფოსმა მიზნად დაისახა არა მარტო ის, რომ შეექმნა ქართული ფილოსოფიური ენა, არამედ ისიც, რომ ამ ენის საშუალებით აზროვნება ესწავლებინა ქართველ ყრმათათვის, გამოემუშავებინა მათთვის ჩვევა "უსხე-

ულოთა განცდისა". ამის საშუალება კი მას მიეცა გელათში, სადაც ახალ საფუძველზეაყრილ მონასტერში დაარსდა "სასწავლებელი ყრმათათვს" და, სადაც დავით აღმაშენებელმა შემოკრიბა კაცნი, პატიოსანი ცხოვრებითა და შემკულით ყოვლითა სათნოებითა, არა თვსთა ოდენ სამეფოსა შორის პოენილნი, არამედ ქუეყანისა კიდეთად, სადა ესმა ვითემ სიწმიდე, სიკეთე, სისრულე, სულიერთა და ვორციელთა სათნოებათა აღსავსეობა; იძინა და კეთილად გამოიძინა და მოიყვანა და დაამკვდრნა მას შინა". დავითის მიერ აქ მოწვეულ მეცნიერ მოძღვართა შორის იყვნენ იოანე პეტრიწი და არსენ იყალთოელი - ეს "სჯულიერი მოღვაწენი, თარგმანნი და მეცნიერნი ბერძენთა და ქართველთა ენისა". ამ მოაზროვნეთა ღვაწლითა და რუდუნებით გელათის მონასტერი იქცა, "ახალ რომად", "ყოვლისა აღმოსავლისა მეორედ იერუსალიმად, სასწავლოდ ყოვლისა კეთილისად, მოძღვრად სწავლულებისად, სხუად ათინად..."⁵ დავითის ისტორიკოსის მიერ ამ ორი ქალაქის, ანტიკური ფილოსოფიისა და ქრისტიანული რწმენის ამ ორი სიმბოლოს - ათენის და იერუსალიმის დაკავშირებას საფუძვლად უდევს შუა საუკუნეების ქრისტიანული სამყაროსათვის დამახასიათებელი პრინციპი რწმენისა და ცოდნის ერთაანობისა. და ეს სრულიად გასაკვირი: გელათის სკოლის დამარსებლებსა და სულის ჩამდგმელთ მაღალი სქოლასტიკური განათლება ჰქონდათ მიღებული საბერძნეთში, ბიზანტიის სამეფო ქალაქ კონსტანტინოპოლში. XVIII ს. ხელნაწერთა ცნობებით, იოანე პეტრიწი საბერძნეთს "წარიგზავნა ქართველთა მეფის მიერ, ბაგრატ I-ისა" რათა მიიღოს ენა ელინური და განისწავლოს ფილოსოფიისა და ღვთისმეტყველებისა სწავლისა მიღებათა შინა. ხოლო ესოდენ განსწავლულ და ზედმიწევნულ იქმნა პლატონურთა ღვთისმეტყველებათა და არისტოტელითა ფილოსოფოსობათა, რჩეულ იქმნა ესეოდენ, რომელ ოცდაათთა წელთა შინა ბერძენთა სამეფო ქალაქსა კონსტანტინეპოლს შინა (ე.ი. ბიზანტიასა) მოძღვრად დაიდგინა".

1 ქართ. ხელნაწ. აღწერ. H ფონდი, ტ. III, N 1283: 51.
2 ხელნაწ. აღწერ. A ფონდი, ტ. I, 1954 წ. გვ. 209-214, N 1162.
3 "ყოველი ფილოსოფია, გრამატიკა და რიტორიკა და მეოფისიკა, ვითარცა მზემან ზონი, ერთბადა შემოვლო შედმიწვილი იქმნა" (კამელობე, ეტიუდები, ტ. I, 1959, გვ. 270).
4 ეს დამოკიდებულება პეტრიწის ენისადმი და სურვილი ამ მალახლონური ენის მიბაძვის სრულიად გასაკვირი და ბუნებრივი, მაგრამ, სამწუხაროდ, მეტად დაგვიანებული იყო. ანტონ კათალიკოსი და მისი მოძღვრები ცდილობენ პეტრიწის მიბაძვას, მაგრამ ამას ვერ ახერხებენ. რადგანაც XIII საუკუნიდან მოყოლებული, ქართული ფილოსოფიური აზრის განვითარების იმულებით შეწყვეტასთან ერთად შეწყდა ქართული ფილოსოფიური ენის განვითარებაც. ექვსი ასწლეულის მანძილზე კი ქართულმა სალიტერატურო ენამ განვითარების საშაოდ ვერძეი და ზოგჯერ განაგრძო. პეტრიწის მიერ გამოშუქებული ფილოსოფიურა ენამ, ტერმინოლოგიის მწყობა, სისტემამ, სამწუხაროდ, ვერ მოახდინა გავლენა სალიტერატურო ენის ლექსიკაზე, ვერ შეერწყა მისი განვითარების ბუნებრივ მდინარეს. ამიტომ მისმა მექანიკური მიბაძვით გადმონერგვამ ენის ფსევდოარქაისციაცა და ხელოვნური ფორმებით გადატვირთვა გამოიწვია, რამაც ანტონისა და მისი სკოლის თავისთავად მდიდარი მეცნიერული ლიტერატურა "ღვარჭნილი" სტილისა და გაუგებარი ენის გამო პრაქტიკულად მიუწვდომელი და გამოუყენებელი გახადა მის თანამედროვეთა და მომდევნო თაობებისთვისაც.
5 ცხოვრება მეფეთა მეფისა დავითისი", ქართლის ცხოვრება, გამოსცა სიმ. ყუხნიშვილმა, ტ. I, 1955 წ. გვ. 330-331.
6 უნდა იფიქროს ბაგრატ მეოთხე, დავით აღმაშენებლის ძაა.
7 "მცირე უწყება ქართველთა მწერალთათვის", 1982 წ. გვ. 155.

მართლაც, XI საუკუნის მიწურულში, 80-90-იან წლებში, იოანე პეტრიწი ჯერ კიდევ ბიზანტიშია. გელათში მოსვლამდე (მონასტრის მშენებლობა კი "ქართლის ცხოვრების" ერთი მინაწერის მიხედვით, დაეთს 1106 წლისათვის დაუწყია), მან არსენ ივალთოელთან ერთად, როგორც ჩანს, მთარგმნელობითი სკოლა გაიარა შავ მთაზე, ეფრემ მცირის ხელმძღვანელობით: 1080-იან წლებში, როდესაც იოანე იტალოსი და მისი მსმენელები განდევნეს კონსტანტინოპოლიდან (1082-1084 წწ.), იოანე პეტრიწი და არსენ ივალთოელი, როგორც ეფრემ მცირის ანდერძებიდან ირკვევა, შავ მთაზე ჩანან და ხანდაზმული ეფრემის ძალ-მწინი და თანამოღვაწენი არიან ფილოსოფიურ, ხასიათის თხზულებათა თარგმნისას. იოანე დამასკელის "ცოდნის წყაროს" ეფრემ მცირისეული თარგმანის ანდერძ-ნამაგიდან ცნობილი ხდება, რომ მისი "კეთილი თანამოღვაწე და განმძღვანებელი" ამ წიგნის თარგმნისას სხვებთან ერთად იყო არსენ ივალთოელიც ("ლოცვა ყავთ, ქრისტეს მოყვარენო... კეთილთა მოღვაწეთა ჩემთა და განმძღვანებელთა, ამასთანა მზრდელთაცა და მსახურთა-არსენი ივალთოელისა, იოვანე და იოვანე ხუცესთა..."), ხოლო დიონისე არეოპაგელის თხზულების პირველი წიგნის თარგმანისათვის დართულ ეფრემ მცირისავე ანდერძის თანახმად კი, "იოანე საღმრთო ფილოსოფოსი და კორციელად ღრამმატიკოსი" ყოფილა მისი "პირ და გონება და სიტყუა" ამ თხზულების თარგმანზე მუშაობისას და, რომ "არა-თუმცა იგი ყოფილიყო მოძღვარ და ძალ-მწე ჩემდა, მიხედვადმცა ვერ ეკადრებდი მზის თუალისა ამის წიგნისასო" (A 110). ამგვარად, როგორც ჩანს, არსენ ივალთოელი და იოანე პეტრიწი ეფრემ მცირეს ეხმარებიან ფილოსოფიურ-დოგმატური ხასიათის ტექსტების თარგმანში და თან ამ უაღრესად დიდი გამოცდილებისა და ერუდიციის მქონე მოძღვარი-მთარგმნელის ზედამხედველობის ქვეშ ეუფლებიან მთარგმნელობითს საქმიანობას და სრულყოფენ თავიანთ პროფესიულ ცოდნას.

იოანე ფილოსოფოსს რამდენიმე ხანს უნდა ემოღვაწა ბულგარეთში (იმ ხანად ბიზანტიის იმპერიის დასავლეთ პროვინციაში) ქართველი დიდგვაროვანის, ბიზანტიის იმპერიის დასავლეთის დიდი დომესტიკოსის, გრიგოლ ბაკურიანის-ძის მიერ ახალდაარსებულ პეტრიწონის მონასტერში (რომლის მშენებლობა 1083 წლისათვის დამთავრდა): ალ. ცაგარლის ვარაუდით, სწორედ ამ მონასტერში მოღვაწეობის აღსანიშნავად უნდა

მიეღო იოანე ფილოსოფოსს ზედწოდება "პეტრიწი" თუმცა ისიც უნდა აღინიშნოს, რომ მე-თვრამეტე საუკუნის მოღვაწენი (დავით რექტორი, იოანე ბაგრატიონი და სხვ.) ამ სახელის სხვაგვარ ეტიმოლოგიას იძლევიან: "ამას უძველესი იოანეს, ათინას, აკადემიასა შინა უწოდეს პეტრიწი. პეტრ, რომელი ითქმის ქვად და მარცვალე ქვემოთ მფხეკელად გამოითარგმანების... და ეინათგან ესე იოანე იყო წერილთა ფრიად მჩხრეკელ, ამისთვის უწოდეს პეტრიწად, ესე იგი, ქვის მფხეკელად"(Q 401, ფ 192).¹

მაგრამ ზღნაწერთა ცნობების მიხედვით, იოანე ფილოსოფოსმა თავისი შრომების უმეტესი ნაწილი შექმნა სწორედ - "კელისსა შინა გაენათისასა" "დავითის წყალობასა და თანადგომასა მინდობილმან". XVIII საუკუნის მოღვაწენი და მათ კვალდაკვალ თანამედროვე მკვლევარნიც მას მრავალი თხზულების მთარგმნელად თუ ავტორად მიიჩნევენ. იოანე პეტრიწს უმოღვაწეა როგორც ბიბლიურ-ეგზეგეტიკური, ლიტურგიკული-ჰიმნოგრაფიული, ასკეტიკურ-მისტიკური და აგიოგრაფიული მწერლობის დარგებში, ისე ფილოსოფიური ხასიათის თხზულებათა თარგმნისა და კომენტირებაში. ზოგიერთნი მას ისტორიულ თხზულებათა თარგმნის (ფლავიოსის "იუდაებრივი დასაბამისიტყუაობა"). და ავტორობასაც ("ცხოვრება მეფეთ-მეფისა დავითისი") მიაწერენ და ჩვენამდე არმოდებული ქართული ენის გრამატიკის შემდგენლად თვლიან.² მაგრამ ჩვენთვის იოანე პეტრიწი ცნობილია მაინც მისი უცილობელი თარგმანებით ნეოპლატონიკოს ფილოსოფოსთა თხზულებებისა (რის გამოც მას "პლატონურ ფილოსოფოსსაც" უწოდებენ). ესენია: ნემესიოს ემესელის "ბუნებისათვის კაცისა", რომელიც ქრისტიანული ანთროპოლოგიის სახელმძღვანელოდ გამოიყენებოდა შუა საუკუნეების სკოლებში და პროკლე დიადოხოსის ტრაქტატი - "თეოლოგიის საფუძვლები" (პეტრიწის თარგმანით კავშირნი ღმრთისმეტყველებითნი), რომელსაც მან საკუთარი კომენტარები დაურთო, დატვირთული ანტიკურ ფილოსოფოსთა ნააზრევის საკუთარი გადამუშავებით, რათა თეოლოგიის სფეროში შემავალნი - დამწყები მოსწავლენი, თავიდანვე ჩასწვდომოდნენ მის საფუძვლებს, რის შედეგადაც დაეუფლებოდნენ სწორი ზედვისა და აზროვნების მეთოდებს: "თანა გუაც გამგონეო, შემავალი ხედვათა საღმრთისმეტყველოთასა", - მიმართავს იგი თავის მოსწავლეებს, - "რათა ამათ ყოველთა, ვითარ შესაქმეთა და დასაბამთა, იყო მეცნიერ, რათა არა გებრკემდებოდის თუალი

1 ამ საკითხთან დაკავშირებით იხ. ივალთოელი, "იოანე პეტრიწი-ჰიმნოგრაფი", წიგნი იოანე პეტრიწი, "სათნობთა კიბე", თბილისი, 1968 წ., გვ. 11-52; რ. სირაძე, ბულგარეთ-საქართველო-ბიზანტიის ურთიერთობის ისტორიიდან, წიგნი: წერილები, თბილისი, 1980, გვ. 86.
2 იხ. ქვეყლიძე, ქართული ლიტერატურის ისტორია, ტ. I, 1960, გვ. 284. სკაუზნიშვილი, შესავალი, გამოკვლევა, იხ. იოანე პეტრიწის შრომები, ტ. I, 1940 წ.; ივალთოელი დასას. ნაშრ., ეგზეგეზის წიგნის ძველი ქართული ვერსიები, გამოსცა, გამოკვლევა და ლექსიკონი დაურთო თ. ციციტიშვილმა, 1976 წ.

ხედვისად" ("განმარტება", 103).

იოანე პეტრიწმა, რომელმაც განათლება ბიზანტიის სამეფო ქალაქში, კონსტანტინოპოლში, იმ ელიტარულ-ინტელექტუალურ წრეებში მიიღო, რომელთა შორისაც მეთერთმეტე საუკუნეში განსაკუთრებით გაცხოველდა ინტერესი პლატონის, არისტოტელესა და მათი ელინისტური ხანის კომენტატორების, "პლატონური" ფილოსოფოსებისადმი: იამპლინოსის, პლოტინის, პორფირისა და განსაკუთრებით კი, "შუადარებული პროკლესადმი, რომლისაგანაც სწავლობდნენ დიალექტიკის ზელოვნებას" (მიქელ პსელოსი), გელათის აკადემიაში ის იდეები და სული მოიტანა, რომელიც იქ მანგანას აკადემიის მასწავლებლებსა და მსმენელებს შორის ტრიალებდა. მაგრამ ეს როლი ნიშნავს, რომ იგი მონურ-მოწაფურად გაჰყვა მათს აზრებსა და, თუნდაც იტალოსის (რომლის მსმენელიც ის ალბათ, იყო, და ქართველ მკვლევართა შრომებში მის "ერთგულ მიმდევრადაც" ვია მიჩნეული) "ცრუ მოძღვრებას" (ანა კომენენე). იოანე პლატონურმა ფილოსოფოსმა ზედმიწევნით შეისწავლა პლატონის, მათი კომენტატორების - განსაკუთრებით, პროკლე დიადოხოსის კომენტარები პლატონის დიალოგებისა ("მიდმოხილვითა"): "პარმენიდესა" და "ტიმოუსზე", მისივე "დიდი საღრმთისმეტყველო" თხზულება (როგორც ჩანს, "პლატონური თეოლოგია"). გადაამუშავა ისინი და ქართულ ნადაგზე გადმოწერა, რათა თავის მოსწავლე-ყრმათათვის ზუსტი და განყენებული აზროვნება ესწავლებინა, დაეხელოვნებინა ისინი არამატერიალურ (უსხეულოთა), გონების ხედვებში და გონებითი შემეცნების გზის სრულყოფით მათელ-ყო მათთვის ჭეშმარიტების საიდუმლო. ამ მხრივ ნიშანდობლივია ანტონ კათალიკოსის-ეული შეფასება იოანე პეტრიწის ღვაწლისა:

"შენ-ფილოსოფოსთ საქმე მონასმინანი,
შენ-სტოიკებრნი სიტყვთ სპეკალ-მინანი,
შენ-პერაპატოს ცნობანი საღრმინანი
მოაქართულენ, ქართლი ჰქმენ ათინანი"
("წყობილსიტყვაობა")

ეს გამოცდილი გზა იყო აღმოსავლურ-ქრისტიანულ პრაქტიკაში. თუ ადრექრისტიანული აზროვნების ისტორიაში დოგმატიკის ჩამოყალიბების პერიოდი დასავლურ-ლათინურ-თეოლოგიურ ლიტერატურაში აღბეჭდილი იყო ტერტულიანეს სიმბოლური სიტყვებით: "რა არის საერთო ათენსა და იერუსალიმს შორის, აკადემიასა და ეკლესიას შორის?!" რაც, ერთადერთ, უარყოფითს პასუხს გულისხმობდა და რწმენასა და ცოდნას უპირისპირებდა ერთმანეთს, ეპოქა, როდესაც ვალიდობა და მუშაობს გელათის საღვთისმეტყველო სკოლა, სრულიად საპირისპირო ტენდენციებით ხასიათდება, რაც სიმბოლურად ათენისა და იერუსალიმის, აკადემიისა და ეკლესიის ერთიანობაში გამოიხატება. ამ მხრივ გელათის საღვთისმეტყველო სკოლა იოანე "პლატონური ფილოსოფოსის" მოთავეებით ქრისტიანული აზრის ისტორიაში

აგრძელებს აღმოსავლური თეოლოგიის ალექსანდრიული სკოლისა და კაბადოკიური პატრისტიკის ხაზს: ნეტარი კლიმენტი ალექსანდრიელისა, რომელმაც ჩამოყალიბებული პრინციპის სახე მისცა წმ. წერილზე დაყრდნობილ ეკლესიურ მოძღვრებას რწმენისა და ცოდნის პარმონიის თაობაზე; რწმენის საფუძველზე ცოდნის აშენებასა და ცოდნის ნადაგზე რწმენის განმტკიცებაზე; ორიენების, რომელმაც ქრისტიანულ-ფილოსოფიურ სპეკულაციას ჩაუყარა საფუძველი; კაბადოკიელი წმ. მამებისა (განსაკუთრებით გრიგოლ ნოსელინისა), რომელნიც ნეოპლატონური აზროვნებითი აპარატის ქრისტიანიზაციის გზაზე იდგნენ; არეოპაგეტიკისა, რომელიც რწმენისა და ფილოსოფიური ცოდნის პარმონიის ბრწყინვალე ნიმუშს წარმოადგენს; მაქსიმე აღმსარებლისა, რომელსაც დიდი წვლილი მიუძღვის თავისი კომენტარებით ბიზანტიურ თეოლოგიურ ლიტერატურაში არეოპაგეტიკის ფილოსოფიური საფუძვლების დამკვიდრებაში; წმ.იოანე დამასკელისა, რომელმაც პლატონისა და არისტოტელეს კომენტატორებზე (განსაკუთრებით ამონიოს ერმიასზე და პორფირიზე) დაყრდნობით შექმნა მყარი სიტყვიერი აპარატი ქრისტიანული სქოლასტიკისა; დაბოლოს, მანგანას აკადემიისა, რომელმაც ეს მიმართულება XI-XII საუკუნეთა ბიზანტიაში უფრო საერო და რაციონალისტური გზით განავითარა.

მაგრამ იოანე ფილოსოფოსმა აქაც თავისი, სახარებასა და, ამავე დროს, ფილოსოფიური ცოდნის საფუძველზე მდგარი, წმ.მამათა მიერ გაკეთებული გზა აირჩია, განსხვავებული თავისი დროის ბიზანტიელი თეოლოგებისაგან: ეს იყო ანალოგიის გზით ჩვენების (დეიქსის) მეთოდი, რომელსაც იგი ღვთისმეტყველებაში იყენებდა და არა ლოგიკური გზით დასაბუთებისა, (აპოდექსის), რომელსაც იგი ფილოსოფიურ კატეგორიებზე მსჯელობისას მისდევდა, (და რომელმაც ბევრი მისი დროის თეოლოგი მწვალებლობამდე მიიყვანა).

მაგრამ, სანამ პეტრიწის ღვთისმეტყველების მეთოდს შეეხებოდეთ, მოკლედ შევეჩრდებით მის მთარგმნელობით პრინციპებსა და მეთოდზე, რაც უშუალოდ უკავშირდება პირველს.

იოანე პეტრიწი, რომელმაც გელათში განავითარა და ახალ სიმაღლეზე აიყვანა ეფრემ მცირისა და მისი თანამოღვაწეების მიერ შავ მთაზე გამოშუშავებული მთარგმნელობითი თეორია და პრაქტიკა, განსხვავებით დიდი მოძღვრის, ეფრემ მცირისაგან, რომელიც ქედს იხრიდა ათონელ მთარგმნელთა ავტორიტეტის წინაშე და მათს ნამუშავეებში რიდითა და კრძალვით, აშეიბზე შეჰქონდა შესწორებანი, აშკარად უპირისპირდება "ულუმბიელებს" და ზედმიწევნითი ანალიზისა და გამოძიების, ბერძნულ დედნებთან შედარების საფუძველზე, მტკიცე ლოგიკურ არგუმენტებზე და წმ. მამათა ნაშრომებზე დაყრდნობით იძლევა ახალ, შესწორებულ თარგმანს, გამართლებულს,

როგორც რწმენით - დოგმატური, ისე გონებით - ფილოსოფიური თვალსაზრისით.

პირველი შესწორება პეტრიწისა ეხება იოანეს სახარების, დოგმატური თვალსაზრისით, მეტად მნიშვნელოვან პირველ ფრაზას, რომელიც ძველ ქართულ თარგმანში შემდეგნაირად უღერს: "პირველითგან იყო სიტყუა". პეტრიწი აღნიშნავს, რომ მეტად გამრავლდნენ საღვთო წერილის ქართულად გარდმოდებულნი და ბევრი მათგანი სწორად ვერ სწვდება იმას, თუ როგორ "განიცხადების ძალითი სიტყვს მოქმედება", ანუ პოტენციური სიტყვის, ძე ლოგოსის, ქრისტეს განხორციელების საიდუმლო წმ. წერილში - სახარებასა, სამოციქულოში და სხვა ამგვარ წიგნებში. მისი აზრით, მთარგმნელი სწორად ვერ გადმოსცემს იოანე მახარებლის ამ გამონათქვამში განცხადებულ "ძალითი სიტყვს მოქმედებას", იმას, რომ სიტყუა "დასაბამივე" და არა "პირველითგან" იყო. რადგანაც "პირველი" მიმართებითი ცნებაა და გულისხმობს თავის მსგავსთა, თანმებუნებეთა რიგში პირველს, თავის შემდგომთა მიმართ პირველს, როგორც, მაგ, კაცს კაცის რიგში და ცხენს - ცხენისა. ასეთი თარგმანის მიხედვით გამოდის, რომ თითქოს "სიტყუა მამისა ღმრთისა" არის "ერთი ნაბადთა და წარმოჩენილთაგანი", მათი მსგავსი და "თანამებუნებე", მაშინ, როდესაც სინამდვილეში იგი "თანადაუხაბამო", "თანარსი" და "თანამებუნებეა" მამისა. იგი დასაბამია ისევე, როგორც მამა - მზის თუალი (ანუ დისკო) შარავანდთათვის (ანუ სხივებისათვის). ამგვარად, არჩე-ს "პირველით" თარგმან აზრს აბუნდოვანებს და იწვევს ერთარსება წმ. სამების მწვალებლური გაგების შესაძლებლობას. ამიტომ იოანე პეტრიწი ფრთხილად ეძიებს საჭირო ქართულ შესატყვისს, რომელიც "ძალითი" (ანუ პოტენციური) სიტყვის მოქმედებას (განხორციელებას) განაცხადებს და იძლევა შემდეგ თარგმანს: "დასაბამსა შორის იყო სიტყუა" ("განმარტება", გვ. 219.) ეს თარგმანი საეკლესიო შეესაბამება ამავე მუხლის მომდევნო სიტყვების აზრს: "და სიტყუა იგი იყო ღმრთისა, თანა და ღმერთი იყო სიტყუა იგი" (ი.1,1), და შემდგომ: "და სიტყუა იგი უორციელ იქმნა და დაემკვდრა ჩუენ შორის" (ი. 1,14).

მეორე შესწორება, ასევე, მეტად მნიშვნელოვანი დოგმატური თვალსაზრისით, ეხება შესაქმნის წიგნის I, 26-ს, რომელიც ძველებს შემდეგნაირად უთარგმნით: "გქმნეთ კაცი ხატად და მსგავსად ჩუენდა". პეტრიწის აზრით, ეს თარგმანი ზუსტად არ გადმოსცემს ბერძნული დედნის აზრს, რომელშიც სინამდვილეში ნათქვამია: "გქმნეთ კაცი ხატისაებრ და მსგავსისა ჩუენისა" ("კატა" - "ებრ").

ამგვარად, ადამიანი შექმნილია არა "ხატად", არამედ "ხატისაებრ" ღვთისა, ანუ ღვთის ხატის მიხედვით (კატ'ეიკონა), ხოლო "ხატი ღმრთისა უხილავისა" არის ღვთის სიტყვა - ლოგოსი,

ქრისტე. იოანე პეტრიწის ეს ინტერპრეტაცია არა მხოლოდ მისი, როგორც "პლატონური ფილოსოფოსის" ონტოლოგიური სტრუქტურის გააზრებიდან გამოდის, არამედ ეს გააზრება ეთანხმება მოციქულთა და წმ. მამათა თვალსაზრისს. და პირველ რიგში, ეს აზრი იკითხება პავლე მოციქულის არაერთ ეპისტოლეში: "(ქრისტე), რომელი: იგი ხატი ღმრთისა იყო" (ფილიპ.2,6), "ქრისტე, რომელ-იგი არს ხატი ღმრთისა უხილავისა" (კორ.4,4), "განაჩინა თანამსგავსად ხატისა მის ძისა თვისისა" (რომ. 8,29). ამავე აზრს კვითხულობთ ნეტარი კლიმენტი ალექსანდრიელის გამონათქვამში: "ხატი ღმრთისა არს ხატყუა ღმრთისა, ხოლო ხატი ხატისა - გონებაი კაცებრივი: (სტრ.5.94).

სწორედ "მემომღურე ჩუენისა ეკლესიისა" პავლე მოციქული ჰყავს დამოწმებული იოანე პეტრიწის პროკლეს ტრაქტატის 29-ე თავის განმარტებაში, რომელიც მიზეზისაგან მიზეზოანის (ანუ შედეგის) გამომდინარეობას ეხება მსგავსების საფუძველზე: "სიტყუა ჩემ გონებაშისა პავლესი შემოვალს აქა, რამეთუ იტყვს ხატად და მგავსად და ეკმაგიოდ მის ერთისად, რომელსა მამობაი ცა ჰკადრა სიტყუამან ("განმარტება", 29, გვ.78). პალე მოციქულის ამავე სიტყვებს ვერდნობა თეოფილაქტე ბულგარელიც იოანეს სახერების მისუული განმარტების შემდეგს კოტექსტში: "ვიანათგან ხატიცა არს მამისა ძე და აღმონაბეჭდავი და მსგავსებაი. გულისხმაჰყოფდ მის მიერ დაბეჭდულად ამას, ვითარ იგი ხატ და აღმონაბეჭდავ არს, რაითა იყოს თქმული ესე, ვითარმედ: ესე მჩენი ძედ კაცისად დაჰბეჭდა მამამან, ესე იგი არს, ბეჭდად მისსა და ხატად ყოვლისა უქცევლობისა და ბუნებითისა იგივეობისა, მისსა მიმართ მაცხოველებლად" A52

ამგვარად, მოციქულთა, წმ. მამათა და ეგზეგეტთა გააზრებით "ხატად თვსა და ეკმაგიოდ და აღმონაბეჭდურად და ბეჭდად" დაჰბადა რომელღმერთმა ძე - ქრისტე, ხოლო კაცი კი შექმნა "ხატისაებრ" და "მსგავსისა" თვისსა. ამასთან დაკავშირებით, ყურადღებას იქცევს პროკლეს "თეოლოგიის საფუძვლების" პეტრიწისეული "განმარტების" ტექსტში გაბნეული მსჯელობანი ერთისა და მისი ხატის, "ეკმაგიოს"-ნამდვილმყოფის შესახებ, რომელიც პირველი მყოფი და პირველი არსია, პირველი გონება-ლოგოსია და "გუართა (იდეათა) ადგილია".

ერთ-ერთი ასეთი მსჯელობა დაკავშირებულია პროკლეს ტრაქტატის 101-ე პარაგრაფის განმარტებასთან. იგი ეხება ცხოვლობისა და მყოფობის ურთიერთმიმართებას. ამასთან დაკავშირებით, პეტრიწი კვლავ იმოწმებს პავლე მოციქულის გამონათქვამს და მისი საშუალებით შესაბამისობას (ანალოგიას) ამყარებს პირველ მყოფსა ანუ ნამდვილმყოფთან: "პირველად მყოფად ნამდვილმყოფი გაიგონე, რამეთუ მან მიიღო პირველი მყოფობაი მის ყოველთა ძალთა ზესთადსა ძალი-

საგან და წარმოდგა პირველად მყოფად და მიზეზად ყოველთა მყოფთად, ვითარცა ხატი მის პირველისა ერთისა, რომელი შეადგა მან უთქუშან და ზესთამან ყოველთამან და დადვა ხატად თვისდა და იგივად (ნიმუშად) ყოველთა მყოფად" ("განმარტება" გვ.148). ამ და ბევრი სხვა მსჯელობიდან (მაგ. "ხოლო პირველი არსებამან ზესთამან ერთმან წარმოამყო, ვითარ ხატი თვისი და ღმერთი არსთა და მყოფთა" გვ. 170) აშკარად ჩანს, რომ იოანე პეტრიწი უზილავი ღმერთისა და მისი ხატის ძელოგოსისა (უპირმშოესი სიტყვის) ურთიერთმიმართების ანალოგიას ხედავს "ყოველთა ზესთა ერთისა" და მისი ხატის-ნამდვილ-მყოფის მიმართებაში: ნამდვილ-მყოფი არის ეკმაგიო, აღმონატიფორი, ხატი "უთქვი და უოცნო ზესთ ერთისა", რომელსა "წადილმან პატივისამან მამადცა ჰკადრა წოდებამ". იგი შედგება პირველი საზღვრისა (ღვთაებრივი ბუნება) და პირველი უსაზღვროობისაგან (აღამიანური ბუნება), რომელსაც ფილოსოფოსი "გუართა გუარად უწოდს", "ხოლო აწ ჩუენ ძე უწოდეთო" ("განმარტება", თ. 30 გვ. 81).

ამგვარად, "ნამდვილ-მყოფი" იოანე პეტრიწის თეოლოგიური ხედვის ქვაკუთხედს წარმოადგენს. მისი, როგორც ფილოსოფიური კატეგორიის მიმართება ზესთ-ერთთან ანალოგიურია ღმერთის უპირმშოესი სიტყვის, როგორც ხატის მიმართებისა მამასთან და ეს პეტრიწის ღვთისმეტყველების ძირითადი მეთოდის, ანალოგიის ნათელი ნიმუშია.

როგორც ჩანს, პროკლეს ონტოლოგიური სტრუქტურის პეტრიწისეული ანალოგიის პრინციპით ღვთისმეტყველებიდან გამოდინარე მწვალებლური დასკვნის გამოტანის საცთურს გულისხმობდა პროკლეს ტრაქტატის ქართული თარგმანის XII საუკუნის ხელნაწერის მინაწერის ავტორი, როდესაც აფრთხილებდა მკითხველს: "ამის წიგნისაგან წარწყმდა სამგზის წყუელი არიოზ, არამედ ამისავე წიგნისაგან მოიგეს დიდთა ღმერთისმეტყუელთა სახელი დიდმან ბასილი, გრიგორი და დიონისი, ხოლო შენ გონებამ განწმედელი მოიღე და წმიდათა მამათა საზღვარსა ნუ გარდაჰვლინდები და არა საცთურ გეკმნესო". მართლაც, როგორც უფრო მოგვიანებით ტიმოთე გაბაშვილიც აღნიშნავს, პროკლეს და პეტრიწის ნაწერების "უგულისხმოდ და გამოუძიებლად, ვერ-კეთილად" წაკითხვის შემთხვევაში დიდი საცთური არსებობს, რომ არიოზისა და ორიგენის მთხრებლში ჩავარდნე, მაგრამ "თუ გუ-

ლისხმისყოფით და მართლმადიდებლობით იკითხვიდე", მაშინ დიდ ხალხთისმეტყველო ცოდნას მიიღებ.

პეტრიწის ღვთისმეტყველება და ანალოგიები,¹ როგორც ჩანს, ვერკეთილად ესმოდა ზოგიერთ უგულისხმოდ მკითხველს, რომელთაგან დევნასაც უჩიოდა იოანე ფილოსოფოსი. ამ უგულისხმოდ მკითხველთ გამორჩათ პეტრიწის არაერთგზისი გაფრთხილება, რომ ეს ანალოგიები იგივეობრივი კი არ არის, არამედ იგავებრივი, რომ ისინი "იგავად ოდენ ესახებთან და ეიგავებთან მას ერთებრისა რიცხუსა და ზესთაობასა ერთისასა" ("განმარტება", თ. 1, გვ.14).

საერთოდ, როდესაც ლაპარაკია იოანე პეტრიწის ღვთისმეტყველებაზე, მის ანალოგიებზე, უნდა გვახსოვდეს, რომ ეს ანალოგიები ფილოსოფიურ კატეგორიებთან და ხედვებთან მონძობილია იმისთვის, რომ მოწაფეს, მსმენელსა თუ მკითხველს ადამიანის გონებისათვის მისაწვდომი ლოგიკური (სიტყვიერებითი) შესაძლებლობების ფარგლებში გაავებინოს, აუხსნას, აჩვენოს იმ საყოველთაო მიზეზის ზესთმდებარეობა, ერთარსება წმიდა სამების ჰიპოსტაზების შეურევნელი ერთობა, მარადისობის ზედროულობა და საერთოდ, მიახლოებითი მაგალითებით დაანახოს ადამიანური გონებისათვის მიუწვდომელი, შეუცნობელი, წარმოუსახველი ერთის - ღმერთის ზესთაობა, რაც განსჯასა და დასაბუთებას არ ექვემდებარება და მხოლოდ ჭეშმარიტი რწმენის ნეტარებით განიცდება. კარგად ამბობს მოსე გოიბერიძე, რომ პეტრიწისათვის ღმერთს "დამტყცება კი არ სჭირია, არამედ ცხადყოფა". ამიტომ ერთადერთი, რაც შეუძლია ფილოსოფოსს თუ თეოლოგს, რომ შესთავაზოს გამგონეს (ანუ შემეცნებელს), არის ის, რომ "ხატთა ანუ იგავთა მიერ" მიაწოდოს მიახლოებითი ცოდნა ზესთაგონიერი სოფლის შესახებ: ე.ი. კი არ დაუსაბუთოს, არამედ უჩვენოს, ცხად-ყოფოს მაგალითებით, სახეებით, ანალოგიებით. რადგანაც ზესთაგონიერი მარადყოფი "დაუზესთავდების ყოველთა მონაგონსა," ამიტომ "ანუ ხატთა მიერ, ანუ იგავთა მიერ შეცადინეობს სული ცნობად მის უოცნოესათვს (ერთისათვის) და სწყურის მისდა-მიო" ("განმარტება" თ. 51).

ამგვარად, ღმერთისმეტყველებაში პეტრიწი ამჯობინებს ჩვენების, ნათელყოფის, სახეებისა და ანალოგიის გზას და არა სილოგიზმის მეთოდს, რომელსაც იგი წარმატებით იყენებს ბუნებითი ანუ ფიზიკური, მატერიალური მოვლენებისა და საგნების და ფილოსოფიური კატეგორიების

¹ ანალოგიის შესახებ პეტრიწთან იხ. გ. თევზაძე, "ანალოგიის პრინციპი პეტრიწის ფილოსოფიაში". კრებულში: "შუა საუკუნეების ფილოსოფიის ისტორია", ნაწ. 1, გვ. 227.

შესახებ მსჯელობისას: მისი აზრით, არისტოტელეს "ორგანონის" კანონების გარეშე შეუძლებელია რისამე მიწვდომა ლოგიკური (კონებიტით) გზით, მაგრამ ისინი ვერ "კმა არიან" ზესთ ერთის შესაცნობად, რადგანაც მისი სფერო "ღმრთებერ მთენარეა" (ღვთაებრივი ნათლითაა მოცული). ამიტომ, როგორც კი დასაბუთება მიადგება დასაბამს, ეს კანონები წყვეტენ მოქმედებას ("განმარტება" თ. 101).

იოანე პეტრიწი სწორედ აქ ემიჯნება თავისი დროის რაციონალისტური მიმართულების ბიზანტიელ თეოლოგებს, რომლებიც სილოგიკური გზით დასაბუთებისას აუცილებლობით მიდიოდნენ დოგმატების უარყოფამდე: ასე დაემართა იოანე იტალოსს, რომელიც დასაბუთების გზით მიღებულ დანასკვს დოგმატებზე მაღლა აყენებდა და, ამგვარად, მივიდა იქამდე საწყისის დოგმატიზების მოთხოვნამდე, სასწაულების უარყოფამდე, მატერიის უსასრულობის აღიარებამდე... , ევსტრატინიკიელს, რომელიც მონოფიზიტებთან სილოგიკებით კამათში სუბორდინაციონიზმამდე მივიდა და საპირისპირო, არიონის წვალბაში გადავარდა, სოტირიხოს პანტეგენოსს, რომელიც დოგმატების შესახებ ასევე სილოგიკის კანონებით მსჯელობის გზაზე არსებისა და პირის (პიპოსტასის) აღრეკამდე მივიდა და სხვ.

ეს უკანასკნელი დოგმატებზე მსჯელობისას "თანშესიტყვის (სილოგიკის) - "ძიულებით კანონებს" უმორჩილებდნენ მათ, მაშინ, როდესაც იოანე პეტრიწი მიჰყვებოდა წმ.მაძათა გზას, რომლებიც არჩეოდნენ ელაპარაკათ არა დასაბუთების (აპოდექსისის დოკაზვანიე პეტრიწის თარგმანით - "აღმოჩენის") არამედ, "ჩვენების" (დეიქსისი «» "ავხვანიე" გამოჩინების"), მაგალითთა და სახეთა მიხედვით ცხადყოფის ენაზე. მაგრამ როგორ შეიძლება ჩვენება იმისა, რაც უხილავია, წარმოუსახველია, გონებით მიუწვდომელია? მხოლოდ და მხოლოდ მისგან "წარმოარსებულთა" და მის "ხატის ხატთა" - ანუ ფიზიკური არსის ანალოგიის გზით (ისევე, როგორც ფრესკული ხატებისა). ამის შესაძლებლობას იძლევა თვით კაცის (კონების) ღვთისმთეობა, მისი "ღვთის ხატისაებრ და მსგავსებისაებრ" შექმნის საეკლესიო დებულება.

აქედან ცხადია, თუ რატომ აინტერესებდა პეტრიწს პროკლეს ფილოსოფია და, კერძოდ, მისი "თეოლოგიის საფუძვლები". ეს უკანასკნელი

მისთვის იყო უსხეულოთა ხედვებში დახელოვნების ბრწყინვალე სახელმძღვანელო. ხოლო მისი ავტორი კი მონოთეისტური ფილოსოფიური მოძღვრების სისტემატიზატორი, რომლის ძირითადი თეზისი "ყოველი სიმრავლე ეზიარების რაითავე ერთსა" უარყოფს ყველა მათ აზრებს, ვინც მრავალი საწყისი აღიარა (პეტრიწის სიტყვებით: "უკუნ არღუევეს ყოველთა, რომელთა დასხნეს დასაბამნი მრავალნი და შეშალეს საუკუნესა შორის დამყარებული წესი, არამედ-და მყის უჩინოჰყოფს მათ, ვითარცა ნადედაზარღლეუთა" ("განმარტება", I, გვ. 12).

იოანე პეტრიწი, როგორც შუა საუკუნეების მოაზროვნე, ახალი ეტაპის წარმომადგენელია ქართული თეოლოგიური აზროვნების განვითარებაში: მისთვის უკვე განვლილია საფეხური "გარეშე" ფილოსოფოსთა ნააზრევიდან "ჯერკუალის" განვლბისა; მისთვის ფილოსოფია, კერძოდ, პლატონისა და პროკლეს ფილოსოფია, თავისთავადს ღირებულებას წარმოადგენს, წარმოადგენს "ღვთის ხატისაებრ" შექმნილი ადამიანური გონების მიღწევა. ეს ფილოსოფია, გულისხმისყოფით წაკითხული, "თანდაეულადება" და "თანმიუნმაება" ქრისტიანულ მოძღვრებას. იოანე პეტრიწი "სულისა მიერ წმიდისა მოცემულად" თვლის იმ "სიბრძნესა გონებითსა", რომელიც "ნახეთქთა შორის ეამისათა" (ანუ დროადრო) ზენადან მოგვენიჭებოდა და მოგვემადლებოდა ჩვენ, ადამიანებს, აბრაამის, ქალდეელებისა თუ ელინთა სიბრძნის მეშვეობით. აკი "მემოდურე ჩუენისა ამის ეკლესიისაჲ", პავლეც, "თვთ მისვე სულისაგან (წმიდისა) მონიჭებულად" თვლის ჰუმმარბიტების ამ მარცვლებს, გაბნეულს მრავალ ცალ-ცალკე მდგომ გოდოლზე, რომელიც ერთმა თაკვიდურმა ლოდმა - ქრისტემ შეკრა.

აქედან გასაგებია, თუ რატომ უწოდებს პეტრიწი პლატონს "მიპრონსა ღვთისმეტყველებისასა" (მისი აზრით, პლატონმა მოამზადა ადამიანური გონება ქრისტიანობის მისაღებად.) ხოლო "ჩემს ორფეოსს" დავით წინასწარმეტყველს; თუ რატომ არის მისთვის "ჩემი ღვთისმეტყველი" გრიგოლ ნაზიანზელი, და ამავე დროს, "ჩემი ატტიკელი ფილოსოფოსი" - პროკლე დიადოხოსი.

იოანე პეტრიწს ფილოსოფია აინტერესებს არა როგორც ეკალი, რომლითაც უნდა მოიზღუდოს ეკლესიის "ვენახის ნაყოფთა შეუნიერება", და არა მხოლოდ, როგორც "ორღანო", ანუ იარაღი,

1 ამიტომაც, რომ ზესთერთის ლოგიკური დასაბუთებისას, უკუღვებულოფოს სილოგიკის აუცილებელ პირობას - არ იქნეს დაშვეული წრე დასაბუთებაში (ურაერთის მწვეწელობა საკიობელ არს ფილოსოფოსთაგან" (აძონ. ეგმ.)-და ამ თეზისის დასაბუთებას ურყვე საფუძვლად უღებს ერთის ზესმძღვარეობას.

2 უსაზღვრობისა და დაუსაბამობის უარყოფით (იხ. განმარტება, I) პეტრიწი სრულიად ემიჯნება იტალოსის ძირითად დებულებას მატერიის უსასრულობის შესახებ; ასევე, პრინციპულად უპირისპირდება იტალოსის მოთხოვნას ორი საწყისის დოგმატიზების შესახებ, როდესაც თავის "ბოლოსიტყვაობაში" მანიშნებულთა წინააღმდეგე პატარა ტრაქტატში საგანგებოდ ასაბუთებს ერთი საყოველთაო მიზეზის, ყთილის, სუბსტანციურობას (გვ. 212-213). ამგვარად, საუკუნო და გადასასინჯავა ჩვენში დამკვიდრული შეხედულება იმის შესახებ, რომ პეტრიწი თითქოს იოანე იტალოსის "ერთგული" მოწაფე და მიმდევარი უნდა ყოფილიყო.

რომლის კანონების საშუალებითაც უნდა მოეცებნათ პასუხი თეოლოგიის გონებითი აპორიებით აღსავსე საკითხების გადასაწყვეტად, არამედ ფილოსოფიისადმი მისი ინტერესი გამოწვეულია თავისთავად "ფილოსოფიურ ხედვათა შეუნიერების სურვილით". ღვთისმეტყველება მისთვის, ისევე როგორც კსელოსისათვის, "უმაღლესი, პირველი ფილოსოფიაა", რომლის მიზანია უმთავრესი ჭეშმარიტების - "მყოფთა აგების სრული შესაქმის" საიდუმლოს ამოცნობა, ხოლო მესაიდუმლედ იგი მიიჩნევს "ხედვასა ფილოსოფოსთა დღისასა" (29). მისი მიზანი ის კი არ არის, რომ ფილოსოფიის საშუალებით დასაბუთოს ქრისტიანული მოძღვრების ჭეშმარიტება (რაც, მისი აზრით, დასაბუთებას არ ემორჩილება და არც საჭიროებს), არამედ ჩვენება იმისა, რომ ელინური სიბრძნე არა თუ ეწინააღმდეგება მას, არამედ სრული უფლება აქვს არსებობისა ღვთისმეტყველების გვერდით, როგორც მის აუცილებელ ნაწილს.

უფიქრობთ, არ შევცდებით, თუ ოდნავი ცვლილებით გავიმეორებთ იოანე პეტრიწის, როგორც მოაზროვნის, მოსე გოგიბერიძისეულ შე-

ფასებას: პეტრიწი ქრისტიანული სკოლასტიკის ისტორიაში იმ მიმართულების წარმომადგენელია, "რომელმაც გადაწყვიტა ფილოსოფია პოზიტიურად გამოეყენებინა. სკოლასტიკის ასეთ მიმართულებას შერიგება მოუხდა ფილოსოფიასთან... ამ საქმეს ჩვენში იოანე პეტრიწი ევროპულ სკოლასტიკაზე ათეული წლებით ადრე იწყებს და, მამასადაძემ, შეაქვს ქრისტიანულ სკოლასტიკაში ის განათლების სანთელი, რომელიც შემდეგ დასავლეთში რენესანსის მხედ ამობრწყინდა"¹, ხოლო ჩვენში, საქართველოში, დაავიწყდებინა რუსთაველმა, რომელიც თავისი მსოფლხედვის საფუძვლებით, სიტყვათშემოქმედებით და ესთეტიკით ორგანულად იყო დაკავშირებული სწორედ პეტრიწთან და გელათის სკოლასთან.

¹ მკობერიძე პეტრიწი, რუსთაველი, პრეულდები, 1961 წ.

დამანა მელიქიშვილი
პროფესორი



ბზიფი. აღმოსავლეთის ფასადი



ივანე მინჩხი¹

მეათე საუკუნის შუა წლებში, პავლე ინგოროყვას გამოკვლევით, აფხაზეთის სამეფო ამ დროს გამხდარა ერთ-ერთი ცენტრი ქართული საეკლესიო მწერლობისა. ვიდრე დაიწერებოდა გიორგი მერჩულის თხზულება, აფხაზეთის მეფის, გიორგი II-ის (922-957 წწ.) დროს აფხაზეთში მოღვაწეობდა განთქმული ქართველი მწერალი-ჰიმნოგრაფი ივანე მინჩხი, რომლის საგალობელი, საეკლესიო ჰიმნები ქართულს ენაზე, დაწერილია აფხაზეთში, აქედან პოულობდნენ გავრცელებას საქართველოში. ივანე მინჩხის ეს მოღვაწეობა მიმდინარეობდა აფხაზეთის მეფის, გიორგი II-ის პირადი მფარველობით. ივანე მინჩხის ერთ-ერთ ჰიმნს (გალობას) დართული აქვს ასეთი წარწერა: "ესე გალობანი მას კარგსა გიორგი მეფესა, დიდსა, დიდითა ვედრებითა აღუწერებთან მინჩხისადა" (ივ.ჯავახიშვილი. სინის მთის ქართულ ხელნაწერთა აღწერილობა, 1947 წ. გვ.145).

ივანე მინჩხს ეკუთვნის დიდი ფორმის საგალობელთა - "საადუქთა", ანუ "მორთულთა" სალექსო საზომის შემოღება და მუსიკალური კომპოზიციის შექმნა. იგი იყო არა მხოლოდ პოეტი-ჰიმნოგრაფი, არამედ მუსიკოსიც. ჩვენამდე მოღწეულ მის ლიტერატურულ მემკვიდრეობაში მრავალია მცირე ზომის საგალობელი - "სტიქარონი", - "თვთნი", ანუ "თვთძლისპირნი".

პ. ინგოროყვა. წიგნიდან "გიორგი მერჩულე".


ივანე მინჩხს ეკუთვნის ამ "თვთძლისპირნი" სტრიქონების, როგორც სალექსო საზომები, ისე მუსიკალური კომპოზიცია.

ივანე მინჩხს დიდი ავტორიტეტი ჰქონდა თანამედროვეთა შორის. მინჩხის ერთ-ერთ ნაწარმოებს, რომელიც მიქაელ მოდრეკილს თავის კრებულში შეუტანია, აქვს ზედწერა: "ქ.ივანე მინჩხისანი. - ქრისტე, განუსვენე სულსა მისსა".

გარდაცვალების შემდეგ მას მიემართება ზედწოდება "ნეტარი". მიქაელ მოდრეკილის იმავე კრებულში ივანე მინჩხის იამბიკონებს აქვს ასეთი ზედწერილი: "იამბიკონი, თქმულნი ნეტარისა ივანე მინჩხისანი" (პ. ინგოროყვა, ძველი ქართული პოეზია. გვ.11) ხელნაწერ კრებულშიც ასეა მითითებული: "თქმულნია ნეტარისა მინჩხისა ქართველისანი". ეს ზედწოდება მას, როგორც საერო პირს, მიემართება მისი დიდი ღვაწლისათვის პიროვნებად აღიარებული პოეზიისა და მუსიკის დარგში.

გასაოცარი სევდითა და ამქვეყნიური ამაოების განცდით აღბეჭდილია ივანე მინჩხის ლექსები. ისინი ნამდვილი პოეტური ქმნილებებია. მკითხველს ვთავაზობთ რამდენიმე მცირე ზომის ლექს-საგალობელს...

X X X



X X X

ამაო არს ცხორებაჲ ჩუენი,
ენაითგან დაჰხსნის მას სიკუდილი!
და ცუდად ხატად ვალნ კაცი,
ამაოდ შურებიან, იუნჯებნ,
და არა უწყინ, ვისდაცა იყოს იგი.
ჯერ არს ჩუენდა გულის-ხმის ყოფა
და ზრუკად ცხორებისა საუკუნოვსაჲ.

მეციცხვეს ჩუენ საწუთრო ესე,
რომელთა არა გულისხმა-ყუოთ
დაუდგრომელობაჲ მისი,
და მაცთუნებს ჩუენ მარადის
ღონითა მით მანქანებათა მისთადათ,
და ამაოსა დამაჯერებს,
კითარცა ღამე სიზმარი მძინარესა.




აღვიპსენითსა

გილისხმა-ვეოთ ამაოებით ჩუენი,
 რამეთუ ვოველნი მოკუდავ და მიწა ვართ,
 და ჟამნი ჩუენნი, ვითარცა სიზმარნი,
 და არა ვერჩდეთ ჩუენ
 წუთსა ამას ცხორებასა,
 რამეთუ ვითარცა აჩრდილი წარვალს,
 და ვითარცა მტყუერი ქუეყანისაჲ განიბნევის.
 შვეინახნეთ საწუთროსა საფრევი,
 ვითარცა მტერისა ბადენი განფენილნი -
 პირსა ქუეყანისასა, დავიმდაბლნეთ
 თავნი საღმრთოთა მით
 სიმდაბლითა, რომლითაცა
 დავიცვნეთ ჩუენ მარადი უგნებელად,
 და არაჲ შევითხოვნეთ სასიკუდინედ მას შინა.



ჟება მარიაშისა

ღმრთისმშობელსა ვადიდებდეთ,
 მშობელსა და ქალწულსა,
 დედასა მეუფისასა,
 ცენახსა გონიერსა,
 ტაძარსა პირმეტყუელსა,
 ბარძიმსა მას ოქროსასა,
 სადგურსა მანანაჲსასა,
 ღრუბელსა საესესა ნათლითა,
 მაგრილობელსა სულთა ჩუენთასა,
 საღმრთოსა ზღუდესა მტკიცესა,
 მცველსა ყოვლისა სოფლისასა.



ნუმცა ვემსგავსებით

ნუმცა ვემსგავსებით, ძმანო,
 ხეთა ზამთრისათა უნაყოფოთა,
 ფურცელ-დაცვენებულთა ბელეკონთა,
 რათა არა მივიღოთ ჩუენ პატივი იგი
 უნაყოფოსა ლელვისაჲ,
 რომელი წყევით განაგმო ქრისტეშან,
 არამედ ნაყოფიერ ვიქმნნეთ!

შამნი ჩემნი

ჟამნი ჩემნი
 ვითარცა რაჲ სიზმარნი განქარდებიან,
 და დღითი დღე მოაკლდების რიცხუსა
 აღრიცხულთა მათ დღესა ჩემთასა.
 და ყოვლისაჲ დამუსნელ არს სიკუდილი!
 აწ ვილუაწოთ მოსლვადმდე მისა!

საქართველოს უკვე აღნიშნულ სამოციქულო ეკლესიის სახელით კიდევ ერთხელ გამოვთქვამ დიდ ბულისტიკვილს იმის გამო, რომ საქართველოში, კერძოდ, აფხაზეთში კვლავ იღვრება სისხლი ბარეში ქალების ჩაქვით. ეს ის ქალები არიან, რომელნიც ასაწოდებენ ცენტრიდანულ ელემენტებს. ისინი კი, უტოვიური იდეებით უმჯობესილნი, მიზნად ისახავენ ჩვენი ქვეყნის დაქვას, მბრამ ეს ცდები აგონა.

აფხაზეთი ისეთივე განუყოფელი ნაწილია საქართველოსი, როგორც ქართლი, იმერეთი, სამეგრელო...

საუკუნეთა მანძილზე ჩვენ და აფხაზი ხალხი ვცხოვრობდით ერთად და კვლავ ვიცხოვრებთ. ჩვენ გვაკავშირებს არა მარტო ერთი მიწა-წყალი, არამედ ნათესაური კავშირი და ურთიერთკავშირისცემა.

კირალად მე კარგად ვიცნობ მათ. 11 წელიწადს ვიყავი მღვდელმთავრად ცხუმ-აფხაზეთში. 1977 წელს, სწორედ აქედან ამიჩიეს სრულიად საქართველოს კათოლიკოს-პატრიარქად. სიამოვნებით ვიხსენებ იმ წლებს, კეთილ და სიყვარულით აღსავსე ურთიერთობას, ქართველებს, აფხაზებს და იმ მცხოვრებ სხვა ერის წარმომადგენლებს შორის.

მაგაშილური სიყვარულით მივმართავ ყველას; ნუ ჩიბდეთ დანაშაულს, რომლისაც მერე უმგვრცხვებთ, ვიცხოვროთ დალოცვილ საქართველოში ერთად, შვიდობითა და თანხმობით.

მე მივმართავ მთავრობას და ყველას, ვისაც ეხება; ყველაფერი ვიღონოთ იმისათვის, რომ აღარ ბანახლდეს სისხლისღვრა და მოლაპარაკების მბიდასთან სამართლიანად გადაწყდეს დღეს არსებული კრობლემები.

სიყვარულმა, სიბრთლემ და კეთილბონიერებამ უნდა ბაიმაკჯვოს და მწამს, ასეც მოხდება.

დგერთმა დალოცოს ერთიანი და განუყოფელი საქართველო და მკვიდრნ მასა შინა.

ილია II
სრულიად საქართველოს
კათოლიკოს-პატრიარქი



ღმერთმა დალოცოს და აცხოვნოს აფხაზეთს
მამულისათვის შეფირულთა სულნი. "მხოლოდ
ცხოველს-მყოფალო უფალო, უფსკრულო სახიერა-
ბისაო, სულნი მიცვალებულთანი სასუფაველსა
შენსა დააფხენ და განსვენება მიჰმადლე მათ,
მხსნელო".

სამშობლოსათვის თავდადებულნი, ღოცვითა
თქვენითა შეეფიეთ საქართველოს.

ილია II

სრულიად საქართველოს კათოლიკოს-პატრიარქი



ქრისტიანი, რომელიც სამშობლოსა და მის სალოცავებს იცავს, ცხადად აღასრულებს ქრისტეს მცნებას: "უფროდსი ამისსა სიყუარული არაგის აქუს, რაფთა სული თვისი დადვის მეგობართა თვ სთათვს" (იოანე 15,3).

რა თქმა უნდა, ომი თავისთავად ბოროტებაა, უკიდურესად სამწუხარო, რომელიც ღრმად ეწინააღმდეგება ქრისტიანობის საფუძვლებს.

ისინი, რომელნიც მიუთითებენ მცნებაზე: "არა კაც ჰკლა", საპართლიანად ამბობენ, რომ ომი დარღვევაა ამ მცნებისა. ეს რა თქმა უნდა, ასეა, მაგრამ ბიბლიიდან ვხედავთ, რომ თვით იმ ძველი აღთქმის დროს, როცა ეს მცნება გადმოეცათ ადამიანებს, ისრაელის ზალხი ღვთის ნებით, იბრძოდა და ღვთისავე შეწყევნით ამარცხებდა მტრებს. გავიხსენოთ ძველი აღთქმიდან მცნება თუნდაც იმის თაობაზე, რომ ადამიანი, რომელიც მშობლებზე ბოროტად მეტყველებს, სიკვდილს უნდა მიეცეს; ე.ი. მცნება "არა კაც ჰკლა", ადამიანისათვის სიცოცხლის წართმევის ყველა შემთხვევაზე არ ვრცელდებოდა. ამ მცნებით აკრძალულია ანგარიშსწორება ერთი ადამიანისა მეორის მიმართ, მხოლოდ საკუთარი გადაწყვეტილებისა და ნების საფუძველზე. როცა უფალმა ახალ აღთქმაში ამ მცნების ღრმა აზრი ახსნა, მან მიუთითა, რომ არა მხოლოდ მკვლელობაა აკრძალული, არამედ, საერთოდ, არაქრისტიანულია ამო რისხვა. უფალი, უკანასკნელ დღეებში, როცა მოციქულებს ესაუბრებოდა, ეუბნებოდა მათ: "რა გესმოდინ ბრძოლანი და ჰამბავნი ბრძოლათანი, იხილეთ და ნუ შეძრწუნდებით, რამეთუ ჯერ არს ესე ყოველი ყოფად (მათე 24, 6). ამ სიტყვებით უარყოფილია ომის უარყოფელთა განცხადება იმის შესახებ, რომ ქრისტიანობა, საერთოდ, არ აღიარებს ომს და მასში მონა-


წილეობის მიღებასაც კრძალავს. დიან, ომი კაცობრიობის ისტორიაში უარყოფითი მოვლენაა, მაგრამ იგი ზოგჯერ იარსებებს, როგორც ერთადერთი საშუალება სამართლის, სალოცავებისა და ზალხთა უფლებების დაცვისა. ომებს, რომელთაც სარგებლობა და წესრიგის აღდგენა მოაქვთ, იცავს ქრისტიანული მოძღვრება. ტყუილად როდი კვითხულობთ აპოკალიფსში (XII, 7), რომ ომი ზეცაშიაც იყო, როცა წმიდა მხედართმთავარმა მიქაელმა და ანგელოზებმა ზეციდან ღვთის მოლალატე ვშმაკი და მისი თანამოაზრე დაცემული ანგელოზები ჩამოყარეს.

ღირსი მამის, ათანასე ათონელის ცხოვრებიდან ცნობილია, რომ მის მონასტერში აღიკვეცა მონაზვნად ცნობილი ქართველი მთავარსარდალი თორნიკე ერისთავი. სახელმწიფოსათვის მძიმე წუთებში, - სპარსელებთან ომის დროს იმპერატორიკა ზოიამ თორნიკე გამოიძახა და სთხოვა, ლაშქარს გასძღოლოდა, მაგრამ თორნიკემ სასტიკი უარი განაცხადა. იგი ბერი იყო. მაშინ ღირსმა მამამ ათანასემ უთხრა მას: ჩვენი მოვალეობაა მტრებისგან მამული ლოცვებით ვინსნათ, მაგრამ თუკი უზენაესი მეუფება საერთო სარგებლობისათვის საჭიროდ ჩათვლის, რომ მახვილი აღვიღოთ, უსიტყვოდ უნდა დავემორჩილოთ. უკეთუ შენ მეფეს არ მოუსმენ, პასუხს აგებ შენი თანამოქალაქეების სისხლისა და ღვთის ტაძართა დანგრევისათვის, რომელთა გადარჩენა არ მოინდომე".

თორნიკე დათანხმდა. დაამარცხა მტერი და სახელმწიფო საფრთხისაგან იხსნა.

იღუმენი შილარეტი


ა ფ ხ ა ზ ე თ ი



კომანი. მამა ანდრია

უფალო, კალი ერსა ჩუენსა მოვც





ღმერთო, შეწვენასა ჩვენსა მოხედენ

განივეს სამოსელი ჩემი მათ შორის და კუროსა ჩემსა ზედა განივდეს წილი (ფსალმუნი)

მშფოთვარე დროში ვცხოვრობთ. მიძიება ჟამი, რომელიც უდგას ჩვენს ერს, ქვეყანას ჩვენსას... მტერთან უთანასწორო ბრძოლაში თავი გასწირეს ქართველმა ახალგაზრდებმა. ძაბით შეიმოსნენ ჩვენი დედები, დები, შვილები..

წმიდა იყო ეს ომი... წმიდა და, მაინც უაზრო, ძმათა მკვლელი. დიდი იყო მსხვერპლი.

ღალატით დაეცა ქართული ქალაქი სოხუმი. ღალატით, საკუთარ სამშობლოში ლტოლვილებად იქცნენ მშვიდობიანი ადამიანები. შემზარავ კადრებს ვუყურებდით ყველდღიურად. სვანეთის უღელტეხილზე თოვლსა და ყინვაში მიიკვლევდნენ ისინი გზას. ბევრმა ვერ გაუძლო. დაინოცნენ ბავშვები, ქალები, მოხუცები. ძნელია გაცნობიერება ამ დიდი ტრაგიზმის.

ჩვენი ჭაბუკებისა და მამების სულები, რომელთაც დასდეს თავი სამშობლოსათვის, უკვე შეუერთდა წინაპართ სულებს.

ღმერთო, სულთაო და ყოველთა ხორციელთაო,
რომელმან სიკვდილი განაქარვე და ეშმაკი დასთრგუნე,
და ცხოვრება სოფელსა მონანიჭე,
შენ, უფალო, განუსვენე სულთა მონათა და
მხევალთა ამათ, ადგილსა ნათლისასა,
ადგილსა მწვანილოვანსა, ადგილსა განსასუენებელსა...

ისტორიულად ცნობილია, რომ ძველი ერები, როცა იმედი ეწურებოდათ, იწყებდნენ ერთობლივ ლოცვას. ლოცვით ინარჩუნებდნენ არსებობას და დღემდე მოაღწიეს. ეს იცოდნენ ჩვენმა წინაპრებმაც. დიდი თამარი ფეხშიშველი მიდიოდა ტაძარში და ისე ლოცულობდა დიდი ომების ჟამს. ვილოცოთ ჩვენც. ომი ჯერ არ დამთავრებულა.

ჩვენ დედამიწის უძველესი ხალხი ვართ. კაცობრიობის აკანთან იდგა ჩვენი წინაპარი. ჩვენ იმ ტვირთის ზიდვაც გვევალება, ერის წიაღში რომაა ჩამალული.

თვალშეუდგამია საქართველოს ეკლესია. საუფლისწულოა მისი მიწა. "ამოვიდოდით ქართველები ამ მიწიდან და ჩავდიოდით ამ მიწაში. სისხლიც იქცეოდა შიგ, სიცოცხლის ზეც ხარობდა ზედ". იყო უღმერთობაც და იყო რწმენაც. და მაინც, და მაინც, ჩვენ მიყვებით ჩვენი წინაპრების გზას, მისი სულის ძახილს, მიყვებით ქრისტეს...

ჩვენი გზა ჯვარცმისა და აღდგომის გზაა. გეწამს ეს. ჯვარცმის სახეში ჩვენ დღევანდელი საქართველოს სინამდვილეს ვხედავთ.

"მოვედინ ჩემდა ტვირთმძიმენი და დამაშვარლნი და მე განვისუენო თქუენ". - ბრძანებს უფალი. ხოლო, უფალთან მისვლა ისევ ერთმანეთთან მისვლაა.

ერთ ლოცვაში ნათქვამია:
"უფალო, შეიწყალენ..."

უარისმყოფელნი მართლმადიდებელთა სარწმუნოებისანი და ჭეშმარიტებისა გზათა შეცდომილნი, წვალებათაგან დაბნეულნი, ნათლითა ცნობისა შენისათა განანათლენ და მოაქციენ იგინი მართალსა სარწმუნოებასა ზედა..."

წვალებათაგან დაბნეულია ჩვენი ერი... დაღლილი, უზომოდ დაზარალებული, მთლიანად მსხვერვაძვე მისული გამოვიდა ამ უძიმესი ომიდან საქართველო და მისი ეკლესია. მთელი ხნის, ყველაზე მეტად კი, ბოლო სამოცდაჩვიდმეტი წლის მანძილზე ტანჯვით ეძებდა იგი გზებს მართლმადიდებლური რწმენის შესანარჩუნებლად. მიძიმე იყო ეს წლები, მაგრამ მადლობა უფალს, მას გაუძლო ქართველმა ერმაც და ქართულმა ეკლესიამაც.

სოხუმის დანგრეულ ქუჩებში ხალხი აღარ ჩანს... მოდიან მხოლოდ სამღვდლონი... მოდიან ჯვრებით, ხატებით... გალობენ, აღავლენენ ლოცვას და ქვეყნის შემოქმედს პატარა საქრისტიანო მიწის გადარჩენას შესთხოვენ... ასე ვხედავ მე ამ ომს, მის ერთ სურათს...

ჩემს ხელთაა უამრავი მასალა, გოგონები და ყმაწვილი კაცები მონაზვნებად რომ აღიკვეცნენ იქ, სოხუმში... აღიკვეცნენ ომის დღეებში. ეს იყო მათი ლოცვა სამშობლოსათვის. შემდეგ კი, უმწვავეს ჟამს (უარესი ჩვენს თაობას რომ არასოდეს უნახავს), ლტოლვილებთან ერთად გადმოიარეს სვანეთის უღელტეხილები. ზოგი მათგანი დაიღუპა კიდეც...

ერთი მამა ანდრია იყო... მოწამებრივი სიკვილით აღესრულა იგი კომანში... მამა სერგი, დედა მარია, სხვებიც... მონაზვნები და სამღვდლონი მოუღვლეად მიდიოდნენ ბრძოლის ხაზზე და აზიარებდნენ მეომარ ბიჭებს.

მოუნათლავი მონათლეთ და ქრისტიანი უზიარებელი არ დატოვოთ, იყო უწმიდესის ლოცვა-კურთხევა.

...დედა თეოდორა, სულ ახალგაზრდა გოგო, მონაზვნად შერაცხილი, ლტოლვილებთან რომ გადმოიარა თოვლიანი აღმართები, ჰყვება... მესტიაში ჩასვლისთანავე საპატრიარქოში დავერეკეო... შორენა გადაირია... ვერ დაიჯერა, რომ მე ვიყავი... აქ ყველას დაკარგულები ვგვონეთო...

...ერთხელ მამა პავლესთვის ერთ ბიჭს უამბნია, ადღომის დილას პოზიციაზე, ტყის პირას ვიჯექი და ტკივილით ვფიქრობდი, ღმერთო, რა იქნება, ერთი წითელი კვერცხი რომ მომცაო და, სულ რამდენიმე წუთში ეკლესიიდან საადღომო საჩუქარი მომიტანესო. ამაზე მეტი სიხარულის განცდა არასოდეს მქონიაო, მითხრა მამა პავლემ. ის საჩუქარი მისი ხელით ჩატანილი ყოფილა.

...ერთხელაც, გუჯი წიკლაურის ბატალიონში, ჩვენს მღვდლებს, თვით მეთაურის ნებით, აფხაზი ტყვეებიც კი მოუნათლავთ და უზიარებიათ. ეს საოცრებაა. საოცრება, ქართული ხასიათის გამონათება რომ ჰქვია, სხვაგან რომ ვერ ნახავ.

და ისევ მამა ანდრია... მშვენიერი ოჯახი ანუებისა, ვინც აღადგინა კომანის ეკლესია, ვინც მუდმივად ლოცულობდა იოანე ოქროპირის სარკოფაგთან, წმიდა ვასილისკოს საფლავთან, იოანე ნათლისმცემლის თავის პოვნის ადგილზე (ეს ყოველივე კომანშია), ვისი ოჯახის უფროსი იური ანუა აფხაზმა მკვლელებმა წაიყვანეს და, აღარ იციან სადა... მადლობა უფალს, ანუები - ზოიაც, მანანაც ახლა ჩვენთან არიან, კვლავ ეკლესიას მსახურებენ და კომანში დაბრუნებაზე ოცნებობენ.

ეს უდიდესი ტკივილია და მსგავსი ტკივილი ბევრი დატოვა ამ ომმა. ამ უაზრო, მძიმე ომისადმი დამოკიდებულება ქართულმა ეკლესიამ მრავალგზის გამოხატა მისი უწმიდესობის ეპისტოლეებით მსოფლიოს ეკლესიათა პატრიარქებისადმი, რომის პაპისა თუ გაეროს სამშვიდობო მისიისადმი, მისივე ქადაგებებით მრევლის წინაშე და ასევე, ქართველ სამღვდლოთა - მამათა და დედათა მისიონერული ღვაწლით აფხაზეთში.

ეს ჩანაწერები კი, რომელიც ძლივსძლივობით შეგვკრიბე, (მათ უჭირდათ ამ ტკივილზე საუბარი... არც სურდათ. ისეთი რა გავაკეთეთო, მეუბნებოდნენ... ეს ჩვენი ვალი იყო), მხოლოდ ნაწილია იმ მოზრდილი წიგნისა, რომელიც უსათუოდ უნდა გამოვიდეს...


ღმერთო, შეწვენასა ჩუენსა მოხედენ,
უფალო, შეწვენად ჩუენდა ისწრაფე"

თინათინ კობალაძე



წმიდათა თანა განუსვენე, უფალო, საქართველოსთვის





აღსრულებულთა, მოწათა და მხევაართა უნთა



ის, რაც აფხაზეთში მოხდა, ჩემთვის, არა მხოლოდ როგორც ეკლესიის მსახურისათვის, არამედ როგორც მოქალაქისათვის, წარმოუდგენელი რამ არის. ბავშვობიდანვე ვეზიარე მას, რომ ქართველები და აფხაზები ნათესაეები, ძმები არიან. ყოველთვის ამას ვკადავებდი ამბიონიდანაც, მაგრამ ახლა ეჭვი გამიჩნდა, დიდი ეჭვი; როგორ შეიძლება ძმა იყოს ის, ვინც მოსაკლავად გაგიმეტებს და ტყვიას გესვრის. მე ღვთის მსახური ვარ და ღვთისავე სახელით კაცს ნებისმიერ შეცდომას მიუტყვებ, მაგრამ ეს მაშინ ხდება, როდესაც მოინანიებს დანაშაულს და მიტყუებას ითხოვს. სამწუხაროდ, აქ ჯერ ვერ ვხედავთ ამას. პირიქით, დამნაშავე სზვისთვის სისხლის გადაბრალებას ცდილობს. ეს ორმაგი შეცდომა და მკრეხელობაა. ყველაფრის პატიება არ შეიძლება, ამისათვის შთამომავლობა მოგვთხოვს პასუხს. როდესაც დამნაშავეზე ვლაპარაკობთ, მთელ ხალხს როდი ვგულისხმობ, ხალხი არ შეიძლება დამნაშავე იყოს. დამნაშავენი პიროვნებები არიან. ვლოცულობ ქართველთათვის და აფხაზთათვისაც, რომლებსაც თავკვას უბნევენ უკეთურები. ყველაფერს ვიღონებ, რათა ორ ხალხს შორის მშვიდობა აღდგეს. ეს ჩემს მისიად მიმაჩნია.

დავითი

ცხუმ-აფხაზეთის მიტროპოლიტი



სოხუმი

კალისტრატე

ქუთაის-გენათელი მიტროპოლიტი

გელათობას, ღვთისმშობლის მიძინების დღესასწაულზე შევთანხმდით მე და ქალაქის მერი, ბატონი თემურ შაშიაშვილი, რომ მეორე დღეს გავემგზავრებოდით სოხუმში. მზად გვექონდა ჰუმანიტარული ტვირთი. დილის 3 საათზე უკვე აეროპორტში ვიყავით... მაგრამ არ მოგვეცა გაფრენის ნება. საშიშიაო, გვიმტკიცებდნენ. ბოლოს ჩვენმა დაჟინებულმა თხოვნამ გასჭრა და 12 საათზე, როგორც იქნა, გავეფრინდით. სოხუმში დაწვრილებული დაგვხვდა... ცეცხლი ეკიდა სახლებს... არ ვიცი, რა უნდა იყოს ამაზე შემზარავი სანახაობა. ვნახეთ დასახინრებული, დამწვარი ადამიანები. შევხვდით სახელმწიფო მეთაურს. არ მავწყვდება მისი სახე... ის წუთები. ხედავდა ღალატს და უკვე იცოდა, საქმე რომ კვლავ იყო კარგად, მაინც ურყევად იდგა. ღალატი რომ არა, ისე დიდა და ისე ძლიერი ჩვენში გადარჩენის გენი, რომ ვძლევდით იმ მტერს, კალიასავით რომ შემოესია საქართველოს. მაინც მწამს, დროებითია ეს მარცხი.

რამდენიმე დამე გაათიეთ სოხუმში, კალანდიბთან... მე იქ, იმ სახლში და საერთოდ სოხუმში მრავალი მამულიშვილი ვნახე... შევხვდი გურამ ფანჯიკიძეს, რომელიც მართლაც გასაოცარი თავგანწირვით შედიოდა ფრონტის წინა ხაზზე და დაჭრილები გამოჰყავდა. ვნახე ლორიკ მარშანია, გია ყარყარაშვილი, გენო ადამია და თითქმის ყველა, რომელნიც წამიერად შემობრბოდნენ და მაშინვე ბრძოლის ხაზზე გარბოდნენ... ბატონი ჯაბა იოსელიანი ვიკითხე... ფრონტის წინა ხაზზე იყო...

ორი დამე ჩვენთან ერთად გაათენა ჟიული შარტავამ. მამამისი მამაჩემს უყვარდა ძალიან. მასთან მუშაობდა და მუდამ დალოცავდა ხოლმე, როცა გაიხსენებდა. ჟიულისაც გაეხარდა, რომ კუთხარი, ვისი შვილი ვიყავი. ჩემს სულს შენ გაბარებ, ჩემი სულისთვის ილოცეო, მითხრა. მიგვიწვია კაბინეტში, დაუეწიყარი იყო ის წუთები. ჩამოვარდა მცირე პაუზა... ჟიულიმ სასმელი აიღო, ფეხზე წამოდგა, პირჯვარი გადაისახა, ხელები ზევით ადამყრო და - ღმერთო, ყველას მაგიერ მე დამსაჯე და სამშობლო გადამირჩინეო, - წარმოთქვა ხმამაღლა, შთაგონებით გავიღიმე



და კუთხარი:

- რაც ღვთის ნებაა, ისე იქნება, ჩემო ბატონო... ეს ქვეყანაც არსებობს და ის ქვეყანაც... მამათქვენს კალისტრატე ჰქვია, მეც კალისტრატე ვარ და ორივე ვილოცებთ თქვენთვის-მეთქი.

გაიღიმა. გავიდა მეორე ოთახში; გამოიტანა ფლომასტრები და დაგვირიგა... ეპ, მშვიდობა რომ იყოს, კი ვიცი, როგორი მასპინძლობა გეკადრებათ თქვენო, გვითხრა. გამოვართვი ის ფლომასტერი და ვინახავ, როგორც ძვირფას რელიქვიას. მისი სულისთვის კი მარადის ვილოცებ... თუმცა ის, ვინც სამშობლოსათვის წამებით აღესრულა, ვინც მოიხადა თავისი ეალი, უკვე სუფევს სასუფეველში.

უფალმა გაანათოს მისი სული... უფალმა სამშობლო უცოცხლოს.

... სულ რამდენიმე დღე ვიყავით სოხუმში და მაინც, ყველაფრის გადმოცემა რომ შევძლო, რაც იქ ვნახე, ერთი დიდი წიგნი დაიწერება. ვიარეთ პოზიციებზე, დავლოცეთ ჯარი, დავერივეთ ხატები, ლოცვანები, ვუკურთხეთ სამლოცველოები, მივულოცეთ ღვთისმშობლობა. კიდევ გვინდოდა დარჩენა, მაგრამ სახელმწიფოს მეთაურის დაჟინებული მოთხოვნით, დაგბრუნდით ქუთაისში.

ღვთისმშობელო, შენ აკურთხე შენი წილხელომილი ქვეყანა და მისი შვილები...

დაგვიფარენ, ღვთისმშობელო!



მღვდელი აბაკი მელიქიძე

სოხუმის ფერისცვალების ტაძრის მოძღვარი

უკვე რამდენიმე თვეა თბილისში ვარ... შემთხვევით გამოვადვინე... ტაძარში ხანთელი აღარ გქონდა და წასაღებად ჩამოვედი... მაგრამ მეორე დღიდან გზა ჩაიკეტა და ვეღარ დავბრუნდი. პირველი დღეებიდან იქ ვიყავი...

ამბობენ, დრო ყველაფერს კურნავსო, ადამიანს ბოლოს და ბოლოს, ყველა ტკივილი უნელდებაო... არ ვიცი, იქნებ ასეცაა, მაგრამ იმ განცდის, იმ ნამდვილი ჯოჯოხეთის დავიწყება ჩემთვის შეუძლებელია... ყოველ წამს თან დამაქვს უზარმაზარი მწუხარება და ფიქრი იმაზე, რაც მოხდა. ეს ყოველივე ხომ ანტიადამიანურია, ანტიადამიანური და რაღა თქმა უნდა, ანტიქრისტიანული. მასხვებს ის უმძიმესი წუთები, საშინელება რომ ატყდა. ტელევიზიით გამოვიდა არძინბა და აუწყა ხალხს, ქართველები მოდიანო. ქუჩები დაცარიელდა. ატყდა სროლები. ქართველები ჯერ არსად ჩანდნენ, მაგრამ ყველაფერს მათ აბრალებდნენ. ქალაქში ვერ გავდიოდით. სულ უდანაშაულო ადამიანებს ხოცავდნენ. ორისამი დღის შემდეგ ჩვენები შემოვიდნენ. გაწმინდეს ქალაქი. ცოტათი თითქოს სიმშვიდეც ჩამოვდა. ყველაფერი მალე მორჩებაო, ამბობდნენ. ფსოუს საზღვრამდე იყვნენ მისულები. ახლა მიკვირს, როგორ ყვეები ყოველივე ამას. ერთი წამითაც არ მტოვებს იქ ნანახი და განცდილი. ადამიანთა დატანჯული სახეები, შეშინებული ბავშვები, ცეცხლწაკიდებული, გადამწვარი, გადაბუგული სახლები, ქუჩებში უსულო ადამიანები. ეს ყველაფერი უჩვეულო და შემზარავი იყო. ოჯახი იქ მყავდა. ოთხი პატარა ბავშვი... სულ პატარა ერთი თვისა იყო. ბოლოს ყველაფერი ისე დაიძაბა, იძულებული შევიქენი, ბავშვები აქეთ წამომეყვანა.

ჩვენი ეკლესია სოხუმიდან 2-3 კილომეტრითაა მოშორებული. ყოველდღე, უდიდესი გაჭირვებით გვიხდებოდა ამ მანძილის გაგლა. ზოგჯერ, როცა შეეძლოთ, ჯარისკაცები გვეხმარებოდნენ, მანქანით აგვაყვდი. მუდამ მრევლთან ერთად დავდიო-

დით. დაჩოქილი, მხურვალედ ლოცულობდა ყველა. ქუჩა ხავსე იყო მკვდრებით. ყოველ წამს ტყვიების ზუზუნი ისმოდა. ჩვენს ახლოს ცვიოდა გრადები. ჩემი მრევლიდან ერთ ქალს იმ დღეებში, ლალი გაბუნიას, - ახლა ის ლტოლვილია, - ქმარი და 19 წლის შვილი დაეღუპა.

ფანტასტიკური სიმშვიდითა და თავგანწირვით აკეთებდა თავის საქმეს ჩვენი სამღვდლოება. მეუფე დანიელთან ერთად, განუწყვეტლავ დავდიოდით მეომრებთან, წინა ხაზზეც კი... ვცდილობდით, შეგვეტანა მათში სარწმუნოება, სიმტკიცე. ხშირად ვაზიარებდით ბიჭებს. მეუფეს მოძღვრები თბილისიდანაც ჩამოჰყავდა. ძალიან ხშირად ვაკითხავდით საავადმყოფოებს. ამ მხრივ განსაკუთრებით ბევრი გააკეთეს დედებმა... ვუვლიდით დაჭრილებს, ენათლავდით, პოზიციაზეც კი ენათლავდით. ამის ასე სქემატური ჩამოთვლაც ამაღელვებელია, თორემ მათთან ყოველი შეხვედრა ცალ-ცალკე შეიძლება აღიწეროს. მე ჯერ ეს არ შემიძლია. ჯერ მიჭირს. განცდები ისე ძლიერი იყო, ჯერ კიდევ დრო მჭირდება. ოღესმე ვეგბ, მართლა შევძლო ყველაფრის აღწერა.

ჩემი მხრიდან, ცხადია, მე იმასაც ვცდილობდი, სულიერი შეილუბისთვისაც მიმეხედა, როგორმე მენუგეშებინა ისინი.

თვალებიდან არ ამომდის ერთი ასეთი ეპიზოდი: ერთ ოჯახში მიმიწვიეს... გადავუხადე პარაკლისი, განუგეშე, თითქოს დამშვიდდნენ. გამოვედი თუ არა, სროლა ატყდა. ირგვლივ გრადის ტიპის ჭურვები ცვიოდა. ცენტრალური მოედანი, მშვიდობის პროსპექტი ჰქვია. ყველაფერი დაისმხვრა. ეს ომის პირველ დღეებში იყო. პირველად მოვხვდი ასეთ მძიმე მდგომარეობაში. მეომრები მანიშნებდნენ, დაწევიო, მაგრამ არ დავწოლილვარ. გადავსახე მათ ჯვარი და გავვი წინ. რაც იქ ვიხილე, ნამდვილი საშინელება იყო. ვგლო ადამიანი, რომელსაც თავი აღარ ჰქონდა. ირგვლივ სისხლის ტბა იდგა. ტელევიზიაშიც უჩვენეს ეს კადრი. ეს პირველი ზაფრა იყო. მერე ნაწამები, დასახიჩრებული, ცხვირმოჭრილი, თვალებამოჩიქნილი ადამიანებიც ბევრჯერ ვნახე. თვითმფრინავიდან ქალაქს ბომბავდნენ დღისითაც და ღამითაც. ღამით, მთელი ღამეობით ჯერ რაღაც მანათობელ საგნებს უშვებდნენ და მერე მისამართის მიხედვით ბომბავდნენ. იყო საშიშროება მთელი ქალაქის მიწასთან გასწორებისა. ძალიან ძნელია ამის არა მხოლოდ საკუთარი თვალთ ხილვა და განცდა, მოსმენაც. მოგვიდევ ფსალმუნებს ხელი და დაეიწყე ხმაძალა კითხვა.

მინდოდა ამით დამეთრგუნა შეშფოთება. ამასვე მოეუწოდებდი მრევლსაც. ყველანი ერთად ვლოც-ვლობდით სოხუმისა და ადამიანების გადასარჩენად.

ფსალმუნის განუწყვეტელმა კითხვამ სითბოც მომცა, ძალაც, ნუგეშიც და უკვე აღარ მაძრწუნებდა ის საშინელი აფეთქებები. ტკივილი კი, როცა ხედავ, როგორ იღუპებიან ადამიანები, როგორ ერთ წაშში ისპობა წლობით ნაშრომ-ნაღვაწი და იწვის ყოველივე, რა თქმა უნდა, შემზარავია. საოცარი იყო ერთი რამ, თვითმფრინავებიდან ჩამოცვენილი ბომბები ძირითადად, რატომღაც რუსების სახლებს ეცემოდა.

ეკლესიაში ამ დიდი განსაცდელის უამსაც ჩვენ არ გავციდენია წირვა-ლოცვა, არ გავციდენია არც ერთი საეკლესიო დღესასწაული. განუწყვეტლივ ვასრულებდით პარაკლისებს, ვაკურთხებდით წყალს, სახლ-კარს, ეზოებს, ქუჩებს... ხშირად გრადის ტიპის ყუმბარები ეკლესიის თავზეც გადადიოდა. სროლის დროს ხალხი ეკლესიის კუთხეებში წვებოდა. მათ შიში თითქოს უკვე გადავიწყდათ. ამ უბედურებაში ეკლესია მათთვის ნუგეში იყო... რაც უნდა დიდი დაბო-ბებშიც არ ყოფილიყო, ფსალმუნის კითხვას თავს არ ვანებებდით. მრევლით სავსე იყო ეკლესიაც და ჩემი სახლიც. მათი ასეთი ურთიერთთანადგობა მეც მამხნეებდა და ძალას მაძლევდა.


მინდა განსაკუთრებით აღვნიშნო, რომ ამ ომში სამღვდელთაგანაც გაიღო მსხვერპლი. დაიღუპა ვლადიმეროვის ეკლესიის დეკანოზი კრავკოვი. დაიკარგა და ვერსად ვეღარ ვაპოვეთ. ჩემს მახლობლად, მეორე მხარეზე ცხოვრობდა მამა იოანე ანდრიუშენკო... ომში მას მეუღლე დაეღუპა. ყუმბარა ჩამოვარდა. სახლი თითქმის

მთლიანად გაანადგურა. მატუშკა გარეთ იყო, ეზოში. იგი ნამსხვერვემა იმსხვერპლა. იმ დროს მე სახლში ვიყავი, მაგრამ ისეთი დიდი იყო მსხვერვეის ხმა, რომ მეც მომწვდა. მსუბუქი კონტუზია მივიღე. უზომოდ მტკივნეულია ამის გახსენება; მით უმეტეს, მძიმე იყო განცდა. ყოველივე ეს მუდამ თვალწინ მიდგას. მისი დაღვიწყება არ შეიძლება. მეუფესთან ერთად ხშირად ჩამოვდიოდით ხარების ტაძარში. იქაც იყო მსხვერპლი, ჭურვები დაეცა სახლს, სადაც ცხოვრობდნენ მოძღვრები. ერთი ქალი იმსხვერპლა, მორჩილი იყო. თითქოს ახლაც ეხედავ, როგორ ინგრეოდა სახლები, იწვიდა, იფერფლებოდა... ეხედავ ადამიანთა გატანჯულ, მწუხარე სახეებს... ხშირად, საცოდავები ვეღარ უძლებდნენ ამდენ უბედურებას და იხოცებოდნენ... გული უსკდებოდათ და ეცემოდნენ. არ მაგიწყდება მათი იმედის მომლოდინე თვალები.

ბეგრმა მეომარმა მიიღო ზიარება, ბეგრი გრძნობდა მის ძალას. ბოლოს გვიამბობდნენ ხოლმე, როგორ გადაურჩნენ ხიფათს. ყოველი მხრიდან ითხოვდნენ, მივსულიყავით მათთან და გვეზიარებინა, რომ ცოტაოდენი სიმშვიდე ეგრძნოთ. ჩვენ, როგორც შეგვეძლო, ვეზიარებოდით ყველას, განურჩევლად ეროვნებისა, აფხაზებსაც...

ცხადია, მე მესმოდა ჩემი მოვალეობა: ყოველ სიტუაციაში უნდა ვყოფილიყავი მშვიდად, რათა აღმესრულებია ჩემი ვალი ღვთისა და კაცის წინაშე. დიდი იყო ეს განსაცდელი და იმეამად იქ მყოფმა მთელმა ჩვენმა სამღვდელთაგანაც ეს ვალი შეძლებისდაგვარად, მაგრამ უშურველად მოიხადა...

შეგვინდევ უფალო, შეცოდებანი ჩვენნი...





XXX

1992 წლის მაისია. წელს მამა დანიელი და მისი მრევლი დიდი გეგმების განხორციელებას აპირებს: მისიონერული მოგზაურობა მესხეთ-ჯავახეთში, აჭარაში, სამეგრელოში, აფხაზეთში... ამავე თვეში მამა დანიელი ორ მოძღვართან ერთად (მეუფე იობი და მეუფე დავითი) ეპისკოპოსად აკურთხეს. დიდი სიხარული იყო ჩვენთვის ეს... და მაინც, გაგვიჩნდა ერთგვარი საწუხარიც... აღარ ვიცოდით, წავიდოდით თუ არა სამოგზაუროდ. ბოლოს გადაწყდა, წელს წავსულიყავით ბოღბეში - მეუფის ეპარქიაში. ჯვარხატებითა და ქადაგებებით მოიარა მეუფე დახიელმა თავისი ეპარქია. ოქტომბერში კი, აღსრულდა აფხაზეთის მიტროპოლიტი დავითი. სისხლი უბევ იღვრებოდა აფხაზეთში. წუხდა საქართველოს ძირძველი მიწა... წუხდა ხალხი, ამ მიწაზე მცხოვრები... უმღვდელმთავროდ დარჩენილ ეპარქიაში მისმა უწმიდესობამ დროებით მმართველად მეუფე დანიელი მიაგვლინა. ასეთი იყო, როგორც ჩანს, ნება უფლისა. და აი, მეუფე დანიელი ორ სხვა მღვდელმთავართან - დავითთან და იობთან ერთად სოხუმს გაემგზავრა. მეუფეს ასევე თან გაჰყვინებდნენ სამღვდლონი: მამა თეიმურაზი (ბერიშვილი), მცხეთელი დიაკონი გიორგი; მონაზვნები: მარტყოფის დედათა მონასტრის წინამძღვარი დედა მარიამი, დედა თეოდორა, დედა ანასტასია, დედა ანუსია, მორჩილი ლელა (ელენე), მარინა და მე. ასევე მორწმუნეები: ნუგზარი, ზურაბი, იმელო.

17 ოქტომბერს გაფურინდით სოხუმში. მშვიდი, მზიანი დღე იდგა. აეროპორტში ჯარისკაცები ირეოდნენ და სოხუმიდან წამსვლელთა უზარმაზარი რიგი იდგა. იდგნენ ფუთებით, ჩანთებით, ჩემოდნებით... წავეყვანეს რეზიდენციაში. დავბინავდით. თანდათან მოეშინაურდით. გადავიხადეთ პარაკლისი. ჩატარდა პირველი წირვა. სამი მღვდელმთავარი წირავს ერთად... ავედრებს უფალს ამ კურთხეულ მიწას და ხალხს.

საოცარი ძალა ჰქონდა ამ წირვას და მრევლმა იგრძნო ეს. მთელი ათი დღის მანძილზე, მათი (მეუფე დავითისა და მეუფეების) იქ ყოფნის ჟამს სამღვდელმთავრო წირვები არ შეწყვეტილა სოხუმში. შემუშავდა გეგმა:

1. ქალაქის დალოცვა - ჯვრით, ხატებით, ნა-

კურთხი წყლის სხურებით ქუჩების, სახლების, დაწესებულებების მოვლა.

2. ჯარის ნაწილების, შტაბების დალოცვა, სამხედროების ზიარება, მონათვლა.

3. მრევლისა და სამწყსოს გაცნობა, მთავრობასთან კონტაქტის დამყარება და საეკლესიო ცხოვრების გაძლიერება.

არასდროს უფრო საოცარი არაფერი შემეგრძენია, ჩვენი პირველი გასვლა რომ იყო ქალაქში. მუდამ ჩემს თვალწინაა ეს სურათი:

სოხუმის საკათედრო ტაძრიდან უდროო ჟამს გაისმის ზარების რეკვა... ტაძრის ეზოდან იძვრის პროცესია... წინ ჯვარი, ხატები, კელაპტრები, შემოსილი სამღვდლოება, მღვდელმთავრები, მონაზვნები ქალაქში გადიან გალობით... უჩვეულოა აქაურობისთვის ეს ყველაფერი. გვიერთდება მრევლი, მორწმუნენი, მოსახლეობა... შემხვედრნი იწერენ პირჯვარს, ითხოვენ კურთხევას, ზოგი მუხლებზე ეცემა და ზეცაში ღმერთს შეჰდალადებს, ზოგი ტირის... შეუძლებელია იმ წუთების აღწერა. - ის მხოლოდ უნდა განიცადო.

ჩვენი იქ ჩასვლის ჟამს ყველაზე ცხელი წერტილი იყო ოჩამჩირის რაიონი - ლაბრა, კინდლი, ტამიში, ცაგერა. ამ სოფლებში განლაგებულ ჯარისკაცებს აუცილებლად სჭირდებოდათ ღვთის სიტყვა, აღსარებისა და ზიარებისათვის მომზადება, ნათლობა. ბევრი იყო მოუნათლავი. დავდიოდით მათთან, ვადგენდით ნაზიარები ჯარისკაცების სიებს და ეკლესია და მონასტერი მათთვის ლოცვებს ადავლენდა.

ხშირად ჩამოდიოდნენ სტუმრებიც თბილისიდან, ბათუმიდან... გვირეკავდნენ. ცის გახსნას ჰგავდა, როცა ყურმილში უწმიდესის ხმას გავიგონებდით. მუდამ გვეხმიანებოდა და გვაძინებდა. ეს ისეთი სიხარული იყო, რომ მაშინვე ყველა გასაჭირი გვაიწყდებოდა. გასაჭირი კი იყო. გახშირდა შემოტყეობი. მძიმე დღეები გვედგა. აცემა. არა წყალი, არა გათბობა, არა სინათლე, არა შუშა, არა ღუმელი, არა ტრანსპორტი, არა საწვავი, არა სურსათი...

ამ მძიმე დღეებში ისევ სამხედროები ამოგვიდგნენ მხარში... აი, ზოგი მათგანი: გენო ადამია, პაატა დათუაშვილი, გოგა ხაინდრაკა, დავით

გულუა, იური კემელავა, ვალერი ქვანია, ზურ უჩაძე, რეზო ბუბუთიშვილი, დავით ჯორჯიაშვილი, დავით ჯიბუაძე და კიდევ რამდენი... ზოგი მათგანი უკვე ცოცხალთა შორის აღარაა. მშვიდობა მათ სულელებს... მადლობა მათ თანადგომისათვის. ყველა მათგანი, მეთაური თუ ჯარისკაცი, ცდილობდა რაიმეთი მაინც ამოგვდგომოდა მხარში. მეუფე დანიელი, სოხუმისა თუ ჩვენთან დროებით ჩამოსულ მამებთან და დედებთან ერთად ხშირად გადიოდა ფრონტის ხაზზე... მიჰქონდა ჯვრები, ხატები და რაც მთავარია, ღვთის სიტყვა. საოცარი იყო, იმ ჯოჯოხეთში, რასაც განიცდიდნენ ჩვენი ჯარისკაცები, მეუფე მათ ისევ და ისევ, მაინც და მაინც, მოუწოდებდა დაეცვათ მამა-პაპათა წესი, არ მიებაძათ მტრისათვის სისასტიკეში და ბოლომდე დარჩენილიყვნენ რაინდები, უპატიოდ არ მოპყრობოდნენ ტყვეებს და სხვა... ეს ძალზე მწელი იყო, მაგრამ ჯარისკაცებს მოსწონდათ მისი ასეთი მოწოდება და მუდამ სიხარულით ხვდებოდნენ.

დეკემბრის ბოლოს, უწმიდესმა მეუფე დანიელი ცხუმ-აფხაზეთის ეპარქიის მმართველად დაადგინა. ჩვენც, მეუფესთან ერთად, საკუთარ სახლად მივიღეთ საპატრიარქო რეზიდენცია და იქ დავმკვიდრდით. მამაკაცები ნინოშვილის ქუჩაზე, პატრიარქისეულ სახლში გადავიდნენ და იქ დაბინავდნენ.

ამ დროისათვის ყველაზე მნიშვნელოვანი კომანში ლოცვის გაძლიერება იყო. ჩვენც ხშირად დავდიოდით იქ, სადაც ჩვენი მასპინძლები იყვნენ კომანის იოანე ოქროპირის ეკლესიის აღმდგენლები - ზოია და იური ანუები და მათი ქალიშვილი მანანა - ტკბილად მოლულუნე, მშვიდი, უწყინარი, გაციკროვნებული.

მათი პირველი შეხვედრის სითბო მთელი ჩვენი იქ ყოფნის დროს გვშეჟლიდა, გვაძნეებდა.

მამა ანდრია იყო იქ მწირველი და მლოცველი. გასაოცარი იყო მისი ამტანობა. მე მილაპარაკია მასთან. ძალზედ უჭირდა ხალხში ყოფნა. სულ განმარტობისაკენ ილტვოდა. წყნარ ადგილს ეძებდა... მაგრამ აფხაზეთში იმ დროს სად იპოვიდა სიმშვიდე. წუხდა. ყოველდღე ვწირავ, ტრაპეზს ვებები - საამისო კი არც გამოცდილება მაქვს და არც ღირსი ვარო. რამდენჯერმე წასვლაც სცადა, მაგრამ იცოდა, რომ ახლა კომანის მიტოვება არ შეიძლებოდა. აქ ჩატარებული წირვა-ლოცვის მადლი მთელ საქართველოს ეფინებოდა, განსაკუთრებით კი, აფხაზეთს. კომანში დარჩენილ ხალხსაც ხომ უნდოდა ნუგეში.

საოცარი პასუხისმგებლობის გრძნობა ჰქონდა და ლოცვის წყურვილი. ყველაფერთან ერთად, მთელ დავითის ყოველდღე თავიდან - ბოლომდე კითხულობდა. საერთოდ სიტყვაძუნწი იყო; ზედმეტად თავისი გრძნობების გამოხატვას ერიდებოდა. ერთხელ გაგვაფრთხილა, რომ შებინდებდა,

კომანში მაშინ ჩამოდით. აფსუები, თითქმის ყოველ დღე, ორმოცამდე კაცი, ხშირად მოდიან კელესიასთანო. მშვიდობა მის ნათელ სულს... ამაღლებულს, სიწმიდით აღსავსეს...

კომანში სამხედროებსაც ვხვდებოდით. მეუფე ხშირად უხდიდა მათ პარაკლისებს, აზიარებდა, ამხნეებდა. ჯარისკაცებს შორის ქალბიძე იყვნენ, მამულისათვის თავდადებულად რომ იბრძოდნენ... ლოცვით მოვიარეთ მთელი რაგი სოფლები: შრომა, ახალშენი, ცუგუროვკა... უხაროდა ხალხს ჩვენთან შეხვედრები. განსაკუთრებით ძალიან მეუფის ქადაგებები მოსწონდათ. რა ახალგაზრდა ეპისკოპოსია და რამდენ გამოცდილებასა და სიღინჯეს ამჟღავნებსო.

ომია და გაჭირება. ხანდახან ხალხს ლუკმაპური ენატრება და ჩვენც მეუფის ლოცვა-კურთხევით და ხშირად მასთან ერთად მივაქვს ოჯახებში, მარტოხელებთან, რაც გაგვაჩნია. ხანდახან ეს მარტო პურია. მეუფე სამეუფო სეფისკერებს აგროვებს და იმათაც გაჭირებულებს ურიგებს. ჩვენც, ხანდახან, ჩვენს წილ პურს გაცემთ გლახაკებზე, ავადმყოფებზე, უძლურებაში მყოფ მონაზვნებზე.

ყოველდღე 2 საათზე ეზოში მათხოვრები იკრიბებიან... როგორც შეგვიძლია, ვაპურებთ მათ.

უპატრონო მიცვალებულებისათვის მიწის ნაკვეთიც გამოვითხოვეთ... მათ გააპტიონებასაც ჩვენები ხელმძღვანელობდნენ - თხრიდნენ საფლავებს და მარხავდნენ. ბევრჯერ მინახავს ტყვიების წვიმაში ცივით, ან მარხილით, როგორ ცდილობდა ჭირისუფალი სამარემდე მიეტანა გარდაცვლილის გვამი.

ჩვენი ხშირი სტუმრები იყვნენ ბატონები: - აკაკი გასეიანი, ჯანო ჯანელიძე, ჯუმბერ ბეთანიშვილი, მერი ჯანგველაძე, ჯემალ შარვაშიძე, ქალაქის მერი და სხვა საპასუხისმგებლო თანამდებობის პირები. წირვა-ლოცვასაც ესწრებოდნენ და საეკლესიო დღესასწაულებშიც მონაწილეობდნენ. შემდგომ ჩვენი ხშირი სტუმარი იყო ფიული შარტავა. იგი განსაკუთრებული ყურადღებითა და სითბოთი გვეპყრობოდა. მეუფე დანიელმა, მისივე თხოვნით, სახელი შეუცვალა მას და დავითი უწოდა.

თანდათან, ტანჯვით, მაგრამ მაინც გავიდა ზამთარი. ცეცხლის ხაზზე კი დათბობა არ იგრძნობოდა.

4 მარტს სოხუმმა საშინელი შემოტევა განიცადა. მთელი ღამე ლოცვაში ვგათენეთ. 16 მარტს, წმიდა ვასილისკოს ხსენების დღეს, ფეხით ჩაკედით კომანში და ლოცვას დავესწარით... ტყვიების ჭექა-ქუხილი გადადიოდა კომანის თავზე. ბომბავდნენ სოხუმს. დილით სროლა ცოტათი მიწყნარდა და ჩვენ შეწუხებულები ფეხით გამოვეყვიეთ გზას სოხუმისაკენ. სოფელ შრომაში

ავტობუსი დაგვხვდა. ეს სასწაული იყო. ჩვენი წამოსვლიდან ერთი საათის შემდეგ შრომაში საშინელი შემოტევა დაიწყო და მიიმე ბრძოლა გამართა. ასე გამოვეყვანა უფალმა განსაცდელიდან. საოცარია ისიც, რომ მსგავსი ბრძოლების დროს, არავის შიში არ შეპარვია. თუ არა ღვთის მაღლი და შემწეობა, აბა რა გვაძარებდა.

ვიდღესასწაულეთ ზარება. მოვიდა აღდგომა. აღდგომას თბილისიდან გვეწვევენ მეუფე დანიელის სულიერი შვილები და მამა პავლე თავისი მრევლით.

ის საშინელი დაბომბვები და შეტევები, რაც მთელი მარტი გრძელდებოდა, მაღლობა უფალს, ამ დღეებში აღარ ისმოდა. უფალმა არ დაგვიძიმა დღესასწაული.

სტუმრებთან ერთად მოვიარეთ ჯარის ნაწილები. მიგვიჩვენა მათთან აღდგომის მაღლი - პასქა, წითელი კვერცხები და სხვა სააღდგომო საჩუქრები. მივდიოდით, პარაკლისს გადავიხდიდით; მეუფე წარმოსთქამდა ქადაგებას, დალოცავდა მათ... ის, რომ ამ გასაჭირში ისინი გვახსოვდა და ხიფათის მიუხედავად, მათთან მივდიოდით, დიდ საპასუხო გულისხმიერებას იწვევდა. მეუფე დანიელი მათი საყვარელი და საიმიერო მოძღვარი შეიქნა. მეუფე გუმისთაზეც კი იყო. ეგრეთწოდებულ "ბეტეერში" ჩასვეს და სააღდგომო საჩუქრებით და უწმიდების სააღდგომო ეპისტოლეებით მეომრებთან ავიდა.

მრევლი გაეცაღეთ. შეიკრა პატარა გუნდი მაგლობლებისა. დედა თეოდორა, დედა ანუსია, ლელა (ელენე), მაკრინე, გაიოზი და დათო შულღიაშვილი (შულღიაკა) მღვრიან ქართულ საერო სიმღერებს და გალობენ საოცრად. საღამოთი მეუფე დანიელმა გვითხრა, კარგი იქნება, სიმღერები დაჭრილებსაც მოვასმენინოთო. წამოვიშალეთ და აღდგომის მისალოცად საავადმყოფო-პოსპიტალს ვეწვიეთ. სასწაულს ახდენდა ეს სიმღერები. ჩვენი მაგლობლები სადმე, დერეფანში მოეწყობოდნენ... ჩვენ პალატებში დავდიოდით. ჯერ უკვირდათ, რადიო და ტელევიზია არ იყო და ვის უნდა მოეცალა მათთვის სამღერად. შემდეგ სახეზე ღიმილი გადაურბენდათ, დამშვიდდებოდნენ, ტკივილიც კი უყურდებოდათ. ბოლოს მეორე საავადმყოფოს ეზოში გაეჩერდით. - დაიფრქვა სიმღერა... ქართული ჰანგი ვლერს... აქ ებრეთწოდებულ "მძიმეები" არიან, ინფარქტიანები.

მეუფესთან ერთად, ფრთხილად შევედით განყოფილებაში. ერთმა ავადმყოფმა ხელები დაუკოცა მეუფეს. გმადლობთ, რომ მოხვედით. ეს რა სასწაულია. ჩვენ მარტონი აღარ ვართ. გმადლობთ, ამ სიხარულისთვისო.

საშინელი გრძნობაა "გრადის" შიშინი და ყუმბარის სკდომა. თითქოს ცა და ქვეყანა თავზე დაგვხვო. ბოლო დროს სულ ჩვენს კვარტალს

ბომბავენ. ქალაქში იშვიათად ნახავ მთელ სახლს. სანაპირო განადგურებულია, ხეები გაჩეხილი, გატრუსული. შენობები ხანძრისაგან დამწვარი.

მრევლი გვაფრთხილებს, გვასწავლის ტაძრის რომელი კუთხე უფრო საიმედოა, სად დავდგეთ ლოცვის დროს. არ წყდება დაბომბვა. შევდივართ ტაძარში და მონიშნულ ადგილზე ვლოცულობთ, ლოცვის შემდეგ კი მოსახლეობას ვაკითხავთ. ვამხნევეთ.

მართამ (საპატრიარქოს მემკვიდრეა, ინგილო) ნინოშვილის ქუჩაზე ბოსტანი გაგვიკეთა, ყვავილები დაგვირგო. ვენახი ავახვიეთ. ძაღლებიც გვყავს, ორი უპატრონო, უჯიშო და უგვანო, მაგრამ ძალიან ერთგულები.

ერთ-ერთი დაბომბვის დროს ჩვენი რეზიდენცია დაზარალდა. მოინგრა კიბე. არც ერთ ოთახს არ შერჩა არც კარი, არც ფანჯარა. ჩვენი მარიაც დაიღუპა.

დაბომბვები არ ცხრება. პირიქით; უფრო და უფრო მატულობს...

რამდენიმე დღით მეუფე თბილისში წავიდა. იქიდან სასიამოვნო ამბავი ჩამოგვიტანა. მოეწყობოდა ღვთისმშობლის ხატით ოჩამჩირისა და გალის რაიონებში მოგზაურობა... მართლაც მოვიარეთ სამეგრელო-აფხაზეთის სოფლები. მოვინათლეთ, ვაზიარეთ ადამიანები. ვიყავით ჯარისკაცებთან. საოცარი სიხარულით გვხვდებოდნენ ყველგან. ყველა ოჯახის კარი ღია იყო ჩვენთვის. ძალიან ბევრი შეიძლება ამაზე ითქვას და დაიწეროს, - მაგრამ ეს სხვა დროს... სამწუხაროდ, ფრონტიდან კარგი ამბები არ ისმოდა. უკან გაბრუნება ვეღარ შევძელით. გზა სოხუმისაკენ მოჭრილი იყო. დაერეკეთ საპატრიარქოში. მეუფემ გვითხრა, უწმიდესი გვირჩევს თბილისში ჩავიდეთ და იქიდან გაეფრინდეთ სოხუმშიო.

გულში ჩაგვიკრა უწმიდესმა. მოგვეფერა. ვისაც სურვილი გაქვთ დარჩენის, დარჩითო, გვითხრა. თითქმის ყველანი წავედით.

სოხუმი დაცარიელებული იყო.

საშინელი მსხვერპლების დროსაც არ ვწყვეტდით ლოცვებს.

30 ივლისს მეუფეს ორიოდე დღით ისევ თბილისში წასვლა მოუხდა. აეროპორტში გაეცაღეთ. გზაში, ავტობუსში. სულ ქართულ სიმღერებს ვმღეროდით... ვაჟკაცურს - "შაშვი-კაკაბი", "ბერიკაცი ვარ", "მრავალჟამიერ..." გვინდოდა, გულდამშვიდებულნი გაგვეშვა... თვითმფრინავი ჯერ არსად ჩანდა. მეუფე სადღაც გავიდა... ვხედავთ, მოფარებულ ადგილზე, მუხლებზე დგას, ხელები ცისკენ აღუყრია და ლოცულობს... ამ ახალგაზრდა კაცმა სულ მცირე ხანში შეიმთავრულა.

საოცარია, საკმარისი იყო, სოხუმში სროლა

შეწყვეტილიყო, რომ ჩიტები ჭიკჭიკს იწყებდნენ. შუტ სხვანაირად ანათებდა, ცას სილურჯე ემატებოდა, ზღვაც მშვიდდებოდა.

მცირეოდენი, მოჩვენებითი სიმშვიდის შემდეგ კვლავ განახლდა ბრძოლები. ქალაქი დაცარიელებულია. გელოდებით მშველელ ძალას... აღარ არსებობს კავშირი თბილისთან.

დროებით გადავდით აგუძერაში. საფრთხეს გავცალკეთ... მოდიოდა ჯვართამაღლების დღეები. მეუფემ დაგვარიგა, გაგვამხნევა... გვითხრა, რომ სამშობლოსათვის და სარწმუნოებისათვის სიკვდილი დიდი ბედნიერებაა. ყველანი შემზადებული ვიყავით საამისოდ. სამხედროები დაჟინებით ითხოვდნენ ჩვენს წასვლას. სასულიერო პირებს არ ინდობენ და ჯობს გაეცალკეთო... გადაწყდა, ღამით დაგვეტოვებინა აგუძერა და სვანეთში გადავსულიყავით. გზაზე ყველაფერი იწვოდა. აყრილი ხალხი ბარვით გზას შედგომოდა. მოდიოდნენ ფეხით, ცხენით, ურმით, მანქანით. ბლავილით მოგვდეგდა საქონელი. დედეებს მოჰყავდათ ჩილი ბავშვები, მოდიოდნენ ჯარისკაცები, ტანკები. გადაადგილება ჭირდა. სვანეთამდე მივედით. აქ გზა ჩაიხურგა. ავტობუსით გავლაზე ოცნებაც ზედმეტი იყო. დავტოვეთ ავტობუსი. მეუფემ გვიბრძანა, მხოლოდ აუცილებელი აგველო და ფეხით გვევლო. მამა პავლე, დედა ილარია, ლია

და კიდევ რამდენიმე კაცი დარჩნენ საკენში. მამა პავლეს ფეხი ჰქონდა ნაღრბობი და ტკიოდა, სხვებსაც უჭირდათ ფეხით სიარული.

გაბაწრულები შეუდევით გზას. ცრიდა. თითქმის 50 კილომეტრი შეუსვენებლად გვატარა მეუფემ. საღამოს მივალწიეთ ტყემდე. გული ავტირდებოდა ხალხის შემხედვარეს... მოხუცები, ფეხშიძე ქალები, ჩვილიანები, პატარები, დედაწულიანად აყრილი ოჯახები - ფუთები, ჩემოდნები... შემზარავი სანახავი იყო. მეორე დღეს ჭებერში ჩავალწიეთ. დავბინავდით. მეუფე დანიელმა მამინევე საქმეში ჩაგვბა. ეზარშავდით ფაფას და ხალხს ვურიგებდით, ვიხდიდით პარაკლისებს, ნათლობას, ვაზიარებდით ადამიანებს... მრავალშვილიანებს ვურიგებდით ფულს, - რამდენიც გვქონდა. 10 ოქტომბრამდე დავრჩით იქ და მხოლოდ მას შემდეგ რაც მამა პავლე გამოვიყვანეთ, თბილისში გამოვისტუმრეთ და მცირედ მაინც მოვიხადეთ ვალი, წამოვყვით. იქ დარჩა მამა ზურაბი.

დიდი ტკივილით მიგვილო უწმიდესმა...

დროებით რეზიდენციად გამოვიყო მარტყოფის ღვთაების მონასტერი. იქ სოხუმის მამები დაბინავდნენ. ჩვენ, დედები კი, შეგვიკვდილა ბოდბის წმიდა ნინოს ღვთა მონასტერმა.

მონაზონი თქოლორა (მანვილაძე)

XXX

სოხუმში წასვლა გადავწყვიტეთ. ეს აზრი ჩემი და მორჩილი ელენეს საუბრისას გაჩნდა მარტყოფის ღვთა მონასტერში ცხოვრების დროს. გადავწყვიტეთ ლოცვა-კურთხევა აგველო უწმიდესისაგან და თბილისში გავემგზავრეთ. პირველად ჩვენი მოძღვარი - მეუფე დანიელი ვინახულეთ. მან ცოტა შეეჭვებულმა გვითხრა: უწმიდესი ჯერ-ჯერობით არავის თანხმდება სოხუმში წასვლაზე, მაგრამ თქვენ მაინც სცადეთო. გულგატეხილები შევედით უწმიდესთან. ძირითადად ელენე ლაპარაკობდა; მე უხერხულობისაგან რატომღაც შეღიშებოდა; უწმიდესმა, ჩვენდა გასაოცრად, მთელი სერიოზულობით მოგვისმინა და ჩვეული სიმშვიდით გვითხრა: ხვალვე წადით, მეუფე დანიელი გამოგვგებათ და დაგაბინავებთო.

ჯგუფი ნახევარ საათში შეგადგინეთ და მოუთმენლად კელოდით წასვლას. ცხუმ-აფხაზეთის

მიტროპოლიტი დავითი ახალგარდაცვლილი იყო და მისმა უწმიდესობამ ეპარქია დროებით მეუფე დანიელს ჩააბარა. სამი ეპისკოპოსი, სამღვდლოება, იპოდიაკონები და შვიდი მონაზონი აფხაზეთში გავემგზავრეთ. რამდენიმე დღე დაგვჭირდა ეპარქიის საქმეებში გასარკვევად. პირველი დღეების ყველაზე ნათელ მოკონებად ჩემთვის საღამოობით ჩატარებული პარაკლისები დარჩა, რომელსაც სამი მღვდელმთავარი სამღვდლოებასთან ერთად ადავლენდა. რამდენიმე დღეში სტუმრები წავიდნენ და დავრჩით მხოლოდ მეუფე დანიელი და ჩვენ - მონაზვნები.

მონასტერი ქალაქის ცენტრში მდებარეობდა. წირვა-ლოცვა ყოველდღე იყო, მაგრამ ხალხმრავლობაში იშვიათად თუ ნახავდი ქართველს. ამის მიზეზი ალბათ, ისიც იყო, რომ ქართული წირვა კვირაში მხოლოდ ერთხელ ტარდებოდა. დავი-

წყვეტ ქართული წირვა-ლოცვების გაძლიერება. ცდილობდით ქართული წამყვანი ყოფილიყო. მღვდელმთავრის წირვა შერეულად - ქართულ-რუსულად მიდიოდა. არაქართული მოსახლეობა დიდ წინააღმდეგობას და უკმაყოფილებას გამოხატავდა თავიდან, მაგრამ მეუფე დანიელის რბილმა, ფაქიზმა ბუნებამ ყველანაირი უკმაყოფილება ჩააცხრო. მალე იგი ყველასთვის საყვარელი მღვდელმთავარი გახდა. უწმიდესის ლოცვა-კურთხევით, ყოველ შაბათს მონასტერი მოწაყლებას გასცემდა. მეუფე დანიელი ხშირად დადიოდა ჯარის ნაწილებში - ქადაგებდა, ნათლავდა, აზიარებდა. ჩვენც თან მივყავდით. მივდიოდით საავადმყოფოებში დაჭრილებთან, გუმღეროდით მეგრულ სიმღერებს. რამდენიმეჯერ სისხლიც ჩავაბარეთ მძიმედ დაჭრილებისთვის. ჩვენი საკმაოდ სუსტი აღნაგობის დედა ალათია კარგი დონორი აღმოჩნდა; მას ხშირად სთხოვდნენ სისხლს და სანამ ხშირი თავბრუსხვევები არ დაეწყო უარს ვერავის ვუბნებოდა.

ზაფხულში აფხაზეთის ყველა კუთხე-კუნძული შემოვიარეთ. აქ, ისევე, როგორც საქართველოს ყველა კუთხეში, "იელოვლობის" სენი საკმაოდაა მოდებული. რამდენიმეჯერ მათაც შევხვდით. ხშირად ემოგზაურობდით კომანში. როგორც წესი, გჩერდებოდით ანუების სახლში (კეთილმორწმუნე ქრისტიანი ოჯახი, ტაძრის აღმშენებლები), სადაც მთელი გულით გვხვდებოდნენ. შეღამებისას ტაძარში ავდიოდით და ღამისთვის ლოცვების შემდგომ, მეუფის კურთხევით, კომანის წყალში ვიბანებოდით. მახსოვს, ნათლისღება ღამეს ლოცვა დილის ექვს საათზე დავამთავრეთ. გარეთ მშვენიერი ფუმფულა თოვლი იყო. მე სიცვივან გან ისედაც კბილებს ვაკაწკაწებდი და იმისი წარმოდგენაც კი მზარავდა, რომ ამ გაყინულ წყალში უნდა ჩავსულიყავი და მერე თოვლზე ფეხშიშველას გამეგლო. არაბუნებრივად სწრაფი მოძრაობებით ვემზადებოდი წყალში ჩასასვლელად. სამჯერ ჩაყინთვის შემდეგ უკვე ყოველგვარი შიში უკან იყო; სიცვივს ვეღარ ვგრძნობდი. ანუების სახლში ნუგეშად თბილი ბუხარი და ტრაპეზი გველოდებოდა.

სოხუმში ძლიერი დაბომბვა რომ იწყებოდა, ტაძარში ჩავდიოდით და მიწწარებამდე ვლოცულობდით. ერთი წლის განმავლობაში ისე მივეჩვიეთ ბომბების ხმას, რომ ღამით აღარც კი გვეღვიძებოდა. მე თბილისში ყოფნისას გავიგე, ჩვენს სახლს ბომბი რომ დასცემია. ორ დღეში ჩავედით სოხუმში. ჩვენები ნინოშვილის ქუჩაზე იყვნენ გადასულები, უწმიდესის მიტროპოლიტობის დროინდელ სახლში. დედები თავიანთ განცდებზე გვიყვებოდნენ. სულიერად ძალიან დაღლილები ჩანდნენ. მათ თვალწინ გარდაცვლილა რუსი მორჩილი-მარია, რომელიც ჩვენთან ცხოვრობდა. ახალჩამოსულებმა ჩვენს დაბომბილ

სახლს მივაშურეთ. მამა სერგის კელიაში ვნახეთ რკინის ის საზარელი მასა, სახლი რომ დაზიანა. ოთახის კედელი მთლიანად ჩაღწეული იყო. კიბის ორი საფეხური ისე იყო გაღუნული, კარგი ნახტომი უნდა გაგვეთებინა, ზემოთ ასასვლელად. მძიმე სანახაი იყო იქაურობა. ღვთის წყალობით, ნელ-ნელა ყველაფერს ძველი იერი დაუბრუნდა. ნინოშვილის ქუჩიდან ისევე დაებრუნდით ჩვენს სენაკებში.

ჩაიარა მძიმე ზამთარმა და დიდმარხვამ. მალე მონასტრის ცხოვრებაში მნიშვნელოვანი რამ მოხდა - ჩვენი მორჩილები დედები განდნენ. საოცარი იყო მათი აღკვეცის ღამე: მშვიდი, თბილი.

"ღაჲ ესე ჩვენი მონაზონი... (მეუფე დანიელს აქ რატომღაც გრძელი პაუზის გაკეთება უყვარს) ალათია შეიკვეცს თმასა..."

ახლად აღკვეცილ ადამიანზე მშვენიერი სანახაი არავინაა ამ ქვეყანაზე. მამათა მონასტრიდანაც (ნინოშვილზე აქამად უკვე მამათა მონასტერი იყო) კიდევ ერთი ბერი (მამა სვიმონი) შეემატა.

მეუფე დანიელი და რამდენიმე სტუმარი თბილისში გაემგზავრნენ. დავრჩით ჩვენ ოთხნი და ერთიც მეუფის მრევლიდან, მამებთან - მამა ანტონი და მორჩილი მამუკა (ახლა მღვდელ-მონაზონი მიქაელი). თხუთმეტ სექტემბრამდე ყველაფერი წყნარად მიდიოდა; ვიფიქრეთ, ამოვისუნთქეთო, რომ უეცრად რამდენიმე ბომბი ჩამოგდეს სოხუმში. ირღვეოდა ხელშეკრულება, რომლის თანახმად ჩვენი ჯარები და საბრძოლო ტექნიკა აღარ იმყოფებოდა სოხუმში. სოხუმს არავინ იცავდა. გამახსენდა წინა ღამის სიზმარი: პირდაფრენილი ლომის საზარელი ღრიალი. ხალხში მღელვარებამ იმატა; სოხუმის ალება უკვე ძალზე რეალური იყო. მახსოვს, საღამოს ვიღაც კაცები მორბოდნენ ყვირილით: "ძიძარიაზე არიან, ძიძარიაზე!". ძიძარიას ქუჩა სულ ახლოს იყო ჩვენი სახლიდან. კარგად ვიცოდით, რომ არავის დაინდობდნენ აფხაზები და სიკვდილი ჩვენთვის სანატრელი გამხდარიყო. მე იერარქიით უპირატესი ვიყავი დედებს შორის და რამე უნდა გადაემწყვიტა. პირველად ვიფიქრე, მათი შემოსვლისას ეკლესიის კუნძულებში დაემალულიყავით, მაგრამ მალე მივხვდი, რომ ამას აზრი არ ჰქონდა. ქვემოთ ერთი რუსი მღვდელ-მონაზონი, მამა ვიტალი ცხოვრობდა, რომლისთვისაც შეიძლება, სულერთი იყო, ვინ იქნებოდა სოხუმში - აფხაზები თუ ქართველები, მაგრამ ჩვენ ვცოცდებოდით და თანაგვიგრძნობდა. ღმერთს ვთხოვდი, მისი პირით თავისი ნება განეცხადებინა ჩვენთვის. მივედი მასთან და კითხე: "როგორ გვირჩევთ, დავიმალეთ, გავიქცეთ?"... ილოცეთო, - მიპასუხა. ამის გაგონებაზე რატომღაც ძალიან დაეწყინარდი. მერე კითხე: "აფხაზებმა შეუ-

რაცხოვრის მოყენება რომ დაგვიწყო, თვითმკვლავობაში ჩაგვეთვლება სარკმლიდან რომ გადმოუხტეთ?" არა, მოწამედ შეირაცხებითო. მერე ღამაღა: "იქნებ აქამდე არც მივიდეს საქმე". წამოვედი. დედებს ვუთხარი, ყველანი შევიმოსოთ და ტაძარში ჩავიდეთ-მეთქი. ბერი ანტონი და მორჩილი მამუკაც ჩვენთან იყვნენ. ჩვენი ერთი პრეელთაგანიც თან გვახლდა - მერაბი, რომელსაც კაბა ჩაეკვით, რომ ყველანი ერთნაირად ვყოფილიყავით შემოსილნი (რამდენიმე თვეში ისიც ბერად აღიკვეცა სვეტიცხოველში). ტაძარში ჩავედით და ლოცვა, რა თქმა უნდა, ღვთისმშობლის პარაკლისით დავიწყეთ... "ყოველი სასოება შენზედა დამიძს, დედაო ღმრთისაო, დამაცე მე საფარველითა შენითა" - ვკედრებოდით ჭოვლადწმიდა ღვთისმშობელს. ლოცვა რომ დავამთავრეთ, ღიამ (სტუმრად იყო ჩვენთან), ამბავი მოგვითხროს - თბილისის აეროპორტი სოხუმში გამოსამგზავრებელი ხალხითაა სავესო. ერთობის თბილი განცდა დამეფულა, მაგრამ მალე ისეთი დაბობბვა დაიწყო, ყველაფერს ლაწალუწი გაჰქონდა. გამახსენდა: კაშპიროვსკის თბილისური სენსების დროს სამთავროს მონასტერი იესოს ლოცვას კითხულობდა... უცებ, ლოცვის დროს, ერთი მორჩილი შემოვიდა და გვითხრა, კაშპიროვსკის სენსი ჩემსადა. ახლაც, ზუსტად იმ წესით, რიგ-რიგობით დავიწყეთ იესოს ლოცვა. ბოლოდროს ის იყო, რომ როგორც კი ლოცვას მოვადუნებდით, განსაცდელი მეტი ძალით მოდიოდა. გაგამდვირებდით და, რაღაც ნუგეშს ვღებულობდით ინფორმაციის სახით. მე, რა თქმა უნდა, იმისი თქმა არ მსურს, რომ აფხაზეთის ბედი ჩვენს ლოცვაზე იყო დამოკიდებული, მაგრამ ჩვენგან ღმერთი რომ ლოცვას ითხოვდა, ამას კი ნამდვილად გვრძნობდით. ყველა წმიდანს კთხოვდით შეწვევას; წავიკითხეთ ყველა ღაუჯდომელი და პარაკლისი, ყველა ხატთან კანდელი და სანთელი ენთო. "საქართველოს დიდების" ხატს განსაკუთრებულად ვკედრებოდით. როგორც აქნა, გათენდა. სროლა ჩაცხრა. მოუთმენლად ველოდით ფოსტის გახსნას, რომ უწმიდესთან დაგვერეკა. მისი ხმა რომ გავიგონე, უბე ალარაფრის მეშინოდა: "მამ, შენ ფიქრობდი, რომ მოკვდებოდი? ჯერ ადრეა, შენ ჯერ არა ხარ მზად სიკვდილისათვის"... უწმიდესის მანუგეშებელი სიტყვები გადავეცი დედებს. ის ღამეც ტაძარში გავათენეთ. მეორე დღესაც უწმიდესს ველაპარაკე ფოსტიდან. მითხრა: მეც ჩამოვალ, მეუფე დანიელიც აქ არის და დავლაპარაკეთო. ჰეუფე ძალიან დამწუხრებელი მომეჩვენა. მისი ხმამიმილის მიზეზი ამ მძიმე უამს სოხუმში არყოფნა იყო. შევიტყვევით, რომ მეორე დღეს მისი უწმიდესობა, მეუფე დანიელი და სამღვდელთობის დიდი ნაწილი მოემგზავრებოდა სოხუმს. კვლავად, უწმიდესის სოხუმში ჩამოსვლა საშიში იქ-

ნებოდა. საღამოს შორენამ (პატრიარქის მდივანი) შემატყობინა, უწმიდესი ჯერ არა, მაგრამ მეუფე დანიელი კი ხუთ საათზე გამოფრინდება ჯგუფთან ერთად. მძღოლს დავურეკეთ, ბენზინი ვიშოვოთ და მეუფის შესახვედრად გავემგზავრეთ მამა ანტონი, მორჩილი მამუკა, მე და სამონაზენე მელანია (ახლა მონაზონი ელისაბედი). ბომბები ჩვენს ირგვლით ეცემოდა. განუწყვეტლივ ბომბავდნენ აეროპორტს. და აი, როგორც იქნა, ის თვითმფრინავიც დაჯდა, რომელსაც ველოდით. პირველები ვიდექით ტრაპთან, მაგრამ ჩვენები არ ჩანდნენ. ძლივს დავრეკეთ თბილისში. გვეუბნებიან, მეუფე დანიელი მარტყოფში წავიდო. გაცვებისა და დაბნეულობისაგან აღარ ვიცოდით რა გვექნა. დაველოდეთ სხვა თვითმფრინავს, რომელიც ვერ დაჯდა აეროპორტის ძლიერი დაბობბვის გამო და დაბრუნდა თბილისში. უკვე ბნელოდა; სოხუმში ჩვენი დედები გველოდნენ. გადავწყვიტეთ მამები აეროპორტში დარჩენილიყვნენ, მე და დედა ელისებედი კი სოხუმში გავემგზავრეთ მემორების ავტობუსით.

როგორც იქნა, მივალწიეთ სახლამდე. ტელეფონით შევიტყვევით, რომ მეუფე დანიელი სწორედ იმ თვითმფრინავში მჯდარა, აეროპორტში რომ ვერ დასვეს დაბობბვის გამო. მარტყოფი იმიტომ უხსენებიათ, რომ არ შეგვშინებოდა. როგორც იქნა, გათენდა. მართლაც, ჩამოვიდნენ მეუფე დანიელი, მამა პავლე და სამიოდე სხვა ადამიანი; ახლა კი, ცოტა შეგვიმსუბუქდა ომის სიმძიმე.

ოცდაერთ სექტემბერს ღვთისმშობლის შობა ვიდღესასწაულეთ. განუწყვეტელი გრუხუნისა და შინაგანი დაძაბულობის გამო ძილი არ შეკარებოდა. გასაკვირი ის იყო, ძალიან ფხიზლად გვრძნობდით თავს დღეცა და ღამეც. ხშირად ღამით 1-2 საათი თუ მეძინა, ვერ ვისვენებდი. ალღელებული ხმა შემომეხმა; წამოვდექი. ჩვენებიდან ზოგი ტაძარში იყო, ზოგი მეუფესთან; სროლა გახშირებული იყო. ერთი ახლობელი მეომარი მოვიდა და გვითხრა, პოზიციები დატოვებულა, დღეს სოხუმის აღება გარდაუვალია და დროზე გადითო. ჩვენ საწვავიც არ გვექონდა და არც ვიცოდით, ამ შუა ღამისას, როგორ წავსულიყავით. საბოლოოდ, დარჩენა გადავწყვიტეთ. დილით მე და მამა პავლე, მეუფის ლოცვა-კურთხევით, წავედით უწმიდესთან დასარეკად, მაგრამ ფოსტა აღარ მუშაობდა; არანაირი კავშირი თბილისთან არ არის და არც იქნებაო, - გვითხრეს. წავედით მთავრობის სახლში, უწმიდესს რაციით მაინც რომ დავაკავშირებოდით. პანტაპუნტით ცვიოდა ჭურვები. ქოული შარტავამ თბილად მიგვიღო. რატომ არ გადინართო, - გვითხრა. "თქვენ როცა გახვალთ, ჩვენც მაშინ გავალთ", - ვუპასუხეთ. ჩავლიმა. "ჩვენ შეიძლება არ გავიდეთ", - თქვა მან. მივხვდი, რომ ამ ადამიანს მტკიცედ ჰქონდა გადაწყვეტილი სოხუმიდან

არსად წასულიყო. იმ დღესაც გადაერჩით. დადგა 24 სექტემბერი. ღირსი თეოდორე ალექსანდრიელის ხსენების დღე იყო. წირვაზე კეზიარე. მეუფესთან მოვიდა გენერალი გენო ადამია. ძალიან უყვარდა მეუფე დანიელი და საერთოდ, ეკლესიის მსახურები; როცა რამე გეიჭირდა, პირველად ის გამობოდა ჩვენს დასახმარებლად. ახლა ძალიან საწყლად გამოიყურებოდა. სხეული რამდენიმე ადგილას დასახმარებელი ჰქონდა. თან ახლდა მისი საყვარელი მეომარი - კოტე, რომელიც მასთან ერთად დაიარაღა რამდენიმე დღის შემდეგ. ორივემ სანთლები დაანთეს ეკლესიაში, ილოცეს; მეუფესაც კარგა ხანს ესაუბრნენ. ცოტა მოკვიანებით კიდევ ერთი მორწმუნე მეომარი მოვიდა, მეუფის ნახვა უნდოდა. ისიც დაჭრილი იყო და კოჭლობდა (მომავალში მარტყოფის მორჩილი). არ ვიცი, ვინ რა უთხრა მეუფეს, მაგრამ ცოტა რომ მოსალამოვდა, გვაკურთხა, ყველანი ავტობუსში ჩასხედით, დროებით აგუძერაში მივდივართო. მე მხოლოდ აუცილებელი ნივთები და რამდენიმე ხატი წავიღე. ვიფიქრობდი, ალბათ, ერთ-ორ კვირაში დავბრუნდებით-მეთქი. არ მინდოდა იმის დაჯერება, რომ იქაურობას ვემშვიდობებოდი. თვალი შევაველე ჩემს პატარა სენაკს, თაყვანი ვეცი დაჩრდილ ხატებს, ჩემი მფარველი წმიდა თეოდორას ხატი რატომღაც დავტოვე; ვიფიქრე, რომ დავბრუნდები, აქვე დამხვდება-მეთქი; ჩაკეცილი ოთახი და წამოვედი (გასაღები დღესაც სახლში მაქვს). მეუფემ რამდენჯერმე გაიმეორა, აგუძერაში მივდივართ და მალე დავბრუნდებითო. დედა სერგიას ცრემლები მოადგა თვალზე, ჩამიხუტა. დამპირდა, ყოველთვის ვილოცებ თქვენთვისო. მამა ვიტალიც გულდაწყვეტილი გვიყურებდა. ამასობაში ჩვენი ავტობუსი ისე გაეხსებოდა, ძლიერს ავძვერი. აგუძერა სოხუმიდან რამდენიმე კილომეტრშია. მთელი ქალაქი შავი ბურუსით იყო მოცული. ისეთი განცდა მქონდა, თითქოს საშინელ გველუშაპს უნდა გადაეყლაპა სოხუმი. მივედი აგუძერაში. გავაწილდით ზოგი ოჯახებში, ზოგიც იქვე ეკლესიაში. გათენდა 25 სექტემბერი. დილით ყველანი ტაძარში შევიკრიბეთ პარაკლისის ჩასატარებლად და საღამოს ლოცვისთვის მზადებას შევეუდეთ (26-ში ქეთევანობა იყო). ძალიან ეთხოვდით დიდმოწამე ქეთევანს შეწევნას. მაგრამ ეტყობა, ჩვენი განწმენდისათვის ღმერთმა დაუშვა ეს განსაცდელი. ამ დღეს მეუფე დანიელმა მერაბს მორჩილის კაბა უკურთხა და ბიძინა დარქვა. მისი მშობლები თან გვახლდნენ. დედას თავიდან გაუჭირდა... ორი ბიჭი მყავს და ორივე ბერები, ერთი შვილიშვილი როგორ არ უნდა მეღირსოსო. მალე თვითონაც მონოზენობაზე დაიწყო ფიქრი, მაგრამ მერე მეუღლე გაახსენდა.

იმ დამეს გავიგეთ, კოლორიდან დიდი დამხმარე ძალა უნდა შემოსულიყო. მთელი დამე

ველოდებოდით, მაგრამ ამოდ. 26-ში საღამოს ჯვართ-ამაღლების წინასაღმისწავლო ლოცვა ჩავატარეთ. ლოცვის შემდეგ კიდევ ერთი შეიმოსა მორჩილის კაბით (ამჟამად მარტყოფის მონასტრის წინამძღვარი). აი, დადგა 27 სექტემბერი, მაცხოვრის ჯვრის ამაღლების დღე. ამ დღეს მოხდა სოხუმის ალება. ამ დღეს ყველა ტაძარში იგალობება ტროპარი: "აცხოვნე უფალო ერი შენი და აკურთხე სამკვიდრებელი შენი. ძლევა ჯვართა ბარბაროზთა ზედა ღვთივადცულსა ერსა შენსა მონიჭე და ერი შენი საფარველსა გვემე მისსა დაიცავ, რათა ვიტყოდეთ უფალო, დიდება შენდა." ამ დღეს აგუძერაში წირვა აღესრულა. ამ დღეს ისევ მოვიდა ის მეომარი, წასვლა რომ გვირჩია სოხუმიდან (შემდგომში მორჩილი ამირანი). დიდი მღვლევარება იგრძნობოდა. გვითხრეს, რომ სოხუმში ძალიან ცუდად იყო საქმე. საღამოს დაძახებულბამ უფრო იმატა. მეუფის ლოცვა-კურთხევით, საწვავზე მამა პავლეს და მე უნდა გვეზრუნა. საწვავს უფასოდ არიგებდნენ. მე ერთადერთი ქალი ვიყავი ბენზინის რიგში. როგორც იქნა, ჩამისხეს ბენზინი. მალე მამა პავლეს მოვიდა ავტობუსით. აფხაზებს გაუგიათ, ბენზინს არიგებენო და ამ ადგილას უცებ ძლიერი დაბომბვა დაიწყო. ბომბები იმდენად ახლოს ცვიოდა, რომ ყურები მტკიოდა ხმაურისგან. მოფარებულ ადგილზე ვიდექი, მარტო. რატომღაც გაუაზრებლად ჩაეიკუხე და პირველად ჩემს ცხოვრებაში ხმამაღლა ვიყვირე: "ღვთისმშობელო, მიშველე!". არ ვიცი, რამდენ ხანს გაგრძელდა ეს საშინელება, მაგრამ როცა ყველაფერი მიჩუმდა, გამოვედი და დავინახე, რომ კაცის ჭაჭანება არ იყო ბენზინთან. მამა პავლეს გაუგისია მანქანის აუზი და ძალიან კმაყოფილი იდგა. ამ აურზაურში ვიდაცის მოუსწრა ჩემი სიმწრით ავსებელი ბენზინის ბიდონის მოპარვა. ბენზინი ბევრი იყო, მაგრამ ჭურჭელი აღარ გვქონდა. დავბრუნდით აგუძერაში. მამა პავლემ იფიქრა, რომ ავტობუსის ავზში ჩასხმული ბენზინი არ გვეყოფოდა ქუთაისამდე ჩასაგულად და გადაწყვიტა მეორედ წასვლა საწვავისთვის. მეუფე დანიელმა აღარ გამიშვა მამა პავლესთან ერთად. ცოტა ხანში, მამა პავლე კოჭლობით დაბრუნდა. გზაში ავარია მოსვლიათ. მამა პავლემ ფეხი იღრძო კოჭთან, მორჩილმა ბიძინამ კი ცხვირი დაიზიანა. ღვთის წყალობით, ორივე ცოცხალი გადარჩა.

ჩვეულებრივ, როცა ქალაქს ბომბავდნენ, თვითმფრინავებიდან გასანათებელ საშუალებებს ყრიდნენ, რომ ქალაქი კარგად გამოჩენილიყო. ლამაზი სანახაობა იყო, მაგრამ ასეთი განათების შემდგომ ვიცოდით, რაც გველოდა. 27-ში, საღამოს, აგუძერადან დავინახე, რომ სოხუმი მთლიანად განათებული იყო. ვიფიქრე, დაბომბვას დაიწყებენ-მეთქი, მაგრამ ამჯერად ისინი უკვე გამარჯვებას

ჭიმობდნენ. ამ შემზარავმა სურათმა ყველას თავხარი დაგვცა. ვუყურებდით, როგორ ეცემოდა მრავალჭირნახული ქალაქი. დრო აღარ გვრჩებოდა. გავედექით სვანეთის გზას. ამ გზას ადგა თითქმის ყველა, ვინც კი გადარჩა. ყველა გარბოდა საშინელი ურჩხულისაგან. სიკვდილი ყველაზე კარგი გამოსავალი იყო მათთვის, ვინც მის კლანჭებში მოხვდა. შეურაცხყოფის, დაცინვას, ტანჯვა-წამების, ნამუსის შებღალვის შიში ააძულებდა ყველას გაქცეულიყო საკუთარი მიწიდან. არ დამავეწყვდება მეომრების სახეები. მათი დანახვა თითქოს ზღვარი იყო, რომელსაც ხასოწარკვეთილებამი უნდა ჩავეგდე. არ ვიცი, რამ გადამატანინა ეს ყველაფერი. გზა მანქანებით იყო ჩახერგილი. ერთი-ორჯერ შეგვაშინეს, წინ აფხაზები არიანო. ღმერთმა არ გაგვირა. 27-ის ღამე ატობუსში გაგატარეთ. დილით მივადწიეთ სოფელ საკენამდე. დავანთეთ ცეცხლი, ცოტა პურიც გამოვაცხვეთ ნაკვერცხალზე. წინ მძიმე გზა გველოდა. ჯგუფის ერთი ნაწილი საკენში დარჩა, მამა პავლესთან. მას სიარული არ შეეძლო. მეუფე დანიელი და ჯგუფის მეორე ნაწილი გზას ფეხით გავედექით სვანეთის მთებისკენ. დაუსრულებელი იყო აღმართ-დაღმართები. ას ღამე ტყეში გავეათენეთ, კოცონთან. საშინლად დაღლილებს ჩავეძინა. იმ დღესაც ფეხით გადავარეთ 9 მთა. მეუფე დანიელი ცდილობდა გაემხნეებინა ხასოწარკვეთილების პირას მისული ხალხი. "გვეშველება რამე?" - ამ კითხვას გვისუამდა ყველა. ჩვენ მეუფე დანიელთან ერთად ხშირი მოგზაურობების შედეგად გაწვრთნილები ვიყავით სიარულში, ბევრისთვის კი მართლა გოლგოთის გზა იყო ეს დაუსრულებელი, უსასრულო აღმართ-დაღმართები. როგორც იქნა, მივადწიეთ ჭებერამდე. ამ სოფელს უკვე უამრავი ხალხი ჰყავდა შეფარებული. ჩვენმა სვანმა მასპინძლებმა მთელი გულით მიგვიღეს, მაგრამ სიკვდილისა და უსასოობის გრძნობა არ გვტოვებდა. ჭებერში, უკვე სამშვიდობოს გამოსულს, უფრო გამიმძაფრდა განცდა, რომ აფხაზეთი წაგვარ-

თვეს. თბილისიდან ჩამოსულმა კორესპოდენტმა შეგვატყობინა, რომ, თურმე, ტელევიზიაში, როგორც დაკარგულებს, გვაცხადებენ. მეუფე და მამები მამა პავლეს გადმოყვანის ამბით იყვნენ დაკავებულნი. მე და დედა ალათია თბილისში წამოვედით მეომრების მანქანით. ამდენი ხნის დუმილის შემდეგ შესტიიდან დავერეკე საპატრიარქოში. შორენა ძლივს დავაჯერე, რომ მე ვიყავი. მერე სახლში დავერეკე. დედაჩემმა მითხრა, მამაშენი და შენი მამა შენს სამებნად არიან წამოსულებიო. მართლაც, ქუთაისში შეგვხვდნენ. ჩამოვედი თბილისში. დედაჩემი ტირილით შემომეგება. მიხუტებდა, მეფერებოდა. იმედო დაუკარგავს, რომ ცოცხალი ვარ. ამბობდა თურმე: ოღონდაც არ აწამონ ჩემი შვილი, შეურაცხყოფა არ მიაყენონ და თუნდაც მოკლანო. მკვდარივით გვგდე საწოლზე. ფიქრის თავიც არ მქონდა. მალე საპატრიარქოდან დარეკეს, გელოდებითო. უწმიდესის დანახვამ შინაგანი მდგომარეობა შემომსუბუქა. მომეფერა, დამიყვავა, დაწვრილებით მომავოლა ყველაფერი.

კარგა ხანს, თითქმის ყოველ ღამით, სოხუმში მესიზმრებოდა. შუალაშით ვიღვიძებდი. დავიძინებდი, ისევ სოხუმს ვხედავდი. სხვებს რომ კკითხე, ისინიც ასე ყოფილან. დედაჩემი დაძინების წინ ვალერიანის წვეთებს მაძლევდა. ასეთი სიმძაფრით არასოდეს განმიცდია სიკვდილის სიახლოვე. "სწავლით განმსწავლა მე უფალმან და სიკვდილსა არ მიმცა მე". მაღლობა ღმერთის ყველაფრისათვის. ახლა ყველა მოუთმენლად ველით იმ დღეს, როცა დაუბრუნდებით ჩვენსაკე მიწა-წყალს, ჩვენს კვლესიებს, წმიდა ადგილებს, რომლებიც ასე უხვადაა აფხაზეთში. მენატრება ჩემი პატარა კვლია, ასე მგონია, იმასაც ვენატრები. მწამს, ღვთის წყალობით ყველაფერი მოგვარდება. "უფალმან მიაგოს ჩემ წილ. უფალო, წყალობა შენი უკუნისამდე, ქმნულსა ხელთა შენთასა ნუ უგულებელსყოფ".

მრავალთა ცოდვათაგან დაცემულნი
 აღგვადგინენ, და სულთა და ხორცთა ჩვენთა
 სენნი განკურნენ ღვთისმშობელო,
 რომელნი საფარველსა შენსა მივიღტვით,
 რამეთუ შენ ხარ მკურნალი ყოველთა

ეს საოცარი ადამიანი პირველად სხალთის მონასტერში ვნახე. მამა ანდრია ჯერ მორჩილიც არ იყო, პაატა ერქვა. (ამ მონასტერში ხშირად ჩავდიოდი სამთავროდან მეუფე დანიელის იქ ყოფნისას). პაატა გარეგნულად არაფრით გამოირჩეოდა. გარდა იმისა, რომ ძალიან იშვიათად თუ ამოიღებდა ხმას. სწორედ ამით მიიქცია მან ჩემი ყურადღება. მამა ეფრემს კვითხე (მამის ისიც ამ მონასტერში მოღვაწეობდა), როგორია ეს ადამიანი, ხმას რომ არ იღებს-თქვა. შეაქო, ძალიან თავდადებული მლოცველია და მოშურნეო, საათობით მელოდება ტაძარში ლოცვის დაწყების წინო. მახსოვს, ერთხელ მეუფე და მამა ეფრემი წამოსულები იყვნენ სხალთიდან და პაატამ სულ მარტო გაატარა მარხვა და დღესასწაულსაც მარტო შეხვდა, უდრტინველად. მალე მისი ბერად აღკვეცის ამბავიც გავიგე. ხელდასხმა გერგეტის სამებაში აღსრულდა. აღარ მახსოვს, როგორ და რა ვითარებაში დაუეუახლოვდი მამა ანდრიას, მაგრამ სოხუმში რომ წამოვიდა, უკვე ძალიან ახლობელი იყო ჩემთვის. ხშირად მაძლევდა დარიგებებს. პირველად ცოტა მიკვირდა. ვფიქრობდი, ამ "ღვაწლმოსილ" მონაზონს ეს გუშინდელი აღკვეცილი რატომ მარიგებს-თქო, მაგრამ დიდი გულისყურით ვუსმენდი. არ დამევიწყებდა მისთვის ჩვეული იმერული კილოთი წარმოთქმული სიტყვები: "რაფერ მეცოდები, იცო დედაო, ამ გარეგნულ საქმეებში როდემდე უნდა იტრიალო მონაზონმა!" გონიერი და დაკვირვებული იყო. ცხოვრებაში პირველად უნდა ჩაეტარებია პირველშეწირულის წირვა ჩვენს ეკლესიაში. საღამოს გათხოვე "წმიდა მსახურების სამაგიდო წიგნი". ვიფიქრე, დავეხმარები რაღაც რაღაცების გაგებაში- თქვა, მაგრამ უჩემოდაც მშვენივრად გაერკვა და მეორე დღეს წირვა-ლოცვაზე არაფერი შეშლია.

ერთ საღამოს კომანიდან სოხუმში ფეხით ჩამოვიდნენ მამა ანდრია და გაბრიელი. ძალიან დაღლილები და მშვივრები იყვნენ. ჩვენ, რა თქმა უნდა, სუფრა გავუშალეთ და ივახშმეს. როცა მაგიდას ვალაგებდი, თვალში მომხვდა, როგორი ზომიერებით ჰქონდა მიღებული საზრდო. ეტყობოდა, რომ გონებაში აწონილი ჰქონდა ყოველი ლუკმა. რაღაცებს პირი საერთოდ არ დააკარა. მშვიდისათვის ამ ზომის დაცვა, ალბათ, უფრო ძნელია, ვიდრე მთლიანად თავის შეკაება საზრდოსაგან. მერე გვერდზე გამიხმო, რაღაც ეჭვები აწუხებდა. მე ჩემი აზრი გამოვთქვი და

გამოაცა, რა სიმდაბლით მიიღო ჩემი რჩევა.

მისი დაღუპვის წინ ვიყავით კომანში. უკვე საკმაოდ საშიში იყო იქ სიარული. მამა ანდრია ამ შუადამის წირვა-ლოცვის შემდეგ წმიდა ვასილისკოს საფლავზე წაგვიყვანა პარაკლისის გადასახდელად. ეტყობა, აფხაზებმა შეგვამჩნიეს და საშინელი სროლა ატეხეს. მამა ანდრიამ მშვიდად, აუჩქარებლად დაამთავრა პარაკლისი და ასევე მშვიდად დაგბრუნდით ტაძარში. გზაში რომ მივდიოდით, საინტერესო საუბარი გვქონდა. სამწუხაროდ, ყველაფერი არ მახსოვს... ბოლო დროის ბერ-მონაზვნობაზე ვლაპარაკობდით. მამა ანდრიამ თქვა, რომ მის სულთან ყველაზე ახლოა წმიდა სილოვანე ათონელი. საუბარი ძველ ბერებზე და მონაზვნებზე დავიწყეთ. ის ცდილობდა ყველაფერში ძველი მამებისთვის მიებაძა. ფრთხილი და ზომიერი იყო ურთიერთობაში. საერთოდ, მარტობა ერჩივნა. ის და ღმერთი, ეს იყო მისი ცხოვრების ღერძი. სულ ისწრაფოდა განდევნისკენ. ერთხელ ზუმრობით ვუთხარი, "ზიბლში" ხარ-თქო (გულში ნამდვილად არ ვფიქრობდი ამას. დაფიქრდა, მერე მითხრა: "დედაო, ჩემთვის ეს დიდი ღვაწლი კი არ არის, უბრალოდ არ შემიძლია სხვანაირადო".

ერთხელ, სამღვდელოება და მონაზვნები მეუფე დანიელის კურთხევით, წავედით მამა სერაფიმეს (სოხუმელი) სახლის საკურთხებლად. ჩვენს შორის იყო მამა ანდრია. ყველანი ძალიან ახლობლები ვიყავით. თავდაპირველად ყველაფერი სამღვდელოებისათვის საკადრისი ღირსებით მიდიოდა, მაგრამ როცა მამა სერაფიმეს ეზოში მანდარინის პლანტაციას წავაწყდით, პატარა ბავშვებით შევესიეთ და დავიწყეთ ჭამა. პირველად ვნახე მამა ანდრია განრისხებული. მისი სული ვერ შეეგუა ღვთაებრივის გაუბრალოებას. ერთ-ერთი მორჩილი მისმა მრისხანებამ გააღიზიანა და იწყინა. მამა ანდრია საშინლად შეწუხდა, ვილაცას რომ აწყენინა და აღარ იცოდა, რა მოემოქმედა.

ძლივს შევეგუე მამა ანდრიას სიკვდილის თავზარდამცემ ამბავს. ერთხელ სიზმარში ვნახე, თავის საფლავს მაჩვენებდა და ჩვეული უბრალოებით მითხრა: არაფერი ბევრი არ უნდა, წნულით შემოღობეთო.

არ ვიცი, შეირაცხება თუ არა იგი წმიდანად, მაგრამ მე მას ხშირად ვთხოვ შეწვენას ჩემი სულისთვის.



მოწყალე ექმენ ერსა შენსა, სახიერ,
და უგულბელს ჰყუენ შეცოდებანი ჩუენნი,
მეოხებითა დედისა შენისათა, რომელიცა
სათნო-იყავ სამკვიდრებელად შენდა,
ყოვლად-ძლიერო, და გვიხსენ ყოველთაგან
მტერისა საფრთხეთა, და განსაცდელთა.

აცხოვნე, უფალო, ერი შენი,
და აკურთხე სამკვიდრებელი შენი,
ძლევა ჯვარითა ბარბაროზთა ზედა
ღვთივ-დაცულსა ერსა ჩვენსა მოანიჭე
და საფარველსა ქვეშე მისსა დაიცევ,
რათა ვიტყოდეთ - უფალო, დიდება შენდა.



ღმერთო, შეწევნასა ჩუენსა მოხედენ;
 უფალო, შეწვენად ჩუენდა ისწრაფე
 ფსალმუნი 69.1.

აღსდევ, უფალო, ღმერთო ჩემო,
 რამეთუ შენ დაამხე ყოველნი, რომელნი
 მემტერებიან ამოდ, კბილნი ცოდვილთანი
 შენ შემუსრენ, უფალო ჩემო.

ფსალმუნი

ფ ი ტ ი





მ ს ჭ ო ს ნ მ





1992 წლის დეკემბერი. პირველი ჩასვლა სოხუმში... შთაბეჭდილება უჩვეულო, მძიმე... აეროპორტში მავთულხლართები, გაზონებზე გილზები, უამრავი, გასაოცრად ბევრი. მოჭრილი, გზებზე დაყრილი ხეები. ყველაფერი გაჩანაგებული. სიცივე... საშინელი სიცივის განცდა. მაინც, მაშინ არ იყო სოხუმში ძლიერ დაზიანებული. თუმცა, ყველგან გამუდმებული სროლების ხმა ისმოდა.

ცნობიერებაში ცოცხლდება ის დღეები... ასე მგონია, იქ აღარავინ აღარაა. დარჩა მხოლოდ ჩალეწილი ფანჯრები, გადამწვარი სახლები, დანგრეული ქუჩები...

...ვიყავი რამდენჯერმე. ერთხელ ქალაქს რომ ვაკურთხებდით, ერთ-ერთ ქუჩაზე, იქვე, ჩვენს ახლოს ყუმბარა გასკდა. ეს პირველი ყუმბარა იყო... მერე მალეიდანაც განუწყვეტლივ ბომბავდნენ სოხუმს. ყოველ ფეხის ნაბიჯზე დასახიჩრებულ ხალხს ეხვდებოდით. თავზარდამცემი იყო პატარა გოგო, 16-17 წლისა, ბავშვით ხელში, მკერდზე ახალგაზრდა ბიჭის სურათით... მისი ქმარი ყოფილა. ყუმბარას მოუკლავს.

...ერთხელ პოსაიტალში ავადმყოფებს ვაზიარებდით. დაიწყეს დაბობბვა. მოიყვანეს დაჭრილი მამაკაცი. ავონიაში იყო, ვერ აჩერებდნენ, ყვიროდა. მე რომ დამინახა, უფრო აყვირდა... გადავრჩები თუ არაო, მგეითხებოდა. პირჯვარი გადავსახე, ლოცვა წაუკითხე. მეორე დღესაც მივაკითხე. უკვე აღარა უშავდა რა, აღარ ბორგავდა.

დავიწყეთ პოზიციებზე სიარული, დავდიოდით სამხედროებთან, ვაზიარებდით.

ერთ ადგილზე ვერ მოვზომეთ და ჩვენი ყვითელი ავტობუსით ფრონტის ხაზი გადავჭერით. იქვე ქოხი იყო. ქოხიდან ჩვენები ისროდნენ. გაღაირებენ ჩვენს დანახვაზე... რა გინდათ აქ მტერი შეგინშნავთ და ყველას ერთად ამოგვზოცავსო. შევედით ქოხში. უნდა ვაზიაროთო, კუთხარით. გაოცდნენ. იმდენად აუცილებლობად მიიღეს, ყველა ვაზიარა. ინანიებდნენ ცოდვებს.

...ვიყავით სოფელ ცაგერაში. იქ იყო მაშინ გაჩერებული ქართულ "შეგარდენთა" ლეგიონი, რომელსაც ელგუჯა წიკლაური ხელმძღვანელობდა. მივედით ბატონ ელგუჯასთან. აღმოჩნდა, რომ ამ ნაწილში უკვე ყოფილა მოძღვარი და უზიარებია ჯარისკაცები. რამდენიმე მოუნათლავი

ჰყავდათ. მათ შორის ერთი აჭარელი იყო. იგი თითონ ელგუჯამ მონათლა. ნათლობა ჩავატარეთ ეზოში. აქ მოხდა ერთი საოცრება... ბატონმა ელგუჯამ გააკეთა ის, რასაც მხოლოდ ქართველი თუ გააკეთებს. მან თქვა, რომ ჰყავს რამდენიმე ტყვე აფხაზი. მოდით, ეს აფხაზებიც აზიარეთო (ო. ღმერთო, შენ უწყვი მხოლოდ, რამდენი საუკუნეა საჭირო, რომ თუნდაც "ერთი ასეთი ბიოლოგიური ტიპი შექმნას ბუნებამ". და, რამდენია მსგავსი მაგალითი ქართულ ხასიათში. რედ.), ჩვენ სიხარულით ვაზიარეთ ისინი... ერთი აღმოჩნდა მოუნათლავი. ბარემ ესეც მოუნათლოთო, ვთქვით და გვინდოდა ისიც ჩვენი ჯარისკაცების გვერდით დაგვეყენებია. ქალი იყო. აქ კი აღელდა ბატონი ელგუჯა. ჩემს მეომრებთან ერთად არ მოგანათვლინებთ, ცალკე მონათლეთო. არაფერი გავეივია და ის ქალი ცალკე მოუნათლეთი.

უეცრად ჩოჩქოლი ატყდა. სამხედრო ნაწილში მოასვენეს ექვსი დღის წინ დაღუპული მეომარი - გიორგი თოფჩიშვილი. ალბათ 20-25 წლისა. დაასვენეს შუა ეზოში. მეომრებმა შეკრეს საპატიო წრე. მიცვალებულთან პირველი მივიდა ბატონი ელგუჯა. საოცარი იყო, ექვსი დღის მიცვალებულს ოდნავადაც კი უსიამოვნო სუნე არ ჰქონდა. გადავუხადეთ პანაშვიდი. რა ვითარებაში დაიდუპა-თქვა, დავინტერესდი... უკან დასვეის დროს დაღუპულა მისი მეგობარი... ავტომატი აფხაზების მხარეს დარჩენია... ამას არ უნდოდა მისი მეგობრის იარაღი მტერს ჩავარდნოდა ხელში და წამოსაღებად გაბრუნდა. გაიქცა, დაუძახეს თავი მაინც დახარეო. ამათ მე თავს არ დავუხრიო, უთქვამს. ასე დაღუპულა. პირი ღია ჰქონდა, თითქოს ისე იმ სიტყვებს იძახდა... გადავუხადეთ პანაშვიდი. როცა პანაშვიდი სრულდებოდა, იქვე, ეზოს კუთხეში ცალკე ინათლებოდა აფხაზი ტყვე ქალი.

უკან რომ ვბრუნდებოდით, ტკივილისა და ცრემლის მიუხედავად, საოცარი სულიერი სისხის გრძნობა მომყვებოდა. ესეც ქართული ხასიათის ერთი დიდებული გამოვლინება იყო.

...ვცდილობდით, ყველა მეომარი გვეზიარებია. ერთხელ, მძიმე საბრძოლო დღის შემდეგ, დაღლილები (იმ დღეს ბევრი ნაწილი მოვიარეთ),

ოჩამჩირეში, ილორის წმიდა გიორგის ეკლესიაში ვბრუნდებოდით. გზაზე რამდენიმე მეომარი დავინახეთ. ავტობუსი გაუჩერეთ და ზიარება შეეთავაზეთ. გვთხოვეს, მათ დროებით ადგილსამყოფელში წავყოლოდით. ცხოვრობდნენ ერთ მიტოვებულ სახლში... წავიკითხეთ მოკლე ლოცვები და ჯარისკაცების ზიარებას შევედევით. უეცრად მეორე სართულიდან რუსი გოგონა ჩამოვიდა. არ დაფარავ, მაშინვე უსიამოვნო გრძნობა დამეფულა, მაგრამ ჩემი ეჭვები მალე განქარდა. ეს გოგონა, რომელსაც ლიკას ეძახდნენ, ყოფილა მათი თანამებრძოლის მეგობარი, რომელიც ტყვედ იყო ჩაგარდნილი და ლიკა მებრძოლებთან ერთად ცხოვრობდა. ბიჭები თვალის ჩინივით უფრთხილდებოდნენ მას. ლიკა მოუნათლავი იყო. ჩვენ ჩავატარეთ საზეიმო ნათლობა და ჩემი ეჭვები საბოლოოდ განქარდა, როცა ერთი მებრძოლი ნათლიად დაუდგა. ჩვენ მას ანა დავარქვით.

გოგონა რომ მოვნათლეთ და სახლში შევედით, ერთმა ბიჭმა ბუხრის თავზე დასვენებული ორი ხატი მაჩვენა... ჩარჩოში ჩასმული სურათები დედა ღვთისმშობლისა და წმიდანების გამოხატულებები. ეს მოხდა სოფელ ლაბრაში... ეს სოფელი, როგორც იცით, მრავალჯერ გადავიდა ხელიდან ხელში. აფხაზთა მხრიდან ერთ-ერთი მასობრივი შეტევის დროს ეს ახალგაზრდა თავის სამ მეგობართან ერთად ერთ-ერთ სახლში იყო გამაგრებული. იგი ალყაში აღმოჩნდა. აფხაზებმა შესთავაზეს დაწებება და სიცოცხლის შენარჩუნებას შეჰპირდნენ. გამოუვალე მდგომარეობის გამო მისი სამი მეგობარი რიგ-რიგობით გავიდა გარედ. თითონ ეს ახალგაზრდა ბუხარში დაიბინა. აფხაზებმა პირველი ბიჭი გასვლასთანავე მოკლეს, მეორეს ყურები მოაჭრეს და მესამე ტყვედ აიყვანეს. შემოიკვიდნენ სახლში და რომ ვეღარავინ იპოვეს, სახლს ცეცხლი წაუკიდეს. როდესაც ბუხრის საკეპურში გაჩერება შეუძლებელი შეიქნა, ახალგაზრდა ჩამოხტა და ფანჯრიდან გადახტომა დააპირა, მაგრამ, მისი თქმით, რაღაცამ შეაჩერა. მიიხედა. დაინახა ეს ორი ხატი ბუხრის თავზე. გულში გაიფიქრა: მე მათ გადავარჩენ და ესენი მე გადამარჩენენო. მიიბინა, ხატები უბეში ჩაიწყო და მეორე სართულიდან გადახტა. აფხაზები იქ აღარ იყვნენ. სირბილით გადაკვეთა ფრონტის ხაზი და თავისიანებთან ისე დაბრუნდა, რომ ტყვია არ მოხვედრია. მოგვიანებით გული დამწყდა, რომ ერთი ხატი არ ვთხოვე.

ოჩამჩირიდან ერთ-ერთი გასვლის დროს სოფელ აჩიგვარასკენ წავედით. ზემოთ იღვა ერთი ნაწილი, რომლის მეომრების ზიარებას ვაპირებდით. მივედით. სამწუხარო ამბავი დაგვხდა. ღამით აფხაზებს ერთ-ერთ სოფელში ერთი მოსახლის სახლი ჭურვებით დაუნგრევიათ და მებრძოლები ღამით წასულან საბრძოლო დავალებათ.

ჩვენ შემთხვევის ადგილისკენ გავემართეთ. გზად უნდა გაგველო ერთი მოშიშველებული ფერდობი, საიდანაც ერთის მხრივ, ბედიის მონასტრის წარმტაცი ხედი იშლებოდა, მეორე მხრივ აფხაზების საბრძოლო პოზიციები ჩანდა. ამ ფერდობებზე შემოგვხვდა სტაფილოსფერი სატვიტო მანქანა, რომელსაც ჩვენი მეომრები მოჰყავდა. მანქანა გაუჩერეთ, მებრძოლები დაბლა ჩამოვიყვანეთ და ზიარებისათვის მათ მომზადებას შევედევით. სანამ მამა იოსები და მამა ეფრემი საზიარებლად წმიდა ნაწილებს მოამზადებდნენ, მე ფერადი ოლარი და სამაჯურები შევიმოსე, ხელში დიდი ჯვარი დავიჭირე და მგზნებარე ქადაგება წარმოეთქვი. ის იყო, ქადაგების დასკვნით ნაწილზე უნდა გადავსულიყავი, რომ უცებ, ბუნების სიჩუმეში, თანაც დილით, სტვენის მსგავსი, გაბმითი ხმა მოისმა. ვერ მივხვდი, რა იყო ეს.

ჩემდა გასაკვირად, მეომრებმა ჯერ რაღაც ჩოჩქოლი ატყუეს, შემდეგ მოულოდნელად ყველანი მიწაზე გაიშლართნენ. ეგონათ, ჩვენ ეს ვიცოდით. თვალი მოკარი მამა ეფრემს, რომელიც სადღაც წინ გარბოდა. მარცხნივ... დაახლოებით 30 მეტრში, დავინახე ორმოციოდე სანტიმეტრის სიგრძის ფოლადისფერი საგანი, რომელიც ჩვენსკენ მოფრინავდა. საკმაოდ ლამაზი სანახავი იყო. მე კიდევ ვერ მივხვდი, ეს რა იყო და, რომ თვალი გავაყოლე. ჭურვმა ჩვენს მანქანას ოცი სანტიმეტრის სიმაღლეზე გადაუქროლა. რამდენიმე წამის შემდეგ ყველანი წამოცვიდნენ და ყვირილითა და სროლით იმ მიმართულებით გაიქცნენ, საიდანაც ჩვენ მოვდიოდით. ახლა მეც ვიკადრე გაქცევა. თან ძალიან ეცდილობდი, რომ სატვიტო მანქანას, რომელიც შემინებულმა მძღოლმა ძალიან სწრაფად დამრა ადგილიდან, ბორბლებში არ ჩავეარდნოდი. სამშვიდობოს რომ მივადწიეთ, იქ სხვა მეომრები და სოფლის მოსახლეები დაგვხვდნენ. მათ სახეზე შეძრწუნება ამოვიკითხე. მხოლოდ ამის შემდეგ მივხვდი, რას გადავურჩით. თანდათან დავმშვიდდით და ერთმანეთი მოვიძიეთ... მამა ეფრემი არ ჩანდა... ცოტა ხანში ისიც გამოჩნდა. თურმე სირბილით მთელი ფერდობი შემოუვლია. ჩვენ ამის შემდეგ მაინც გაებედეთ და პოზიციებზე წავედით, თუმცა იმ დღეს დიდი სიმძიმე სულ თან გვეყვდა. ჩვენი გაუფრთხილებლობის გამო კინაღამ რამდენიმე ადამიანის სიცოცხლე შევიწირეთ. მოვილაპარაკეთ, თავს გადახდენილი "გმირობის" შესახებ სიტყვა არაეისთან დაგვეძრა, მაგრამ აჩიგვარაში რომ ჩავედით, იქ უკვე იცოდნენ ამის შესახებ. მებრძოლებს ჩამოუტანიათ ამაღ. გადაწვევით, სოხუმში მაინც არ შეეტყვოთ, მაგრამ როგორც კი ჩავედით, იმ წუთასვე, ჩვენდა გასაცარად, მთელმა მონასტერმა შეიტყო. ერთმანეთს თვალუბში ვუყურებდით და გვიკვირდა, ნეტო, ვინ გავტყუაო. ბოლოს კი მივაკვლიეთ მიზეზს, მაგრამ

გადავწყვიტეთ, ნამუსი შეგვენახა და აღარ გავამ-
ულავნეთ. არც ახლა ვიტყვი.

როდესაც პირველად ლაბრაში მოვხვდით, გა-
ხურებული ბრძოლა იყო. ჯარისკაცების თან-
ხლებით გადავირბენდით სახლიდან სახლში და
მოფარებულში ვაზიარებდით ხოლმე, იქ გამაგრე-
ბულ ჯარისკაცებს. როდესაც იმ უბანში თითქმის
ყველა ვაზიარეთ, და წასვლას ვაპირებდით, უცე-
რად ნადავლი თეთრი მსუბუქი მანქანით ერთი
ჯარისკაცი მოვიდა და გეთხოვა, სოფლის მეორე
ნაწილში გავყოლოდით; თან გავაფრთხილა,
რომ ფრონტის ხაზი უნდა გადავკეცოთ. ჩვენ
გავყვიტით. როდესაც მანქანა გაჩერდა და შე-
მოსილები, ოქროსფერი ბარძიმით ხელში გადმ-
ოვდით, ახლომდებარე სახლის მეორე სართუ-
ლიდან ჩვენს დანახვაზე ვეება ტანის ბიჭმა, ასე
16-17 წლისამ, სნაიპერის თოფი გადადო, გამ-
ოიქცა და სიხარულით მოგვამახა: მამაო, ქარ-
თული სული ცოცხალია!". პირველი ის ბიჭი ვა-
ზიარეთ.

...მოვიდა 1993 წლის აღდგომა. მეუფე დანიე-
ლი სოხუმში იყო. ჩვენ საგანგებოდ ჩამოვედით
ამ დღეებში თბილისში. გავამზადეთ საჩუქრები:
წითელი კვერცხები, პასქა, ხილი, კონიაკი, შო-
კოლადები, ნამცხვრები... საჩუქრები უფასოდ
შემოგვწირეს შოკოლადის ფაბრიკამ, კაკაოსის
ბიჭის ზოგიერთმა საბროკერო ფირმამ... ამას
ყველაფერს ორგანიზაცია გაუკეთა ერთ-ერთი
ფირმის ხელმძღვანელმა, ბატონმა ნიკოლოზ წი-
ლოსანმა... თითონაც წაგვყვა სოხუმში. ტრანსპორ-
ტირებაში დაგვეხმარა თავდაცვის სამინისტრო,
თან დაგვეყვებოდა მათი წარმომადგენელი, ვიცე-
პოლიკონიკი ტარიელ სირანაშვილი.

ერთი ეპიზოდი: კიყავით სოფელ ახალდაბაში.
ჩვეულებრივ, მივედით შტაბში. იქ მორიგის გარ-
და არვინ დაგვხვდა. ვიკითხეთ მეთაური. გვი-
თხრეს, რომ იგი ერთ-ერთი მეომრის ორმოცზე
იყო წასული. ვიპოვეთ ის ოჯახი, მაგრამ მეთაუ-
რი იქ აღარ იყო, ისევე ორმოცზე სხვა ოჯახში
წავიდაო... იქაც წავედით. არც იქ დაგვხვდა, მე-
სამე და მეოთხე ორმოცზე წასულიყო... ბოლოს,
როგორც იქნა, ენახეთ. გვითხრეს, რაზმი, რო-
მელსაც ეს მეთაური ხელმძღვანელობდა, ახალ-
დაბელი ახალგაზრდებისა ყოფილა. ეს ის სოფე-
ლია, რომლის მაცხოვრებლებიც, ზაფხულის ბო-
ლოს აფხაზებმა ერთად შეჰყარეს და დაწვეს. ამ
სოფელში ჩვენი მისვლის დროს 360 ოჯახი იყო.
ამ 360-მა ოჯახმა სამშობლოს 400 მებრძოლი
მისცა. იმ დღეს ჩვენ გულის შემძვრელი ამბის
მონაწილენი აღმოვჩნდით: ოთხი ბიჭი მეთაურს
გაუგზავნია საბრძოლო დავალების შესასრულებ-

ლად. ესენი მეგობრები იყვნენ და სულ ერთად
დადიოდნენ. ოთხივე ერთად აფეთქდა ნაღმზე.
აღდგომას იყო მათი ორმოცი. ოთხივე ოჯახში
გადავიხადეთ პანაშედი, ოთხივე ოჯახში დავტ-
ოვეთ მათი კუთვნილი სააღდგომო საჩუქარი;
ვაკურთხეთ მესხეთე ოჯახიც, სადაც ასევე, ომში
დაღუპული ბიჭი ჰყავდათ. მისი ორმოცი ჯერ
არ იყო შესრულებული. ბოლოს შევიკრიბეთ
ერთ-ერთის ოჯახში და სამგლოვიარო სუფრას-
თან ერთხელ კიდევ დაველოცეთ მათი სულები.
ესენი არიან: სოკრატი, მეტსახელად ბუდა,
ვანტანგი, ამირანი და დემური. სულ ახალგაზრ-
დები. სოფლელები, ცხადია, ყველას დაღუპვას
განიცდიდნენ, მაგრამ დემური სოფლის თავკაცი
ყოფილა... თამადაშ თქვა, აი, ახლა მე ამ სუფ-
რას ვხელმძღვანელობ... მთხოვეს და იმიტომ.
დემური ისეთი იყო, თამადაშს ვერავინ წაა-
რთმევდა. ყველაფერში პირველი იყო, თამადაშ-
შიც, შრომაშიც, ბრძოლაშიც და სამშობლო-
სათვის სიკვდილშიც პირველობა არავის დაანე-
ბა... წინ მიდიოდა... სოფლის ძვალი იყო. ასე
თქვა. ამ მეთაურს ყველა მებრძოლისთვის დაე-
უტოვეთ საჩუქრები და წამოვედით. თბილისში
ჩვენც გველოდა ერთი, საოცარი სულიერი საჩუ-
ქარი... თბილისის აეროპორტიდან ქალაქში თავი-
სი ავტობუსით წამოგვიყვანეს მეომრებმა, რომელ-
თაგან ერთ-ერთმა გახარებულმა მითხრა: იცით,
ეკლესიიდან ჩვენ საჩუქრები მივიღეთო... რა-
მეთქი და... " აღდგომა დღეს პოზიციებზე მომი-
წია მორიგეობა. თბილისელებმა ახალდაბელები
თანამებრძოლთა ორმოცზე გავუშვეთ და ჩვენ
ვცვილიდით მათ... ვიწექი ტყეში, ტალახში და
ეფიქრობდი, ღმერთო, რა არის, ამ აღდგომა
დღეს ერთი წითელი კვერცხი მქონოდა-თქვა...
სულ მალე დაბრუნდნენ ახალდაბელები და სა-
ჩუქრები ამოგვიტანეს... რაც მთავარია, წითელი
კვერცხები..."

ჩემთვის ეს დიდი სიხარული იყო... ამაზე მე-
ტი ჯილდო არც მჭირდებოდა.

მაშინაც და მერც ბევრჯერ მქონია შეხება
ამ ომთან. ბევრი აზრი მსმენია მისი მიზეზების,
სამართლიანობის თუ აუცილებლობის შესახებ.
არ ვიცი, რატომ მოხდა ეს და ვისი ბრალია,
მაგრამ ერთი რამ ნამდვილად ვიცი. იქ
იბრძოდნენ ჩვენი ერის საუკეთესო შვილები,
"ჩვენი ძვალი". ისინი სამშობლოსათვის იბრ-
ძოდნენ. მათ არ ჰქონდათ იმისი დრო, გაერკვი-
ათ მიზეზები. ისინი სამშობლოსათვის დაიღუპნენ
და მჯერა, ღმერთი ყოველივეს ასევე შეიწირავს
მათგან - ახალი დროის უსახელო გმირებისაგან.

უწმიდების ღოცვა-კურთხევით, მე, დედა თეოდორა და დედა ანასტასია ზაფხულში იერუსალიმში ვიყავით. თან გვახლდა თარჯიმანი, ივრითის მცოდნე, ჩვენი ეკლესიის მრევლიდან, ლაშა. შვანია. მოვილოცეთ წმიდა ადგილები. პირველი წირვა მაცხოვრის საფლავთან დავაყენეთ. ეს იყო 2 აგვისტოს, ილიაობას ეილოცეთ საქართველოსთვის და უწმიდებისთვის... წირვა ჩატარდა ბერძენ ღვთისმსახურებთან ერთად.

შემდეგ... 9 აგვისტოს ჯვრის მონასტერშიც დავაყენეთ ერთობლივი წირვა... წმიდა პანტელეიმონის დღეს... წირვა ჩავატარეთ ასევე, ყოვლადწმიდა ღვთისმშობლის მიძინების ტაძარში, მის საფლავზე, კეთისი-მანიის ბაღში. იერუსალიმიდან დაბრუნების შემდეგ უფლისადმი უსაზომო თხოვნითა და უწმიდების ღოცვა-კურთხევით, გადაწყდა ჩემი მონაზნად აღკვეცა. მეუფე დანიელმა ჰკითხა უწმიდებს, სად უნდა მომხდარიყო ეს და საესებით მოულოდნელი პასუხი მიიღო - აფხაზეთშიო. მე სინარულით ცას ვეწიე... ძალიან ველავადი წასვლის დღეს. თან მახლდნენ ჩემი იერუსალიმელი დედები. აღ-

კვეცა მოხდა 24 აგვისტოს... სასწულს ჰგავდა ეს... 24 აგვისტო ჩემი გამწვდელი, უსაყვარლესი ბებიას დაბადების დღეა. ერქვა ეგენია და ალბათ, ღვთის ნებით, მე ეს ღრმად მწამს, მეც დამარქვეს ეგენია... საოცრებაა, მაგრამ სინამდვილეა. ვიყავი ბენიერი. აღვიკვეცე ყოვლადწმიდა ღვთისმშობლის ხარების ტაძარში, საღამოთი. სოხუმში ათი დღე დავრჩი. იყო ღვთისმშობლის მიძინების დღეები. იყო სიმშვიდე... ცაც, ზღვაც საოცრად კამკამა. ისეთი ძლიერი იყო სიმშვიდე, რომ ვერ იფიქრებდი იმ საშინელებებზე, რაც სულ მალე მოხდა. ასეთი სოხუმი არც მანსოვს. სამჯერ შემოვუარეთ ქალაქს ჯვარ-ხატებით, ღოცვით, გალობით.

მინდა აღვნიშნო... 28 აგვისტოს, წირვის მერე ტაძარში შემოვიდა ბატონი ვიუ-ლი შარტაგა. ტაძარში უკვე აღარავინ იყო. დიდხანს, დიდხანს მარტო ღოცულობდა. ძალიან იმოქმედა, თვალცრემლიანი შევცემე როდი.

ჩამოვედი იქიდან ათი დღის შემდეგ და ზუსტად ორ კვირაში დაიწყო ომი.



სოხუმი 1993.



X X X

სოხუმში ჩავედი ახალი წლისათვის, შობამდე. ძალიან ციოდა. საერთოდაც, ის ზამთარი ძალიან ცივი იყო. იქ ყოფნის დროს ჩემთვის უამრავი ახალი საოცარი, რთული და მძიმე რამ მოხდა. მაგრამ ყველაზე შთამბეჭდავი იყო ქართველი ბიჭები, მამა ანდრია, დაბომბვები, კომანი და სოხუმის გაზაფხული.

მეუფე დანიელი ხშირად დადიოდა სამხედრო ნაწილების დასალოცად და ჩვენც დავევბოდით. თვალწინ მიდგას ბიჭების სახეები. ვაჟაკობასთან ერთად მათში დიდი ტრაგიზმი იგრძნობოდა. ხშირად მოდიოდნენ ეკლესიაში. ზოგი ინათლებოდა ნაწილშივე, ზოგი ეზიარებოდა კიდეც. ზოგიერთი კი ფსიქიკური აშლილობის ზღვარზეც იყო მისული. მანსოვს, ერთხელ, ლოცვის დროს ერთ-ერთი შემოვარდა შუა ეკლესიაში, იარაღი და ავღო და ტირილით - "ღმერთოო..." მთელი ხმით შეჭყვირა. მე ძალიან ბევრს ვფიქრობდი მათზე და სიკვდილზე და უბედურების შეგრძნება არ მშორდებოდა. მიყვარდა ბატონ გენო ადამიას დანახვა. მას ყოველთვის რაღაც სიხალისე მოჰქონდა. ჩვენთან მეგობრობდნენ და ხშირად გვეხმარებოდნენ მისი უახლოესი თანამებრძოლი ბიჭები. მათ შორის გამორჩეული სილამაზის და ახონების იყო კოტე ლოთედიანი, რომელიც სოხუმის დაცემის დროს ბატონ გენოსთან ერთად დაიღუპა.

დიდ ყურადღებას იჩენდა ეკლესიისადმი შრომის შენაერთის უფროსი ამირან კიკაბიძე, რომელიც სოხუმის ალებამდე, დაახლოებით ერთი თვით ადრე დაიღუპა. იგი ყოველთვის ზრუნავდა, მშვიდობით ჩავსულიყავით ხოლმე კომანში. ერთ-ერთი ასეთი სელის დროს, სანამ ჩვენ შტაბბინის კურთხევას ვასრულებდით, გზის დასაზვერად ბატონმა ამირანმა ორი მეომარი "ბეტყერით" გაუშვა. ცოტა ხანში აფეთქების ხმა გავიგეთ. ერთა, სახელად ედუარდი, რომელიც მობრუნების შემდეგ მონათვლას აპირებდა, გარდაიცვალა, ხოლო მეორე მძიმედ დაიჭრა.

სოხუმის დაბომბვა მარტში დაიწყო. თავდაპირველად თითო-თითო ბომბს გვესროდნენ, შემდეგ

კი ისე გებომბავდნენ, რომ ცოტა ხანში ქვა-ქვაზე არ დარჩებოდა. ბოლოს უკვე სოხუმში მთელი კვარტალები იყო გასწორებული მიწასთან, სახლი აღარ იყო, ბომბი არ ჰქონოდა მოხვედრილი. მოხრეხული იყო ყველაფერი და მიუხედავად ამისა, მე მგონი მაინც ასეთი ლამაზი გაზაფხული, ალბათ, სოხუმში არასოდეს ყოფილა. ქუჩებში სხვადასხვა სახეობის ყვავილი ჰყვავოდა. ზღვა მშვიდი, ჰაერი გამჭვირვალე, მზე და ამდენ სილამაზესთან ერთად გაუთავებელი უბედურება, ნახევრადმშვიერი მოხუცები და უპატრონო მიცვალებულები.

მიუხედავად ყველაფრისა, ჩვენ მაინც ვმღეროდით, ვგალობდით ყველგან, ეკლესიაში, საავადმყოფოებში, სამხედრო ნაწილებში, სახლში, ქუჩაში, სასაფლაოზე, სუფრასთან, ოჯახებში.

პირველი მძიმე დარტყმა მამა იოანეს სახლის დაბომბვა და მისი მეუღლის, ტაისიას სიკვდილი იყო. მამა იოანესათვის თანაგრძნობის გაწევა მე მხედა წილად. მის გვერდით ვიყავი იმ უმძიმეს წუთებში, როცა "მატუსკა" მორგიდან ეკლესიაში გადმოვასვენეთ. იგი საოცრად ლამაზი მიცვალებული იყო.

მალე, ეკლესიაც დაბომბეს. პირველი ბომბი ჩვენგან შედარებით მოშორებით დავარდა. არ გასულა სამი წუთი და თავზე დაგვემხო ყველაფერი; მეორე პირდაპირ ჩვენს სარეზიდენციო შენობას დაეცა. ყველაფერი ელვის უსწრაფესად მოხდა. ბომბის ხმა არ გაგვიგია. აფეთქება კი შემაზრხენი იყო. მთელი სახლი შეირყა. აფეთქების წნევისაგან შემოინგრა კარები და ყველა ფანჯარა, დაიმსხვრა მინები, დაიღუნა ჭურჭელი და შემოვარდა მტკრის შავი ბული. ეკლესიაში შესვლა მოვიწოდეთ, მაგრამ კიბეები ჩარღვეული იყო, ერთ-ერთი კედელი ჩამორღვეული, რკინის კოშკი ხუთი მეტრის დაშორებით გადავადებული. კიბის მთავარი ღერძებით ჩაკვდივით ეზოში და ეკლესიის მსახური ქალის - მარიას სიკვდილის შემზარავი სურათი დაგვხვდა. თვალებზე ხელი ავიფარე და მიუხედავად ჩემი პროფესიისა, ვერ მივეკარე. დაბომბვა ისევე გრძელდებოდა და

ვილაც მივიროდა, ეკლესიაში შედიო. მერე ყველანი ეკლესიაში ვიყავით და ხმამაღლა ვლოცულობდით. მახსოვს, ვყვიროდი "უფალო შეგვიწყალოს". დაბობბვა ისევე გრძელდებოდა. დაახლოებით ხუთი "გრადი" ჩვენგან ძალიან ახლოს დავარდა, მაგრამ ისეთი შეგრძნება მქონდა, თითქოს ყველა ჩვენს სახლს ხედებოდა. აშკარა იყო, მიზანდასახულად ბობბავდნენ ეკლესიას. იმის გააზრება, რომ ჩვენი ამოუღებელი უნდოდათ, სასოწარკვეთილებაში მაგლებდა. მოვიკრიბეთ ძალები და მე, დედა ეკატერინემ და რამაზმა (არქიტექტორმა) მარია ეკლესიაში შევასვენეთ. დაბობბვა შეწყდა თუ არა, ეკლესიაში შემთხვევით მყოფ ერთ სომხის ქალს ისტერიკა დაეწყო. შვილი სახლში მარტო დაეტოვებინა. მერე იმას ვაწყნარებდით.

მოვიდნენ მამები ნინოშვილის ქუჩიდან, შემდეგ მე და მორჩილი ლელა წაკვლით შტაბში ბატონ გენოსთან, რომ თბილისს დაკავშირებდით. იქ ყველანი ძალიან შეწუხდნენ. ბატონმა გენომ მანქანა გამოგვიყო. უწმიდესს ვერ დაველაპარაკეთ. შემდეგში აღმოჩნდა, რომ რეზიდენციის კავშირგაბმულობა დაუზიანებელი იყო და საპატრიარქოს დაეუკავშირდით. გადაწყდა, ვისაც ეშინოდა, უნდა წასულიყო, ვისაც არა, ნინოშვილის ქუჩაზე, სამეუფო სახლში გადასულიყო. ყველამ იქ გადახვდა ვარჩიეთ. მეუფე დანიელი იმ ხანებში თბილისში იყო.

დაბობბვის დროს განსაკუთრებით მძიმე ასატანი "სირენის" ხმის გაგონება იყო, რომელსაც ჩვენები ხალხის გასაფრთხილებლად რთავდნენ. ამ დროს ტაძარში ჩავდიოდით, მაგრამ მახსოვს, ლოცვა მიჭირდა; სახარებას კითხულობდი და ეს მშველოდა.

ჩვენ 17 მაისს დაგვბობბეს. 18 მაისი შედარებით წყნარი იყო. 20 მაისიდან ერთ-ერთი მოლაპარაკება იწყებოდა; ამიტომ 19 მაისს საშინელება დატრიალდა... ორივე მხარემ, რაც კი ბობბები ჰქონდათ, ერთმანეთს დაუშინა. ქალაქი მთლიანად ცეცხლში იყო გახვეული. ჩვენ ყველანი, მორჩილი ელენე (ლელა), სამონაზვნე ეკატერინე, სამონაზვნე ანუსია, მორჩილი ნანა და მე (მაშინ მორჩილი მაკრინე) ვიყავით ნინოშვილის ქუჩაზე, სამეუფო სახლის შიგა კიბესთან შეყუყულები; ჩვენის აზრით, ყველაზე დაცულ ადგილას. მამა ანტონი, მორჩილი მამუკა და იგორი სარეზიდენციო სახლში იყვნენ. ჩვენს სახლთან როგორც ჩანს, ახლოს იყო განლაგებული "გრა-

დის" სასროლი იარაღი და ორივე მხრიდან ნასროლი ბობბები ძალიან ახლოს დაფრინავდა. შემზარავი ხმა ჰქონდა. ტყვიები განუწყვეტლავ ზუოდნენ და ჩვენგან ახლოს ცვიოდნენ, დაახლოებით ექვსი საათის განმავლობაში, მცირე შესვენებით, დამის 12 საათამდე გრძელდებოდა ეს საშინელება. მახსოვს, სიკვდილს ველოდებოდი. ღვთის იმედი არ დამკარგვია, მაგრამ თან ვფიქრობდი, იქნებ ჩვენი სიცოცხლე გასაწირავად საჭირო თქვა და ვგუებოდი ამას ყველაფერს. სასოწარკვეთილებაში არ ჩავკარდნილვარ, მაგრამ მთელი სხეულით გკანკალებდი. გამახსენდა ყველა ჩემი ახლობელი და შორეული, ყველა ელვის სისწრაფით თვალწინ დამიდგა. ყველა გავიმეტე ჩემი სიკვდილისთვის, მაგრამ დედაჩემი ვერა. მაშინ მივხვდი, რომ არ მოგვედებოდი.

მეორე დღეს მეუფე დანიელი ჩამოვიდა.

ზაფხულში ხატებითა და ჯვრით მოეწყო მსვლელობა, გაღისა და ოჩამჩირის რაიონების დალოცვა. დავიწყეთ ილორის წმიდა გიორგის ტაძრიდან. აფხაზეთში ძალიან ღამაში სოფლებია. ომი ყველას დიდ დაღად დააწვა, მაგრამ მოუხედავად ამისა, ხალხში მაინც არ იყო განსაკუთრებული ღტოლვა სარწმუნოებისაკენ; თუმცა, ძალიან დიდი ნათლობები მოეწყო. ჩვენ სოხუმში ვეღარ მივბრუნდით... ტაშიში აიღეს აფხაზეთმა და გზა ჩაიკეტა. მალე კომანიც დაეცა და მამა ანდრიაც დაიღუპა. სოხუმში მეუფე დანიელი და დედები თბილისიდან ჩაფრინდნენ. ამ დროისათვის, უწმიდესის ლოცვა-კურთხევით, მე თბილისის ფერისცვალების მონასტერში გადამიყვანეს.

შემდგომ ჩასვლაზე მეუფე დანიელი გულრიფშში ჩავიდა წირვა-ლოცვის ჩასატარებლად. სწორედ მაშინ მოხდა ზღვიდან გულრიფშის დაბობბვა. ძალიან გახარებული იყო მრევლი მეუფის ჩასვლით. მათ შორის გამოირჩეოდა თამარი. დაბობბვა რომ დაიწყო, შეშინებული სახლისკენ გაიქცა, ბავშვები ეზოში დაეტოვო, გზაში ბობბის ნამსხერვევი მოხვდა და დაიღუპა. მას ორი პატარა ბიჭი დარჩა.

სოხუმის ბოლო მოვლენების უშუალო მონაწილე მე არ ვყოფილვარ. სოხუმის ალებიდან რამდენიმე ხანი არაფერი ვიცოდი მეუფე დანიელის, მამებისა და დედების შესახებ. მათ სვანეთის მთები გადმოიარეს...





როდესაც მეუფე დანიელი ცხუმ-აფხაზეთის ეპისკოპოსად დაადგინეს, ჩვენც, მისი სულიერი შვილებიც - მამა ანდრია და მე სხალთის მონასტრიდან სოხუმში გადაგვიყვანეს. მაშინ მე მორჩილი ვიყავი და გაბრეული მერქვა. სოხუმში თითქმის სულ მლიანად დაცარიელებული იყო... ირგვლივ დუმილი სუფევდა... ქუჩებში, ისიც აქა - იქ სამხედრო პატრულები თუ გამოჩნდებოდნენ ხოლმე... ჯერ სოხუმში სროლა არ ისმოდა... მისი ხმა მხოლოდ შორიდან მოდიოდა. თებერვლის შუა რიცხვები იყო. დიდ მარხვამდე 3-4 დღე იყო დარჩენილი. მეუფე დანიელის კურთხევით, ჩვენ კომანში გავაძვინეს. რის ვაივაგლახით, ხან მანქანით, ხანაც ფეხით გაუღეპით გზას კომანისაკენ. გუმისთის ნაპირას აფხაზი "ბოვეიკები" იყვნენ და თავისუფლად შეუძლებელი იყო მიმოსვლა.

კომანის იოანე ოქროპირის სახელობის ეკლესია სოფლის შუაგულში აღმართულ გორაკზე მდებარეობს. ეკლესიაში ანუების ოჯახი შემოგვიყვანა... უზომოდ გაინარეს... დიდი ხანია, მოძღვარს მოელოდნენ და მამა ანდრიას დანახვაზე ცა გაეხსნათ, გაეხარდათ. კომანში თითქმის აღარავინ იყო, ჯარისკაცები გარდა... თავდაპირველად ისინი დიდ ინტერესს არ იჩენდნენ სარწმუნოების მიმართ, მაგრამ შემდეგში, ისინი ხშირად შემოდოდნენ ტაძარში... დაღლილები იყვნენ და მამა ანდრიას იმედიანი სიტყვა ძალას ჰმატებდათ. თანდათან ყველა ვაზიარეთ... ხშირად, როცა დრო გვექონდა, ჩვენ თითონაც ფრონტის ხაზზე გავდიოდით და იქ ვაგრძელებდით საუბარს სარწმუნოებაზე. რამდენჯერმე სოფელ ახალშენშიც ავედით... ადგილობრივ მოსახლეობას და ასევე ჯარისკაცებსაც უხაროდით ჩვენი მისვლა... სამწუხაროდ, ამ უფლის მიერ ნაკურთხ მიწაზე, ადამიანებში რწმენა ძალიან იყო შერყეული და მამა ანდრიას ბევრი ქადაგებ უხდებოდა ჭათ გამოსაფხიზლებლად.

მამა ანდრიას ძალიან უყვარდა წმიდა

ვასილისკოს წყაროზე მარტოდ ჩასვლა... საერთოდ, ყველაზე მეტად მარტობა უყვარდა... წყაროდან იგი ვასილისკოს საფლავზე ადიოდა და პარაკლისს იხდიდა... უფალს ავედრებდა ამ ცოდვილ ქვეყანას. რამდენჯერმე სროლაშიც მოჰყვა, მაგრამ ეს არ აწუხებდა... როდესაც საშიშროება გადაივლიდა, ეკითხებოდნენ, შეგეშინდა თუ არაო და ისიც თავისებური წყნარი და უჩვეულო ღიმილით პასუხობდა: მადლობა ღმერთს, შიშის გრძნობა არ გამაჩნიაო.

რაც დრო გადიოდა, მდგომარეობა თანდათან მძიმდებოდა. განუწყვეტლივ ბომბების გრუხუნი ისმოდა. ესროდნენ სოფელს... მშვიდობიან მოსახლეობაში იყო მსხვერპლიც. ერთი-ერთი ასეთი დაბომბვის დროს დაიწვა ანუების სახლი. ოჯახი ფაქტიურად, ღია ცის ქვეშ დარჩა... მაგრამ მათ თვალზე ცრემლი არ დაგვიანხავს, აქეთ გვაწყნარებდნენ: "ღვთის ნებაა ყველაფერი. მთავარია, რომ ღმერთმა არ მიგატოვოსო.

მამა ანდრიას ერთადერთი რამ აწუხებდა: თუ მტერი შემოვიდოდა, ღირსეულად შეხვედროდა სიკვდილს... მე კი ვწრიალებდი... როცა შეწუხებულს დამინახავდა, მეტყვოდა:

- ნუ შიშობ... საშიში ის იქნება, სასუფევლის გარეშე რომ დარჩე, მოეშაადე... ყველაფრისთვის მზად უნდა იყო, და მეც მაშინვე ვმშვიდდებოდი.

რატომღაც იმედი მქონდა, რომ აფსუები კომანში არ შემოვიდოდნენ. აქაური დიდი წმიდანები არ დაუშვებდნენ წმიდა ადგილების შებიღწვას... მაგრამ შეეცდი, თურმე უფალი ჩვენგან სხვა რამეს ითხოვს... ეს სხვა რამეა რწმენა, რომლისაგანაც ძალიან შორს ვართ. ამაშია ჩვენი ტანჯვის მიზეზი...

ვითარება შემდეგში უფრო და უფრო გამწვავდა. ჩემთვის უკვე ყველაფერი აუტანელი ხდებოდა. ყოველი დავარდნილი ბომბი თითქოს მე მხვდებოდა გულში, ყოველი ავტომატის ტყვია თითქოს ჩემსკენ იყო

მომართული... კვლავ ელოცულობდი და კვლავ ვისვენებდი. გამიჭირდა და მეუფე დანიელმა, როცა გაიგო ჩემი მდგომარეობა, თავის რეზიდენციაში გადამიყვანა და მეც დაემშვიდღი.

შემდეგ დაიწყო ჩვენი მისიონერული მოგზაურობა აფხაზეთის სოფლებში... იქნებ ვინმეს გაუკვირდეს, ომი მძვინვარებდა და რა დროს მოგზაურობა იყო, მაგრამ ამას ძალიან დიდი მნიშვნელობა ჰქონდა. ავტომატი ჯარისკაცებს ეჭირათ, ჩვენ კი ლოცვითა და ზიარებით შევეწოდით მათ და საერთოდ ყველას, ვინც ჩვენს გზაზე ჩნდებოდა. ინათლებოდნენ ბავშვები, ახალგაზრდები, მოხუცებიც კი... ეცნობოდნენ ქრისტიანულ ცხოვრებას, მის საიდუმლოებებს და რჩევა-დარიგებებს ითხოვდნენ. მოგზაურობამ ორი კვირა გასტანა. ყველაზე მეტ ხანს სოფელ ილორში მოგვიხდა ყოფნა. მოვილოცეთ ილორის წმიდა გიორგის სასწაულმოქმედი ეკლესია. თითქმის მთელი სოფელი ვაზიარეთ.

განსაკუთრებით დაკვიანლოვდა ილორში მცხოვრები ხარჩილაკების ოჯახი. ჩვენს გაკვირვებას და სიხარულს საზღვარი არ ჰქონდა, როცა გავიგეთ, რომ ოჯახის ხუთივე წევრი მარხულობდა. ერთი კვირა დაკვავით ამ ოჯახში და იქიდან წამოგვეყვანა უზომო სიყვარული. ოჯახმა ჩვენ და მამა ანტონი შევიღებად მიგვიღო და მათ რიცხვს კიდევ ორი ბერი შეემატა.

მოგზაურობიდან დაბრუნებულებს შემზარავი ამბავი გველოდა... მამა ანდრეას მოწამებრივი სიკვდილი... უზომოდ განვიცადე... ბოლოს მეუფემ მითხრა: "ყოველივე უფლის ნებაა. თავისთან წაიყვანა უფალმა.

იქიდან ილოცებს ჩვენთვის. ღმერთი შეისმენს მის თხოვნას. ის ახლა მასთან ახლოს იმყოფებაო.

მრავალი გმირის სახე ანათებს სოხუმის ბრძოლებიდან. ერთი მათგანი დედათა მონასტრის მომმარაგებელი ჯუმბერ (დიონისე) ბალათურიაა. იშვიათად მინახავს ასეთი სიკეთითა და სიმშვიდით სახეს ადამიანი. იმოდენა გული ჰქონდა, მთელი სოხუმის გაჭირვებულები ეტეოდნენ შიგ. მარტო ომის დროს მან ოცამდე უპატრონო მიცვალებული მიახარა მიწას. საოცრად უხაროდა, სიკეთეს რომ აკეთებდა. უხასიათოდ მხოლოდ მაშინ. იყო, როცა მასთან გაჭირვებული არ მოდიოდა. თითონ დას-ღვედა ყველას და სთავაზობდა: "*Хлеба не хомите*". არასოდეს გაბრაზებული არ მინახავს. თუ ვინმე შენიშნას მისცემდა, ვინც არ უნდა ყოფილიყო იგი, დახრიდა თავს, გაიღიმებდა და იტყოდა: "რა კუნა, გენაცვალე, მამატიე, მეტს აღარ ვიხამ". სოხუმის დაცემის შემდეგ სულთერი კრიზისი განიცადა, ძალზე ცუდად შეიქნა და თბილისში ტრაგიკულად დაიღუპა. მისი ხსოვნა მარადის დარჩება ჩემში. ეს იმ მძიმე ტკივილის ნაწილია, რომელიც უხვად დაგვიტოვა ამ საშინელმა ომმა.

სოხუმის დაცემამდე რამდენიმე დღით ადრე, მე ბერად აღვიკვეცე... რამდენიმე დღეში კი მეუფის ლოცვა-კურთხევით თბილისში დავბრუნდი. ასე რომ, არც სოხუმის დაცემის დროს ვიყავი იქ, და არც საკენ-ჭუბერის უღელტეხილი გადმომივლია. უზომოდ მტკიავა, და მაწუხებს ეს ყოველივე...



16 მარტს მონასტრის ძირითადი შემადგენლობა კომანში წაიღო და წმიდა ადგილების მოსალოცად და წმიდა ვასილისკოს წყალში განსაბანდა.

მონასტერში სამნი დაერჩიო. 16 მარტს ღამის 11 საათზე უამრავი მამხალა ჩამოყარეს და ისეთი სიმძლავრის გამანათებლები მოაყარეს ქალაქს, რომ ღამე დღისაგან არ გაირჩეოდა. ჯერ კერ მივხვდი, რა ხდებოდა. სასწრაფოდ ავდექი და მეზობელ სენაკში მცხოვრებ დას შევეხმინე. მასაც არ ეძინა. უცებ, შვეულმფრენის ხმა და ძლიერი აფეთქება მოგვესმა. გვომბავდნენ. მოვემზადეთ ღოცვისათვის და გავეშურეთ იმ ოთახში, სადაც სათელს ვამზადებდით. იგი შედარებით უსაფრთხო იყო. ერთმანეთს ვენაცვლებოდით ფსალმუნების კითხვაში. ფანჯრები იმსხვრეოდა და თავზე ნაფშენები გვეცემოდა, მაგრამ ჩვენ განვაგრძობდით კითხვას. ვგრძნობდით, რომ გაჭირვებულიყავით, სულიერად გავტყდებოდით. ღოცვა გაძლიერებდა და გვეხმარებოდა. შვეულმფრენები ძალიან ახლოს დაფრინავდნენ ჩვენს ირგვლივ. ინგრეოდა მრავალსართულიანი სახლები, ქალაქი ნადგურდებოდა. ეკლესიის თავზე ხანგრძლივი დროის განმავლობაში წრეს უვლიდა ერთ-ერთი შვეულმფრენი; შემდეგ დაბლა დაეშვა. გაიფიქ-

რეთ, ალბათ ეზოში აპირებს დაჯდომასთქო, მაგრამ ფანჯრების გასწვრივ გაჩერდა. ხუთი წუთი იყო ამ მდგომარეობაში. ისე ახლოს იყო, მფრინავიც თავისუფლად დავინახეთ. ეს ხუთი წუთი საუკუნედ მოგვეჩვენა. შემდეგ ნელ-ნელა გაფრინდა.

ქალაქი მთელი ღამე იბომბებოდა. დილის 8 საათზე გრუხუნი მიწწარდა. შევბით ამოვიხსუნეთ. ტელეფონი არ მუშაობდა. ფოსტაში გავედი. შეძრწუნებისაგან ძარღვებში სისხლი გამეყვინა, ცრემლებს ვერ ვიკავებდი. სოხუმში აღარ არსებობდა. მისი ღამაზი სახლები და ქუჩები დანგრეული იყო. მხოლოდ რამდენიმე შენობა იდგა უვნებლად. ეს იყო ქალაქის პირველი ძლიერი განადგურება.

სოხუმში რომ დავტოვეთ, სვანეთის უღელტეხილი გადმოვიარეთ და ჭუბერში შევეჩერდით. იქ ოჯახებში დავბინავდით. მეუფე დანიელი ყოველ დღით ასრულებდა სავერებელ პარაკლისს. შემდეგ დავდიოდით ჭუბერის ქუჩებში ხატებით და ჯვრებით, მოსახლეობისა და ლტოლვილების დასალოცად, გალობით და ნაკურთხი წყლის სხურებით. ნატანჯი და ნაწამები, ქუჩაში დაყრილი ხალხი ჯერ გაუბედავად, შემდეგ უფრო თამამად იღიმიებოდა. მათ თვალეში ღვთისადმი და მომავლისადმი სასოება ჩნდებოდა, ბევრი მათგანი ჩვენს ჯგუფს უერთდებოდა. უმწეო ადამიანების გულები სიყვარულით ივსებოდა.

ჩავდიოდით მდინარეზე და მეუფე დანიელი ატარებდა ნათლობას. ისმოდა ბავშვების სიხარულის ყიჟინა. ლტოლვილებში სიცოცხლე იღვიძებდა.

შემდეგ ვბრუნდებოდით ჩვენს ადგილსამყოფელში და ვამზადებდით ცხელ ტრაპეზს ლტოლვილებისათვის, რომელსაც მორჩილები არიებდნენ. ლტოლვილთა ბანაკი უბნებად იყო დაყოფილი. მათ სხვადასხვა ჯგუფი ვემსახურებოდით. ერთი ჯგუფი სამედიცინო პუნქტს უწევდა დახმარებას და წამლებს ანაწილებდა.

ლტოლვილებისათვის დიდი ნუგეში იყო ეკლესიის მსახურებისგან დახმარების მიღება. მეუფე დანიელი, სანამ ბოლომდე არ შეასრულა მოწყალების მისია და არ მოიხადა ვალი, ჭუბერიდან არ წამოსულა.

მიუსერა ინტერაერის დასავლეთი ნაწილი



დასწერე ჯვარი ანთებულ სანთელს,
დასწერე ჯვარი!
გვეფინე მშვიდობა, მოგვეცე წინაპართ
სიმხნე და ძალი...
დასწერე ჯვარი ანთებულ სანთელს,
დასწერე ჯვარი!
შეგვედრებ წმინდას ჩვენს საქართველოს,
შეგვედრებ წმინდას,
მის წმინდა სისხლი... საკლავთ სისხლივით
ნულარდროს იღენს!
წმინდა გორს დგახარ,
წმიდა იფნებთან,
ბუბუნებ კრძალვით:
დასწერე ჯვარი ანთებულ სანთელს,
დასწერე ჯვარი!

ანა კალანდანი

ანაკლია






ღმერთმან განიკითხოს მართალი
და უღმრთოი, ხოლო ვის უყუარს
სიცრუე, მას სძულს სული თვისი



მადლობა ღმერთს ყველაფრისათვის



სულ შევთხოვდი ღმერთს, გამომიგზავნე ისეთი მოძღვარი, არ ღლიდეს ყოველდღიური წირვა-ლოცვა, პანაშვიდები, პარაკლისები, ნათლობა... დღემუდამ ღვთის ღაღადებასა და სიყვარულში რომ იქნება-თქვა... უწმიდესის ლოცვა-კურთხევა გქონდა, ყოველ ხუთშაბათს იოანე ოქროპირის სარკოფაგთან, ხოლო პარასკეობით წმიდა მოწამე ვასილისკოსათვის პარაკლისი გადაგვხდა.

ვიდრე მოძღვარი არ გვყავდა, მე და ჩემი ქალიშვილი მანანა ვიხდიდით პარაკლისებს...

და აი, ერთ დღეს, ლოცვის დამთავრების შემდეგ, ოდეს წარმოვთქვი: "უწმიდესო და უნეტარესო მეუფეო, გვაკურთხენ..." გაიღო კარი და... ყაზანის ღვთისმშობლის ხატით ხელში შემოვიდა მამა ანდრია. მას თან ახლდა მორჩილი გაბრიელი... ჯვარი გარდაგვსახა... ჩვენ სიხარულმა აგვიტანა. ვეშთხვიეთ დედა ღვთისას ხატს და მადლი შევწირეთ.

ღმერთმა შემისრულა თხოვნა. მამა ანდრია მუდმივ ლოცვებში იყო. ხშირად ვთხოვდი, გეყოფა ამდენი ლოცვა და ღმრის თევები, დაილღები-თქვა. გამიღიმებდა თავისი მშვენიერი ღიმილით და მეტყვოდა, ორი წელია, რაც მოვინათლე... ჯარიც მოვილიე... რამდენი წელი უახროდ დაგვარგე, უნდა აღვიდგინო დანაკარგიო.

მუდმივ მარხვაში, ლოცვაში, შრომაში აღამებდა... მარტოდ ყოფნა უყვარდა. დილით, ეკლესიის ეზოში შემოსულს მისი ლოცვის ხმა ჩამესმოდა. მეშინოდა ხელი არ შემეშალა, გაეჩერებოდი და ვუსმენდი. ვის არ მიიზიდავდა ასეთი შთაგონებული ლოცვა. შინაგანი ბერული მონაცემები იზიდავდა მას მარტოობისაკენ. ერთხელ გამომიცხადა: "ღმერთმა შეგიწიროთ, ასეთი მშვენიერი ტაძარი რომ აგიშენებიათ... თქვენ ეს სასუფეველში დაგვხდებათ... მაგრამ ერთი სათხოვარი მაქვს... უნდა დამტოვოთ მარტო..." არა თქვა უთხარი. ამ ჩვენი ხელთ ნაშენებ და ნაჯაფარ ეკლესიას არასდროს, სიკვდილამდის არ დატოვებ. მე და ჩემი მეუღლე აქ უნდა დავიმარ-

ხოთ-მეთქი და მეუფე ღვთის ბეჭედსმული ბლანკი ვუჩვენე, რომლითაც ამ სოფლიდან გასვლის შემდეგ ტაძარში განსვენების ნება გვეძლეოდა. წაიკითხა, მოგვეხვია და თქვა: "ღმერთმა ინებოს ჩვენი ერთად მოღვაწეობა, არ ყოფილა ჩემი წილხვედრი მარტო ყოფნაო."

...ომი უკვე დაწყებული იყო. მდგომარეობა თანდათან უფრო და უფრო იძაბებოდა. ჩვენ გამუდმებით ვლოცულობდით. ამ ტანჯული ქვეყნის გადარჩენას შევთხოვდით უფალს. ერთხელ სიზმარში ვნახე:

შუა ეკლესიაში, სადაც ანალოგი დგას, დაბრძანებული იყო იოანე ოქროპირის ხატი წითელი ფერის გადასაფარებლით. თითქოს მამა ანდრიას მე ამ წითელი ნაჭრისაგან შევეუკერე სამღვდლო კაბა. ეხედავ, აცვია ეს კაბა ზემოთა მოსახლამით, თავზე ბერის კუნკულ-ბარტყულით... გამოვიდა საკურთხეველიდან... (საერთოდ, ყოველი წირვის დროს ქადაგებდა. საოცარი მადლი იყო მასზედ გადმოსული. ხშირად თითონაც ვერ ცნობდა თავის თავს და ამბობდა, ეს იოანე ოქროპირის მადლიაო), თავი დაბლა აქონდა დახრილი მორჩილად. დადგა საკურთხეველის წინ და ის იყო, უნდა დაეწყო ქადაგება, რომ უცერად გაშალა ხელები და აფრინდა ცაში. დილით რომ გამომეღვიძა, ვიფიქრე, დამიტოვებს ეკლესიას და წავა-მეთქი. მეუღლემ (ჩემს მეუღლეს იური ერქვა), მითხრა, ნუ გეშინია, მას ისე უყვარს კომანი და იოანე ოქროპირის ეკლესია, რომ არასდროს არ დატოვებს მას. პირქით, ახლანხან მთხოვა, იოანე ნათლისმცემლის მთაზე (ეს მთა იქვეა), ნათლისმცემლის თავის მესამედ პოვნის ადგილზე პატარა კელიასავით გამიკეთეთ. მინდა მარტო ვიყო. შაბათ-კვირას, დღესასწაულებზე ჩამოვალ და წირვა-ლოცვას ჩავატარებ ხოლმეო. თითქოს ცოტათი დაკმშვიდდი, მაგრამ წინათგრძნობა მაინც არ მასვენებდა. ღმერთო ძლიერო, დიდებულო! როგორ ახდა ყოველივე... მართლაც გამიფრინდა მამა ანდრია და წმიდა

ანგლოზებთან ერთად, იესო ქრისტეს მიეახლა.

მძიმეა იმ საშინელი დღის გახსენება...

სამი დღით ადრე, კომანის აღებამდე, ჩვენთან ჩამოვიდნენ მეუფე დანიელი, მონაზვნები: დედა თეოდორა და დედა ელენე... მათ საკუთარი თვალთ ნახეს ჩვენი გადამწვარი სახლ-კარი. ჩემმა მეუღლემ მეუფეს სთხოვა: აუხსენით ამ ქალს (ე.ი. მე), რომ აქ გაჩერება აღარ შეიძლება და მიეცით ლოცვა-კურნევა, რომ წავიდნენო. მაშინ მეუფე დანიელმა მიიხრა: "თუ მეომრები დატოვებენ კომანს, გაკურთხებთ, თქვენც დატოვოთო, მაგრამ მეომრებმა სიცოცხლის ბოლო წუთებამდე არ დატოვეს კომანი.

ღმერთმა მოიხსენოს და აკურთხოს კომანში გმირულად დაცემული ბიჭები... ზაზა პაკელიანის მეთაურობით (ძალიან მტკივა გული).

4 ივლისს უაღრესად გამძაფრდა მდგომარეობა. ყოველის მხრიდან ისროდნენ. იური, მანანა და მე ეკლესიისაკენ წავედით. იქ მამა ანდრია გველოდა. არ გვინდოდა კომანიდან წასვლა, თან მეუღლის რიდიც მქონდა და მამა ანდრიას კვითხე: "როგორ გრძნობთ, უნდა დავტოვოთ კომანი, თუ არა?" მან რამდენიმე წუთის დუმილის შემდეგ მიპასუხა: "არა, არ დავტოვებთ კომანს. დღეს ღამის თევით ჩავატარებთ ლოცვას და წირვას".

წამდაუწუმ ცვიოდა ჭურვები; ტყვიებით მოფენილი იყო მთელი ეზო. აქეთ-იქით დავრბოდით... ტყარის ზანზარებდა... ღამის სამ საათზე მამა ანდრია გამოვიდა საკურთხეველიდან და გვიითხრა: მდგომარეობა ძალიან გართულებულია. წუთი-წუთზე მოსალოდნელია სიკვდილი... ყველას ჩამოგართმევთ აღსარებას და გაზიარებთო... მართლაც ჩამოგვართვა აღსარება. შევიდა საკურთხეველში. გამოიტანა იოანე ოქროპირის გაბრწყინებული ბარძიმი და უკანასკნელად გვაზიარა. ხუთის ნახევარზე ალყა შემოგვარტყეს. გვიფიროდნენ, კარები გააღეთო. იური შევიდა მამა ანდრიასთან და კარის გასაღებად კურნევა სთხოვა. გაღება და მისი ავტომატების კონდახის ცემით გაყვანა ერთი იყო. და აი, უკვე, წელიწადნახევარია, აღარაფერი ვიცით, სადა... ცოცხალია თუ არა... უგზო-უკელოდ დაგვეპარა.

მორწმუნისათვის წამება ნეტარებაა, ხოლო ცილისწამება გვირგვინია. ჩემმა იურიმ, თუ ის მოკლეს, ალბათ, მიიღო ეს ნეტარება და ეს გვირგვინი. მჯერა, იგი უფაღთანაა. იურისთან ერთად, მაშინვე გაიყვანეს მამა ანდრია.

დაიწყო ჩვენი წამება. გინდათ თუ არა, მკლესიის სახურავიდან მეომრებთან ერთად ისროდითო. რას არ გვაბრალებდნენ, უფალმა იცის ერთმა. მამა ანდრიასაც კი ცილს სწამებდნენ. სად არის შენი ტანკისტი შვილიო, მეკითხებოდნენ (ჩემი შვილი ამ დროს თბილისში იყო).

ეკლესიაში შემოსვლის ეშინოდათ. იქ საბრძოლო შტაბი ეგულებოდათ. პირველი, ვინც კომანში შემოიჭრა, იყო ეშერის აფხაზთა ნარკომანული ბატალიონი. გიჟური თვალები აქეთ-იქით გაურბოდათ.

ღმერთო მაღალო, დიდება შენს ძლიერებას, როგორ გადაგვარჩინე?

გინდათ თუ არა, აქ სადღაც სარდაფია და თქვით სად არისო, გაიძახოდნენ... შემოცვიდნენ ეკლესიაში, შებილწეს ყოველივე. გადააბრუნეს სარკოფაგი, მოიფანეს ნაღმის მამიებლები. ისევ და ისევ... სად არის სარდაფიო, გააკვიდნენ. მაგრამ ეკლესიას არ ჰქონდა სარდაფი. გვეკითხებოდნენ, რომელი საუკუნისაა ეს ეკლესიაო და როცა გუპასუხეთ 1 საუკუნისო, გაუკვირდათ. თქვენ საიდან იცით, რომ აქ სარდაფი არ არისო. ჩვენ ეს ვიცოდით. რადგან, როცა ეკლესიის აღდგენაზე ვმუშაობდით, ჩემმა მეუღლემ პარალელურად (რომელიმე ჩვენთაგანის გარდაცვალების შემთხვევაში ადგილის მოსანიშნად) ტრანშეების გათხრა დაიწყო და სადაც კი ბარი დაჰკრა, ადამიანის თავის ქალა იპოვა. ბოლოს უწმიდესისაგან გავიგეთ, რომ აქ 1500 მონაზონი ერთად ყოფილა დაკრძალული. გათხრის დროს ეზოშიც კაოულობდით თავის ქალებს.

მამა ანდრიას გაყვანიდან რამდენიმე საათის შემდეგ შემოვიდა ეილაც ახალგაზრდა და გვიითხრა: "თქვენი მოძღვარი მოჰკლესო".

ო, ღმერთო, რამოდენა უბედურება ტრიალებდა ჩვენს თავზე... გაცვივდით ეზოში... ჩემი მამა ანდრია მე ენახე მიწაზე დაგდებული ზუსტად აღდგომის ხატის მსგავსი, მწოლარე სახით, ტურჩებზე ოდნავი ღიმილი გადაჰკვროდა... დედის მაგიერ, კოცნით დაეუხუჭე ღამაში თვალები... იგი იყო შველივით უმანკო, ბავშვივით უეშმაკო... ამასთან, მოუღვლევი, შეუღრეკელი, ძლიერი.

ასე მგონია, მან ღვთისგან ჭეშმარიტად სამი გვირგვინი მიიღო:

1. ქალწულობის;
2. მორჩილების;
3. წამების.

აღსარებაზე სულ მეკითხებოდა, სიკვდილზე თუ ფიქრობო. თუ სიკვდილზე ფიქრობ, მაშინ საერთოდ არ შესცოდავო.

ო, უფალო, უმრავლე საქართველოს მამა ანდრიას მსგავსი მოძღვრები...

ჩემმა მამა ანდრიამ იმდენი იღვაწა, იმდენი იმრომა, იმდენი ილოცა, იმდენი დაჰე ათენა, იმდენი იმარხულა, რომ ბოლოს ჭეშმარიტად, ღვთის ხილვის ღირსი შეიქნა.

ფრთხილად, მწუნარებით შევასვენეთ ეკლესიაში მე და მანანამ, მისი ბავშვივით მსუბუქი გვამი და საკურთხეველის წინ დავასვენეთ. ვაი, იმ დღის გახსენებას. სახე, ხელები, ფეხები, ვარდის

ზეითი გაუწმინდეთ, ჩასაცმელი გაუფეროთხეთ, გაუწმინდეთ ბერის კუნკულ-ბარტყული, მისი, 24 საათის განმავლობაში გაუჩინარებული, იესოზე მოუღუნებელი ლოცვით გამთბარი ფსკენილი მარცხენა ხელის სამაჯურზე გაუკეთეთ. ღია-ციხფერ გადასაფარებელზე სასწაული სანახაობა იყო მისი ნაწამები სისხლი.

მამა ანდრიას სიკვდილმა დიდი გარდატეხა მოახდინა ომის ქარცეცხლზე. მე ასე ვუიქრობ, ის თავისი უმანკო სისხლით გადაეფარა მთელ საქართველოს.

ღრიალით, ლანძღვით შემობრუნდნენ ეკლესიაში უმსგავსონი... და დაინახავენ თუ არა მამა ანდრიას სისხლს, უკან ბრუნდებოდნენ შერცხვენილები.

ის ღამე თეთრად ვუთიეთ ვუთიეთ გალობით... გარედან კი ყველა კარიდან აუტომატმომარჯვებული მკვლელები შემოგვეურებდნენ... მაგრამ ჩვენთან შიში არ მოსულა. გაგვადიერა ჩემმა ტყბილმა იესომ და იოანე ოქროპირმა.

დილით მოვიდა ბრძანება მოსკოვიდან: "იოანე ოქროპირის ეკლესია მსოფლიო მნიშვნელობისაა. არ დააზიანოთ არც ეკლესია და არც მისი ქონება. არაფერი დაუშაოთ ეკლესიის მსახურთ, დააყენეთ გაძლიერებული დაცვა."

მართლაც დაგვიყენეს დაცვა, 1500 კაციანი. ვაი იმ დროის გახსენებას!

უკვე აღარ შეიძლებოდა კომანში გაჩერება... მაგრამ რა გზით უნდა გამოვსულიყავით იქიდან... არ გვინდოდა გამოსვლა, ოქროპირის ეკლესია არ გვეთმობოდა, მაგრამ ერთ დღეს მოვიდა კომენდანტი, ვინმე რაფაელ აიბა, მუსულმანი და გამოგვიცხადა, თქვენზე მოვიდა მოსკოვიდან ბრძანება, რომ გუდაუთაში უნდა გადაგიყვანოთო. ძალიან შეგწუხდი. თუ გინდათ, აქვე დაგვბოცეთ, გუდაუთაში კი არ წავალთ თქვა, ვუთხარი. თუ ნებით არ წამოხვალთ, შეგკრავთ და ისე წავიყვანთო, გვითხრეს... მაშინ ვთხოვე, მომიყვანეთ მართლმადიდებელი მოძღვარი ბესარიონ ფილია-მეთქი. ეს იყო მეუფე დანიელის ეპარქიის


მღვდელი სოხუმის სამების ეკლესიისა. ჯერ გვითხრეს, ეპარქიაში არ აღმოჩნდაო, მაგრამ ბოლოს მაინც მოიყვანეს... მამა ბესარიონი სასწრაფოს მანქანით ჩამოვიდა. მანვე გვაუწყა: "უნდა გადაგიყვანოთ ბომბორას აეროდრომზე, საიდანაც სოხუმში გადაგაფრენენო... ეს უკვე შეება იყო. ამოვიხსენებთო."

"მრავალ არიან ჭირნი მართალთანი და ყოველსავე მისგან იხსნეს ივინი უფალმან (ფსალმ. 33)". "დაიცვენს უფალმან ყოველნი ძვალნი მათნი და ერთიცა მათგანი არა შეიმუხროს". ყოველივე ეს ჩვენ ჩვენს თავზე გამოვცადეთ.

მამა ბესარიონს ვთხოვე, მიეხედა ჩვენი ეკლესიისათვის, გაეწმინდა. მან აღმითქვა, ყოველივეს გააკეთებო და გასაღები ჩავაბარე... ცრემლით, აუწერელი, გაუნელებელი ტკივლით გამოვთხოვეთ ჩვენს საყვარელ ეკლესიას, ხატებს, მამა ანდრიას, მის თბილ საფლავს.

ჩაგხედით სასწრაფოს მანქანაში. მაშინვე ბომბორას აეროდრომისკენ გაგვაქანეს. იქ ჩაგვსვეს შეეულმფრენში. სულ მალე უკვე სოხუმში ვიყავით. შემოგვეგებნენ გენო ადამია, ვენაცვალე მის სულს, მთელი მისი ბიჭები, ნათესაები. შეეულმფრენიდან დაველაპარაკეთ მეუფე დანიელს და გაუწყვით, რომ უკვე თბილისში მივდივართ, მაგრამ მეუფემ ჩვენთან შეხვედრა მოისურვა. წავედით ეპარქიაში... მეორე დილით კი თბილისში უწმიდესი გველოდებოდა. დიდება უფალო, შენს სახელს, ნამდვილად არ ძალშიმს იმ წუთების აღწერა, საპატრიარქოში რომ შემოვედით. მაღლობა ღმერთს ყველაფრისათვის!

ო, ღმერთო ძლიერო, უფალო, იესო ქრისტე, მუხლმოდრეკილი გვედრები, გაანათე ჩემი მამა ანდრიას, გენო ადამიას, მისი თავგანწირული ბიჭების, ჟიული შარტაეასა და ყველა, საქართველოსათვის დაცემული მეომრების სულები. მოიხსენე და აკურთხე; დაუმკვიდრე მათ წმიდა სასუფეველი, ამინ!





გალობა სავსე ნათლითა

"თქვენ ხართ ნათელი სოფლისანი" (მათ), 14

(მოღვაწეობა და მოწამობრივი აღსასრული მღვდელ-მონაზონისა მამა ანდრიასი ს. კომანში)

ჩვენ უღირსად ვთვლით ჩვენს თავს, რათა აღვეწეროთ ღვაწლი და წამება ბერისა, რომლის ცხოვრება - წყნარი, იდუმალი გალობა იყო ღვთისადმი, - გალობა სავსე ნათლითა... შინაგანი ზეციური ნათლით განსხივოსნებული, მამა ანდრია განუწყვეტლად ჭვრეტდა მას - ჭვრეტდა იმ საშინელი განსაცდელის ჟამსაც, მას რომ ხედა წილად, და ამ წყნარი, ქრისტეს ნათლით გაცისკროვნებული და ამაღლებული, იგი ღირს იქმნა უმაღლესისა ღვაწლისა მოწამობრივისა...

1993 წლის დიდი მარხვის დასაწყისში, ცხუმ-აფხაზეთის მთაგარეპისკოპოსის, მეუფე დანიელის ლოცვა-კურთხევით, მღვდელ-მონაზონი მამა ანდრია (ყურაშვილი) დანიშნულ იქნა წმ.იოანე ოქროპირის მონასტრის წინამძღვრად ს. კომანში. დიდი იყო ღირსება და პატივი მოღვაწეობისა ისეთ წმიდათა-წმიდა ადგილზე, როგორც არის კომანის ღვთიკურთხეული მიწა, სადაც უკანასკნელი წირვა აღავლინა და აღსასრული მიიღო მართლმადიდებლობის მსოფლიო მნათობმა, დიდმა იოანე ოქროპირმა, სადაც მოწამობრივი ღვაწლით გაბრწყინდა წმ. მოწამე ვასილისკო და სადაც მოხდა შესამედ თავის პოვნა ნათლისმცემლისა უფლისა-იოანესი. დიდი იყო პატივიც, მაგრამ ამავე დროს, უდიდესი იყო პასუხისმგებლობაც. იმ ჟამს, როდესაც სიკვდილი ყოფადობის მეორე რეალობად იქცა, რამოდენა რწმენით, სიყვარულით და ნათლით უნდა აღვსებულყო წინამძღვრის სული, რომ აქ არ ჩამქრალიყო ლოცვა მშვიდობისათვის ყოვლისა სოფლისა და მშვიდობისათვის საქართველოსა... ამ უმძიმეს ჟამს, თავისი გამოუთქმელი განგებით უფალმან მოუვლინა ქართულ კვლესაას 27 წლის მღვდელ-მონაზონი მამა ანდრია - მნათობი იდუმალი ხარწმუნობისა და სიყვარულისა ქრისტესა...

საოცარი იყო და განმაცვივრებელი ამაღლებული ბერული მოსაგრეობა მამა ანდრიასი.

ასეთი უბრალოებით და კრძალული თრთოლეით რომ იყო შემოსილი; მისი დაუძინებელი მარხვა და ლოცვა, მისი გულუხვი მოწყალება (მოტანილ საჭმელს ის მთლიანად გაჭირვებულებს უნაწილებდა, თვითონ კი ზოგჯერ მშრალი პურის ნატეხს კმარობდა), მისი ღამისთევები წმ. ვასილისკოს საფლავზე, ხშირი აღსვლა წმ. იოანე ნათლისმცემლის თავის შესამედ პოვნის მთაზე, მისი გამუდმებული ლოცვა-ვედრება წმ.იოანე ოქროპირის ლესკუმასთან, - ვედრება მშვიდობისათვის ქვეყანასა ზედა და კაცთა შორის სათნოებისათვის, სინანული სულის აღდგენისათვის - საქართველოს სულიერი ამაღლებისათვის...

ამ გამოუთქმელად მძიმე ომის პირობებში, როდესაც შიში და შფოთი ხშირად მოიცავდა ჩვენს გულებს, მამა ანდრიას მშვიდი, დამაჯერებელი სიტყვა, მაღლიანი სიმყუდროვე, რომლითაც იგი იყო აღვსებული, - წყნარ ნუგეშად მოეფინებოდა გადაღლილ და გადაქანცულ ადამიანთა გულებს. მამა ანდრია ძალზე სათუთი იყო თავის სამწყვსოსადმი ზრუნვაში. იგი ხშირად აზიარებდა მოსახლეობას, ჯარისკაცებს, ნათლავა და მოუნათლავებს, ქადაგებდა და ურწმუნოებით და უსასობით დაბნელებულ სულებში ქრისტეს ტბილი ნაოელი მიჰქონდა და მის უზენაეს სიყვარულს აზიარებდა...

5 ივლისს, იმ საშინელი განსაცდელის ჟამს, როდესაც კომანი ალყაში აღმოჩნდა და საფრთხე ძალიან ახლო იყო, მამა ანდრია თავისი ჩვეული სიღინჯით გვაწყნარებდა, მოგვიწოდებდა, რომ ქრისტიანული ღირსებით და მორჩილებით შეეხედროდით და გადაგვეტანა ეს უმძიმესი განსაცდელი. როდესაც მოწინააღმდეგე შემოვიდა კომანში და შორიდან უცხო ხმები სოისმა, ყოველმა ჭვენთაგანმა იგრძნო, რამდენად რეალური იყო სიკვდილის სიახლოვე, და ამ ჟამსაც მამა ანდრიას სახეზე აღბეჭდილი იყო საოცარი სიწყნარე, რაც ამ შემზარავი წუთების სულიერი

აღქმის უნარს გვინარჩუნებდა.

ეკლესიის გარშემო ჯოჯოხეთის ბნელი ძალები დაქროდნენ. ყველანაირი ტურვი და ბომბი სკდებოდა კომანის მიწაზე... უცებ მოგვესმა ხეობების ხმები, ეკლესიაში თავშესაფარს რომ ითხოვდნენ. იმ წამსვე, დაუყოვნებლად გაიქცა მათ ხმებზე მამა ანდრია, სასწაულებრივად გამოიყვანა ისინი და ეკლესიას შეაფარა. ცოტა ხანში ბრძოლამ პირდაპირ ეკლესიის ეზოში გადმოინაცვლა... მამა ანდრიამ გამოგვიცხადა: მოემზადეთ აღსარებისთვისო... ადგილზე მიიღო აღსარება და ქრისტეს უკვდავ სისხლს და ხორცს გვაზიარა... ზიარების შემდეგ დუმილისკენ და საკუთარ სულთან განმარტობისაკენ მოვიწოდა, რათა ამ გარემოცველ ჯოჯოხეთშიც გვესმინა წყნარი და უძლეველი ღვთაებრივი ხმა მარადიულობისა... რათა ამ ქვეყნიდან განსვლის წინ უკანასკნელად შეგვეწერა მადლობა შემოქმედისადმი ყველაფრისათვის... ეს წუთები დაუვიწყარია... სწორედ ამ წუთებში განსაკუთრებული ძალით გამოძვლავინდა მამა ანდრიას სულის იღუმალი ნათება - ნათება უმშვიდესისა ქრისტეს სიყვარულისა, რომელი "ბნელში ანათებს და ბნელმა ვერ მოიცვა იგი"... (იოანე 1,5). მამა ანდრია თითქოს სხვა განზომილებაში იმყოფებოდა, - სადაც სუფევს მარადიული ჰარმონია და სილამაზე, რომლის დარღვევა თვით ჯოჯოხეთსაც ვერ ძალუდვია, რამეთუ ამ გამოუთქმელი ჰარმონიის და სილამაზის სათავე თვით უფალია...

... ჯერ ეკლესიიდან გაიყვანეს წმ.იოანე ოქროპირის მონასტრის აღმდგენელი, იური ანუა, (მამაჩემი), რამდენიმე წუთის შემდეგ კი, მამა ანდრია, რომელიც მორჩილებით, დუმილით და ლოცვით შეხვდა ჟამს, რომლისაკენაც მიდიოდა მთელი თავისი სიცოცხლე, - ჟამს დასრულებისა ურვით და სულთქმით საესე ამ მიწიერ ყოფადობისა და მარადიულ ზეციურ სიმშვიდეში და ნათელში განსვენებისა... ვითარცა ზვარაკი ღვთისა, მშვიდად, ყოველნაირი წინააღმდეგობის გარეშე, მან დაუმორჩილა თავი განგებას ღვთისას და მიიღო მოწამებრივი აღსასრული ბოროტებით დაბნელებული ჯალათის ხელიდან.

ასე დასრულდა ამქვეყნიური ცხოვრება ქართული ეკლესიის ახალი ანთებული ლამპრისა, რომელმაც თავისი მოსაგრეობით და აღსასრულით განაღოდა ერი თვისი, აღამაღლა და განამ-


შენა დანიშნულება და წოდება ბერ მონაზონისა... მამა ანდრიას ნახევრად გახედილი თვალები გამოუთქმელი ნეტარებით იყო სავსე. სახეზე ნათელი დიმილი გადაჰკრავდა, და მთლიანად წარმოადგენდა უზენაესი სიდიადისა და სიყვარულის ანარეკლს. მისი სხეული ტამარში შეეაბრძანეთ და საკურთხევის აღსავლის კარების წინ დაეასვენეთ. მოხდა სასწაული, იმ დროს, როდესაც ირგლივ მოკლულთა გვამები იხრწნებოდა და ფუჭდებოდა, მამა ანდრიას სხეული ამ პაპანაქება სიცხეში არ გახრწნილა. მისი სისხლი, რომელიც ჩვენ მისი წამების ადგილზე შევადგროვეთ, არ შედედებულა. ამ სასწაულის ხილვამ უდიდესი გავლენა მოახდინა თვით აფხაზური ჯარის მეომართა ნაწილზე. ბევრი მათგანი შენდობას ითხოვდა, შემწუნებულნი; ზოგი ცრემლსაც ვერ ძალუდვია. იყვნენ ისეთებიც, რომელთაც სურდათ პირადად გაესწორებინათ ანგარიში მამა ანდრიას მკვლეულთან, რაზეც ჩვენ ვერასოდეს ვერ დაეთანხმებოდით; თვით მამა ანდრია არ მოგვეცა ამის უფლებას და ისე უფალს მივეხდეთ. რამდენიმე დღეში, მამა ანდრიას მკვლეელი, როგორც თვით აფხაზმა მეომრებმა გვითხრეს, ნაღმზე აფეთქდა და მარჯვენა ხელი და ფეხი დაკარგა. და მინც, მამა ანდრიას ლოცვით, უფალმა დაუტოვა მას სიცოცხლე; ალბათ იმიტომ, რათა ღრმა სინანულით გამოესყვიდა ეს უმძიმესი და უსაშინელები ცოდვა. 7 ივლისს, წმ.იოანე ნათლისმცემლის შობის დღეს, მამა ანდრიას წამებული სხეული მივაბარეთ კომანის დალოცვილ მიწას და ეკლესიის კედელთან ამოთხრილ საფლავში დაკრძალეთ...

მამა ანდრიას საფლავზე დგას ხის ჯვარი, ნიშნად იმ სულიერი ჯვარისა, რომელიც მან შეიყვარა. შეიყვარა ბოლომდე და რომელსაც შეეწირა, ვითარცა ზვარაკი, და რომელმან აამაღლა იგი და ღირს-ჰყო გვირგვინსა მოწამეთასა...

ასე წყნარად მოველინა ქართულ ეკლესიას და ქართველ ერს მღვდელ-მონაზონი, მამა ანდრია, რათა მოეფინებინა ჩვენთა სულთათვის ნათელი მიუაჩრდილებელი, რომლითაც აღვსებულნი იყო სული მისი, რათა თავისი ცხოვრებით ედიდებინა ჭეშმარიტება...

.... მისი ცხოვრება - წყნარი, იღუმალი გალობა იყო ღვთისადმი - გალობა საესე ნათლითა...





ეს არ უნდა განმეორდეს

ომის პირველი დღეებიდანვე იქ ვიყავით... ხშირად ჯგუფებად დავდიოდით. უმეტესად საკუთარი სურვილით. - მიყვებოდით. ხან თვითმფრინავებს, ხან მანქანებს. ეს დიდი ტკივილი იყო. ვიღებდით ყველას და ყველაფერს, ასეთ სიტუაციაში ძალიან ძნელია სიმშვიდის შენარჩუნება, განსაკუთრებით ხელოვანისათვის. მაინც ვცდილობდი, მიუკერძოებელი თვალთ შემეხებოდა ყველაფრისათვის. უნდა დაიოკო ემოციები. ეს ძალზე მნიშვნელოვანია. გარიბალდს უთქვამს: როცა მტერზე ლაპარაკობ, უნდა დაიმშვიდო თავი, ხოლო როცა მოყვარულზე ლაპარაკობ, უნდა გაიღიზიანო. ეს პრინციპი სწორად მიმაჩნია. ამ დამოკიდებულებით გავაკეთე წინა სურათიც 9 აპრილის ტრაგედიაზე. მისი მთავარი გმირი იური როსტი იყო, თანამონაწილე და თანამონაწილე ყველაფრისა. იგი დადიოდა საავადმყოფოებში და საერთოდ, ყველგან. აინტერესებდა, რუსები თუ დაზარალებულნი. არცერთი არ უნახია. ყველაფერი დააფიქსირა. სურათიც ასეა. როსტაა გამჭოლი მოქმედების გმირი. ამავე პრინციპით ვმუშაობდი აფხაზეთშიც. ჯერ მასალებს ვაგროვებდი. ძალიან ბევრი ოპერატორი და ჟურნალისტი მუშაობდა. ზოგი დაიღუპა კიდეც. მე იმ პერიოდში ცუდად ვიყავი, ოპერაცია გავიკეთე. მაინც ვერ ვისვენებდი... მაგრამ ჯერ ფილმზე მაინც არ ვფიქრობ-

დი. სოხუმის დაცემის შემდეგ კი, როცა ენახე, ლტოლვილები როგორ აღმოჩნდნენ მთებში უპატრონოდ, შემძრა. ეს განცდა ერთ არ გამოითქმის. განსაკუთრებით, საშინელება ტრიალებდა საკენიდან ჭებურამდე გადასასვლელ უღელტეხილზე. ცხვრის ფარასავით იყო მოდებული ხალხი აღმართს. სრულიად მოუშაღებლად წამოვიდნენ; რაც მოასწრეს, ის წამოიღეს, საბოლოოდ კი თითქმის არაფერი. ზოგი საშინაო ტანსაცმელითა და ფლოსტებით იყო... ზოგი კი არა, უამრავი. ყველაფერ ამას ბუნების მრისხანებაც დაერთო. თოვლი მოვიდა. სანამ ტყით მოდიოდნენ, შეშას მაინც აგროვებდნენ და კოცონებს ანთებდნენ, მაგრამ უღელტეხილზე, სადაც ალპიური ზონაა, ხე საერთოდ არ იზრდება. ამ გზას თავისუფლად შეიძლება გოლგოთის გზა დაერქვას. ამბობენ, ამ გადასვლამ ქართველი ხალხი ბიბლიურ ერად აქციაო და მოსეს მიერ ებრაელთა ეგვიპტიდან გამოყვანას აღარებენ. მე მგონია, ეს უფრო მძაფრი გზა იყო. იქ მოსემ თვითონ წამოიყვანა თავისი ხალხი, წამოიყვანა გადასარჩენად, აღთქმული ქვეყნისაკენ. აქ კი, ადამიანები საკუთარი მიწიდან აჰყარეს და თოვლიან უღელტეხილებში გაჰყინეს; დიდზე დიდი დანაკარგის, თავზარდამცემი ტკივილებისა და მწუხარების ფასად, მაგრამ ქართველებმა მაინც გადაიარეს ეს უღელტეხილები. უამრავი ტრაგედია ჩვენს თვალწინ დატრიალდა. დაიხოცნენ ადამიანები, ზოგი შიმშილით, ზოგი სიცივით, გადაღლით, სიბერით, ავადმყოფობით... ვერ გაუძლეს. გზაში ბავშვებიც კი დაიბადნენ, გაცივდნენ და მოკვდნენ. მაგრამ ხალხი მაინც მიიწვევდა წინ, გადარჩენისაკენ!

ყველაზე გასოცარი მაინც ის იყო, რომ ღრმა მონუცებულებმა დასძლიეს უღელტეხილები, ახალგაზრდებზე უფრო ყოჩაღად. ეს დაუჯერებელია, მაგრამ სინამდვილეა, ძალიან ბევრნი იყვნენ. უკანასკნელი ენერჯის დაძაბვით გადადიოდნენ მდინარეებზე, ქვებზე. აქ კარგად გამოჩნდა ადამიანის შინაგანი შესაძლებლობები, გაჭირების ჟამს რომ ვლინდება.

ერთნაირად იყო ყველა. მოდიოდნენ, მოფორთხავდნენ... რომელი რეჟისორი შეძლებს მსგავსი კადრების გადაღებას... არც ვიცი, რა შეიძლება დაერქვას ამ საშინელებას. პირველ ორ დღეს ყველანი გაოგნებულნი და დაზაფრულნი იყვნენ. მერე თანდათან მოვიდნენ აზრზე. შემზარავი სურათი იყო, შევეულმფრენებიდან რომ უყრიდნენ ხალხს პურს, საკვებს. თანდათან მოვიდა პირველი სამედიცინო დახმარებაც, - გაშალეს კარები. გაჩნდა მცირეოდენი იმედი. ჭებურამდე მისვლა იყო საქმე. იქიდან განუწყვეტლივ გადმოჰყავდათ ხალხი. მთავარი შტაბი ქუთაისში იყო.

ერთი ეპიზოდი... აეროპორტიდან, ქუთაისში, ცენტრისაკენ ფეხით მიდიოდნენ სამი ქალი და

ექსი ბავშვი. მკითხვეს, შტაბი სად არისო. ცენტრში-მეთქი, ვასწავლე; დაადეს თავი და გზას გაუღებენ. მოიცადეთ, ძალიან შორს არის - თქვა, ვუთხარით და რაღაც მანქანაში ჩავსვით. იმდენი ჰქონდათ გადატანილი, სიშორის განცდა უკვე აღარ გააჩნდათ.

ჩემთვის აბსოლუტურად გაუგებარია ძალადობის იმ დონეზე აყვანა, რაც დღეს მსოფლიოში ხდება, რაც მოხდა აფხაზეთში. უკვე საექვო გახდა, ადამიანი ცხვარია თუ მგელი. ალბათ, ერთიც არის და მეორეც. და თუ ეს ასეა, მაშინ ჩვენ უნდა ვეცადოთ, მომავალი თაობა აღზარდოთ სიყვარულით, სარწმუნოებით. წინააღმდეგ შემთხვევაში, ქვეყანა დაინგრევა. ჩვენ უნდა დაეაბრუნოთ ჩვენი ძველი დიდება, კულტურა, არც ისე შორი წარსულისა. ჩვენ, ამ შემთხვევაში მე ქართველებზე ვლაპარაკობ, შეგვიძლია ვაშენოთ, შეგვიძლია სხვებსაც დავეხმაროთ... როგორც სულიერად, ისე მატერიალურადაც. ეს აუცილებელია. ჩვენს გენში ეს დევს. მე მჯერა, რომ მომავალი თაობა ამას გააკეთებს. სატანა ძალიან ხშირად მართავს ადამიანის სულს, მაგრამ რწმუნას თუ დაეუბრუნდებით, და ეს აუცილებელია, ყველაფერს შევძლებთ. მტრობას კარგი არასოდეს არ მოაქვს. იგი სიკეთესავითაა, რამდენსაც გასცემ, უფრო მეტი დაგიბრუნდება. ჩვენში ყოველთვის იყო სიკეთე. ალბათ, ამან გადაგვარჩინა.

ჩემი სურათის ფინალში არის კაცი, რომელიც დასტირის ქალიშვილს... როდესაც ამ კადრს ვუყურებ, ისეთი განცდა მაქვს, ეს კაცი დასტირის არა მარტო ქალიშვილს, არამედ დღევანდელ საქართველოს და მის ბედ-იბლაღს, სრულიად დაუმსახურებელს.

რაც შეეხება ამ კაცის ისტორიას, ცხოვრობდა შესანიშნავად, აყვარებს თავისი მიწიდან და ერთ წამში ყველაფერი დაკარგა... მთელი ოჯახით მიდიოდა. ერთდროულად ორ-სამ ბავშვს ატარებდა. ერთ უღელტეხილზე გადასვლის დროს გაეყინა სამი თვის ბავშვი. ჩადეს ჩანთაში და ოცი კილ-


ომეტრი იარეს. რომ შემოაღამდათ, დაანთეს კოცონი... დაახლოებით ერთ საათში, ჩანთა ამოძრავდა. ბავშვი სითბოში გაცოცხლებულიყო. ყველა სიხარულმა აიტანა. ამოიყვანეს, დედამ მაშინვე შემოიხია პერანგი, გაახვია, მკერდზე მიიკრა, გაათბო. პირდაპირ სასწაული მოხდა. სრულიად შემთხვევით გავიცანი ეს კაცი. ტელევიზიაში იყო მოსული. მისი ერთადერთი სათხოვარი იყო, სამუშაო ეშოვათ, რომ ოჯახი ერჩინა. პროგრამების უფროსმა რედაქტორმა ლეილა ყუბანიშვილმა ფილმიდან იცნო და სასწრაფოდ დაამიყვანა. რეზო ლომიძეა მისი სახელი და გვარი. მას შემდეგ ვმეგობრობთ. ვიყავი მასთან გორში (ამჟამად იგი გორში ცხოვრობს). თან მყავდა ჩვენი სტუმარი, ნოვოსიბირსკის უნივერსიტეტის პროფესორი, ჩვენი დიდი მეგობარი, ქალბატონი ელვირა გორიუხინა. ძალიან განიცადა ამ ოჯახის მდგომარეობა და შესთავაზა თავისი დახმარება. წამოდით ნოვოსიბირსკში. მე დასთან გადავალ და თქვენ ჩემს სახლში გაცხოვრებთო. ეს ერთი კერძო ამბავია... მაგრამ ვინ მოთვლის, რამდენი ასეთი დიდი ტრაგედია დატრიალდა ამ გზაზე.

ისეთი უცნაური იყო ეს გადასვლა, ზემოთაც ვთქვი და ისევ ვიმეორებ, ებრაელების გამოსვლაც კი არ ყოფილა ასე შემზარავი. ეს იყო სუფთა ეთნიკური წმენდა. თავზარდამცემ სპექტაკლს ჰგავდა; თუმცა, რა სპექტაკლი შეედრება მას.

ეს არ არის მარტო ქართველების ტრაგედია. იგი შეიძლება სხვაგანაც განვითარდეს. ამიტომაც დავარქვი ფილმს - "უბედურების ზონა, ანუ არაჩვეულებრივი ფაშინში", რომლითაც ვაფრთხილებ ყველას, რომ ეს არ უნდა განმეორდეს, არასდროს, არსად.

მიხეილ ჭიაურელი

კინორეჟისორი





ღმერთო, გააღვიძე ქართული

სული

ომი ლაქმულის ქალღმერთაა. უცებ ავლენს ნებისმიერი პიროვნების სულიერ თუ ფიზიკურ შესაძლებლობებს. მის ზნობას, ხასიათს, მეობასა და კაცობას. ომში მყისიერად უკეთ შეიცნობ გარემო მყოფთ, ვიდრე წლობით ნაცნობობისას. თითქმის ასევე სწრაფად დაინახავ ნამდვილ, უნიბრო სახეებს, მხოლოდ მთაში, ძნელი გზებით მწვერვალისკენ მიმავალი, ან რაღაც დიდი უბედურების წინ... მაშინ, როდესაც გარემოც და მოქმედებაც ორ ფერად აღიქმება, შავად და თეთრად. მხოლოდ მაშინ, როდესაც ყველა ფასეულობა კარგავს მნიშვნელობას, სიცოცხლის გარდა. ასეთ დროს გაკვირვებს არა მარტო შემთხვევა, თუ სხვისი მოქმედება, ხშირად საკუთარ თავშიც ისეთ რამეს აღმოაჩენ...

უძრაველობა გასაჭირის დროს ღმერთს ახსენებს. პატიებასა და შეველას თხოვს. რასაკვირველია, არიან მორწმუნენიც, მაგრამ არიან მედროეენიც, რომლებიც წინათ ერთნაირი ხალხით დადიოდნენ პარტიის კრებებზე.

მე არც ერთი ვარ და არც მეორე. სულ რამდენიმეჯერ მილოცნია. მაგრამ გულით, მაგრამ ნამდვილად. ერთხელ ეს მთაში მოხდა, ტიან-შანის ზეგანზე, სადაც უთოკოდ და სამარჯვების გარეშე საოცარ ციცაბოზე გავედი. მაშინ კი ვთქვი: ღმერთო, მიშველე, მაპატიე, თუკი რამ ცოდვა ჩამიდენია, და უნიფათოდ გადამატარე მეთქი. გადავარჩი.

... ერთი საოცარი რამ მომივიდა ომში, აფხაზეთში, სადაც ორჯერ ზუსტად ერთნაირ ყოფაში აღმოვჩნდი. პირველად, ეს სოფელ აკვასკასთან მოხდა, მეორედ კი უკვე ოჩამჩირის გარეუბანში, სადაც იმხანად დივიზიას ვმეთაურობდი. როგორც ყოველთვის, ამ ომში არეული სიტუაცია იყო. იყო ბიჭების თავგანწირვა, ღალატიც და თავდადებაც. ყველაფერი ისე, როგორც საერთოდ გვჩვევია ქართველებს.

.... შენობიდან გამოვედი და "პატარა" შტაბისკენ გამოვეწიე. ოთახში არავინ იყო. ჯუბა გავიხსენი და ის იყო ტახტისკენ წავედი, მინდოდა ორიოდ საათი წამეძინა, რომ უცებ რაღაცამ გა-

მაქება. სეიფზე წმიდა გიორგის ხატი იდგა, კედელს მიყუდებული. მისკენ მეწეოდა რაღაც ძალა. ხატს მიუახლოვდი და მაშინ დავინახე: ერთი სანთელი იღო იქვე. ასანთის კოლოფიც შევნიშნე. კოლოფში ერთი ღერი ასანთი დამხვდა. შეიძლება, ეს შემთხვევითი ამბავი იყო, მაგრამ ყოველივე ისე აღვიქვი, რომ ეს ჩემთვის, მხოლოდ ჩემთვის დაეტოვა განგებას.

სანთელი ავანთე და გაგრაში გაცნობილი ჰიპოდიაკონი, მამა ლევანი გამახსენდა.

- თუ გული არ გთხოვს, არ ილოცო. ღმერთის ხშირად შეწუხება არ გარგავ, მითხრა. მეც ისიც გამახსენდა, რომ ჰიპოდიაკონი დაჭრეს... რომ მე ადრე დღიურში ჩავიწერე, თბილისში მოვინახო, დავეხმარო-მეთქი, და, სავალალოდ, ეს ყველაფერი დამავიწყდა... კონტუზიის შემდეგ თბილისში თითქმის მთელი თვე ვივაჯი და მამა ლევანი არ გამახსენებია.

მეც ისევე ჩემი დაღუპული ბიჭები მომაგონდნენ: ისევე ვაჩე და გუჯა ლომიძე, ნუკრი მაისურაძე და ირაკლი ამირეჯიბი...

ირაკლის დედა და ძმა არ უშვებდნენ ომში, - ახალნაავადმოფარიყო. ჩემთან იყო სახლში, აქ ემალეობდა თავისიანებს. დედაჩემმა ორთავე გადაგვკონა წასვლისას. სანამ კიბეზე დავშვებოდით, ირაკლი მოაჯირს შეახტა და ჩემს სავარჯიშო რგოლებს ჩამოგვიდა. ერთხელ ამოტრიალდა და იქიდან დაუძახა დედაჩემს, ნუ გეშინიათ, ჩვენი მოსაკლავი ტყვია ჯერ არ ჩამოუსხამთ რუსებსო... - და კიბეზე ჩაქანდა.

...საავადმოფოში რომ მიმიყვანეს, ერთი კვირის თავზე ირაკლი დაიღუპა ტამიშთან... გუჯა ლომიძეს ჯვარი დაეკარგა. მანამდე ჯვარი ძაფზე ეკიდა. რამდენჯერმე ვუთხარი, ძაფი თასმით შევცვალოთ-მეთქი. არაფრით არ ქნა, რაც მიწერია, კერ ავიცდენ, უნდა მოხდესო. ჯვარი დაეკარგა და იმავე დღეს დაიღუპა. ამბობდა, მანამ ჯვარი ჩემთან იქნება, ვიცოცხლებო.

აი, ეს და კიდევ ბევრი სხვაც გამახსენდა იმ სანთლის, ასანთისა და ხატის დანახვაზე.

ხატი გაცრეცილ ლურჯსუფრაგადაფარებულ



მიხო მორჩილაძე. ეპიზოდი აფხაზეთის ომიდან

მაგიდაზე იყო დასველებული.

სანთელი ავანთე, ძირი მოკურბილე და თლილი ღვინის ჭიქის გვერდს მივაწებე... ძალიან მომინდა ლოცვა, მაგრამ ვერც "შამაო ჩვენო" და ვერც სხვა რომელიმე ლოცვის სიტყვები ვერ გავიხსენე. ცოტა ხანს ჩუმად ვიდექი. მერე მუხლებზე დავემხე და ვიგრძენი, როგორ დამიმძიმდა ქუთუთოები და თვალები ამეწვა.

- ღმერთო, დაგვიბრუნე გონი ქართველებს...
- ღმერთო, გააღვიძე ქართული სული...
- ღმერთო, შემაძლებინე ქვეყნის სამსახური...
- ღმერთო, ჯერ მადირსე მტრის განდევნა და მერე მომკალი...

ამას და ამნაირებს ვთხოვდი უფალს და ქვეყნის გადარჩენას ვევედრებოდი.

ფეხზე რომ წამოვდექი, უსასრულო შვება ვიგრძენი, იარაღი ავიღე, ის იყო, უკან უნდა დავბრუნებულიყავი, რომ გვერდითა ოთახიდან ლაპარაკი შემომესმა. გამიკვირდა, ბიჭები აქ საიდან შემოვიდნენ-მეთქი. მარჯვენათი იარაღი მეჭირა, მარცხენა ხელი კარს გკარი და ოთახში შევაბიჯე. ორი რუსი მეომარი შემჩრა ხელში. გაბრაზებული მეთაურის ნირი არ შემიცვლია. კიდევ კარგი, ეს მაინც მოვახერხე. **Ребята, дайте покурить,** - კუთხარი და ზურგიით კარის ქიმს მივევრდენი.

ორივენი დაფაცურდნენ, ჩემგან მარცხნივ მდგომმა დაასწრო და "მალბორო" მომაწოდა. ფორმა ორივეს ჩემნაირი ეცვა, ოღონდ უფრო

ახალი, ჯერ გაურეცხავი. ჩანდა, ახალგაზრდა ოფიცრები იყვნენ. სიგარეტი მარცხენა ხელით გამოვართვი, მარჯვენათი, როგორც ყოველთვის, ავტომატი მეჭირა და საჩვენებელი თითი სასხლეტზე მქონდა მიჭერილი.

- **Начальству надо прикурывать!** - დამრიგებლური ტონით კუთხარი და სიგარეტი თითებში შევათამაშე.

ახლა მეორემ დაასწრო და სანთებელა სახესთან მომიტანა.

მოვქაჩე და მხარზე ხელი მოვეუთათუნე.

- **Молодцы, Молодцы...**

ორივე ისე იდგა ჩემს წინ, ჯარში ნამსახურებ ხალხს რომ სჩვევია და თვალებში მიფურებდნენ.

ამათ განადგერებას არაფერი უნდოდა, ერთი სასხლეტის გამოწვევა იყო და მორჩა, მაგრამ მე ჯერ საერთო სიტუაცია უნდა გამეყო. მტკიცე, საკუთარ თავში დარწმუნებული კაცის ნაბიჯით გამოვედი გარეთ. სახლის პარმალზე დავდექი, სამხედრო ქუდი მოვიხადე და ბეჭებში გავიშალე. შორიანლოს შაშვის ჭახჭახი გავიგონე და ზურგი ამეწვა. ეს ნამდვილად გუჯა მეძახდა. შემოვტრიალდი, თავზე ქუდი დავიხურე და გამართული ნაბიჯით სიმინდის ფანაში შევედი... უნდა დავესწრო. რამდენიმე წუთში მტერი მიხვდებოდა შეცდომას და... "ნინძამ" ყუმბართმტყორცნი ჯერ შუა სახლს დაუმიზნა. ჭურვმა კარი შეგლიჯა და შიგნით საოცარი ქუჩილით ცეცხლის

წვიმებად გასკდა...

.... მე რომ ვილოცე, გუჯამ ის წმიდა გიორგის ხატი მარჯენა. იმ ორომტრიალში ფენი წაეკრა და ავიზგიზებულები ცეცხლიდან ამოეღო. ხატს ერთი გვერდი გატრუსული ჰქონდა. ეტყობა, სახლიდან ნაგავი და ხაბაკ-ხუბაკი რომ გამოჰქონდათ, ეს ხატიც მაშინ გამოიტანეს და სანაგვეზე დააგდეს. ძალზე სწრაფად კი დაისაჯნენ. გუჯამ მთხოვა, ხატი მისთვის დამეთმო, - შენია და შენ გქონდეს, ღმერთმა კეთილ გზებზე გამარჯვებით გატაროს-მეთქი!..

მაშინ პირველად ვილოცე ომში, იქ, აკვასკას მისადგომებთან. იმ დღეს გაემარჯვეთ. და ერთიც არ დაგვჭირია!... მერე კიდევ!... მერე კიდევ!... მაგრამ ოქტომბრის ბოლოს შავი დღეები მოგვეძალა. ერთ დღესაც კი ერთბაშად სამი კაცი დაგვკარგეთ. მერე, თავად ზედზედ, ორჯერ კონტუზიამ წაშაქცია და საავადმყოფოში ამოგყავი თავი... მერე უჩემოდ დარჩენილი ბატალიონი დაიშალა... მერე ჩვენი ბიჭები კიდევ დაილუპნენ... მერე თითქოს რაღაც გამოსწორდა. მე ფეხზე დავდექი. უკან დავბრუნდი ომში. და ისევ ეს ხატი, სანთელი, ასანთი... განმეორდა. ახალ-ახალ გამოცდას მიწყობდა განგება, ან ეს განმეორება რაღას ნიშნავდა? ხატს მიუეახლოვდი, შეცდომა გამორიცხული იყო, მაღალ და განიერ, მწვანე სეიფზე გუჯას ნაქონი ხატი ესვენა, კვლელზე ოდნავ მიყრდნობილი.

კვლავ მუხლებზე დავემხე და ისევ საქართველოს გამარჯვებისათვის ვილოცე...

გაეიდა ხანი. ვერ ვიტყვი, რომ ამ ორმა შემთხვევამ ორთოდოქს მორწმუნედ მაქცია-მეთქი. კვლესიაშიც ძალიან იშვიათად ვარ.

ამ რამდენიმე დღის წინ ბიძაჩემი გარდაიცვა-

ლა, გაიოზ იმედაშვილი, შესანიშნავი რუსთველოლოგი, ნამდვილი მორწმუნე... და პირველად ჩემს სიცოცხლეში, ბოლომდე დავესწარი მიცვალებულის წესის აგებას. კარგა ხანს გაგრძელდა ფსალმუნის კითხვა, მონაზონთა გალობა. ჩემდაუნებურად, ნელ-ნელა გამიტაცა ტექსტის სმენამ. საოცარი ფიზიკური შვება და სულიერი სიმშვიდე მომგვარა. რამდენიმე საათი ჯერ პანაშვილზე და მერე წესის აგების დროს, ფეხზე დგომისას თითქმის ყველა, ყველა ჩემი ცოდა გამახსენდა. გამახსენდა, თუ რამდენ ვინმეს დაუმსახურებლად ვაწყვინინე, იმედი გავუცრუე. ჩემი შერცხვენიებიც გამახსენდა; ისიც, თუ სად თავი ვერ მოვთოკე, სად კი პირიქით... გამახსენდნენ ისინიც, ვინაც სიკეთით შემხვდა. გამახსენდა ეს ორი ლოცვაც წმიდა გიორგის ხატთან.


გარშემო ჩვენი ნათესავები, ბიძაჩემის მეგობრები იდგნენ. რამდენი რამ გვიწყვინინებია ერთმანეთისთვის. რამდენი რამ არა, ან ვერ გავიგია ერთმანეთისა...

"სიკვდილითა სიკვდილისა დამთრგუნველი"... თითქოს უკუნში სინათლის წვრილმა სხივმა კარის ჩარჩო შემოხაზა.

მე მშვიდისა და სისადავის ასწილ უფრო დიდი მოტრფიალე გავხდი. შეიძლება, ეს ასაკის გამოცაა. წელს ორმოცდაათის ეზდები. შეიძლება, ეს კიდევ ერთი ნაბიჯია ჭეშმარიტებისკენ გზაზე...

ყოველ შემთხვევაში, ეს არის ის, რაც ვნახე, შეგვიგრძენი და გადმოცემა მოვახარხე. მხოლოდ ეს და მეტი არაფერი...

მისო მორაჩილაძე
მწერალი





გაჭირვებაში უშიშრობა აღამიანი

გვესაუბრება აფხაზეთის ეპარქიის მმართველი, მთავარეპისკოპოსი

დანიელი

ბევრი რამით ჩამოკავს იგი ძველ მამებს... ყველაზე მეტად კი, სულის ნათებით... ღბილი, კეთილი, მღუმარებისაკენ მიდრეკილი... და მკაცრიც, შეუკალიც... კლდედ ვიდგეთო, წერია ერთ ლოცვაში. კლდედაც იდგა აფხაზეთში... სალოცავი ხატებით, ჯვრებით... და ქვეყანას ხალხს შემოქმედს ავედრებდა, შესთხოვდა გადარჩენას. შემდეგ კი, - ლტოლვილებთან ერთად ფეხით გადავლო სვანეთის უღელტეხილები. ბოლომდე მასთან იყვნენ სამღვდელონი და ბერ-მონაზონნი, მორწმუნენი. არც ისე დიდი ხანია, იგი ამ ეპარქიის მმართველია... მიტროპოლიტ დავითის აღსრულების შემდეგ, ჯერ დროებით, შემდეგ კი სრული უფლებამოსილებით, მისმა უწმიდესობამ აფხაზეთის მღვდელმთავრად დაადგინა... უძიმეს ფამს, ცხელი ომის დღეებში ჩავიდა სოხუმში... როგორი იყო ამ ომის შეგრძნება, საერთოდ, ის დღეები", ასეთი კითხვით დაიწყო ჩვენი საუბარი...

მეუფე დანიელი: ჩემი დანიშვნა აფხაზეთის ეპარქიაში, როგორც თავად იცით, დაემთხვა პერიოდს, როდესაც ომი უკვე რამდენიმე თვის დაწყებული იყო. ამ ეპარქიაში მსახურება ყოველთვის განსაკუთრებით პასუხსაგები იყო; ძალიან ჭრელი მოსახლეობაა. რა ერის წარმომადგენელს არ ნახავთ აქ... არამცთუ ამ უძიმეს ფამს, საერთოდაც. ამ ადამიანებს შორის მუდამ მშვიდობიანი თანაარსებობის შექმნა იყო საჭირო... ეს მით უმეტეს საშური იყო ახლა. ხოლო, ამ საქმეში, ყველაზე დიდი როლი უნდა შეესრულებოდა ეკლესიას. მისთვის ყველანი ერთი ოჯახის, მართლმადიდებლობის შეილები იყვნენ. ომი თანდათან მძიმდებოდა და ხალხის გათიშულობამაც კულმინაციას მიაღწია. ყველაზე უფრო გამწვავებულ სტადიაში მიწვედა მე, ამ პრობლემასთან შეხება და ზრუნვა. ამასთან ერთად, ამ ურთულეს და მოულოდნელობებით აღსავსე ვითარებაში უნდა გამეცნო ჩემი ახალი ეპარქიის სამღვდელოება და მისი მრევლი. თითქმის თავიდან უნდა დაწყებულიყო საეკლესიო ცხოვრება. იგი საჭიროებდა შესწავლას, გააზრებას, მისმა უწმიდესობამ შექმნილ ვითარებაში სწორი მიმართულების, უძიმესი ტვირთის დათმენისა და ატანისათვის, შექმნა სასულიერო პირთა დიდი ჯგუფი, რომელიც ჩემთან ერთად გაემგზავრა სოხუმში. ამ ჯგუფში იყო ორი მღვდელმთავარი: ეპისკოპოსი იობი ბათუმიდან და ბოდბელი ეპისკოპოსი დავითი; იყვნენ სასულიერო პირნი, სამღვდელონი, ბერები, მონაზვნები და ეკლესიის მორჩილები. მათი დახმარებით, პირველი დღეების სიმძიმე ჩემთვის ადვილი გადასატანი შეიქნა. თავიდანვე შევეცადეთ ყურადღება მიგვექცია უკიდურეს გაჭირვებაში მყოფი ქალაქის მოსახლეობისათვის, და გცდილობდით, დამახურობისაგან გამოგვეყვანა ისინი. ქალაქში არ იყო განათება, დარღვეული იყო ყველაფერი. ხშირად არ იყო წყალი, არ ცხვეობდა პური, რაც ყველაზე მძიმე იყო... ყოველ წამს ცვიოდა ბომბები. იყო მსხვერპლი, დაჭრილები. ჩვენ ქალაქის ცენტრალურ უბნებში ვაწყობდით მსველეობებს ხატებითა და ჯვრებით, გალობით, კმევითა და ნაკურთხი წყლის სხურებით, ეს მსველეობა ადამიანებს უმტკიცებდა ღვთისადმი რწმენას და უძიმეს წუთებში სულიერი ძალების მოკრეფისა და ამოსუნთქვის საშუალებას აძლევდა. მიუხედავად შექმნილი მრავალი

დაბრკოლებისა, ჩემი მიზანი სწრაფად სრულდებოდა. ერთის მხრივ, ამ უბედურებამ ყველა ერის ხალხი გააერთიანა ეკლესიის გარშემო... უფრო მჭიდრო გახდა ეკლესიის მსახურთა ურთიერთობა მოსახლეობასთან, და მეორეს მხრივ, ასევე სწრაფად მოხდა სამღვდულოებისა და მრევლის გაცნობა. ეს ასეა, გაჭირვებაში შეიცნობა ადამიანი. ბევრი დრო არ დაგვიტოვებია. ამ ომმა დააჩქარა ჩვენი ურთიერთდაახლოება. ეკლესია ეს არის ხსნის სამსახური და ეს ყველაზე მეტად მაშინ ჩანს, როცა ადამიანი დაღუპვისა და განადგურების წინაშე დგას. ეკლესია ხელს უწყობს სიყვარულის ზრდას და ეკლესიის მსახურთა ურთიერთ ზრუნვას. ასე იყო მუდამ და ეს ბოლომდე გაგრძელდა.

კითხვა: - მაგრამ თქვენ ალბათ, მარტონი მაინც არ იყავით...

მეუფე დანიელი - არა, რა თქმა უნდა. ჩვენ მჭიდრო კავშირი გვქონდა აფხაზეთის მთავრობასთან. მიუხედავად უმძიმესი მდგომარეობისა, ისინი ყველანიარად ცდილობდნენ ხელი შეეწყოთ ჩვენთვის... იმ დონეზე, რომ რამდენიმე საგანგებო შეკრება სახელმწიფო აპარატში მიემდგინა ეკლესიაში ახალ ღონისძიებათა ჩატარებას.

კითხვა: - რა იგულისხმება ახალ ღონისძიებებში...

მეუფე დანიელი - მაგალითად, სოხუმში ახალი ტაძრის აშენება... სასულიერო სასწავლებლებისათვის მთელი კორპუსის გადაცემა, სოფლებში მიწების გამოყოფა და სხვა... მართალია, მოვლენების განვითარებამ ბევრი რამ შეცვალა და დღეს, ცხადია, ეს ყოველივე მტკივნეულად აღიქმება, მაგრამ მაშინ ეს იყო იმედი... ამ იმედით ესუნთქავთ დღესაც. გვწამს, ბოლოს და ბოლოს, სიკეთე გაიმარჯვებს და ჩვენი გეგმებიც განხორციელდება.

განსაკუთრებით დაუვიწყარია ჩემთვის, ბატონი ქიული-დავით შარტაკას ყურადღებიანი და ღრმად სულიერი დამოკიდებულება მიმდინარე მოვლენებისა და ეკლესიის ცხოვრებისადმი. იგი ხშირად მოდიოდა საქართველოს სახლში და ცდილობდა გაეკეთებინა ყველაფერი, რაც შეეძლო. როგორც მოგახსენეთ, მართალია, მოვლენები ტრაგიკულად განვითარდა, მაგრამ სარწმუნოების გრძნობა ხალხში კიდევ უფრო გაძლიერდა. მოხდა ეკლესიისა და მოსახლეობის დაახლოება და ამან შეაძლებინა ხალხს გადაეტანა ეს უმძიმესი დანაკარგები. ჩვენ, რასაკვირველია, სოხუმის ალების შემდეგ მოვალენი ვიყავით, დევნილებაში მყოფ მრევლს არ მოვშორებოდით. და დღესაც, როცა აფხაზეთის მოსახლეობა მთელ საქართველოშია ჩავანებული, ჩვენი სამღვდულოების წარმომადგენლები ცდილობენ მოინახულონ ისინი, მიაწვდინონ მათ შესაძლო დახმარება... ან კიდევ, სულიერი საზრდო - ხატები, ეპისტოლეები, ლოცვანები, საეკლესიო წიგნები. მრევლის მნიშვნელოვანი ნაწილი თბილისში აგრძელებს ეკლესიის მსახურებთან ურთიერთობას. უწმიდესის ლოცვა-კურთხევით, აფხაზეთის ეპარქიას დროებით რეზიდენციად გამოყოფილ მარტყოფის მონასტერი, იქ ამჟამად სოხუმის მამათა მონასტრის წევრები ცხოვრობენ... ხოლო ბოდბის დედათა მონასტერში იმყოფებიან სოხუმის დედაები.

კითხვა: - მრევლთან ურთიერთობაც, ალბათ, ისევე გრძელდება...

მეუფე დანიელი - რასაკვირველია. აფხაზეთის ეპარქიის მრევლი ცდილობს, მიუხედავად ლტოლვილობისა, არ შეწყვიტოს შემოქმედებითი

მოღვაწეობა, ცხოვრება. მწერლები და პოეტები ქმნიან ახალ ნაწარმოებებს, ბეჭდავენ წიგნებს... ფუნქციონირებს სიმღერისა და ცეკვის ანსამბლი, თეატრი, მუშაობენ მხატვრები. მათ რამდენიმე გამოფენა მოაწვევს. იმართება დალუპული მეომრებისადმი მიძღვნილი მოსაგონარი ხალამოები. მუშაობს აფხაზეთის ტელევიზია, რადიო... შემოქმედებითი ინტელიგენცია ინტენსიურ კავშირშია ჩვენს სამღვდლოებასთან. არის რამდენიმე ასეთი შემთხვევა: მამათა და დედათა მონასტრებს ლტოლვილობაში მყოფთაგან ახალი წევრები შეემატა. ამით იმის თქმა მსურს, რომ ქრისტიანული ცხოვრება გაჭირვებაში ნაყოფიერი აღმოჩნდა ჩვენი ეპარქიისათვის. ამან კიდევ უფრო დაგვაახლოვა ერთმანეთს და აღადგინა ის, რაც ბოლო საუკუნის ათეისტურმა პროპაგანდამ წაართვა ხალხს.

ჩვენ გვყავს იმედით, ქრისტესმიერი სიყვარულით გაერთიანებული სამწყსო, რომელიც შეძლებს გაუძლოს განსაცდელს, დაუბრუნდეს თავის საცხოვრებელ ადგილებს და აღადგინოს აფხაზეთის მიწა-წყალზე ჭეშმარიტი ქრისტესმიერი სიყვარულის, მეგობრობისა და მშვიდობის თანაარსი სულისკვეთება.

კითხვა: - მინდა გკითხოთ... შეგიძლიათ თუ არა იმ შეგრძნებების გადმოცემა, რაც ლტოლვილობაში, სვანეთის თოვლიან უღელტეხილზე განიცადეთ...

მეუფე დანიელი - ეს იყო საშინელება. სასჯელი. იმ უძძიმესი განსაცდელის უამს ჩვენი მიზანი იყო, შეგვენარჩუნებია შინაგანი სიმშვიდე; არ მივცემოდით სასოწარკვეთას. ჩვენ გვინდოდა გაგვემზნეებია ადამიანები; გვეგრძნობინებია მათთვის, რომ შიში აკნინებს კაცს, ძარცვავს. ფიზიკური დანაკარგების ფონზე უნდა გადაგვერჩინა სულიერი სახე, ღირსეულად აეტანა ხალხს ეს განსაცდელი. ყოველივე ამას, მე ვფიქრობ, უსათუოდ უწყობდა ხელს სასულიერო პირთა იმ გარემოში ყოფნა... მათი ხმის გაგონება, შესამოსელი... ეს ყოველივე ადამიანებში სინდისის ხმას აღვიძებდა.

კითხვა: - არსებობს ერთი ასეთი კინოკადრი, თქვენ ტანკში ზიხართ... ჩაჩქანით...

მეუფე დანიელი - დიახ. ომის დროს, რასაკვირველია, ვცდილობდით, უძძიმეს მდგომარეობაში მყოფი მეომრები გვენახა. უჭირდათ მათ. ყველაფერი აკლდათ, აბსოლუტურად ყველაფერი. საჭიროებდნენ გამზნეებებს და, ჩვენ გავდიოდით საომარ პოზიციებზე. ერთი ასეთი გასვლა იყო აღდგომა დღეს და სწორედ ერთ-ერთ ნაწილში, გუმისთასთან მივედით "ბტრ"-ით. ეს იყო წინა ხაზი და მომთხოვეს, ჩაჩქანი დამეხურა.

კითხვა - ავტომატი გჭერიათ?

მეუფე დანიელი - არა. არასოდეს...

კითხვა: - საჭირო რომ იყოს, აიღებდით ავტომატს?

მეუფე დანიელი - მაღლობა ღმერთს, არა მაქვს ასეთი სურვილი, მაგრამ თუ ამას საჭიროება მოითხოვს... ღვთის ნება იქნება და ვკლესია აკურთხებს, ვფიქრობ, რომ მე ჩვენი წინაპრების მაგალითს მივბაძავ...

კითხვა: - როგორ ფიქრობთ, ომი ყოველთვის მიუღებელია?

მეუფე დანიელი - საერთოდ, კი. ომი საშინელებაა, მაგრამ არსებობს სამართლიანი ომი. ეს არის დაცვა სიწმიდეების, ერის ღირსების, მოსახლეობის... ეს წმიდათაწმიდა ვალია.

კითხვა: - ამ შემთხვევაში...

მეუფე დანიელი - ამ შემთხვევაში... ეს ომი ცოტა რთული ფენომენია...ეს

იყო ერთი ეკლესიის წევრებს შორის ამტყდარი ხანძარი, რომელიც დაანთო გარეშე მტერმა. ეს იყო ძმათა სისხლის ღვრა. ისინი ერთი მიწის შვილები არიან. ჩვენ ისევე უნდა თანაუგრძნოთ მათ ჭირისუფლებს, როგორც ჩვენსას. აფხაზეთის მოსახლეობა ჩათრეულია ამ ომში. ეს არ იყო მისი ნების გამოვლინება.

ჩემი სოხუმში ყოფნის დროს და ახლაც აქ, ლტოლვილობაში მრევლში ყოველთვის ვრია აფხაზი.

როცა ვლაპარაკობთ მათ მიერ ჩადენილ სისასტიკეზე, უნდა გვახსოვდეს, რომ ეს არის იმ არაჯანსაღი ნაწილის ქმედება, რომელიც სამწუხაროდ, ასე მტკივნეულად გამოვლინდა ჩვენს შორისაც. ისინი არ უნდა გაეაიგივოთ აფხაზ ხალხთან, ისე, როგორც არ უნდა გაეაიგივოთ ქართველ ერთან ის სისასტიკენი, რაც საქართველოში ხდება.



კოსტკომუნისტური სკპართველოს ვანდვ

... გამოვიდა წიგნი, რომელიც ქ-ნ სვეტლანა ჩეროვონნიას ეკუთვნის. ეს გახლავთ სწორედ ის დიდი და მღვლვარე აღსარება, რომელსაც ველოდით რუსეთის დიდი მოქალაქისაგან, რომელსაც ველოდით რუსეთის კეთილშობილი ადამიანებისაგან. ეს გახლავთ დიდი რუსეთის ხმა, სადაც მზილებულია რეაქციული რუსული - სახელმწიფოებრივი ბარბაროსობა და დანაშაული ქართველი ხალხისა და ქართული მიწის წინაშე. ქ-ნ სვეტლანა ჩეროვონნიას წიგნი ქართველი ხალხის სულისკვეთებასა და პოლიტიკურ პოზიციას გამოხატავს აფხაზური სეპარატიზმისა და მისი ლიდერის მიმართ, რომელიც ქართველ ხალხს საკაცობრიო განკითხვის დამნაშავედ მიანიცა.

... ამ უკანასკნელ ხანებში რუსეთის დიდი მწერლისა და მოძღვრის - ალექსანდრე სოლჟე-

ნიცინის სატელევიზიო გამოსვლაში საოცარი სიტყვები მოვისმინე: "Сегодня Россия всецело больна бессовестностью". ეს დიდი აღსარება დიდი რუსეთის სიტყვებია. მხოლოდ რუსეთის ამ დიდი მოქალაქეების წყალობით, ალექსანდრე სოლჟენცინისა და სვეტლანა ჩეროვონნიასებრი დიდი მოქალაქეობრივი პათოსით, მხოლოდ რუსეთის ამ დიდი მორალური ენერჯის სახელმწიფოებრივ ხარისხში აღზევებით შევძლებთ ჩვენც, ქართველებიცა და მთელი მსოფლიოს ხალხებიც და თავად რუსეთიც, თავი ვიხსნათ ამ რეაქციული ძალებისაგან, რომელთაც არ ეთაკილებათ აფხაზეთის მიწის მოსაგლეჯად ნაცარი შეყარონ თვალეებში მსოფლიოს.

დენიზა სუმბაქაძე
ფილოსოფიის მეცნიერებათა კანდიდატი



რუსეთის მეცნიერებათა აკადემიის ეთნოლოგიისა და ეთნიკური ანთროპოლოგიის ინსტიტუტს, სადაც მე არც ისე დიდი ხანია ემუშაობ (1989 წლიდან, სადოქტორო დისერტაციის დაცვის შემდეგ), აფხაზეთის "რუსული კულტურის საზოგადოებამ" - "სლავურმა სახლმა" ("Славянский дом") მომმართა თხოვნით, რათა ეთნოკულტურის პრობლემატიკაში კონსულტაციების გასაწევად და აფხაზეთში შექმნილი სიტუაციის შესასწავლად სპეციალისტი მიგვევლინებინა სოხუმში. თანამოაზრეთა და იდეურ მოკავშირეთა ძიება სწორედ აქ, ჩვენს ინსტიტუტში, მათი წრის გაფართოებისაკენ მუდმივი სწრაფვა ტრადიციულად ახასიათებდა "სლავურ სახლს," იმხანად მძლავრი აფხაზური სახელმწიფოებრივი სეპარატიზმის იდეოლოგიურ შტაბად რომ იყო ქცეული.

"სლავური სახლის" უშუალო ამოცანა იყო მეცნიერული საფარველის შექმნა ამ სეპარატიზმის პოზიციებისათვის მოსკოველ მეცნიერთა ავტორიტეტზე დაყრდნობით, ამასთან, მაქსიმალურად გაეფართოებინა მათი წრე. ისინი უკვე კარგა ხანია განსაკუთრებულ გულისხმიერებას, ყურადღებასა და ინტერესს იჩენდნენ აფხაზური ეთნიკური კულტურის მიმართ, ყოველწლიურად აწყო-

დნენ ეთნოგრაფიულ ექსპედიციებს აფხაზეთში და ხშირად დაუფარავად უცხადებდნენ თავიანთ სიმპათიებს აფხაზურ ეროვნულ მოძრაობას. მე იმ დროს არაფერი ვიცოდი ამ სიტუაციის შესახებ. ამიტომ, როდესაც "სლავური სახლის" წარმომადგენელმა აფხაზეთში გაგზავრება შემომთავაზა, მე მყისვე სიხარულით დავთანხმდი.

მივლინების დრო წინასწარ იყო დაგეგმილი აგვისტოსათვის და, აი, 1992 წლის 10 აგვისტოს ადღერის აეროპორტში უკვე მიცილია "სამთავრობო" შავი "ვოლგა", რომელიც აფხაზეთის უმაღლესი საბჭოდან გამომიგზავნეს. რა ლაღად და გულითადად მივიჩქაროდი წინასწარი მზადყოფნითა და იმის შეგნებით, რომ მხარი დამეჭირა, დავხმარებოდი და ჩაეწდომოდი აფხაზურ ეროვნულ მოძრაობას, რომელიც გმირობისა და სიმამაცის შარავანდმოსილი მესახებოდა. ამ გრძნობით მოცული მივემგზავრებოდი იმ ღირსსახსოვარ გზაზე, აქეთ-იქით რომ ბალღენახები მიუყვებოდა. გზად გვხვდებოდა ჯერ კიდევ დაუცხრილავი პლაყები, დაუწვავ-დაუნგრეველი სახლები, ჯერ კიდევ გაუძარცვავე, ქართული ღვინითა და რუსული შოკოლადით მოვაჭრე, ეულად მდგომი ჯიხურები, და ეს გზა სულ

რამდენიმე დღეში ჯოჯოხეთის პირველ წრედ მძევლა ყველას, ვისაც კი აქ ომი მოუსწრებს...

მაინც როდის აიკინდა ამ წიგნის პირველ სტრიქონებად და ფურცლებად ქაღალდზე ჯერ კიდევ გადაუტანელი სიტყვები?

ახლა ასე მგონია, რომ ეს მოხდა 16 აგვისტოს, შუადღეს, პაპანაქება სიცხეში, რუსეთის "ბომბორას" სამხედრო აეროდრომზე, გუდაუთასთან. სამხედრო ნაწილის შესაშვებ პუნქტში მორიგე ლეიტენანტმა გულდაგულ გასინჯა ჩემი პასპორტი და, რაკი დარწმუნდა, რომ რუსი ვარ და მოსკოვში ვიყავი ჩაწერილი (ადგილობრივ მცხოვრებთ აქვთ არ უშვებდნენ, აფხაზეთიდან ლტოლვილ ქართველებს მომე რუსეთი არ იღებდა), გამატარა, თან მიმასწავლა, საით უნდა მგელო. ორი კილომეტრიდა იყო დარჩენილი საფრენ ბილიკამდე.

აქ მარტო მე როდი ვეძებდი შველას, კატარლამ, ის იყო, სოხუმიდან საპაერო თავდაცვისა და სხვა სამხედრო სანატორიუმების ყოფილ დამსვენებელთა დიდი ჯგუფი ჩამოიფანა. მიწაზე ფრთხილად დაუშვეს დაჭრილები. მაიორმა ვეაკუ-ავიას რომ ხელმძღვანელობდა, განკარგულება გასცა, მოსკოვისკენ გასაფრენად გამზადებულ სამხედრო თვითმფრინავში ბრეზენტგადაფარებული გვამები ჩაეტვირთათ. მგზავრებს, რომელთაც უკვე დაეკაპებიათ ადგილები ამ თვითმფრინავის სალონში, მოუხდათ გადმოსვლა და მომდევნო რეისის დალოდება. დრო გულისწამლებად იწელებოდა, თუმცა თვითმფრინავები რეგულარულად ასრულებდნენ რეისებს: გუდაუთაში შედგნანტებს სხამდნენ, უკან კი ლტოლვილები მიჰყავდათ. თვითმფრინავები ზედიზედ ეშვებოდნენ და მიფრინავდნენ ტავანროვში, კლინში, ივანოვოში, ადლერში, მოსკოვის გარეუბნებში, მაგრამ გაფრენა ძალზე ბევრ ხალხს სურდა. სადამოსკენ კი მათი რიცხვი სულ უფრო და უფრო მატულობდა. ხალხი ფეხით მოდიოდა (არანაირი ტრანსპორტი აქვთ არ იყო) მთელი სანაპიროებიდან, ბავშვები ხელში აყვანილი მოჰყავდათ. ჩემს გვერდით მწარედ ქეითინებდა ხნიერი რუსი ქალი: იგი ვერ გაუფრთხილდა თავის ერთადერთ ქალიშვილს, რომელიც სოხუმის პლაჟზე თვალწინ დაუხვრიტეს სამხედრო სანატორიუმის მეზობელი მრავალსართულიანი სახლიდან სნაიპერის ნასროლი ტყვიით. ეს მოხდა სოხუმში, 1992 წლის 15 აგვისტოს, როცა ჯერ კიდევ არც ერთი ქართული ფორმირება, არც ერთი ქართველი ჯარისკაცი არ იყო შესული სოხუმში. ამ დროისათვის ბორის ელცინმა უკვე აგრძნობინა არმინბას, რომ რუსეთი არ ჩაერეოდა კონფლიქტში საქართველოს ტერიტორიაზე, მით უფრო, რომ რუს მოქალაქეებს აქ ჯერჯერობით თითქოს არაფერი ეშუქრებოდა.

- აჰ, არაფერი ეშუქრებათ, არა? მაჰ, რაკი

ასე გგონიათ, ინებეთ თქვენი პირველი გვამები!..

ო, არა! ჩემთან ეს სიტყვები არავის დასცდენია. არც ის ვიცი, თუ რა სიტყვებით, ან რა ენაზე უბრძანეს სნაიპერებს დაეხვრიტათ სოხუმის სამხედრო სანატორიუმის დამსვენებლები. ჩემი თვალთ მე მხოლოდ სოხუმიდან ჩამოსვენებული გვამებით დატვირთული საკაცები ვნახე, თვითმფრინავში რომ ალაგებდნენ 16 აგვისტოს - ე.ი. ორი დღით ადრე, სანამ აქ, ამ მიწაზე საქართველოს სახელმწიფო საბჭოს ჯარები გამოჩნდებოდნენ. ჩემი ყურით მე მხოლოდ იმ ხნიერი ქალის ქეითინი გავიგონე, რომელსაც ქალიშვილი მოუკლეს.

და მაშინ მე გადავწყვიტე, დამეწერა ამ ომის შესახებ, რისთვისაც უნდა შემეგროვებინა ფაქტები და მხოლოდ ფაქტები, დოკუმენტები, თვითმხილველთა მოწმობა-ჩვენებანი. ჯერ არც ვიცოდი, სად მომიხდებოდა წერტილის დასმა იმ ტრაგიკულ მოვლენათა ჯაჭვში, იმ საშინელ დღეთა რიგში, რომლებიც მაშინ, 16 აგვისტოს ის-ის იყო იწყებოდა. თანაც, ომის ქრონიკის დაწერას არც ვაპირებდი. მე მხოლოდ მსურდა მომეთხრო ხალხისთვის, თუ ვინ ჩაიფიქრა, რისთვის და ვის წინააღმდეგ წამოიწყეს ეს ომი.

მე მახსოვდა ყოველი სიტყვა, რაც კი ომის დაწყების წინ ბოლო დღეებში მომასმენინეს აფხაზეთის უმაღლესი საბჭოს ფართო კაბინეტებში. მათ კარებს სხვადასხვა წარწერა ჰქონდა გაკეთებული: "სლავერი სახლი", "ადგილარა", "ადამიანის უფლებათა კომიტეტი"; კომისიების, განყოფილებების, სამინისტროების სახელწოდებები (უფრო ხშირად კი არავითარი წარწერა არ ჰქონდა - აქ "ახალი კურსის" ყველა მომხრე - ყველა "ჩვენიანი" ერთად იყო. ფუნქციების რეალური განაწილება არ ემთხვეოდა საზოგადოებრივი ორგანიზაციებისა თუ სახელმწიფოებრივი სტრუქტურების დასახელებებს. მაგიდებს სხვადასხვანაირი ადამიანები უსხდნენ - სიტყვაბუნწიცა და ენაწყლიანიც, დიდად განათლებულიცა და თითქმის უწიგნურიც, გამორჩეულად თავაზიანიცა და სალდაფონურად უხეშიც. მათ შორის აფხაზები, რატომღაც, ნაკლებად იყვნენ - იქნებ, უბრალოდ, მე არ მწყალობდა ბედი, - უმეტესობას რუსები წარმოადგენდნენ, რომელთა მეტყველებაში მოსკოვერი, ან სამხრეთრუსული, კაზაკური კილო-კავი ჭარბობდა. მაგრამ ამას არავითარი მნიშვნელობა არა აქვს. მნიშვნელოვანი კი ისაა, რასაც "დამოუკიდებელი აფხაზეთის" ეს ბელადები სხვადასხვა ვარიაციებით, ოდნავი დაზუსტებითა და შესწორებებით, მაგრამ არსებითად ერთსა და იმავეს ამბობდნენ:

- ახლოვდება "მეორე აგვისტოს" ჟამი, რომლისგანაც უკვე ვეღარ გასწორდებიან წელში დემოკრატია არამზადები... ჩვენ ისე დავცხებთ შევარდნამეს, რომ ამან მოსკოვშიც პოვოს

გამოძახილი. ჩვენ ერთ ხეზე ჩამოკიდებთ შვედრ-
დნაძეს, იაკოვლევს, გორბაჩოვსა და ელცინს.
ჩვენ დავიბრუნებთ დიდ საბჭოთა კავშირს. "გარ-
დაქმნამდე" ჩვენ აქ კომუნისტურ სამოთხეში
ცხოვრობდით და ვიბრძოდით კიდეც ამის და-
საბრუნებლად.

არ იფიქროთ, რომ მე მათ კვირს ვუკრავდი,
ანდა ფარისევლურად თანაუგრძნობდი; არც და-
დუმება მიცვლია, რათა მეტი გამეგო. თავზარდაცუ-
მული აღმფოთებას ვეღარ ვშალავდი და კვი-
როდი:

- რაებს ლაპარაკობთ, რას სწავლით? ვისი ხე-
ლით აპირებთ თქვენი კომუნისტური სამოთხის
დაბრუნებას, ვის ებრძვით და რისი გულისთვის?!

ისინი როდი მერიდებოდნენ. არ ეშინოდათ
ჩემი და არც კი მალავდნენ კმაყოფილებას:

- თქვენ ნუ ლეღავთ. ჩვენ უკვე ყველაფერი
მზადა გვაქვს, ნახევარ საათში მთელ ხალხს
თოფს მიუშვერთ და წამოვჩაჩქებთ. ჩვენი არ-
სენალები უკვე საგსეა თქვენივე, რუსეთისავე
იარაღით და ყოველ წუთს შეგვიძლია მისი გაო-
რკეცება და გასამკეცება. კაზაკობასთანაც სა-
იმედო კავშირი გვაქვს დამყარებული. მალე
თქვენ თვითონვე დარწმუნდებით ყველაფერში:
როგორც კი აქ ომი დაიწყება, მთელი კავკასია
ამომრავდება, მას კი მთელი რუსეთი მოჰყვება.
ჩვენ საზღვარგარეთაც გვყავს ემისრები - თურქე-
თში, არაბულ ქვეყნებში. ჩვენ მთელი მსოფლიო
დაგვიჭერს მხარს. იმათ კი ვინც ჩვენთან ყოფ-
ნას არ მოისურვებს, სამხედრო დროის წესისა-
მებრ მოვექცევით.

ერუდიტული ისტორიულ მეცნიერებათა
დოქტორი, ადამიანის უფლებათა კომისიას რომ
ხელმძღვანელობდა, ასე შესაბრუნებოდა "ეროვნულ"
თემებზე:

- აფხაზეთის გამოყვანა საქართველოდან - აი,
ჩემი მეცნიერული კრედი. ჩემი ცხოვრების მთავ-
არი მიზანიც ესაა და ამ მიზანს მე არ და-
ვთმობ; მით უფრო ახლა, როცა ის ასე ახლო-
საა. მხოლოდ თხელი "მეგრული" ფენადა გვაშო-
რებს ამ დღეებს. მალე ეს შუაფენაც განილევა
და მაშინ მოწინააღმდეგეებს შუბლით შევეჯახე-
ბით.

- მაგრამ ეს ხომ იმას ნიშნავს, რომ თქვენი
მიზნის მიღწევა ადამიანებს სიცოცხლის ფასად
დაუჯდებათ, მშვიდობის დაკარგვის ფასად!...

- თქვენ პოლიტიკოსი არა ხართ და არ
გესმით, რომ ამას არავითარი მნიშვნელობა არა
აქვს. მთავარია აფხაზეთის მოწყვეტა საქართვე-
ლოდან და რუსეთთან მიერთება; ამ მომზადობის
დაწყება დიდი სახელმწიფოს აღორძინებით დაგე-
ირგვინდება. ამ ისტორიულ შანსს კი ჩვენ ვერ
გავუშვებთ ხელიდან.

- კი, მაგრამ თქვენ ვინ მოგცათ იმის უფლე-

ბა, რომ ამგვარი პოლიტიკა აწარმოოთ? თქვენ
რა, აფხაზ ხალხს დაეკითხეთ? ანდა რეფერენ-
დუმი ჩაატარეთ, საზოგადოებრივი აზრი გამოიკ-
ითხეთ, თუ რა?

- ცხადია, ჩავატარეთ. ჩვენი რეფერენდუმი
1991 წლის 17 მარტს შედგა, როცა აფხაზეთის
ხალხმა "პო" უთხრა საბჭოთა კავშირს. ჩვენთვის
ეს სავეებით საკმარისია.

იმავე საღამოს, ახალ ათონში, ჯერ კიდევ
წყნარი და თბილი შავი ზღვის პირას, ერთ უბ-
რალ აფხაზ ჭაბუკს შევხვდი (ალიკას თუ ა-
ლის) - ეძახდნენ: მამველად მუშაობდა ნაგების
გასაქირავებელ პუნქტში, თუმცა კარგა ხანია
ფულს ამაში აღარავინ უხდიდა. ორ ძველისძველ
ნავს აქირავებდა და თან იალქანს აკეთებდა თა-
ვისი თვითნაკეთი იახტისათვის, რომლითაც
თურქეთს აპირებდა წასვლას, თუკი ომი დაი-
წყებოდა. ეს ამბავი ახალ ათონში ყველამ კარ-
გად იცის. იგი დაფიქრებული და ნაღვლიანი
ჩანდა, როცა მითხრა:

- იმათ, ვინც უმაღლესი საბჭოს თავზე
ზოლებიანი დროშა გამოკიდა, ჩემთვის არაფერი
უკითხავთ, მე აფხაზი ვარ და ალბათ, მაქვს
კიდევ საიმისო მიზეზი, რაღაცით ნაწყენი ვიყო
ქართველებზე, მაგრამ ისიც კარგად მესმის, რომ
დღეს მხოლოდ ახალ საქართველოსთან ერთად
შეძლებთ თავი დავაღწიოთ კომუნისტურ სა-
ჩიხეს. ამიტომაც ყველა ჩემი იმედი შევარდ-
ნაძესთანაა დაკავშირებული. მათ კი ზო-
ლოგიური ზიზღით სძულთ იგი, იმის გამო, რომ
დასავლეთს ბერლინის კედელი "მისცა" და საბ-
ჭოთა ბირთვული საფრთხე აღკვეთა; იმის გამო,
რომ პუტჩი იწინასწარმეტყველა (ერთში შეცდა
მხოლოდ: პუტჩისტები პოლკოვნიკები ეგონა, მარ-
შლები კი გამოდგნენ) და გორბაჩოვს აფრთხი-
ლებდა; იმის გამო, რომ საქართველო თავისი
ავტონომიებითა და ხალხებით სურს ამოათრიოს
სამოცდაათწლიანი ჭაობიდან.

არ აპატიეს.

მოსკოვში რომ დაებრუნდი, მოხდა ის, რაც
აქამდე დაუჯერებელი მეჩვენება. ყველა ჩემი ცდა,
სიმართლე მეთქვა აფხაზეთის მოვლენებზე, სრუ-
ლი შეუსმენლობის ყრუ კედელს აწყდებოდა. ვე-
რა და ვერ იგებდნენ, არ ესმოდათ, რამდენად
შორსაა სინამდვილისაგან, რამდენად ეწინააღმდე-
გება რეალობას მასობრივი ინფორმაციის საშუ-
ალებათა მიერ უკვე ჩამოყალიბებული სტერეო-
ტიპი: "ქართული იმპერიალისტური აგრესია თავ-
ისუფლებისმოყვარე აფხაზეთის წინააღმდეგ".
ცდილობდი ამეხსნა, რომ შევარდნაძეს არ და-
უწყია ეს ომი. 14 აგვისტოს, შუადღეს, როდესაც
"ქართულ მხარეს" ჯერ ერთხელაც არ გაესრო-
ლა და არც არაფერი ემუქრებოდა მშვიდობას
აფხაზეთის ქალაქებსა და სოფლებში, ეს ომი
საქართველოს გამოუცხადა თავის რადიომიმართე-

აში ვლადისლავ არძინბამ, თვითნებურად რომ ჩაითრია აფხაზეთის ხალხი უმძიმეს დანაშაულსა და უდიდეს ტრაგედიას. უკანონო, ძალდატანებითი, ტოტალური, "საყოველთაო მობილიზაცია" (ყველა მამაკაცისა 18-დან 45 წლამდე), ახალ-წვეულთა უკანონო შეიარაღება რუსეთის არსენალებიდან დატაცებული იარაღით, ამ შეიარაღებულ ფორმირებათა უკანონო მოქმედებანი აფხაზეთის გზებზე, ქალაქებსა და სოფლებში (რომელთაც "მოწინააღმდეგე" ახლოსაც არ გაპკარებია); ჩხრეკა, მოურიდებელი მორიდობა, ძარცვა-ყაჩაღობა, სისხლიანი ტერორი მშვიდობიანი ქართველი მოსახლეობის მიმართ, სნაიპერული ცეცხლი სოხუმის სანატორიუმების დამსვენებელთა წინააღმდეგ - ყოველივე ეს ისეთი დანაშაულობებია, რომელთა გამოც დანაშაულებმა პასუხი უნდა აგონ. ცნობილია ამ ბოროტმოქმედებათა ორგანიზატორების პოლიტიკური მიზნებიც: საქართველოს დაქუცმაცება, ომში რუსეთის ჩათრევა, საბჭოურ-კომუნისტური რეჟანში და საბჭოთა კავშირის აღორძინება.

ჩემი არ ესმოდათ. ერთი ბრძენი კოლეგა, დაფიქრებული რომ მიყურებდა თვალბში, შემეკითხა: "მაინც, რას ერჩით აფხაზებს? შემთხვევით ქართველი ხომ არა ხართ? ინსტიტუტში, სამეცნიერო საბჭოს სხდომაზე, სადაც ცხარედ, არეულად და აღელვებით ვცვობდი ყველაფერზე რაც საკუთარი თვლით მქონდა ნანახი აფხაზეთში. შემწვანარებლურად მისწორებდნენ: "აი, მთვრალეო, - თქვენ ამბობთ, - აფხაზეთის გზებზე იარაღით ხელში სინჯავენ და ძარცვავენ მგზავრებსო, მაგრამ ჩვენ ხომ წლობით გვივლია სამეცნიერო ეთნოგრაფიულ ექსპედიციებში და კარგად ვიცით, რომ აფხაზები არ შეიძლება მთვრალეები იყვნენ, რადგანაც ისინი უბრალოდ არ სვამენ"

სოლიდური მეცნიერები, რომლებიც აფხაზეთის საკითხთან დაკავშირებით 1992 წლის 1 სექტემბერს "მრგვალ მაგიდასთან" შეიკრიბნენ მოსკოვში, ყოფილ მშვიდობის დაცვის კომიტეტში, გულწრფელ აღმფოთებას გამოხატავენ: "40 წელია საქართველო ჩაგრავს აფხაზეთს!" (გტრაპენიკოვი); დღეს აფხაზეთში ბავშვები სკოლაში არ წასულან, მათი სისხლი შევარდნაძის კისერზეა! (კეიანოვი) "როცა კაცი ზედავს, რომ ძმას უკლავენ, ის უკვე აღარ კვითხება მილიციულს, შეიძლება თუ არა სხვის ბოსტანში შესვლა. ჩრდილოეთ კავკასიის მოსმე ხალხები დანძარებას გაუწვევენ აფხაზ ძმას. სახაროვი აკი მოგვიწოდებდა, გამოეკომავებოდით ჩაგრულს, იმისდა მიუხედავად, თუ რომელ პოლიტიკურ პარტიას მიეკუთვნება იგი" (აკადემიკოსი მ.ისაევი); "დადგა

ჟამი, როდესაც დიდი რუსეთი უნდა აღსდგეს, რათა თავის წიაღში მიიღოს მამაცი აფხაზეთი" (გეოქინოვი).

მიხეილ ჩუმალოვი პროგრამა "Итоги"-ში მსჯელობდა აფხაზეთში არსებულ "მეფე ეთნიკურ წონასწორობაზე", რომელიც "დაარღვია" საქართველოს სახელმწიფო საბჭომ, როცა იქ შეიჭრა.

კარგად მესმის: ის, ვისაც არ სურს სიმართლე იცოდეს, არც მიიღებს მას. მაგრამ "რომელსა ასხენ ყურნი სმენად, ისმინენ!" რომელი მოტყუვდეს, აღახილოს თვალნი! დაე, ყოველი დღე, ყოველი ფაქტი თანმიმდევრულად აღდგეს ამ წიგნში.

მე მწერალი არა ვარ, რომ შეგქმნა ისტორიული დრამის ბადალი ლიტერატურული ტილო ომისა და მშვიდობის შესახებ აფხაზეთის მიწა-წყალზე. არც უურნალისტი ვარ, რომ, ყოველივე ის, რაც ხდება, აესახო ნარკვევების, რეპორტაჟების, დოკუმენტური ჩანახატების სერიაში. მე უნდა გავაკეთო ის ერთადერთი და უმთავრესი, რასაც მიკარნახებს ჩემი პროფესიული და მოქალაქეობრივი მოვალეობა.

.... შემდეგ კი ომი იყო და, შესაძლებელია, ჯერ კიდევ არ დამდგარა დრო მისი ისტორიის სრული სურათის შესაქმნელად, რამეთუ ამ ომს ჯერ კიდევ არ უჩანს ბოლო. ომზე სხვა წიგნები დაიწერება: საომარ მოქმედებებზე, იმ პროვოკაციების ხლართზე, რომელთაც ჩაფუშეს კონფლიქტის მშვიდობიანი, პოლიტიკური საშუალებებით გადაჭრის ყოველი ცდა; იმაზე, თუ როგორ ჩამოვლია "აფხაზურმა მხარემ" რუსეთის ხელმძღვანელობის მონაწილეობით შემდგარი, გაჭირვებით მიღწეული მოლაპარაკება ცეცხლის შეწყვეტის თაობაზე 1992 წლის 3 სექტემბერს; ქალაქ გაგრის ტრაგედიაზე, რომელიც 1 ოქტომბერს აფხაზმა გვარდიელებმა და "კონფედერატებმა" დაატოვებინეს ქართულ ჯარებს და შემდეგ ნაცარტუტად აქციეს; სოხუმის დაბომბვებზე; მშვიდობიანი ქალაქებისა და სოფლების დაბომბვაში რუსეთის სამხედრო ავიაციის მონაწილეობაზე.

ეს წიგნი ომზე კი არა, მის სათავეებსა და მიზეზებზეა დაწერილი. არსებობს ზომა დანაშაულისა და ზომა პასუხისმგებლობისა, დადგება განკითხვის ჟამი და, დაე, ეს წიგნი ბრალდების მოწმობად დაიღოს ტრიბუნალის მაგიდაზე.

აღუქით, სასამართლო მოდის!...

სპეცლანა ჩერკონენაია

წარსულიდან



კათოლიკოს-პატრიარქი ამბროსი ხელავა

ცნობილმა საეკლესიო და საზოგადო მოღვაწემ, პედაგოგმა და მკვლევარმა -სრულიად საქართველოს კათოლიკოს-პატრიარქმა ამბროსიმ (ბესარიონ ზოსიმეს ძე ხელავა. 1861-1927. მამათმავრობდა: 1921-1927 წწ.) - ვრცელი და ნარეკლიანი გზა განვლო. უკანასკნელ ამოსუნთქვამდე ეზიდებოდა უმძიმეს უღელს მაცხოვრებელი მოძღვრების ადამიანთა სულსა და გულში დანერგვისათვის. ამ იდეალს შესწირა მან კეთილდღეობა და მყუდროება. იწვინა თანამოსაგრეთა შური და მტრობა, ბეზღობა და ცილისწამება, განკითხვა და საპყრობილე. სდევნიდნენ ათეისტები ბოლშევიკები და თანამორწმუნე ქრისტიანები. მეფის მთავრობამ ორჯერ გაასამართლა და გაასახლა ჩრდილოეთის უკიდევანო სტეპებში. კომუ-

ნისტებმა უპატიოპყვეს თეატრონსა თუ ცხრაკლიტულებში. მიზეზი ერთი იყო: უკანონობის მხილება და გმობა დედამიწაზე ცათა სასუფეველის შეძლებისამებრ დამკვიდრების მიზნით.

უწმიდესი ამბროსის ღვაწლი თანამედროვე პრესაში სხვადასხვა კუთხით რამდენიმეჯერ წარმოჩინდა. თუმცა, ბევრი ასპექტი ჯერაც შეუსწავლელია. არ მოგვეპოვება მისი თხზულებების ბიბლიოგრაფია, რაც შრომატევადი და საშური საქმეა. საზოგადოებრივ-კულტურული და მეცნიერული პოზიცია გვავაღდებულებს, თავი მოეუყაროთ დიდი მეუფის მრავალრიცხოვან პუბლიკაციებსა თუ საარქივო მასალებს და გამოკვეთ.

წინამდებარე სტატია, მეცნიერული პოლემიკა

ველიკორუს ბიუროკრატიტან, რომელიც დაბეჭდილია "Духовный Вестник Грузинского Экзархата"-ში (1906, N 9-10), საყურადღებოა მრავალმხრივ, - როგორც ზოგადსაკაცობრიო, ისე ქართველოლოგიური პრობლემატიკით. აქ ხაზგასმულია ქრისტეს ეკლესიის არსება - საყოველთაოა და ეროვნული თანასწორობა, მშობლიური ენის ფუნქცია ლიტურგიკული და საღვთისმეტყველო შემეცნების თვალსაზრისით, სახელმწიფოებრივი და რელიგიური ინტერესების აღრევა და მისი მავნებლობა, სარწმუნოების სფეროში დაშვებული შეცდომების საბედისწერო შედეგები და ა.შ. შეუძლებელია, "კეთილი მწვემსები" გულგრილნი დარჩნენ იმ ფაქტის გამო, რომ ხშირად საერო ადმინისტრაციის მოხელეები სასულიერო პირებზე მეტ სიბრაულს და შეწყალების უნარს ამჟღავნებენ. ამაზე წუზდა თურმე, კათალიკოს კალისტრატე ცინცაძის მოგონების თანახმად, ილია ჭავჭავაძე - ილია მართალი.

რაც შეეხება ქვემოთ წარმოდგენილი სტატიის ისტორიულ-ფაქტოლოგიურ მხარეს, უნდა აღინიშნოს, რომ იგი დაწერილია მოვლენათა მონაწილის მიერ. გავიხსენოთ: უწმიდესმა ამბროსიმ მოღვაწეობა აფხაზეთში დაიწყო. 1887-1896 წწ-ში იყო მღვდლად სოჭსა და სოხუმში. იყო აგრეთვე სოხუმის, ახალი ათონისა და ლიხნეს საეკლესიო-სამრევლო სკოლების ზედამხედველი, ქართული ენის მასწავლებელი ამავე რეგიონებში. არაერთხელ აღიმაღლა ხმა შავრაზმელი გოლუბცოვისა და ეპარსენის (იზოტოვის) წინა-

აღმდეგ, რომლებიც აფხაზებსა და ქართველებს სიძულვილს უნერგავდნენ და სდევნიდნენ ქართულ ენას. 1917-1921 წწ-ში იგი კვლავ აფხაზეთშია სოხუმის მიტროპოლიტის ღირსებით. ასე, რომ მისი მონაცემები ამ მხარის საზოგადოებრივ-პოლიტიკურ და სარწმუნოებრივ მდგომარეობაზე ანგარიშგასაწვეია, შთაბეჭდილებანი დამაფიქრებელი, წარმოდგენილი მასალა - ჩვენი ქვეყნის ახლო წარსულის შესასწავლად, სანდო და საიმედო წყარო, მეტადრე აფხაზეთის დემოგრაფიის ისტორიულ ტრილში წარმოსაჩენად. გვაოცებს მაშინდელი ვითარების, კერძოდ - იმპერიული რუსეთის აგენტურის მეთოდების მსგავსება დღევანდლობასთან. თუმცა ეს ლოგიკურია: ისტორიამ გაკვეთილების განმეორება იცის!

აქვეა გაცხადებული სასიამოვნო სიმართლეც: რუსეთის პოლიტიკანების მიერ სეპარატიზმის წახალისებისა და ადგილობრივი მოსახლეობის ენის, ისტორიისა თუ ტრადიციების აბუჩად აგდების მიუხედავად, ქართველ და რუს ხალხებს შორის ანტაგონიზმმა და სიძულვილმა ფეხი ვერ მოიკიდა. თუმცა, ვნება მიაყენა, როგორც "რუსეთის საქმეს" კავკასიაში, ისე საქართველოს კულტურას და სარწმუნოებას... საბოლოოდ კი - კათოლიკე და სამოციქულო ეკლესიის ამქვეყნიურ სხეულს, რომლის ფუძემდებელი იდეალი "ქვეყანასა ზედა მშვიდობა და კაცთა შორის სათნოებაა" (ლუკა 2, 14).

კათოლიკოს-კატრიარქი აპბროსი (ხელაია)

სტატიის გამო "ხმა სოხუმიდან"

(გაზ. "კოლოკოლ", № 45)

გაზეთ "კოლოკოლის" 45-ე ნომერში დაბეჭდილია სტატია "ხმა სოხუმიდან", რითაც ავტორი, შენიღბული ფსევდონიმით "რუსი", ჩრდილს აყენებს ყოვლადსამღვდელო კირიონის - სოხუმის კათედრაზე დადგინებულის - მოღვაწეობას; წარმოგვიდგენს კიწრო ნაციონალური მიმართულების კაცად და მის დანიშვნას აღნიშნულ კათედრაზე თვლის სოხუმის ეპარქიაში რუსული საქმის დაღუპვად. თუ რატომ უყურებს ავტორი საქმეს ასე, რატომ ეძიებს იგი სოხუმის კათედრაზე

კირიონის დანიშვნაში მანებლურს, საკვებით ცხადია, რადგან არ მოსწონს ქართველი ეპისკოპოსის ქართველობა. ეს გასაგებია, თუ გავითვალისწინებთ, როგორ ესმოდა კავკასიაში რუსული კულტურისა და მოქალაქეობის ზოგიერთ დამწერგავს საკუთარი ხალხისადმი სიყვარული. ყველას ემახსოვრება შეუწყნარებლობა და სიძულვილი ყოველივე ქართულისადმი, მისწრაფება ასევე არასწორად გაგებული რუსიფიკაციისადმი, რითაც დასნებობენებულნი იყვნენ კავკასიაში

ცნობილი მოღვაწენი: ეპარსენი, დეკანოზები - ვოსტოგოვი, იასტერებოვი¹ და სხვ. ახლა კი ყველა, ვისაც აქვს საქმის საღად დანახვის უნარი, ვინც არ არის დაავადებული უცხო ტომთა ხიძულვილით, ნათლად ხედავს, როგორია ასეთ რუსიფიკატორთა მოღვაწეობის ნაყოფი. ამჟამინდელი მდგომარეობა კავკასიაში, - საყოველთაო უკმაყოფილება ახლანდელი საეკლესიო წყობის გამო, საკუთარი ეროვნული ფიზიონომიის შენარჩუნებისაკენ სწრაფვის გაძლიერება, ამ მიმართულებით ხალხის გამოღვივება, - არის ზემოხსენებულთა და მათ მსგავს კაცთა მოღვაწეობის ნაყოფი და, სამართლიანობა მოითხოვს ითქვას, რომ ამ აზრით მათ ხალხს გაუწიეს დიდი სამსახური. უბედურება იმაშია, რომ საკუთარი მოღვაწეობით მათ ზიანი მიაყენეს საქმეს, რასაც ემსახურებოდნენ. აღნიშნულ პირთა მოღვაწეობის მიზანი უნდა ყოფილიყო ქართველი ხალხის რუსებთან დაახლოება რუსული კულტურისა და მოქალაქეობის დანერგვის გზით, მაგრამ ისინი ამით როდი შემოიფარგლნენ, მათ მეტი მოინდომეს - რაც შეიძლება სწრაფი გარუსება მხარის, - ქართველი და რუსი ხალხების სრული გათქვევა პირველთა ნაციონალური ფიზიონომიის, საკუთარი ენის, ზნე-ჩვეულებების მოსპობის ხარჯზე. ეს აღმოჩნდა შეუძლებელი. პირიქით, - ამ მიმართულებით მეტისმეტმა აქტიურობამ განაპირობა სრულიად საწინააღმდეგო: ქართველი მოსახლეობის იმ ნაწილიც კი, სადაც ყველაზე ნაკლებად იყო მოსალოდნელი, გამოადვიდა ეროვნულობის შენარჩუნების ძალუმი სწრაფვა. მოინდომეს სამეგრელოს სკოლებიდან ქართული ენის განდევნა, რამაც გამოაფხიზლა ხალხი: მეგრელები ერთობ განიმსჭვალნენ თავიანთი სალიტერატურო და საეკლესიო-საღვთისმსახურო ენის დაცვის იდეით და მივიღეთ სრულიად საწინააღმდეგო შედეგი იმ მიზნისა, რისკენაც მიისწრაფოდნენ აღნიშნული საქმის ინიციატორები. ხალხი პირდაპირ აღიარებს, რომ აქამდე ასე ღრმად არ ესმოდათ ამ ენის დაცვისა და საფუძვლიანად შესწავლის აუცილებლობა და რომ დეკ. ვოსტოგოვმა აუხილა მათ თვალები. ხში-

რად გაიგონებთ ხუმრობით წარმოთქმულ სიტყვას, რომ ღვთის ყანის ამ მუშაკებს ეკუთვნით ძეგლის დადგმა სამეგრელოს ცენტრში. მეტიც, ასეთმა მუშაკებმა დათესეს უნდობლობა არა მხოლოდ სასულიერო ხელისუფლების მიმართ, არამედ ეკლესიის მწყემსებისადმიც, რომლებიც აღმოჩნდნენ წინასწარდასახული აშკარა რუსიფიკაციის დამკაშებად.

თუკი რუსეთის სასულიერო უწყების წარმომადგენელთა შორის "რელიგიური და სახელმწიფოებრივი თვალსაზრისების აღრევა" არის ბოროტება და "საბედისწერო უგუნურება", მთელს რუსეთში ("Церкв. вест.", 1905, N 7), ეს მეტადრე საქართველოში აშკარაა ვედა, რადგან იგი წარმოადგენს მართლმადიდებლობით დასახლებულ ერთადერთ განაპირა მხარეს; მხოლოდ აქ შეიძლება გაიდგას ფესვი ბოროტებამ და "საბედისწერო უგუნურებამ", ვინაიდან დანარჩენი განაპირა უცხოტომელები მათდა საბედნიეროდ, როგორც ისინი ამბობენ, ერთი მართლმადიდებელი სარწმუნოებით რუსეთის მკვიდრ მოსახლეობასთან დაკავშირებული არ არიან. რაც შეეხება საქართველოს, უფრო მეტიც შეიძლება ითქვას: აქ ადგილი აქვს არა "რელიგიური და სახელმწიფოებრივი თვალსაზრისების აღრევას", არამედ - მთლიან შეცვლას პირველისა უკანასკნელით. მხოლოდ აქაა შესაძლებელი პირისპირ გაცნობა სარწმუნოების ისეთი დამცველებისა, რომლებიც, "ცერკვესტნიკის" სიტყვებით, ამბობენ: "დაე, დაზარალდეს ეკლესია ამა თუ იმ კანონის მიერ, ოღონდ სახელმწიფომ ხერი ნახოს". ყოველივე ეს მთავრდება საქართველოში მხარის გარუსების ძლიერი ჟინით. ეს ამოცანა, რაოდენ უცნაურადაც არ უნდა გვეჩვენოს, განსაკუთრებით რუსეთის საეკლესიო ხელისუფლებამ დაიასხა მიზნად; სწორედ მათ შორის გაწყდებით შეუწყნარებლობის უკიდურეს ფორმებს უცხოტომელთადმი და ყოველივე იმისადმი, რამაც მათი ნაციონალური სახე უნდა წარმოაჩინოს. ასეთ სიძულვილს ქართველთა მიმართ, რასაც ამჟღავნებენ ქრისტეს სწავლებისამებრ მტერთა მიმართაც კი სიყვარულის მქადაგებელნი, თითოეული ხალხის ნაციონ-

¹ არ დავასაზღვრებთ პიროვნებებს, არ შევუხებოდი მათი მოღვაწეობის ამ თუ იმ მხარეს, მაგრამ ამას გვიბოძებს თავად ფსევდონიმი ავტორის მგელით. იგი უსაფუძვლოდ კიცხავს ეპარსენისა და სხა პირთა საქმიანობას. მათ შორის ყურადღების მიღმა არც ზენს პიროვნებებს ტოვებს; გვიწოდებს სოხუმის ეპარქიის სამღვდლოების წევრებს, "ძველ ლაქებსა და რუსული საქმისა და მართლმადიდებლობისა აფხაზეთში. თავისი წინასწარაკატეხული აზრის დასაბუთებას ქართველობა ავტორი ღამობს ეპარსენისა და აფხაზეთის სამღვდლოების დაბრუნების სოხუმის კათედრაზე რუსი მღვდელმთავრების თითქოს უფრო ნაყოფიერ მოღვაწეობისთან. სოხუმის ეპარქიაში ქართველი სამღვდლოების მიმართ ასეთი უსაფუძვლო ბრალდებების არსებობის გამო აუცილებლად უნდა ითქვას რაღაც მის დასაცავად, - გაირკვეს, ეპარსენის წინამორბედები რამდენად იყვნენ ქრისტეს ეკლესიაში ყოველთა თანასწორობის იდეის მატარებლები ეროვნულად განურჩევლად და თავიანთი მოღვაწეობით რამდენად უმსაზღვრებელი იყვნენ. ნათლად საქართველოში საეკლესიო ცხოვრების ამჟამინდელ საეკლესიო მდგომარეობას. ესა "რუსის" ქართველობისა და მისი ბრალდებების უსამართლობის დამტკიცების უტყუარი გზა, მაგრამ მაინც აუცილებელია ფაქტების ენით დაბარაკი, რომელიც ვერ ასურსებს პიროვნებების გამოირჩევს და მათ დატოვებს ყურადღების მიღმა. მეორე მხრივ ამისკენ გვიბიძგებს ქრისტეს ეკლესიის ინტერესების დაცვის სურვილი და ოღონდ რუსული საქმე ე.პ.კავსიაში ქართველთა და რუსთა სამართლიანი ურთიერთობების დამყარების ინტერესი და ამასთანავე - ხელის შეწყობა მართებული გზის მოძებნისა და რუსული მიზნის მისაღწევად. ვერცხლებით რა ამას მხედველობაში, ვიფიქრო დანამუდლად და ქრისტეს ეკლესიის ინტერესებისა და რუსეთის საქმის ზიანად მიიჩნევათ ფაქტებისა, რომლებიც მანამდე იყვნენ კავსიაში მოღვაწეთა შეცდომებზე და სამომავლო სამუხარო შედეგებზე.

ნალური თავისებურებების პატივისცემელნი (კოლ. 3, 11), საბედნიეროდ, ჩვენ ვერ გზავთ საერო ადმინისტრაციის მუშაკებში, რომლებიც ყველაზე აშკარად ემსახურებიან რუსიფიკატორულ იდეებს. მხოლოდ ანაფორაში გამოხვეულ რუსიფიკატორებს - ეკლესიის მწვემსებს - შეუძლიათ უწოდონ ქართულ ენას ძაღლების ენა, ქართულ საეკლესიო გალობას - ძაღლების ყფა, მღვდელმთავრის პირით - მთელი ერის დაწველა (Рыс. Вест. 1905, N 62). "არაფერს ისე არ შეაქვს უთანხმოება ეკლესიის წარმომადგენლებსა და განათლებულ საზოგადოებას შორის, მღვდელ აგეგვის სიტყვებით რომ ვთქვათ, არაფერი ისე არ აშორებს მეორეს პირველისგან, როგორც სახელმწიფოებრივი პრინციპების შეტანა რელიგიის სფეროში, რასაც ჩვენ, სამწუხაროდ, ვერ გაუძლებთ, რადგან გვაიწვევდა: "ვინც მახვილს იშიშვლებს, მახვილით განიგმირება" (Церк. Вест. 1905, N 7).

ამიტომაც, ცხადია, ხალხმა უეჭველად შენიშნა, რომ სამღვდელეობა თავის პრაქტიკაში არ ემსახურება საკუთარ საქმეს, რომლის ზემოაღნიშნული მხარე, სასულიერო ხელისუფლების აქტიური მოღვაწეობის შედეგად, ან დაიწყებულა, ანდა ვერ მოუსწრიათ, შეძლებისამებრივ კეთილსინდისიერებით შეუთავსონ მწვემსებრივ მოვალეობას. მწვემსებმა დაკარგეს ცხოვრება ნდობა, ვინაიდან "მღვდელ პოლიტიკანებს, როგორც აღნიშნავს "ცერკ. ვედომოსტი", საზოგადოება არ გაჰყვება, დანაშაულით აღიარებენ რა, რომ ისინი არ არიან დასაქმებულნი თავიანთი მოვალეობით" (Ц. Вест. 1906, N 8, გვ.367). მეორე მხრივ, ხალხი ვერ ეგუება ხელყოფას წმიდათა წმიდისა, - ზნისა, ჩვეულებისა, ენისა და ყოველივე იმისა, რაც მისი ნაციონალური სახის არსებას წარმოადგენს. და რაღაა გასაკვირი, თუ ქართველი ხალხი სიძულვილით უპასუხებს არა რუს ხალხს, არამედ მხოლოდ იმ მოღვაწეებს, რომლებიც ცდილობდნენ დაეთესათ მტრობა ბუნებით რუსებსა და ქვეყნის აბორიგენებს - ქართველებს შორის?! იმდენად ღრმად იყო ჩაბუდებული ქართველობის გულში ერთმორწმუნე რუსი ხალხისადმი სიყვარული, რომ ამ მოღვაწეებს არ შეეძლოთ ასე იოლად მიეღწიათ თავიანთი მიზნისათვის - აღმოეფხვრათ ხალხში ჭეშმარიტად ქრისტიანულად განწყობილი რუსი ადამიანებისადმი რწმენა და სიყვარული... მათ უნდოდათ მღვრეი წყალში თევზის დაჭერა, "კარიერის შექმნა ქართველების შევიწროებისა და ყალბი დანოსების ხარჯზე" (დურნოვის სიტყვები). მათ "შეიღწეს", უპატიოპყვეს რუსის სახელი კავკასიაში; მაგრამ, რაც მოსალოდნელი იყო, განიცადეს სრული მარცხი: სამარცხვინოდ დატოვეს ამიერკავკასიის საზღვრები, დათმეს სამწყსო და ის საქმე, რის მსახურადაც იყვნენ ზმობილინი. ამით ერთხელ კიდევ დაადასტურეს ჩვენი მხსნელის უკვადავი სიტყვების სამართლიანობა ასეთი მწვემსების მიმართ. ამასთანავე, რუსი

ხალხის ის წარმომადგენლები, რომლებიც ჭეშმარიტად არიან შემოსილინი ქრისტიანული სიყვარულით ყოველთა მიმართ, განურჩევლად ეროვნებისა, ცხოვრობენ მშვიდად, სარგებლობენ ქართველი ხალხის კეთილგანწყობით და ნდობით. დიან, მაღლობა ღმერთს, ღვთის ყანის პოლიტიკანი მუშაკები გაიქცნენ, მაგრამ მათ, ამ "კავკასიელ ანაფორიანებს", ხელი არ აუღიათ ღვაწლზე, თითქოს რუსული საქმის სასიკეთოდ კავკასიაში. მათ უნდათ ამიერკავკასიელი ხალხების ერთმანეთზე წასევა და "სისხლისღვრამდე მიყვანა". ამ მიზნით ისინი ხელიდან არ უშვებენ პრესას, "სტატიებს, სრულ სიცრუეს, აგენიანობას და ცილისწამებას" (С.Перебур. Вест. 1906, N 52).

ჩვენ ვთქვით, რომ ეს რუსიფიკატორები დამარცხდნენ და გაიქცნენ, მაგრამ ამით, ცხადია, ვერ ვიტყვით, რომ მათმა მოღვაწეობამ არ გამოიღო მანვე ნაყოფი ხალხისათვის. ქართველებმა, ასეთი მოღვაწეობის წყალობით, მშვიდობიან დროს, ძლევაპოსილი ხელისუფლების მფარველობის ქვეშ, დაკარგეს ის, რაც თავიანთი ცხოვრების ყველაზე შფოთიან საუკუნეებშიც კი, ეკლესიის მტრებთან ბრძოლის დროს, სრული სიწმინდით შეინარჩუნეს - ერთგულება ქრისტიანული სარწმუნოებისადმი. დღეს საქართველოში ყოველი მხრიდან ისმის პროტესტები, სიტყვით თუ საქმით, მართლმადიდებელი სარწმუნოების საპირისპიროდ, ეკლესიისა და მისი მსახურების - სამღვდელეობის წინააღმდეგ მტებიც, პრესაში აშკარად გამოთქვამენ აზრს, რომ სასულიერო ხელისუფლების რუსიფიკატორულმა მისწრაფებებმა ქართველი ხალხის შეგნება მიიყვანეს ეკლესიის სახელმწიფოსაგან გამოყოფის იდეამდე და პრაქტიკულად შეამზადეს ნიადაგი ხალხში რევოლუციური სულის ჩახახვისათვის (გაზ. "შრომა", N 7; ჟურნ. "ივერია", 1906, N 7, გვ. 3 და სხვ.).

აი, თავგამოდებული რუსიფიკატორების სახელმწიფოსათვის სასარგებლო მოღვაწეობის შედეგები; მათ თავისი გაიტანეს, თუკი შეიძლება ხალხის ცხოვრებაში გამოვლენილი შფოთი, არეულობა, სასულიერო პირთა დევნა, ეკლესიისაგან მრევლის გამოჯენა ჩაითვალოს სასარგებლოდ სახელმწიფოსათვის.

ამ სამწუხარო ვითარების ყველა მიზეზის გამოვლენა ძალიან შორს წაგვიყვანდა. საჭურნალო სტატიის მოცულობა ამჯერად არ გვაძლევს საშუალებას, შევედგეთ აღნიშნულ, მეტად საინტერესო საქმეს. ამას მომავალში გავაკეთებთ. ამჯერად წარმოვადგენთ ზემოთაღნიშნულ სტატიას იმ რამდენიმე მცდარად გაშუქებული ფაქტის ახსნა-განმარტებას. რაც შეიძლება მოკლედ.

წუხს რა სოხუმის კათედრაზე ყოვლადსამღვდელო კირიონის დანიშვნას, თვლის რა ამას რუსული გრძნობისათვის შეურაცხყოფად და არა აქვს რა იმედი, რომ იპოვის მასში "იმ ზომიერ-

ებას, იმ სამართლიანობას, ტაქტს და გულის-
ხმიერებას, - ყველა იმ ღირსებას, რაც ასე აუც-
ილებელია ისეთი მრავალეროვანი ეპარქიისათვის,
როგორც სოხუმი², აღნიშნული ავტორი მის
დანიშვნას რაცხს უცილობელ მავნებლობად,
რადგან ამან შეიძლება "აფხაზები აამხედროს
მათთვის საძულველი ქართველების წინააღმდეგ
და გამოიწვიოს ისეთივე ხოცვა-ჟლეტა, როგორც
ვიხილეთ ბაქოს გუბერნიაში." ამ შემთხვევაში არ
შეუდგებთ ყოვლადსამღვდელო კირონის დაცვას
ასეთი ბეზღებისაგან, რადგან თვითონაც მოა-
ხერხებს ამას. ვიტყვი მხოლოდ, რომ მთელი
მისი მოღვაწეობა იძლევა გარანტიას, რომ იგი
არ იქნება ისეთი უსამართლო, არ გამოიჩენს
ისეთ სიძულვილს არაქართველებისადმი, როგორც
გამოიჩინებს მისმა წინამორბედებმა სოხუმის კათე-
დრაზე არარუსი წარმომობის ნებისმიერი ეროვნე-
ების მიმართ, მეტადრე - ქართველებისადმი.

გაზეთებიდან ყველასათვის ცნობილია, ეპ.არ-
სენის განკარგულება, რომ არ წაეკითხათ სახა-
რება ქართულად აღდგომას, მაშინ როდესაც წა-
კითხულ იქნა სხვა ენებზე, მკვდარ ლათინურ
ენაზეც კი, რომელიც მლოცველთაგან არავის
ესმოდა. მლოცველთა ორ მესამედზე მეტი კი
ქართველები იყვნენ. ისინი მოუთმენლად ელოდ-
ნენ მოესმინათ, თუნდაც ერთხელ წელიწადში,
სახარება მათთვის გასაგებ ენაზე, მაგრამ გაუც-
რუდლათ იმედი და ისინი გააუბუნნი უგურადლე-
ბობით, მათი რელიგიური და ეროვნული გრძნო-
ბების ასეთი შეურაცხყოფით, სახარების კითხვის
დამთავრებისთანავე დემონსტრაციულად გავიდნენ
საყდრიდან.

სოხუმში დამოუკიდებელი კათედრის დაფუძ-
ნების უამს სოხუმელებს აკლდათ ღვთისმსახურე-
ბის ქართულ ენაზე მოსმენის შესაძლებლობა.
ასეთივე ბედი ეწიათ ქართველებით დასახლებულ
სამრევლოებს, რომელთა მღვდლებმა, მრევლის
საუბედუროდ, იციან რუსული წერა-კითხვა.
სოხუმელი იერარქების შეუწყნარებლობა იქამდე
მვიდა, რომ ქართველებმა ასეთი უსამართლობის
გამო დაიწყეს ჩივილი საგაზეთო სტატიების სა-
შუალებით და ამ საგანზე თვით უწმიდესი სინო-
დის ობერ-პროკურორის ყურადღების გამახვი-
ლებით. მოცემულ საქმეზე გამოთხოვილ იქნა
ცნობები სოხუმის ეპისკოპოს არსენისაგან, რო-
მელმაც მოურიდებლად წარმოადგინა კიდევ, რომ
ქსოხუმსა და ოჩამჩირის ყველა ეკლესიაში ღვ-
თისმსახურება აღესრულება საეკლესიო-სლავერ
ენაზე, რომ სოხუმის ყოფილ ეპისკოპოს ავაფედ-

ოროვს განზრახული ჰქონდა ასეთივე მსახურების
შემოღება აფხაზეთისა და სამურზაყანოს ყველა
სამრევლოში და რომ მან, არსენმა, დაგზავნა
საღვთისმსახურო წიგნები სლავერ ენაზე და-
მოწმებით, რომ ღვთისმსახურება შესრულდება ამ
წიგნებით (Отнош. еп. Арсения от 17 мая
1898. N 968).

ახლა ენახოთ, როგორი იყო მოსახლეობა ქ.
სოხუმსა და ოჩამჩირეში, სადაც აკრძალეს ღვ-
თისმსახურება ქართულ ენაზე, სულაც იმ ცნო-
ბების მიხედვით, ზემოაღნიშნული მოხსენების
საფუძველზე, რომელიც წარდგენილ იქნა თვით
არსენის მიერ (Дело Син. Конторы за 1898,
N 68) და რომელიც, უნდა ვიფიქროთ, არ არის
შედგენილი ცნობილი ტენდენციით ქართველთა
საერთო რიცხვის განზრახ შემცირების გზით თა-
ვისი განკარგულების შეძლებისამებრ გამართლები-
სათვის.

1898 წელს, აღნიშნული ცნობის თანახმად,
ქალაქ სოხუმში ცხოვრობდნენ: რუსები - 1410,
ქართველები - 2336 და აფხაზები 80 სული
ორივე სქესისა. ოჩამჩირეში კი: რუსები - 57,
აფხაზები - 70 და ქართველები - 257 სული და
ვეკითხებით ქართველოფობ ავტორს, - სამართ-
ლიანია 2593³ სოხუმელი და ოჩამჩირელი ქარ-
თველის დატოვება მშობლიურ ენაზე მსახურების
გარეშე?

მთელ სოხუმის მხარეში, ეპ.არსენის სტატი-
სტიკის თანახმად (იხ.სინოდის კანტორის აღნიშ-
ნული საქმე), სახლობს ორივე სქესის 78109
სული. მათგან ქართველია (მეგრელი, ქართლე-
ლი, იმერელი, გურული და სამურზაყანოელი)
45353³ სული. დანარჩენი: აფხაზები - 24 598,
რუსები - 2745, ბერძენები - 4762, სომხები -
636 და სხვა ეროვნებისა 1013 სული. მართლმად-
იდებლად ირიცხება 72 729, არამართლმადიდებ-
ლად - 5 280; აფხაზთაგან მართლმადიდებლად
- 20 777 (მათ შორის ბევრი მხოლოდ სასუ-
ლიერო უწყისთა ანგარიშების მიხედვით იწოდება
მართლმადიდებლად; სინამდვილეში კი მათგან
უმრავლესი ფაქტიურად უფრო მაჰმადიანია,
ვიდრე ქრისტიანი), მუჰამედის რჯულის მიმდევარ-
ია - 3821. მაშასადამე, სოხუმის მხარეში
45353 მართლმადიდებელი ქართველის გვერდით
დგას ყველა სხვა ეროვნებისა 27 376 სული
მართლმადიდებელი და სამართლიანია განა
ამდენი მართლმადიდებელი ქართველის დარჩენა
სასულიერო-რელიგიური მოთხოვნილებების დაკ-
მაყოფილების გარეშე?

2 ეს ციურები რომ ნამდვილად არ შეესატყვისება სინამდვილეს
შევიძლია დავაწმენდო სტატისტიკური მონაცემებით,
განყოფილების გამოცემით, კონდრატენკოს რედაქცია, 1886.
3 სხვა მონაცემების თანახმად, ქართველების რიცხვი სოხუმის
სოხ. Цхумели с-ПБ. 1906, стр.16 прим. 18).

და ქართველთა რიცხვი რეალურად გაცილებით რომ მეტია,
"კავკასიის მთავარმმართველის კანცელარიის სტატისტიკური
მხარეში უდრის ორივე სქესის 53 829 სულს (Абхазия,

გვეუბნებიან, რომ შეუძლებელია ქართველების რიცხვში სამურზაყანოელების ჩართვა, მათ შორის საერთო არაფერი! ასეა მართლაც?

მოცემულ შემთხვევაში არ შეუძლებელი იმის მტკიცება, რომ სამურზაყანოელები ქართველ ერს ეკუთვნიან. ეს არც საჭიროებს დამტკიცებას. ამას ცხადყოფს ისტორიული, ეთნოგრაფიული, ლინგვისტური და ანთროპოლოგიური მონაცემები. ჩვენი ფიქრით, საღვთისმსახურო ენის განსაზღვრის საქმეში არა მხოლოდ ხალხის ნაციონალური წარმომავლობა თამაშობს როლს, არამედ - მეტწილად ის, რა ენაზე მეტყველებს ესა თუ ის ხალხი შესაბამის დროს. სამურზაყანოელების ქართველურ ტომებს მიკუთვნება ეჭვგარეშეა, მაგრამ ისტორიულ გარემოთა შედეგად მათ შეიძლებოდა დაეკარგათ თავიანთი ენა და ენობრივად ასიმილირებულიყვნენ სხვა წარმომავლობის ხალხთან⁴. სამურზაყანოელების შესახებ ბევრი მართლაც ასე ფიქრობს; არ გაცნობიან რა მათ ცხოვრებას, არ იციან მათი ენა, საერო და სასულიერო ადმინისტრაციის ბევრი წარმომადგენელი დარწმუნებულია, რომ სამურზაყანოელები აფხაზურ ენაზე ლაპარაკობენ. ეს რომ ასე იყოს, ჩვენ, სამურზაყანოელების ქართული წარმომავლობის მიუხედავად, არ შეგვეცდობოდით და არც გვექნებოდა არავითარი უფლება დაგვეყენებინა საკითხი სამურზაყანოელებში ღვთისმსახურების ქართულ ენაზე წარმართვის შესახებ, მაგრამ საქმე ისაა, რომ სამურზაყანოელები ლაპარაკობენ ქართული ენის იმავე მეგრულ კილოზე, რითაც მეტყველებენ მთელ სამეგრელოში. და რადგან იქ საღვთისმსახურო ენა ქართულია, ცხადია, იგივე უნდა მოვითხოვოთ სამურზაყანოელებისათვის.

ასევე ფიქრობდნენ სასულიერო ხელისუფლების ის წარმომადგენლები, რომლებიც არ იყვნენ მოწამულნი მხარის რუსიფიკაციის უინით. მოცემულ შემთხვევაში ჩვენ გვერდნობით საქართველო-იმერეთის სინოდალური კანტორის დადგე-

ნილებას და უწმიდესი სინოდის მითითებას. თავის პატაკში, 1897 წლის 8 ნოემბრის N 2062-ში, სოხუმის ეპისკოპოსი არსენი სინოდალური კანტორისაგან ითხოვს ახსნა-განმარტებას იმის თაობაზე, "შეამოწმოს თუ არა, იმ პირების ქართული ენის ცოდნა, რომელთაც სურთ იმსახურონ აფხაზებით და მეგრელებით დასახლებულ სამრევლოებში". თვითონ კი ამ ენის ცოდნას მიიჩნევდა სრულიად ზედმეტად, ვინაიდან ამ სამრევლოებში, მისივე სიტყვებით, ინიშნებიან პირები, რომლებმაც იციან რუსული ენა, "ემსახურებიან რა სამღვდლოების მრევლთან უფრო მეტად დაახლოების მიზანს (კურსივი ჩვენია) და სასკოლო განათლების წინსვლას (მშობლიურ ენაზე ღვთისმსახურებისა და სწავლების აკრძალვის გზით?)", ვინაიდან რუსული ენა, როგორც სახელმწიფოებრივი, მეტადაა საჭირო აფხაზებისა და მეგრელებისათვის, ვიდრე ქართული, რომელიც სოხუმის ეპარქიის სკოლებში არც კი ისწავლება" (უწმ. სინოდის კანტორის საქმე 1897 წლისა, N 30). აღნიშნულ შეკითხვას მოსდევს სინოდის კანტორის შემდეგი საუბრნალო დადგენილება. განემარტოს ყოველდამღვდელო სოხუმელ არსენს, რომ მისდამი რწმუნებული ეპარქიის მეგრელებით დასახლებული სამრევლოების მღვდელმსახურთა თანამდებობების კანდიდატები უნდა გამოიცადონ ქართულ ენაშიც, ვინაიდან მათი საეკლესიო-საღვთისმსახურო ენა არის ქართული" (1898 წლის 11 თებერვლის ოქმიდან). ასევე გადაწყვიტა ეს საკითხი უწმიდესმა სინოდმაც (ს.კ.საქმე 1897 წ. N 30, ფ.28-29).

რუსულიდან თარგმნა

და წინასიტყვა დაურთო

6. კავთაშვილა

გაგრძელება იყნება

4 ეპარსენი არა მხოლოდ სამურზაყანოელებს, არამედ მეგრელებს, ქართველებს, იმერლებსა და გურულებსაც კი მიიჩნევს ცალ-ცალკე ეროვნებად (იხ. სინოდ. კანტორის საქმე 1898 წლის, N 68; გვ.8-11).
5 ხალხების ცხოვრებაში მსგავსი ფაქტები არც თუ იშვიათია. იგი დრო, როდესაც შავი ზღვის სანაპიროზე, ყოველ შემთხვევაში, გაგრამდე, მეგრელები სახლობდნენ, მაგრამ მაჰმადიანთა მოწოდების შედეგად, რომელთაც დაიკავეს სივრცე გაგრასა და ტუაფსის შორის, მათი ქვეყანა შევიწროვდა მდკოდორამდე, XVII ს. ასწლეულში აფხაზეთისა და სამეგრელოს საზღვრის მოკლებას რომ ასრულებდა, რაც შეეხება ახლანდელი ოჩამჩირის მონაკვეთის მოსახლეობას, ისინი იგივე მეგრელები არიან, რომლებმაც დაკარგეს თავიანთი ენა აფხაზების ზეგავლენის შედეგად. აღნიშნული ვარაუდის დადასტურებელი საბუთები საქარისადა და კუციბით ამ საგანზე სხვა დროს უფრო დეტალურად ეისაუბროთ.



კავკასიაში ქრისტიანობის აღმდგენელი

საზოგადოება სამურზაყანოელთა ეროვნული

ჰინაობის თაობაზე

იტალიელი მისიონერის-არქანჯელო ლამბერტის, ფრანგი მოგზაურის - ჟან შარდენის, ვახუშტი ბაგრატიონის ნაშრომებისა და მრავალი სხვა საისტორიო წყაროების მონაცემების საფუძველზე დადგენილია, რომ XVIII საუკუნის დამდეგისათვის სამეგრელოსა და აფხაზეთის სამთავროთა შორის ისტორიული და ეთნიკური საზღვარი გადიოდა მდინარე კოდორზე. ამ ფაქტის სინამდვილეს ბოლო დრომდე უყოყმანოდ იზიარებდა ყველა ქართველი და აფხაზი ისტორიკოსი.

ცნობილია, სამურზაყანო - როგორც პოლიტიკური წარმონაქმნი, წარმოიშვა XVII-XVIII სს. მიჯნაზე, აფხაზეთის სამთავროს ფეოდალური დაშლილობის შედეგად და მოიცავდა დღევანდელი გალისა და ნაწილობრივ, ოჩამჩირის რაიონების ტერიტორიას. 1705 წელს იგი მემკვიდრეობით მიიღო მურზაყან ყვაპუს ძე შარვაშიძემ, რომლის სახელისგანაც წარმოიშვა ამ კუთხის სახელწოდება.

მეფის რუსეთის მიერ, ცნობილი ისტორიული პრინციპი - "დაყვი და იბატონე", საქართველოს მიმართ ნათლად გამოჟღავნდა სამურზაყანოს მაგალითზე. ნახევარი საუკუნის მანძილზე საქართველოს მოსახლეობის არცერთი აღწერა ისე არ ჩატარებულა, რომ ხელისუფლებას თავისი დამოკიდებულება არ გამოეხატა აქაური მოსახლეობის ეროვნულობისადმი.

მათ ჯერ ქართველებად, შემდეგ ცალკე ეროვნებად წარმოადგენდნენ, ხოლო XIX ს. 80-იანი წლებიდან აფხაზეთთან აიგივებდნენ. ეს ფაქტი

საგანგებოდ აქვს აღნიშნული ცნობილ რუს ისტორიკოსს - ნიკოლოზ ნიკოლოზის ძე დურნოვს: 1885 წლიდან ცდილობდნენ აფხაზეთის ქართველებისაგან ჩამოშორებას. სამურზაყანოს ენაც კი გამოიგონეს და რაკი ამ ენაზე არ არსებობს ერთი წიგნიც კი, ეკლესიებში წირვა-ლოცვა დაიწვეს სლავურად. ჩამოიყვანეს რუსი მღვდლები (ნ. დურნოვო), ქართული ეკლესიის ბედი... "1907 წ. გვ.129).

სამურზაყანოელთა ქართული კონტიგენტიდან ამოღებისა და აფხაზეთთან მათი გაიგივების (იგულისხმება 30 000 სული) აშკარა ფაქტს წარმოადგენს. კარგად ცნობილი "რუსეთის იმპერიის 1897 წ. საყოველთაო აღწერის მაჩვენებელით "სოხუმის ოკრუგში" ცხოვრობდა 58 697 აფხაზი ე.ი. იმდენი, რამდენიც იყო სინამდვილეში 60 წლის შემდეგ, 1959 წელს (61 000), ხოლო ქართველი - 25 875. ვინც აფხაზეთის დემოგრაფიულ საკითხებზე აფხაზი სეპარატისტი მკვლევარების (შ.ინალ-იფა, ს.ლაკობა, ი.ვორონოვი და სხვა) ნაშრომებს იცნობს, შემჩნეული ექნება, თუ რაოდენ დიდ მნიშვნელობას ანიჭებენ ისინი ზემოთ აღნიშნულ მონაცემებს აფხაზთა ოდენობაზე. უკრიტიკოდ იღებენ რა ამ ციფრს, ცდილობენ აფხაზთა მერმინდელი მცირერიცხოვნობა ახსნან ქართველთა მიერ მათ მიმართ ასი წლის მანძილზე გატარებული გენოციდით!

რაოდენ მოულოდნელიც არ უნდა იყოს, 1897 წ.მონაცემებს საფუძვლიანად აბათილებენ "კავკასიაში ქრისტიანობის აღმდგენელი საზოგადოების" (დაარსდა 1860 წ.) მესვეურთაგან უმაღლესი სა-

კლიერო და საერო ხელისუფლებისადმი წარდგენილი, მათი სხვადასხვა წლების სამისიონერო საქმიანობის ამსახველი, წიგნად გამოცემული წლიური ანგარიშები. განსაკუთრებით გამოყოფთ 1867, 1869 და 1899 წლების ანგარიშებს, რომლებშიც კატეგორიულად არის აღნიშნული სამურზაყანოს მოსახლეობის ქართულ-ეროვნული კუთვნილება. ნათქვამის საიდუმლოდ გაცემით ფრაგმენტებს ამ საზოგადოების სამი სხვადასხვა წლის ანგარიშებიდან:

"სამურზაყანოელები აფხაზებისა და მეგრელების მეზობლად ცხოვრობენ. მათი რიცხვი 21 858-ია. მათი საღვთისმსახურო ენა შორეული წარსულიდან ქართულია ისევე, როგორც სამეგრელოში. ცნობილია, რომ დღევანდელი სამეგრელო და სამურზაყანო წინაისტორიულ ხანებში კოლხეთის ცენტრი იყო. შემდეგში მას ლაზიკა ეწოდა. სამურზაყანოს ტერიტორიაზე გადარჩენილი წარსულის შესანიშნავი ძეგლები ცხადყოფენ, რომ ოდესღაც, ეს მხარე სამეგრელოს აყვავებული, მფეთქავი გული იყო. მის ერთ მხარესაა ბედა, საქართველოს ერთიანობის ჟამს დადიანბედიელთა რეზიდენცია. აქ დღემდე მოღწეული და შემორჩენილი ტაძრის შესანიშნავი არქიტექტურის ნანგრევები და წარწერა, რომელშიაც იხსენიება ქართველი მეფე ბაგრატ III და დადიანები. თვით ილორში, რომელიც აფხაზეთის საზღვრებს იქითაა, ლაპარაკობენ მეგრულად. ბროსე, რომელიც ადგილზე იკვლევდა ამ ენას, მივიდა შემდეგ დასკვნამდე: 1. იგი ქართულია თავისი ფესვებით.. 2. ქართულ-ხმოვანთა და თანხმოვანთა გამოთქმებით, ასევე სიტყვათა დაბოლოებებით, სვანური, აფხაზური და ჩერქეზული სიტყვების მარაგით. სამურზაყანოში დამწერლობა, ისევე, როგორც მთელ სამეგრელოში, ქართულია (ოტჩოტ ობშესტვა... გვ. თბ., 1868 წ.).

"ილორიდან დაწყებული, მთელ სამურზაყანოში მეგრული ენა ბატონობს. ამიტომაც ეკლესიებში წირვა-ლოცვას ქართულად აკვლენენ" (ოტჩოტ ობშესტვა... გვ. 32. თბ., 1869 წ.).

"როცა XVIII საუკუნეში, თურქეთის ბატონობის ჟამს, აფხაზეთის საეკლესიო კათედრა დახურეს, სამურზაყანოს ეკლესია ცაიშის ეპარქიას (სამეგრელოს) შეუერთდა. სწორედ ამ დროს მონდა აქ რუსეთის ხელისუფლების შემოსვლა და გაბატონება. სამურზაყანოელები რომ ნამდვილი ქართული ტომის ხალხია, ამაში ეჭვის შეტანა შეუძლებელია. ისინი ლაპარაკობენ მეგრულად და არა აფხაზურად, როგორც ამას წერენ და ფიქრობენ ზოგიერთები. აფხაზურ ენაზე ლაპარაკობენ მხოლოდ აფხაზეთში და მხოლოდ აფხაზები.

სამურზაყანოელებმა ძლიერი გავლენა მოახდინეს აფხაზებზე და შეძლებისდაგვარად ცდილობდნენ განემტკიცებინათ მათში ქრისტიანობა. ამით აიხსნება, რომ კოდორის ხეობაში მოსახლე აფხაზები, სამურზაყანოელებთან ერთად

უკეთესი ქრისტიანები არიან, ვიდრე გუდაუთელუბი (ოტჩოტ ობშესტვა... თბ. 1899 წ. გვ. 88).

როგორც დავინახეთ, მოტანილი მტკიცებები ნიშნავს აცლიან არა მარტო 1897-წლის სტატისტიკური მონაცემების ობიექტურობას, არამედ, კავკასიის ადმინისტრაციის არაერთგზის მცდელობას ქართული ეთნოსიდან გამოეყო სამურზაყანოს ქართული მოსახლეობა და იგი უცხო ხალხისთვის მიეკუთვნებია. დაუკვრებელია, "ქრისტიანობის აღმდგენელი საზოგადოების" მესვეურებს არ სცოდნოდათ, რომ ამგვარი მტკიცებებით ისინი უპირისპირდებოდნენ ოფიციალური ხელისუფლების მიზნებსა და ამოცანებს. რაშია საქმე, რატომ ეცილებიან ერთმანეთს მთავრობისა და წმ.სინოდის ქვეშევრდები ამ საზოგადოების პოზიციები ერთმანეთს?

ამისი ახსნა უთუოდ უნდა ვეძებოთ "კავკასიაში ქრისტიანობის აღმდგენელი საზოგადოების წესდებაში," რომელიც გულისხმობდა კავკასიის არაქრისტიანი ხალხების ქრისტიანულ სარწმუნოებაზე მოქცევას, ყოფილ ქრისტიან ხალხებს შორის (აფხაზები, ოსები, უღები, ინგილო-ქართველები) მართლმადიდებლობის ხელახლა აღდგენა-განმტკიცებას. ყველაფერი ეს საჭიროებდა აღნიშნული "საზოგადოების" მხრივ სათანადო კონტიგენტის დადგენას, საჭირო ოდენობის სკოლების გახსნას, მშობლიურ ენაზე სასულიერო და პედაგოგიური კადრების მომზადებას, ეკლესია მონასტრების მშენებლობას, სოლიდური მატერიალური რესურსების დაბანდობას. რაც შეეხებოდა სამურზაყანოს ქართულ მოსახლეობას, ზემოთ დასახელებულ ხალხებისაგან განსხვავებით, აქ, მართლმადიდებლურ ქრისტიანობას გააჩნდა მყარი ისტორიული ნიშნები და არ საჭიროებდა მათ ხელახლა მონათვლას, სათანადო სპეციალური ლიტერატურის თარგმნას, წირვა-ლოცვის შემოღებას, ეკლესია-მონასტრების ფართო მშენებლობას და, რაც მთავარია, მნიშვნელოვანი ფულიადი სახსრების გამოყოფას. გამომდინარე საკუთარი ამოცანებიდან, "ქრისტიანობის აღმდგენელი საზოგადოების" ხელმძღვანელობა, ჩანს, ზნეობრივ ვალდებულებად თვლიდა, როგორც სასულიერო, ასევე საერო ხელისუფლებისათვის მიეწოდებინა დაზუსტებული ინფორმაცია საქართველოს ამ ისტორიულ კუთხეში არსებულ ვითარებაზე. არავითარი საფუძველი არ არსებობს, ქართველობისადმი მიკერძოება დაკაბრალეთ ისეთ ორგანიზაციას, როგორც იყო "ქრისტიანობის აღმდგენელი საზოგადოება", რომლის უპირველეს მიზანსა და ამოცანას შეადგენდა ხელისუფლებისადმი ერთგული სამსახური და არა რომელიმე ერისა და რეგიონის ინტერესების დაცვა.

სოლომონ ლეიპვილი



მოციქული ანდრია პირველწოდებული

სტრუქტურული ცვლილებები

ბაბრატის ტაძარი

X საუკუნის ნაგებობათა შორის პირველი და გამორჩეული ბაგრატის ტაძარია. თავისი ისტორიული მნიშვნელობითა და მხატვრულობით მას განსაკუთრებული ადგილი უჭირავს შუა საუკუნეების მთელ ქართულ ხელოვნებაში. იმ პერიოდის მთელს ახლო აღმოსავლეთში ვერც ერთი ტაძარი ვერ შეედრებოდა მას, ვერც სიდიდით, ვერც სილამაზით. იგი აშენებულია მთაზე, რიონის მარცხენა ნაპირას და თავს დაჰყურებს ქუთაისის ძველ უბანს. მაღალი, ხვეული კიბეებით მიემართება გზა მისკენ... შთამბეჭდავი და ამაღლებელია ფიქრი, რომ ეს გზა აუვლიათ ბაგრატს, დაეთოს, თამარს... ჩვენს მეფეებს, ჩვენს წინაპრებს.

მემატაიანის ცნობით, კურთხევა დიდი ზემოთ მომხდარა. საქართველოს ყოველი კუთხიდან და მთელი ახლო აღმოსავლეთის ქვეყნებიდან ჩამოსულან სტუმრები - სამღვდელონი და ერისაგანნი.

იმ ხანად ქვეყანა, ფაქტურად, თითქმის უკვე გაერთიანებული იყო ბაგრატ III-ის ხელში და ქუთაისში ახლად აგებულ ამ დიდებულ ტაძარს ზოგადეროვნული მნიშვნელობა ჰქონდა.

სამწუხაროდ, ტაძარს თავისი პირველი სახით არ მოუღწევია. იგი 1691 წელს ააფეთქეს თურქებმა და მისგან მხოლოდ კედლები დარჩა. გუმბათი, კამარები, გუმბათქვეშა ბოძები და სავსებით გასაოცარი, ცოცხალი ჩუქურთმები მთლიანად ჩაიშალა. საუკუნეების მანძილზე გამოგნებულ, წარუშლელ შაბეჭდილებას ახდენდა მნახველზე ამ ნანგრევების ნახვა.

და, როცა ჩვენს დროში ტაძრის რესტავრაციის საკითხი დაისვა, ბევრს ენანებოდა ამ უზომოდ შთამბეჭდავი სანახაობის მოშლა, ცისა და ჩუქურთმათა ერთიანობაში რომ ისახებოდა. ჯერჯერობით მხოლოდ ნაწილობრივად აღდგენილი ბაგრატის ტაძარი, ჩუქურთმები კი, ვითარცა მაცნე და მემატაიანე ტკივილისა, აღარ ყრია მის მიწაზე. ისინი მუზეუმში გადაიტანეს.

ჩრდილოეთის დიდ სარკმელთან შემორჩენილია წარწერა, რომელიც გვაუწყებს: "ოდეს განამტკიცნა იატაკი, ქორონიკონი იყო 223"... ე.ი. 1003 წელი (საგულისხმოა, რომ თარიღი აღნიშნულია არაბული ციფრებით. ეს



ბაგრატის ტაძრის ორნამენტი

საქართველოში არსებული უძველესი ციფრებია. ტაძრის იატაკი მოზაიკით ყოფილა მორთული. იგი უძვე აღარ არსებობს. სამწუხაროდ ჩვენამდე ვერც კედლის მხატვრობამ ვერ მოაღწია, მაგრამ გადარჩა მისი ჩუქურთმა, რომელიც საშუალებას გვაძლევს, თვალი გაგადგვინოთ ევოლუციას, რომელიც იმ დროის მცირე მონაკვეთში, სულ რაღაც ნახევარი საუკუნის მანძილზე განიცადა ხუროთმოძღვრულმა ორნამენტმა.


ბაგრატ III-ის ძალისხმევითა და ამ ტაძრის კურთხევით



ბაგრატის ტაძარი. X ს. რესტავრაციამდე

დაიწყო რვა საუკუნის წინ საქართველოს გაერთიანება. ჩვენს დღევანდელ, დარღვეულ ყოფიერებაშიც ჩვენს ტკივილებსა და ურთიერთ განსჯაში ისევ გვეხმარება დიდი წინაპრის სული და ერთიანობისა და სიყვარულისაკენ მოგვიწოდებს. ამიტომაც იმძლავრა ჩვენში ბაგრატის ტაძრის აღორძინების ნატვრამ... ნატვრამ და რწმენამ, რომ უფალი მისცემს ჩვენს ერს ძალას, აკურთხებს მშვიდობით.

შეიქმნა ბაგრატის აღორძინების ფონდი, ჩატარდა მთელი რიგი საქველმოქმედო ღონისძიებები, კონცერტები, სპექ-



ბაგრატის ტაძარი რესტავრირების პროცესში.

ტაკლები... საქართველოს ყველა კუთხიდან გაიღეს შემოწირულობები. თბილისში გაიხსნა ქართველ მხატვართა საქველმოქმედო გამოფენა. იგი აკურთხა მისმა უწმიდესობამ და უნეტარესობამ, სრულიად საქართველოს კათალიკოს-პატრიარქმა ილია II-მ. მან ბრძანა, რომ უდიდესი მნიშვნელობა აქვს ბაგრატის ტაძრის აღორძინების ფონდის შექმნას ქართველი ერის გამთლიანებისა და სულიერებისაკენ მობრუნების საქმეში. ეს კი აუცილებელია, თუ გვინდა, რომ საქართველო გადარჩეს.

აღდგენილი ბაგრატის ტაძარი საქართველოს ყოფილი დიდების აღორძინების სიმბოლო იქნება.

ხანების დღა. 8 თებერვალი მართული უნივერსიტეტის გახსნის დღეცაა

იმ პირველ წლებში, როცა საერთოდ, საფუძველი ჩაეყარა უნივერსიტეტის გახსნის იდეას, მის მოამბეთა შორის საქართველოს ეკლესიის მსახურნიც იყვნენ... მათაც გაიღეს შესაძლო წვლილი ამ სამედიცინო საქმის გასრულებაში. ხოლო, 1918 წლის 26 იანვარს მის ფუძესა და სამომავლო გზას საქართველოს ავტოკეფალიაადღეინილი ეკლესიის პირველი კათალიკოს-პატრიარქი კირიონ-II ლოცავდა...

იცოდა დიდმა ივანე ჯავახიშვილმა და მისმა უწმიდესობა კირიონმა, რატომ დააკავშირეს დავით აღმაშენებელთან ეს დიდი დღე... სიტყვაში, რომელიც კათალიკოს-პატრიარქმა იმ დღეს წარმოსთქვა, თვითვე განმარტა: "გვონებ შემთხვევით არ მოხდა, ქართული უნივერსიტეტის გახსნა დღევანდელ დღეს, როდესაც ჩვენი ეკლესია დღესასწაულობს წმიდა მეფე დავით აღმაშენებლის დღას. მან აღადგინა ეკონომიურად საქართველო, გააძლიერა და დანერგა კულტურა. განურჩევლად ხალხისობისა და სარწმუნოებისა, იგი მფარველობას უწევდა მეცნიერებს. აავსო მეცნიერი ხალხით თავისი სახარე, რომელიც წარმოადგენდა სამეცნიერო აკადემიას და მან პირველმა ქართველ გვირგვინსანთა შორის, ჩაყარა მკვიდრი საძირკველი აკადემიისა გულათისა და იყალთოს მონასტრებში".

"კაცი შექმნილია სინათლისათვის და თვით ბუნებისგან ჩანერგი-

ლია მასში ღვთიური ნიჭი - ძიება ჭეშმარიტებისა, რომელიც ჰქმნის კაცს თავისუფლად - ბრძანა იმ დღეს მისმა უწმიდესობამ.*

და აი, უკვე რამდენიმე წელიწადია, ეკლესიაც და უნივერსიტეტიც ერთად აღნიშნავენ ამ დიდ დღეს... დღეს დიდი დავითისა და დღეს უნივერსიტეტის გახსნისა. ყოველ 7 (ზეიმის წინა დღეს), ან 8 თებერვალს კათალიკოს-პატრიარქთან მოსალოცად მოდიან უნივერსიტეტის პროფესორ-მასწავლებლები... აღესრულება დიდი, საზეიმო წირვა... ინიტება კელაპატრები, სანთლები... აღესრულება ერის პარაკლისი... შემდეგ კი, ეწყობა შეხვედრა-საუბარი კათალიკოს-პატრიარქის რეზიდენციაში... ეს ერთგვარი ანგარიშია მთელი წლის ნაღვანისა დიდი დავითის სულისა და უნივერსიტეტის მოამბეთა მიმართ.

ასე მოხდა ამჯერადაც. 7 თებერვალს კათალიკოს-პატრიარქი ილია II-ის ლოცვა-კურთხევით, საქართველოს რეზიდენციაში თავი შეიყარეს უნივერსიტეტის პროფესორ-მასწავლებლებმა.

მკითხველს ვთავაზობთ რამდენიმე ფრაგმენტს მისი უწმიდესობის სიტყვიდან:

კათალიკოს-პატრიარქი ილია II:

"ზეუ წმიდა დავით აღმაშენებლის ხსენების დღე. ამ დღეს მთელი საქართველო და განსაკუთრებით უნივერსიტეტი აღნიშნავს; ცხადია, ეკლესიასთან ერთად... დავითის მფარველობით და ლოცვით გაიხსნა უნივერსიტეტი. ძალიან ძნელია შეაფასო ის მაღალი და ღვთის წყალობა, რაც მოუტანა საქართველოს უნივერსიტეტმა.

ბევრი ბრწყინვალე სასწავლებელია ჩვენში, მაგრამ საფუძველი და ღვთის განათლებისა და სულიერებისა არის მინც უნივერსიტეტი. იგი რჩება იმ ფუძედ, რომელიც დავითის ლოცვა-კურთხევით, კირიონის ლოცვა-კურთხევით დაარსდა. ჩვენი დიდი წინაპარი კარგად გრძობდა, რა დიდი მნიშვნელობა აქვს უნივერსიტეტის არსებობას. ყველა მთავარი, დიდი პრობლემა მუდამ წყდება უნივერსიტეტში. საქართველოს გულაა იგი. ამიტომ თქვენ უნდა იგრძნოთ და, გრძნობთ იმდენ დიდ პასუხისმგებლობას ერის წინაშე. თქვენ ყველაფერი გეხებათ... განსაკუთრებით, სულიერება.

ბევრი რამეა, რაც დღეს ჩვენში არ მოგვწონს... ამიტომ, რომ ჩვენი სულა მოუწესრიგებულა. დღეს რომ ვხედავთ ამდენ დარღვევას, ცოდვებს, იმდენ, რომ საზოგადოება დაბალი ზნეობისაა. ზოგს ჰგონია, სულიერების საკითხი ეკლესიაში უნდა წყდებოდეს, მაგრამ ეს ასე არაა. ზნეობის საფუძველი რასაკვირველია, სარწმუნოებაა, მაგრამ დღეს აღამაინა ხშირად მხოლოდ გონების შესაძლებლობებს ვერძნობ... ეს კი დამღუპველია. სწორედ ამან მიიყვანა კაცობრიობა ათეიზმამდე და კომუნისტამდე.

ჯერ კიდევ ვერაპაში დაპროპორიუს ერთამანუს სულიერება და მეცნიერება. ეს კი ჩვენი ყოფიერების ორი ფრთაა და ორივე აუცილებელია.

ხშირად გაიგონებთ, სწორედ ტექნიკამ მივიყვანა დღესუბის პირამდეო. არაა სწორი. საქმე იმაშია, რომ ზნეობა ჩამორჩა. უზნეოთა ხელში მოხდა ტექნიკა. უნდა ვიფიქროთ ზნეობის ამაღლებაზე... ასევე ტექნიკის განვითარებაზეც. სხვანაირად არ შეიძლება. ეს რთული პრობლემაა და მისი გადაწყვეტა დიდძალად ეკისრება უნივერსიტეტს.

როგორი უნდა იყოს ზვლინდელი ქართველი? ჩემის აზრით, უპირველეს ყოვლისა, ჩვენ მის სულიერ განვითარებაზე უნდა ვიფიქროთ. უნივერსიტეტმა უსათუოდ უნდა იფიქროს სამუალო სკოლაზე. ეს უმთავრესი პრობლემაა. იქ უნდა შეიქმნას ისეთი პროგრამები, რომელიც ნამდვილად აღამაინებს აღზრდის. ის ბავშვები, ახლა სკოლის მერხს რომ უსხედან, ზეუ

* სიტყვა, თქმული კათალიკოს-პატრიარქ კირიონ II-ის მიერ ქართული უნივერსიტეტის გახსნის დღეს. იხ.ყურნ. "ჯვარი ვახსა". 1988 წ. N 3. გვ. 47.



საქართველოს საპატრიარქო კადრი უნივერსიტეტის პრიფესორ-მასწავლებლებთან შეხვედრიდან

თქვენთან მოვლენ და თქვენი გასაზრდელუბი იქნებოდნენ. უნდა ჩაერიოთ ამ პროგრამების შექმნაში. მაგრამ როგორ დამყარდეს კატორი ეკლესიასა, სკოლასა და უმაღლეს სასწავლებლებს შორის. აი, ესაა საზრუნავი.

ამასთან დაკავშირებით, ჩვენთან შეიქმნა სპეციალური სამეცნიერო კომისია, რომელიც სწავლობს სასკოლო პროგრამებს, როგორც ჩვენში, ისე სხვა ქვეყნებში. მე მინდა, თქვენ ჩართოთ ამ საქმეში.

უკვე გაიხსნა რამდენიმე გიმნაზია, სადაც ნელ-ნელა ვცდილობთ გონებრივ აღზრდასთან ერთად, ბავშვებში შევიტანოთ სულიერება. ყველა ამ საქმეში მთავარი მეკლე უნდა იყოს უნივერსიტეტი.

გილოცავთ დიდი დავითის დღეს... თქვენ გმირები ბრძანდებით, რომ ამ უმძიმეს ჟამს ინარჩუნებთ მხნეობას, გაგამღიეროთ ღმერთმა..."

მის უწმიდესობას სიტყვით მიმართა უნივერსიტეტის რექტორმართინ მეტრეველმა...

"ის, რაც დღეს ამ წმიდა ტაძარში, მისი უწმიდესობისგან მოვიხმინეთ, არის დიდი პროგრამა. ეს ყოველივე უნდა იყოს სახელმძღვანელო ჩვეთვის. უღრმესი

მადლობა. ჩვენ ეს გვაძნელებს.

ნება მომეცით, მოგილოცოთ წმიდა დავითის დღე. მივეულოცო ქართულ ეკლესიას. არ არის შემთხვევითი, რომ სწორედ დავითის ხსენების დღეს არის დაფუძნებული ჩვენი უნივერსიტეტი. თქვენ ბრძანეთ და მეც გავიმეორებ: იცოდა ივანე ჯავახიშვილმა რატომაც დაამთხვია იგი ამ თარიღს. დავითი იყო გულათის დამფუძნებელი. მემტატანე ბრძანებს, რომ გელათი არის "აღმატებული ყოველთა წინანდელთა ქნულთა..." "სხგად ათინად და მერე იერუსალიმად" მოველინ იგი საქართველოში.

ზღალ თენდება ეს დღე. კათალიკოს კირიონის დლოცილია უნივერსიტეტი. უნივერსიტეტს არ უღალატნია თავისი წმიდა და თეთრი სახელისათვის.

მოუხედავად დღევანდელი სიღუნჭირისა, ეს დღე ერთგვაროდ მჭირფასია ერისა და ბერისათვის, სრულიად საქართველოსათვის.

საოცარი რამ ხდება... მალე აშენდება უნივერსიტეტში დავით აღმაშენებლის ტაძარი. უსახსროდ და მაინც... მხოლოდ სულით.

ფეხზე წამოდგომით გილოცავთ ამ დღეს.

საქართველოს ეკლესია ქვეყანას მუდამ გვერდში ედგა და პირად მაგალითს უჩვენებდა.

საქართველო ქრისტიანობამ გადაარჩინა. იყო პერიოდები, როცა ქართველი და ქრისტიანი ერთ და იგივე ცნებად აღიქმებოდა. უდიდესია ეკლესიის წვლილი ქვეყნის წინაშე. ისეთი შემთხვევაც არაერთხელ ყოფილა, საქართველოს გადასარჩენად ბერს, თავისი სამოსი რომ გაუნდია და იარაღი აუსხამს. ამის უფლებას მას თვით უფალი ჩვენი, იესო ქრისტე აძლევდა, რადგან ყველა ჩვენი ომი წმიდა იყო. ეს იყო ომი ქვეყნისა და ქრისტიანობის გადასარჩენად. ჩვენ გამაყობთ ჩვენი ეკლესიით. ყოველთვის ღირსეული პატრიარქები ჰყავდა მას... ამბროსი გმირადაც კი შეიძლება შეირაცხოს.

მათი გზის ღირსეული გამგრძელებელი ბრძანდებით თქვენ, თქვენი უწმიდესობა. დიდა თქვენი ამაგი სამოცდაათი წლის სიბნელიდან ერის გამოყვანის საქმეში. ესეც გმირობის ტოლფასია. თქვენის დეწლით, ჩვენს თვალწინ დაიწყო ერის გასულიერება.

რა დამაიწყებს... სულ უახლესი პერიოდის მძიმე დღეებში თქვენ იყისრეთ დიდი მისია... ერთი წამითაც არ ისვენე-

ბლით... აქ, თითქმის მუდმივად მიმდინარეობდა დიდი სხდომები, ქვეყნის გადარჩენად.

ბრწყინვალეა თქვენი ეპისტოლეები. ეს პროგრამაა, რომელიც უნდა შევასრულოთ. გვინდა გამოვხატოთ ჩვენი ერთობა ეკლესიასთან. ღმერთმა დიდხანს უცოცხლოს საქართველოს თქვენი თავი."

შეხვედრაზე სიტყვები წარმო-სთქმევს ქალბატონმა მარია ლორთქიფანიძემ, ბატონებმა: კოტე წერეთელმა, ევგენი ხარაბემ, ლევან სანიკიძემ და სხვ.

ითქვა: როცა დავით აღმაშენებლის ეკლესიას აკურთხებენ, იმავე დღეს პანაშვიდი გადაუხადონ ყველას, საქართველოსათვის აღსრულ-ებულთა სულეებს...

სიტყვა წარმოთქვა, აგრეთვე ბერძენმა სტუმარმა, სამღვდელთა პირმა: მან ბრძანა:

"შინა უწმიდესობამ, ილია II-მ უდიდესი პატივი დამლო ამ შეხვედრაზე მოწვევით. შეწუხებულნი ვი ვარ. მე ვარ სტუმარი ამ ქვეყნისა, მაგრამ ისეთი განცდა მაქვს, თითქოს ჩემს სახლში ვიყო. ჩემს წინაშე ვხედავ ერთმორწმუნე ხალხს. ეს ძალიან მაღელვებს და მახარებს. რაკი პლატონი ახსენეს (იგი ახსენა მწერალმა ლევან სანიკიძემ და თქვა... პლატონი ყოველ დღით, როცა მზეს შეხედავდა, ამბობდა: გამაღობ უფლო, ბერძნად რომ გამაჩინეო. და დ. ძინა: - ჩვენც შევეძლია იგივე ვთქვათ. გამაღობ უფლო, ქართველად რომ გამაჩინე!" რედ.). მეც ვიტყვი: მან თქვა, მატერია ეს არის ცხენი... სული კი არის მხედარი. საქართველოს სული, ეს არის მისი მოძღვრები, მასწავლებლები. მე მინდა მარადიული სიცოცხლე და ჭირთათმენით მოაოვებელი მშვიდობა ეკსურვო ამ ქვეყანას... დაელოცო უნივერსიტეტი და მთელი ქართველი ერი.



მიტროპოლიტი კონსტანტინე (მელიქიძე)

7 თებერვალი.

ბერძენი სტუმრები საქართველოს საპატრიარქოში.

გვესაუბრება

მარგვეთის ეპარქიის მმართველი

მიტროპოლიტი კონსტანტინე



ოდესღაც ეს კუთხე, ისე, როგორც ყველა კუთხე საქართველოსი, ტაძარ-სალოცავებით იყო მოფენილი. განუწყვეტლივ აღავლენდნენ წმიდა მამანი ლოცვებს ღვთისმშობლისა და მაცხოვრის ეკლესიაში... წმიდა ნინოს, წმიდა გიორგის, იოანე ნათლისმცემლის სალოცავებში, მარგვეთის მთავართა - დავით და კონსტანტინეს სულელებს ავედრებდნენ ქვეყანას და არსთა გამრიგეს მარადის ნანატრ მშვიდობას შესთხოვდნენ.

რწმენით და სასოებით აშენებდა ძველად ამ ტაძრებს ქართული კაცი... აშენებდა მღვიმევის, ჯრუჭის მონასტრებს, სადაც საუკუნეთა მანძილზე მწიგნობრული სკოლა არსებობდა.

იწერებოდა საეკლესიო წიგნები, გალობები, იკერებოდა სამღვდლო შესამოსელი, მზადდებოდა ხატები. შემდეგ კი... სულ რაღაც ორი საუკუნის განმავლობაში, ყოველივე დაინგრა. ხალხი მოაშორეს ეკლესიას. დადგა უღმერთობის ხანა, ხანა ადამიანთა სულიერი გამოცდისა.

და აი, ღვთის დიდი განგებით, კვლავ გაიღვიძა ჩვენს ხალხში სარწმუნოების სიყვარულმა. ტალღა, რომელიც მოედო მთელ საქართველოს, მარგვეთის ეპარქიასაც მისწვდა. მრავალი დანგრეული ტაძარი აღდგა უკვე. ოცამდე ეკლესიაში მიმდინარეობს წირვა-ლოცვა. მიმდინარეობს ტაძართა რესტავრაციაც.

რესტავრაციის პროცესშია და მალე ამოქმედდება წმიდა ნინოს ტაძარი საჩხერეში, სასაფლაოს ტერიტორიაზე.

აღდგა ცნობილი მღვიმევის დედათა მონასტერი, ტაძარს გაუკეთდა ტრაპეზ - კანკელი, გადაიხურა ჭერი, გამაგრდა და შეილესა კედლები. განზრახულია მისი მოხატვა.

ასევე, მიწისძვრამ დაანგრია და ამჟამად უკვე აღდგენილია მაცხოვრის ეკლესია სხვიტორში. იგი აღადგინა ახალგაზრდა მღვდელმა, მამა მიქაელმა.

სარესტავრაციო სამუშაოები მიმდინარეობს სენეთში. მას მოთავეობს ამავე სოფლის მკვიდრი, პედაგოგი შოთა მეცხვარიშვილი.

განზრახულია და, ალბათ, ახლო მომავალში დაიწება ცნობილი ჯრუჭის მონასტრის აღდგენა. იგი მთლიანად დანგრეულია.

ახალი ტაძარი შენდება ყვირილას ნაპირზე, ზესტაფონში. ეს დიდი, საკათედრო ტაძარი იქნება.

ახალი ტაძრისათვის ადგილი გამოიყო და მოსამზადებელი სამუშაოები მიმდინარეობს თერჯოლაში, ზედა სიმონეთში, საჩხერეში, ჭიათურაში.

დიდა მოსახლეობის ინტერესი ეკლესიისადმი. მათი სურვილია, მათმა შვილებმა შეისწავლონ საღვთო სჯული, საერთოდ, იესო ქრისტეს მოძღვრება. ამასთან დაკავშირებით, ეპარქიას დაეკვემდებარა ორი საბავშვო ბავშვ ზესტაფონში, სადაც ბავშვები მარტივი რელიგიური ცოდნით იმომღვრებიან.

მეორე წელიწადია, მოქმედებს სამრევლო სკოლა. აქ საშუალო სკოლებში პირველადწყებითი რელიგიური სწავლებისათვის ამზადებენ პედაგოგებს. სკოლაში 200-მდე მოზარდი სწავლობს. აქვე სწავლობენ გალობას, ხატვას, ხელსაქმეს. სამრევლო სკოლა მოქმედებს ჭიათურაშიც.

ასეთივე სკოლა გაიხსნა მღვიმევის მონასტერში, სადაც ამზადებენ მეღვთისმცოდნეებსა და მგალობლებს. აქ ეუფლებიან რელიგიურ ცოდნას.

განზრახულია ეპარქიაში გამოიცეს ყოველთვიური გაზეთი, რომელშიაც აისახება ამ კუთხის საეკლესიო ცხოვრება. დაიბეჭდება განმარტებითი ხასიათის წერილები და მიმდინარე პროცესების ამსახველი მასალები.



საბერძნეთის მეფე, მისი უდიდებულესობა კონსტანტინე და სრულიად საქართველოს კათოლიკოს-პატრიარქი ილია II

სიტყვა, წარმოთქმული მისი უფიძახობისა და უნებარესობის, სრულიად საქართველოს კათალიკოს-პატრიარქის, ილია II-ის მიერ მისი უდიდებულესობის, საბერძნეთის მეფე კონსტანტინეს საქართველოში ვიზიტის დროს.

(1995 წლის 2 მარტი)

თქვენო უდიდებულესობავ, ქრისტესმიერ საყვარელო ძმაო ჩვენი!

დიდია უფალი და საკვირველია საქმენი მისნი და წყალობა მისი.

დღევანდელი დღე არის ისტორიული და ბედნიერი ჩვენთვის.

თითქოს აღდგა ათასი წლის წინანდელი ტრადიცია, როცა ბიზანტიის იმპერატორები ეწვეოდნენ ხოლმე, საქართველოს და ჩვენი მეფენი ჩადიდნენ საბერძნეთში.

თქვენს ვიზიტში ჩვენ ვხედავთ ნიშანს ღვთის დიდი განგებისა და ამიტომაც ფსალმუნის სიტყვით ვამბობთ:

"ესე არს დღე, რომელ ქმნა უფალმან, ვიხარებდეთ და ვიშვებდეთ ამას შინა" (ფს. 117.24)

თქვენმა ჩამობრძანებამ საქართველოს მიწაზე,

წარსულ საუკუნეთა სუნთქვა მოიტანა და გაგახსენა ჩვენი ქვეყნების ურთიერთობებთან დაკავშირებული მოვლენები.

ქართველ ტომთა შესახებ წერდნენ ძველი ბერძენი ისტორიკოსები: ჰეროდოტე, ქსენოფონტე, სტრაბონი, პტოლომაიოსი, ფლავიუსი, არიანე.

ბერძენთა ინტერესი საქართველოსადმი მხოლოდ კეთილმეზობლობით არ შემოიფარგლებოდა. ჯერ კიდევ VII-VI საუკუნეებში ჩვენს წელთ აღრიცხვამდე საქართველოს დასავლეთ ნაწილში, შავი ზღვის სანაპიროზე, გაჩნდა ბერძენთა ახალშენების: ფაზისი (ფოთი), გიენორი (ოჩამჩირე), დიოსკური (სოხუმი), პიტუნტი (ბიჭვინთა). ძველი პიტუნტის, კანის, ქუთაისის, ნოქალაქევის, არმაზის არქეოლოგიური აღმოჩენები ადასტურებენ იმ ეკონომიკურ და კულტურულ კავშირ-ურთიერთობებს, რომელიც ანტიკური ხანიდან არსებობდა ჩვენს შორის.

ქართულ-ბერძნული ურთიერთობები კიდევ უფრო გაცნობიერდა IV საუკუნის 30-იანი წლებიდან, როცა ახლადგაქრისტიანებულ ქართლის მეფე მირიანს და დედოფალ ნანას, ქართველთა სამწყვსოს, ბიზანტიის პირველმა ქრისტიანმა იმპერატორმა, კონსტანტინე დიდმა, საჩუქრად გამოუგზავნა მაცხოვრის სამსჯავლი, და წარმოგზავნა სასულიერო პირნი სარწმუნოების განსამტკიცებლად; ამ დროიდან, ჩვენს ერებს შორის საფუძველჩაყრილი მეგობრობა საუკუნეებით გამოიცადა.

ბიზანტია და ქართული სამეფოები-ეგრისი და ქართლი ერთობლივად იბრძოდნენ მანდიანობის წინააღმდეგ კავკასიაში.

VI საუკუნეში ბიზანტიელთა და ქართველთა შეერთებული ძალით, მოხერხდა ირანელთა განდევნა ამიერკავკასიიდან.

VII-VIII საუკუნეებში ბიზანტია გარკვეულ დახმარებას უწევდა ქართველებს არაბების წინააღმდეგ ბრძოლაში; თავის მხრივ ტაო-კლარჯეთის მეფემ, დავით III კურაპალატმა გადასწყვეტი როლი ითამაშა ბიზანტიის იმპერატორ ბასილი კეისრის წინააღმდეგ დაწყებულ ბარდასკლიაროსის აჯანყების დამხობაში.

ქართველ და ბიზანტიელ მეფეებს საქორწინო ნათესაობაც აკავშირებდათ: ვახტანგ გორგასალის მეუღლე, ელენე, ბიზანტიის იმპერატორის ასული იყო.

ბაგრატ IV-ს (1028-1072) ცოლად ჰყავდა ბიზანტიის იმპერატორის მძისწული.

ქართველი მეფის ასული უნდა გაჰყოლოდა ბიზანტიის უკანასკნელ იმპერატორს, კონსტანტინე პალეოლოგს, მაგრამ იგი მოულოდნელად გარდაიცვალა.

ამასთან ერთად, მრავალი ქართველი აქტიურად მონაწილეობდა ბიზანტიის სახელმწიფოებრივ და პოლიტიკურ ცხოვრებაში. ერთი ტკივილი და სიხარული აკავშირებდა ჩვენს ეკლესიებსაც. მათ ერთობლივ საზრუნავს წარმოადგენდა ბრძოლა, როგორც უცხო რელიგიების წამოჭრის წინააღმდეგ, ისე ქრისტიანობის წიაღში აღმოცენებულ სხვადასხვა მწვალებლობათა აღმოფხვრისათვის ზრუნვა, რაც აქტუალურია დღესაც.

IX-X საუკუნეებიდან ბიზანტიური კულტურის დიდი აღმავლობის ხანა დაიწყო. ბიზანტია მთელი ქრისტიანული მწერლობის ცენტრად იქცა. განვითარდა ფილოსოფიური აზროვნება, აყვავდა ფილოსოფიური სკოლა; იგი ვითარდა ქრისტიანობის ბურჯი და მწიგნობრობის ცენტრი, იზიდავდა სხვადასხვა ერის მართლმორწმუნეთ და მათ შორის ქართველებსაც. ოლიმპოზე, ათონზე, იერუსალიმში, პეტრიწონში, შავ მთაზე საფუძველი ჩაეყარა ქართულ საკანებს, სადაც დაიწყო მრავალმხრივი მუშაობა ბიზანტიური კულტურის შე-

მოქმედებითი ათვისებისათვის.

ქართველ მოღვაწეთა მიერ შექმნილ მემკვიდრეობას უდიდესი მნიშვნელობა ჰქონდა ეროვნული მწიგნობრობის განვითარებისათვის. ქართველმა მოღვაწეებმაც გარკვეული წვლილი შეიტანეს ბიზანტიური კულტურის აღორძინებაში.

ჩვენ ქედს ვიხრით ბერძენი ხალხის კულტურული და სულიერი მემკვიდრეობის წინაშე, რომლის მოვალეც მთელი ქრისტიანული და არა მარტო ქრისტიანული სამყაროა.

ჩვენ მუხლს ვიდრეკთ ბასილი დიდის, იოანე ოქროპირის, გრიგოლ ნაზიანზელის, ათანასე ალექსანდრიელის, გრიგოლ ნოსელის, გრიგოლ დვინისმეტყველის, გელასი კესარიელის, რომანოზ მელიდოსის, იოანე დამასკელის, გრიგოლ პალამას, ანდრია კრიტელის, ათონელ მოღვაწეთა და სხვა მრავალ წმიდა მამათა წინაშე; გამოვთქვამთ ჩვენს აღტაცებას, ბიზანტიური ფილოსოფიური სკოლის რჩელთა მიმართ, ბიზანტიური ხატწერის არქიტექტურის, ოქრომჭედლობის, სახვითი ხელოვნების, მეცნიერების ცნობილ წარმომადგენლებისადმი.

საბერძნეთი ყოველთვის იქნება ნიშანსეუბი ქრისტიანობისა, ამიტომაც განსაკუთრებით გვახარებს ამ მადლმოსილი ქვეყნის მირონცხებული მეფის ჩამობრძანება ჩვენს ქვეყანაში.

მიგვაჩნია, რომ ჩვენს აპოკალიფსურ დროში განსაკუთრებული მნიშვნელობა აქვს მართლმადიდებელ სახელმწიფოთა და ეკლესიათა კავშირსა და თანადგომას. მოხარულნი ვართ, რომ ჩვენი ქვეყნები ისწრაფვიან ურთიერთობის შემდგომი განმტკიცებისა და თანამშრომლობის გაღრმავებისაკენ.

საბერძნეთისა და საქართველოს პირველ ქრისტიან მეფე-დედოფალთა, წმიდა კონსტანტინე და ელენეს, წმიდა მირიან და ნანას მადლით, ჩვენს დიდებულ წინაპართა ღვაწლით, ხილული და უხილავი მტრებისაგან დაიცვას და დაიფაროს ღმერთმა ჩვენი ქვეყნები, მოგვანიჭოს მშვიდობა და სიყვარული, ძალა სულიერებისკენ სწრაფვისა და ქრისტეს ჭეშმარიტი გზით დაუბრკოლებელი სვლისა.

თქვენო უდიდებულესობავ, მიიღეთ ჩვენი პატივისცემა და სიყვარული. ინებოს უფალმა თქვენი მრავალჟამიერი სიცოცხლე და თქვენი ღვთიერთნო ზრახვების აღსრულება.

"იყავნ უფალო წყალობავ შენი ჩვენ ზედა, ვითარცა ჩვენ შენ გესავთ (ფს. 32, 22).

ილია II,

სრულად საქართველოს კათოლიკოს-პატრიარქი.



უკრაინის პრეზიდენტი ლეონიდე კუჩმა საქართველოს საპატრიარქოში

X X X

არა პურითა ხოლო ცხონდების კაცი, არამედ სიტყვითა, რომელი გამოვალს პირისაგან ღმრთითა (მთ.4.4). სწორედ ეკლესია არის წიადი იმ სულიერი სიტყვისა, ერს რომ უნდა განენაწილოს, ვითარცა ხუთი პური, იესოს ხელთაგან რომ მიიღეს მოციქულთა და ათასებს ამყოფინეს. დღეს განსაკუთრებით მწვავედ იგრძნობა ეს წყურვილი საღმრთო რძისა და ეკლესიაც განაგრძობს თავის დაფარულ ღვაწლს, რომ დააპუროს ზეციური პურით დამაშვრალი და გზაზე დაცვივებული ერი. ეს ღვაწლი სამოციქულო ეკლესიისა გარკვეულწილად დაფარულია საპატრიარქოს კედლებს მიღმა, და ჩვენ გადავწყვიტეთ, იგი შეძლებისდაგვარად მკითხველის წინ განვეფინოთ და კვლავ გავიხსენოთ, რომ "სარწმუნოებად თვინიერ საქმეთა მკუდარ არს" (იაკობ. 2.26).

ჟურნალი თანდათანობით გააშუქებს საპატრიარქოში არსებულ მისიისა და ევანგელიზაციის, ეკლესიის საგარეო ურთიერთობის, სოფლის მეურნეობისა და სხვ. განყოფილებათა საქმიანობას. წარმოაჩენს საპატრიარქოს მხატვარ-რესტავრატორთა და მქსოველთა ღვაწლს ახალი ფერწერული ხატებისა თუ ძეგლის აღდგენა-გადაწერაში, ქსოვისა და საეკლესიო ნაქარგობის ხალხური ტრადიციების აღდგენაში, მოგითხრობს საეკლესიო საგალობლების შემსწავლელ ბავშვთა გუნდზე, საპატრიარქოში არსებული მოწყალების ინსტიტუტზე და სხვა.

ამჯერად გაგაცნობთ საზოგადოება "ძლევაჲს" საქმიანობას, რომელმაც ამ ცოტა ხნის წინ საპატრიარქოს კედლებში დაიდო ბინა.

მანანა ჯანელიძე



4 იანვარი (მისი უწმიდესობის დაბადების დღე).
ქალბატონი ნინო რამიშვილი საქართველოს საპატრიარქოში



საქართველოს ახალგაზრდული ცენტრი "ძლევის" დაარსდა 1993 წლის 9 ივნისს. შ. რუსთაველის სახელობის სახელმწიფო აკადემიური თეატრის შენობაში გაიმართა "ძლევის" დამფუძნებელი სხდომა. 1994 წლის ივლისის თვეში მოხდა ცენტრის რეორგანიზაცია.

საქართველოს ახალგაზრდული ცენტრი "ძლევი" წარმოადგენს კულტურულ საგანმანათლებლო, საკვლამოქმედო აპოლიტიკურ ორგანიზაციას, რომელიც მოქმედებს საქართველოს კათალიკოს-პატრიარქის ლოცვა-კურთხევით. იგი აერთიანებს საქართველოში მოქმედ ახალგაზრდულ ორგანიზაციებს. დაფუძნებისას მისი წევრი იყო 14 ახალგაზრდული ორგანიზაცია. ეს ორგანიზაციები ქმნიან "ძლევის" სათათბიროს, რომელიც ამტკიცებს განყოფილებების კონცეფციებს და კოორდინაციას უწევს მათ ერთობლივ საქმიანობას. ცენტრში მოქმედებს შუამდგომლობის განყოფილებები: განათლების, კულტურის, სპორტის, გეოლოგიისა და ჯანდაცვის, ახალგაზრდული პრობლემების, დემოგრაფიის, საგარეო ურთიერთობის, რეგიონების ურთიერთობის და ეკონომიკის. ისინი წარმოადგენენ მულტიმომქმედ ორგანიზაციებს და თავისი სპეციფიკის მიხედვით ახორციელებენ ცენტრის მიზანს - ქრისტიანული და ეროვნული ცნობიერების და ცხოვრების წესის აღდგენას და დამკვიდრებას

ახალგაზრდაში და საერთოდ, საზოგადოებაში.

"ძლევი" მოღვაწეობს რესპუბლიკის მასშტაბით. ცენტრის რეგიონალური და საქალაქო ორგანიზაციები საქართველოს თითქმის ყველა კუთხეში მოქმედებენ.

1994 წლის 4-14 აპრილს საქართველოს კათალიკოს - პატრიარქის ლოცვა-კურთხევით, "ძლევიმ" მოაწყო I ახალგაზრდული კონფერენცია სახელწოდებით "ქრისტიანობა და ქართული კულტურა", რომელიც გაიმართა ქუთაისში, სექციების და მიხედვით, სხვადასხვა უმაღლეს სასწავლებლებში. გამარჯვებულებს მისმა უწმიდესობამ გადასცა სამახსოვრო საჩუქრები. მათ, აგრეთვე გადაეცათ სიგელები.

1994 წლის ივლისის თვეში "ძლევის" ინიციატივით მოეწყო ბავშვთა ბანაკი, თბილისის ბოტანიკურ ბაღში. აქ დიდი მოხუდი ბავშვები მთელი დღის განმავლობაში იყვნენ აღმზრდელებთან, ხოლო საღამოს სახლებში ბრუნდებოდნენ აგვისტოს თვეში ბანაკი გადავიდა დღე-ღამურ ბუშაბაზე კიუროში. დამსწრეებელთა რიცხვმა 250-ს გადააჭარბა. ბანაკი მოეწყო საკვლამოქმედო ფორმით. ოქტომბრის თვიდან დაიწყო თანამშრომლობა ავჭალის მოზარდთა კოლონიასთან.

ნოემბერ-დეკემბერში მოეწყო გახვლები საქართველოს სხვადასხვა კუთხეში, კერძოდ კახეთში, იმერეთში, სამეგრელოში, გურიაში, აჭარაში, სადაც გაიმართა შეხვედრები ადგილობრივ ახალგაზრდებთან და ახალგაზრდულ ორგანიზაციებთან, რის შედეგადაც შეიქმნა "ძლევის" ზეოიანიშნული რეგიონალური და საქალაქო ორგანიზაციები.

1995 წლის 14 აპრილისთვის ცენტრის მიერ გამოცხადებულია ბავშვთა ნახატების გამოფენა "ბუნება და ძველი", რომელიც გაიმართება საქართველოს მასშ-

ტაბით. იანვრის თვეში "ძლევის" გურიის რეგიონალურმა ორგანიზაციამ, ქოზრგეთში, მოაწყო ამ გამოფენისათვის რეგიონიდან წარმოგზავნილი ნახატების გამოფენა.

კულტურის, განათლებისა და სპორტის განყოფილებები გეგმავენ ბავშვთა და მოზარდთა სექციების შექმნას.

გეოლოგიისა და ჯანდაცვის განყოფილება გეგმავს სხვადასხვა გეოლოგიურ ღონისძიებებს (ლაშქრობას და ბანაკებს), საკვლამოქმედო სამკურნალო ორგანიზაციებსა და სამსახურებს.

საგარეო განყოფილება მუშაობს საქართველოში და მის საზღვრებს გარეთ მოქმედ ახალგაზრდულ და სხვა ორგანიზაციებთან და დაწესებულებებთან კონტაქტების დამყარებისა და მჭიდრო თანამშრომლობისათვის.

ვაიბრებთ შექმნებითი, კულტურულ-საგანმანათლებლო ტელე და რადიო გადაცემების მომზადებას.

ახალგაზრდული ცენტრის პრეზიდენტი გიორგი ანდრიაძე კონსტანტინოპოლში, 1994 წლის 14-21 აგვისტოს ჩათვლით, ესწრებოდა საერთაშორისო ახალგაზრდული მართლმადიდებლური ორგანიზაციის - "სინდესის" მიერ ორგანიზებულ კონფერენციას; დამყარდა კონტაქტები მსოფლიოს სხვადასხვა ქვეყნების ახალგაზრდულ მართლმადიდებლურ ორგანიზაციებთან, დაისვა საკითხი "სინდესის" "ძლევის" გაწევრიანების შესახებ, რომელიც საერთაშორისო ორგანიზაციის უახლეს გენერალურ ანამბულაზე დადებითად გადაწყვედა.

საქართველოს ახალგაზრდული ცენტრი "ძლევი" საამოცნებით ითანამშრომლებს ყველა დაინტერესებულ ახალგაზრდულ თუ სხვა ორგანიზაციებთან და კერძო პირებთან.



X X X

გასულ წელს ფრიად საყურადღებო წიგნი გამოსცა საქართველოს საპატრიარქომ. ესაა მთავარეპისკოპოს ანანიას (ჯაფარიძე) ნაშრომი... "ქართველთა წინაპრების ბიბლიური ისტორია ადამიდან იესომდე". უკვე რამდენიმე წელიწადია, უწმიდესის ლოცვა-კურთხევით, თანმიმდევრული გულმოდგინებით, დიდსაჭირო საქმეს ეწევა მთავარეპისკოპოსი ანანია. ეკლესიის მოღვაწეთა და საერთოდ, მორწმუნეთათვის სამაგიდო წიგნებადია ქცეული მისი "საქართველოს სამოციქულო ეკლესიის ისტორიის" პირველი ორი ტომი; ასევე, ქართული ეკლესიის ეპარქიათა ისტორიის ამსახველი ვრცელი გამოკვლევები, მთელი რიგი სტატიები, რომელთა ნაწილი საერო პრესაშიც გამოქვეყნდა.

ეპისკოპოსი ანანია ერთი იმ კეთილმსახურ მამათა შთამომავალია, რომელთაც თავიანთი ღვაწლით, თავის დროზე, წარსულ საუკუნეებში აღწერეს და ქვეყანას ჩვენი ეკლესიის დიდნი საქმენი შეუნახეს. სამწუხაროდ, მათი შრომებიდან მცირე-ღა გადარჩა, მცირემ-ღა მოაღწია. ძალზე ჭირს, ხშირად სიტყვანაწევრებულ და ფუნჯგამომშრალ საუკუნეებში ჭეშმარიტების ამოძიება და მისი წარმოჩენა. ამიტომაც განსაკუთრებით დასაფასებელია მეუფე ანანიას ღვაწლი.

წიგნის შესავალში იგი წერს: შესაძლოა, თემის უჩვეულობისა და სხვა მიზეზთა გამო გაგვეპარა უზუსტობანი, შეცდომა-ლაფსუსები, მაგრამ იმედი მაქვს თქვენი გულმონაწილებისა და შენდობას ვითხოვო... აქაც ძველ მამათა მსგავსად თავმოდრეკილი და შენდობის მთხოვნელია იგი...

მემატიანეებმა მოიძიონ ამ წიგნში შეცდომა - უზუსტობანი. ჩვენ კი, გვინდა მას ეუთხრათ მხოლოდ მაღლობა, თუნდაც იმის გამო, რომ ჩვენს დროში, მან ერთ-ერთმა პიჭველმა გააცოცხლა ქართული ეკლესიის მწიგნობრული ტრადიცია... გააცოცხლა მატიანეთა ურთიერთ შეჯერებით. ავტორის განმარტებით, ეს წიგნი არის შესავალი მრავალტომიანი მონოგრაფიისა "საქართველოს სამოციქულო ეკლესიის ისტორია".

წიგნი იწყება სამყაროს შექმნის ისტორიით. იგი მოგვითხრობს წარღვნისა და ბაბილონის გოდოლის, ენათა აღრევის, პირველ წინაპართა სარწმუნოების, ასევე პროტო-ქართველური ენების, თუბალისა თუ მოსოქის, იბერების, ფარნაკაზის მეფობისა და ქართული ანბანის წარმოშობის, ქართული დამწერლობისა და ქრისტიანობის გავრცელების შესახებ საქართველოში და სხვა.

ყოველივე ამის საწყისებთან, თვით კაცობრიობის აკვანთან, ავტორის თვალსაზრისით, იდგა ქართველი ერი... ის ტომები, რომელთაც შემატიანენი ქართველთა წინაპრებად მიიჩნევენ.

წიგნი დაწერილია კარგი ქართულით და ინტერესით იკითხება.

ღმერთმა შეაძლებინოს მას თავისი ჩანაფიქრის აღსრულება - "საქართველოს სამოციქულო ეკლესიის ისტორიის" მრავალტომიანი მონოგრაფიის შექმნა.

წიგნი დაბეჭდა გამომცემლობა "საქართველომ"... იგი თავისი სახსრებით გამოსცა საერთაშორისო კომპანია "ესაბმა".



Д Ж В А Р И В А З И С А

Данный номер журнала целиком посвящен Абхазии... исторически исконной Грузинской земле, где с начала нашего летоисчисления, с первых веков нашей эры стоят христианские храмы... Их возводили грузинские христиане. Как и вся Грузия, этот уголок земли видел много горя... Богатая плодородная земля, мягкий климат и прекрасное морское побережье притягивали к Абхазии многие страны, близкие и далекие. Они постоянно стремились к этой земле и в трудные для Грузии времена старались проникнуть и закрепиться на ее территории...

Этот процесс еще более усугубился в XVII-XVIII вв. Именно в этот период в этот уголок земли начали проникать разные племена с Северного Кавказа. Постепенно они смешались с коренным населением и стали называться абхазами. Многие из них, например, племя Абсуа, не считают себя абхазами, хотя саму землю считают своей родиной. Грузинский народ, в том числе и те которые являются исконными абхазами, никогда не притесняли пришельцев и не воевали с ними, а наоборот, всегда были вместе, в горе и в радости. Со второй половины прошлого века, с того момента, когда утвердилось господство русского царизма, начался процесс взаимного натравливания царизмом грузин и абхазов (под Абхазией теперь уже подразумевалась другая этническая единица), что разрушило согласие и мир двух народов, живших на одной земле...

Под рубрикой "письма-послания..." напечатаны обращения Католикоса-Патриарха всея Грузии **Ильи П-го**: к Вселенскому Патриарху **Варфоломею I**, к Святейшему Патриарху Московскому и всея Руси **Алексию II**, к Его Святейшеству Папе Римскому **Иоанну-Павлу II**, к Генеральному Секретарю Всемирного Совета Церквей – господину **Эмилио Кастро**, к Генеральному Секретарю Европейской Церковной конференций господину **Жану Фишеру**, к Генеральному Секретарю ООН **Бутрос Бутрос Гали**. Его Святейшество обращается к ним с призывом выступить против террористических банд, вторгшихся в Абхазию из Российской Федерации, и абхазских сепаратистов, которые стремятся нарушить единство Грузинского суверенного государства... и не гнушаются никакими средствами для достижения этой цели... истребляют мирное население, грабят и сжигают дома, насилуют женщин и т.д.

Его Святейшество предупреждает всех о том, что этот процесс может объять множество стран мира. Он призывает всех вознести к Господу молитвы о мире и благоденствии Грузии... Все эти обращения в основном написаны в предвоенный период. Усилиями правительства Грузии кровопролитие в Абхазии прекратилось, однако все-таки напряженная конфликтная ситуация существует.

В статье Архиепископа Анания Джапаридзе "Абхазская Епархия" рассказывается об истории христианства в Абхазии. В ней воочию представлена вся та многовековая дорога, которую прошла христианская Абхазия, испокон веков будучи неотъемлемой частью Грузии.

Под общим заголовком "Господи, дай силы народу нашему" в журнале напечатано несколько статей. Здесь вы прочтете часть книги великого грузинского ученого Павле Ингороква "Георгий Мерчуле". На протяжении десятилетий грузинские ученые не имели права писать правду об

Абхазии. Этому всячески препятствовал коммунистический строй. Павле Ингороква был первым, который смог сказать правду об Абхазии. Свою мысль он сформулировал так — Абхазия — это Грузия, абхаз — это грузин. В ту пору нашлось много противников великого ученого, но время подтвердило правду его слов. В отрывке, напечатанном в журнале, говорится о происхождении Абхазии. Опираясь на грузинские и зарубежные источники, автор отмечает, что Абхазия была синонимом сперва западной Грузии, а после объединения Грузии — синонимом всей Грузии. Ученый доказывает, что не только в VIII в., когда было создано «Абхазское царство», но и на протяжении всей древней истории, в античный период и в средние века, земля эта была населена грузинскими племенами, среди которых одно из племен было абхазским. В данном письме автор касается вопроса о грузинской церковной письменности. Согласно его исследованиям, Абхазское княжество было одним из центров грузинской церковной письменности, а также гимнографии. В своих суждениях автор уделяет большое место реформации абхазской церкви и вообще мероприятиям, которые происходили в тогдашних церквях. Трудно уверить людей, которые на протяжении веков живут на этой земле и считают ее своей родиной, в том, что настоящие абхазы — совершенно другой народ, нежели те люди, которые называют себя абхазами сегодня. Этому вопросу посвящены письма профессора Александра Ониани и беженки из этого уголка (т.е. Абхазии) писательницы Циалы Ардашелиа: «Кто являются древнейшими жителями Абхазской земли» и «Не существует Абхазии без Грузии, так же, как и Грузии не существует без Абхазии».

В журнале опубликована карта I века которую составил по заданию Римского императора, государственный правитель большей части Малой Азии — Плиний. В энциклопедии, написанной на латинском языке, он указал место жительства абсуа не около Черного моря, а в северной части Северного Кавказа — в долине одного из регионов, между Терекком и Волгой. Он писал, что абсуа проживали рядом с племенами скифов. В связи с этим в журнале напечатано письмо Нателы Попхадзе под заголовком: «Абсуа — это не абхазы, Абсны — не Абхазия». Письмо всесторонне интересное.

Под этой же рубрикой журнал предлагает читателю письмо академика Мариам Лорткипанидзе «Церковная реформа в Абхазском царстве». Проследившая процесс церковных реформ в Абхазии на протяжении веков, автор отмечает, что в объединении раздробленных грузинских княжеств (в том числе и Абхазского) в одно единое государство, в этом большом национальном деле — грузинская церковь всегда стояла рядом с царями Грузии и была главным союзником централизованной власти.

Статья «Под именем Пицунда...», автор — Акакий Бакрадзе — писатель-историк. Он считает, что функция Бичвинты (Пицунды) заключалась в том, что она являлась церковным центром всей Западной Грузии на протяжении веков, он отмечает, что когда грузинские цари воевали между собой и проливали кровь, даже тогда не забывали, что они — все же сыновья одной страны, одного народа и единой церкви. Автор считает, что грузинский народ должен осознать, что Абхазия — это исконная территория Грузии и абхаз — это грузин. «Этой точки зрения придерживаются все, — замечает автор и заключает, — в восстановлении этого сознания особую роль может сыграть Грузинская Церковь».

В стране, растерзанной после боев с внешними врагами, пришлось жить сыну последнего правителя Абхазии — Георгию Шарвашидзе. В журнале напечатано письмо о нем, его фотография и одно стихотворение.

Храмами насыщена вся Грузия... И в этом отношении одним из самых богатых уголков является Абхазия. В первые же годы христианства здесь были возведены храмы, большие и малые. Об этих храмах и молельнях и о сохранных в них фресках рассказывают: академик Вахтанг Беридзе — «Памятники культуры в Абхазии», Димитрий Туманишвили — «Христианские храмы Абхазии», Инга Лорткипанидзе — «Беда, Лихнэ, Бичвинта». Тут же напечатано письмо Елены Мачавариани — «Иллюстрированное Евангелие Мокви»...

«У карты Абхазии»... Автор — профессор Зураб Чумбуридзе. В статье рассматриваются образцы топонимики этого уголка, где основная часть — грузинская. Автор заключает, что грузины — древнейшие обитатели Абхазской земли, и этого отрицать не может никто.

Одним из древних и особенно значительных для Грузии храмов считается храм Илорского Святого Георгия... Множество чудес приписывают ему местные жители и верующие. Храм этот находится на территории Абхазии... В журнале опубликовано письмо этнографа Нино Абакелия: «Илорский Святой Георгий и связанные с ним представления в сознании верующих Западной Грузии.» Автор рассматривает представления верующих о храме и выражает надежду, что великий покровитель Грузии Св.Георгий восстановит мир и справедливость на этой измученной земле.

В статье «Грузино-Абхазское историческое прошлое в Абхазской историографии», автором которой является житель этого уголка, исследователь Зураб Папаскири, на основе грузинских и зарубежных источников пишет, что на протяжении многих лет в целенаправленной бесконечной

антигрузинской кампании особую роль играли фальсификация и искажение исторических фактов. Автор отмечает, что особенно в последние годы искажение фактов истории и ее фальсификация были возведены в ранг государственной политики. Он перечисляет авторов целого ряда трудов — ученых, которые способствовали раздору между двумя когда-то дружественными народами; это, следующие авторы: С.Ашхацава, Н. и Л.Вороновы, Д.Гулия, Ш.Инал-Ипа, С.Лакоба, Г.Турчанинов, М.Ростовцев (редактор) и другие. В статье З.Папаскири даны некоторые штрихи абхазской сепаратистской историографии.

Богословие... Под этой рубрикой публикуется статья профессора Даманы Меликишвили “Иоанн философ-богослов, под именем Петрици — солнце грузинского языка”. Начиная с Нико Марра, стало традицией признавать необоснованные суждения о том, что адресат письма Иоанна Италоса, некий “грамматист абаз”: — есть Иоанн Петрици. Об этом где-то вычитали “горелые абсуа” и подняли тревогу — Иоанн Петрици Абсуа. Опровержение этого умозаключения мы встречаем в рукописях самого Петрици... Сам он считает себя грузином и, как он говорит, для своего народа создает философский язык. В данной статье читатель познакомится с творчеством И.Петрици и его философией.

Поэзия... Под этой рубрикой публикуются стихи деятеля X века, который жил в Абхазии, гимнаста Ивана Минчи.

В обращении Католикоса-Патриарха всея Грузии **Илья II**, сказано: “На протяжении веков грузинский и абхазский народы жили и в дальнейшем будут жить вместе. Нас связывает не только одна земля, но и родственные узы и взаимное уважение...” С отеческой любовью Патриарх всея Грузии **Илья II** обращается ко всем людям земли, чтобы были приняты все возможные меры для прекращения вмешательства посторонней силы и кровопролития в Абхазии.

За весь период войны духовенство Абхазии ни на один день не оставило свою паству. Вместе со всем грузинским населением оно переносило все тяготы и под конец вместе с ним преодолело заснеженные перевалы Сванети...


В журнале опубликованы письма грузинских монахов, которые повествуют читателю об их переживаниях. Здесь же опубликована беседа с настоятелем Абхазской епархии, архиепископом **Даниилом**.

Из прошлого... Читателю предоставлена возможность ознакомиться со статьей усопшего Католикоса-Патриарха **Амвросия Хелая** “Научная полемика с великорусскими бюрократами,” под заголовком “По поводу статьи “Голос из Сухуми” (газ. “Колокол”, №45, 1906г.), перевод Нугзара Папуашвили. В статье говорится о поразительном сходстве методов агентуры империи с сегодняшним днем. Хотя это логично: история умеет повторять свои уроки.

Статья исследователя Соломона Лекишвили “Общество восстановления христианства на Кавказе - по поводу происхождения национальности мурзаканцев.” Автор анализирует деятельность и отчеты этого общества, в которых указывается принадлежность мурзаканцев к грузинской нации, отмечает, что руководство этого общества считало своей моральной обязанностью дать точную информацию об обстоятельствах, сложившихся в этом уголке Грузии, как духовенству, так и государству. Нет никакого основания обвинять это общество в грузинском национализме, т.к. его задачей и первой целью являлась преданность правительству, а не защита интересов каких-либо регионов и народов.

Заключительная часть журнала посвящена материалам церковной жизни - письмам, обзорам, информациям.





J V A R Y V A Z I S A

The present issue of the journal is fully dedicated to Abkhazia... The ancient Georgian land, where the Christian cathedrals and prayerhouses exist since the first centuries, AD... They are built by the Georgian Christians. This part of Georgia like the rest of Georgia, witnessed a lot of disasters for centuries... Its rich, fruitful soil, mild climate and the most beautiful sea coast permanently attracted the states, tribes, peoples from the far away lands or places around our country. They constantly drew closer to our country and managed to invade and settle down on its territory during the most difficult periods in the history of Georgia. This process became more intensive in the 17th-18th centuries. Just in this period the invasion of various tribes from the north Caucasus took place in this part of Georgia. After the years and decades they were gradually mixed with the local population and are called Abkhazes. A lot of them, for instance, the tribe of Apsua do not call itself Abkhaz even today, nevertheless considering the land itself to be their native one. Georgian people, those who are true, ancient abkhazes, never argued with and persecuted them, always sharing hardships and happiness with them. Only since the second half of the last century, when tsarism dominated Georgia, the slow process of contradicting Abkhazes (we use this term in a recently acquired sense now) with Georgians began, which finally ruined the well-being of the two peoples living on the same land.

Herewith, under heading "Letters, Epistles ..." the letters of His Holiness and Beatitude ILIA II, Catholicos-Patriarch of All Georgia, to His All Holiness BARTHOLOMEW I, the Ecumenical Patriarch, His Holiness ALEXY II, Patriarch of Moscow and All Russia, His Holiness JOHN PAUL II, Pope of Rome, the Secretary General of WCC - Mr. Emilio Castro; Secretary of CEC - Mr. Jean Fischer, Secretary of UNO - Mr. Butros Butros Ghali, are printed. His Holiness and Beatitude ILIA II appeals to them to raise their voice against Abkhaz separatists and the terroristic gangs invading from the territory of the Russian Federation, aspiring towards violating the territorial integrity of the sovereign state of Georgia. They do anything to reach this goal, killing the peaceful population, plundering families, burning houses, raping women.

His Holiness and Beatitude ILIA II warns everybody, that this process may embrace a lot of countries in the world, asking them to offer up prayers for peace and well-being in Georgia. These letters were written during the pre-war period. Since then the permanent bloodshed has been seized by the attempts of the Georgian government, but the strained and conflict situation still exists.

The article written by the Archbishop Anania Japaridze, "Abkhazian Diocese", tells us about the history of Christianity in Abkhazia, which is closely and directly linked with the history of the rest of Georgia. The centuries old way passed by the Christian Abkhazia, as an eternally inseparable part of Georgia.

Several articles are printed under the general title "Lord, Grant force to our Nation". Here we see one part from the book written by the great Georgian scientist Pavle Ingorokva - "George Merchule". For a long time, for years, the

Georgian scientists had no right to write truth about Abkhazia. The communist system struggled against it categorically. Pavle Ingorokva was the first person, who raised his voice and said truth about Abkhazia, that Abkhazia is Georgia, Abkhaz is Georgian. A lot of opponents appeared to the great scientist, at the time, but the time has proved his truth. The extract is rendered thus: printed in the journal tells us about the origin of the word "Abkhazeti". The author remarks, relied on the foreign sources, that Abkhazeti was the synonym, firstly of the West Georgia, later, after uniting Georgia, it was used as a synonym of the entire Georgian state. The scientist proves, that not only in the 8th century, when "the Kingdom of Abkhazia" was established, but during the period of the old history, ancient and medieval period it was populated by the Georgian tribes – Abkhazes. In this article the author deals with the old Georgian church writing. According to his research works, the kingdom of Abkhazeti was one of the centres of the Georgian church writing, as well as hymnography. The author speaks about the reformation of the church of Abkhazeti and generally, about the measures taken in the church at the time.

It is difficult to assure the people, who have lived on this land for several centuries and considered it to be their native land, that the real Abkhazes are quite different people, and the people called Abkhazes are quite different nowadays. The articles written by the professor Alexander Oniani and the refugee (together with her family) writer Tsiala Ardashelia: "Who Are the Ancient Inhabitants of Abkhazian Land" and "Abkhazia Does Not Exist Without Georgia and Georgia – Without Abkhazia".

The map of Caucasus in the first century is published in the journal, which was made after a ruler of a state in the Asia Minor – Plinius, under the order of the Roman emperor. In the encyclopedia written in Latin, he pointed to the area, where the Absua tribes lived, not at the Black Sea coast, but far from it – in the north Caucasus, to the north – on the valley, in the region between the rivers Tergi and Volga. He wrote, that Absua tribes lived in the neighborhood of Scythian tribes. In connection with this, the commentary written by the professor of philosophy – Deniza Sumbadze is printed in the journal. The author thinks, that the articles written by Natela Popkhadze on Plinius' notes about the Abzoa (Absoa) need a special attention from the specialists.

Under the same heading, the journal offers the article, written by Prof. Mariam Lortkipanidze, to the readers: "Church Reform In The Kingdom of Abkhazes". Reviewing the church reforms, which took place in the kingdom of Abkhazes for the centuries, the author remarks, that the Georgian church always stood for the kings in their great national activities to unite the Georgian countries (including Abkhazia) as one state. The church was a main ally to the central authorities.

Akaki Bakradze – a writer, a historian, reviews the function of Bichvinta, as a church centre of the entire west Georgia for centuries and remarks, that even at that time, when the Georgian kings fought against each other, they still did not forget, that they were the children of the united country, nation and the church. The author finds, that a Georgian man is to be aware of the fact, that Abkhazia is the native territory of Georgia and an Abkhaz is a Georgian. Everybody has to be together in this point of view. He remarks, saying "The Georgian church can play a key role in this respect".

George Sharvashidze, the son of the last prince of Abkhazia had to live in Georgia, troubled by the enemies. The material about the writer George Sharvashidze is printed in the journal, his photo and one poem.

There are cathedrals all over Georgia ... including Abkhazia, being one of the richest ones.

From the very first years of Christianity, a lot of large or small prayer houses were built here. Academician Vakhtang Beridze tells us about these cathedrals and prayer houses, as well as, about the mural paintings, which have been kept in there – "Cultural Monuments in Abkhazia". Dimitri Tumanishvili – "Christian Cathedrals in Abkhazia", Inga Lortkipanidze – "Bedia, Likhne, Bichvinta", herewith the article by Elene Machavariani – "The Illustrated Gospel from Moqvi" is printed.

"At The Map Of Abkhazia" – the author Prof. Zurab Chumburidze. The samples of the geographical names are reviewed in the article. The main part of the geographical names are Georgian. The author draws a conclusion, that Georgians are the only ancient native inhabitants of the Abkhaz land.

The Ilori cathedral of St. George was of special importance to Georgians since the ancient times. A lot of miracles are ascribed to this cathedral by the local inhabitants and the believers. This time it is on the territory of Abkhazia. The article by the ethnographer Nino Abakelia - "Ilori St. George and the Faith-Imaginations Connected With It In West Georgia", is printed in the journal. The author reviews the existing faith - imaginations about the cathedral, hoping that the great patron of Georgia St. George will reestablish truth and peace on this suffered land.

The article "Historical past of Georgia-Abkhazia In The Abkhaz Historiography", the author of which is native of this part of Georgia, researcher Zurab Papaskiri. He writes on the basis of foreign and Georgian sources, that a special attention was paid to falsification of the history, in the international, endless anti-Georgian campaign, which took place for years. The author remarks, that falsification of the history generally became a state policy, particularly during the last years. He enumerates the whole number of the authors of false works, who finally initiated the enmity and hatred between the friendly people living on the same land, such as: Ashkhatsava, the Voronovs, Gulia, Inal-Ipa, Lakoba, Turchaninov, Rostovtsev etc.

Theology - under this heading we offer the article by professor Damana Melikishvili "John Divine philosopher, named Petritsi - The sun of Georgian Language".

Poetry - under this heading the poems, written by 10th century hymnographer from Abkhazia - John Minckhi. is published.

The appeal of His Holiness and Beatitude ILIA II, Catholicos-Patriarch of All Georgia, is printed in which the following is said: "For centuries we and Abkhaz people lived together and shall still live. We are linked not only by the same land, but kinship and mutual respect." He appeals to all with fatherly love, to do their utmost to stop the external forces and bloodshed in Abkhazia.

During the whole period of the war, the clergy of Abkhazia did not leave their flock for a single minute. They suffered together with the entire Georgian population and finally passed the way through the snow-capped mountain chains of Svaneti, together with them.

The letters written by the Georgian hieromonks, in which a reader will feel their pains and sorrows, are published in the journal.

Herewith the interview with the head of Abkhazeti diocese Archbishop Daniel. is published.

From The Past - the reader can be acquainted with the article by the late Catholicos-Patriarch - Ambrosi Khelaia - "Scientific Polemics with the Velicorussian Bureaucrats", under the title - "Because of the Article - "Voice From Sukhumi". The article was translated by Nugzar Papuashvili. It surprises us by the similarity of methods used by the imperial agents with the present - day ones. Though it is logical: historical experiences are repeated.

The final part of the journal is dedicated to the materials of church life - letters, reviews, information.



შინაარსი

შენ გეაწვები	4
წერილები, ეპისტოლეები სრულიად საქართველოს კათოლიკოს-პატრიარქ ილია II-ისა: კონსტანტინოპოლის - ახალი რომისა და და მსოფლიო პატრიარქს, მის უწმიდესობას - ბარტოლომეოს I-ს,	
მის უწმიდესობასა და უნეტარესობას, მოსკოვისა და სრულიად რუსეთის პატრიარქს - ალექსის,	
მის უწმიდესობას, რომის პაპს - იოანე-პავლე II-ს,	
ეკლესიათა მსოფლიო საბჭოს გენერალურ მდივანს, მის აღმატებულებას, ბატონ ემილიო კასტროს,	
ვეროპის ეკლესიათა კონფერენციის გენერალურ მდივანს, მის აღმატებულებას, შან ფიშერს,	
ცხუმ-აფხაზეთის ეპარქიის თხოვნა გაეროს გენერალურ მდივანს, მის აღმატებულებას, ბატონ ბუტროს-ბუტროს ბალის	7
მთავარეპისკოპოსი ანანი (ჭაფარიძე) - აფხაზეთის ეპარქია	11
პ.ინგოროშვილი - წიგნიდან „გიორგი მერჩულე“	20
ბ.ინანი - ვინ არის აფხაზეთის მიწის უძველესი ბინადარი	26
ც.არღაშვილი - არ არსებობს აფხაზეთი უსაქართველოდ, არც საქართველო არსებობს უაფხაზეთოდ	34
ლ.მენაბდე - ქართულ ლიტერატურულ ცხოვრებაში...	41
ნ.ფიშერსი - აფხაზი აფსუა არ არის, აფხაზეთი აფსნი არ არის	42
თ.მიჩაშანი - ვინ არიან აფხაზები?	46
მ.ლორთქიფანიძე - საეკლესიო რეფორმა აფხაზეთს სამეფოში	51
ბ.ბაბაძე - ბიჭვინთის სახელით	55
xxx გიორგი შარვაშიძე	59
მ.ბერიძე - კულტურის ძეგლები აფხაზეთში	62
დ.თუშანიშვილი - აფხაზეთის ქრისტიანული ტაძრები	67
მ.დიდუშვილი - ძველი გაგრის ეკლესია	70
ე.მაჭავარიანი - მოქვის დასურათებული ოთხთავი	72
ზ.ჭუმბურიძე - აფხაზეთის რუკასთან	74
ნ.ბაბაძე - ილორის წმიდა გიორგი და მასთან დაკავშირებული რწმენა- წარმოდგენები დასავლეთ საქართველოში	77
ი. ლორთქიფანიძე - ბეღია, ლიხნე, ბიჭვინთა...	80
ზ.პაპასკირი - საქართველო-აფხაზეთის ისტორიული წარსული აფხაზურ ისტორიოგრაფიაში	86
დ.მელიქიშვილი - იოანე საღმრთო ფილოსოფოსი, ზედწოდებით პეტრიწი - ქართული ენის მზე	91
ივანე მინჩი	100
ილია II, სრულიად საქართველოს კათოლიკოს-პატრიარქი - საქართველოს უძველესი სამოციქულო ეკლესიის სახელით	102
აფხაზეთი... უფალო ძალი ვრსა ჩუენსა მოქც...	
თ.კობალაძე - დმერთო, შეწვენასა ჩუენსა მოხედენ... (ქართველ მღვდელ-მონაზონთა და მორწმუნეთა წერილები ომის შთაბეჭდილებებზე... წიგნის დასაწყისი)	106
კათოლიკოს-პატრიარქი ამბროსი ხელაია - სტატიის გამო „ხმა სოხუმიდან“... თარგმანი ნ.პაპუაშვილისა	155
ს.ლემიშვილი - კავკასიაში ქრისტიანობის აღმდგენელი საზოგადოება სამურზაყანოელთა ეროვნული ვინაობის თაობაზე	161
საეკლესიო ცხოვრება	164
რეზიუმე რუსულ ენაზე	177
რეზიუმე ინგლისურ ენაზე	180

წ ფ ჟ წ ზ ვ ბ ვ...
ღ ყ ჟ წ ზ ო
ძ წ ზ ვ ვ კ ს წ
ჩ ზ ვ ჩ ს წ მ ო ვ დ

ჟურნალი დაიბეჭდა აფხაზეთის ავტონომიური რესპუბლიკის უმაღლესი

საბჭოსა და მინისტრთა საბჭოს ფინანსური დახმარებით

დაბეჭდა ფირმა „რიზო“-მ

ქ.თბილისი ხეთაგუროვის 26

რედაქტორი: თინათინ კობალაძე
კონსულტანტები: მიტროპოლიტი კონსტანტინე და მთავარეპისკოპოსი ანანია

საქართველოს საპატრიარქო
თბილისი, 1995წ. ერეკლეს მოედანი 1. ტელ. 93 26 34
Джвари вазиса (Лозовый крест) №1 1995
Грузинская Патриархия.
Тбилиси, пл. Ираклия 1
JVARI VAZISA (The Cross of Vine) N1 1995
Georgian Patriarchate Tbilisi 1, Erekle's square

ქართული ანბანი

ა	Ⴀ	Ა	a	1	ს	Ⴁ	s	200	Ⴂ
ბ	Ⴀ	Ბ	b	2	Ⴃ	Ⴃ	t	300	Ⴃ
გ	Ⴁ	Გ	g	3	Ⴃ	Ⴃ	y		Ⴃ
დ	Ⴂ	Დ	d	4	Ⴃ	Ⴃ	u	400	Ⴃ
ე	Ⴃ	Ე	e	5	Ⴃ	Ⴃ	p	500	Ⴃ
ვ	Ⴃ	Ვ	v	6	Ⴃ	Ⴃ	k	600	Ⴃ
ზ	Ⴃ	Ზ	z	7	Ⴃ	Ⴃ	ch	700	Ⴃ
თ	Ⴃ	Თ	t	8	Ⴃ	Ⴃ	q	800	Ⴃ
ი	Ⴃ	Ი	i	9	Ⴃ	Ⴃ	sh	900	Ⴃ
კ	Ⴃ	Კ	k	10	Ⴃ	Ⴃ	č	1000	Ⴃ
ლ	Ⴃ	Ლ	l	20	Ⴃ	Ⴃ	c	2000	Ⴃ
მ	Ⴃ	Მ	m	30	Ⴃ	Ⴃ	z	3000	Ⴃ
ნ	Ⴃ	Ნ	n	40	Ⴃ	Ⴃ	ç	4000	Ⴃ
ო	Ⴃ	Ო	o	50	Ⴃ	Ⴃ	ç	5000	Ⴃ
პ	Ⴃ	Პ	p	60	Ⴃ	Ⴃ	x	6000	Ⴃ
ჟ	Ⴃ	Ჟ	j	70	Ⴃ	Ⴃ	q	7000	Ⴃ
რ	Ⴃ	Რ	r	80	Ⴃ	Ⴃ	q	8000	Ⴃ
ს	Ⴃ	Ს	s	90	Ⴃ	Ⴃ	h	9000	Ⴃ
ტ	Ⴃ	Ტ	t	100	Ⴃ	Ⴃ	ω	10000	Ⴃ

